





中華不刊之書
借御石文集介紹以明
君見家書行合曰正
有不止者在宗廟
藏書之

364101 V.1



2025 RELEASE UNDER E.O. 14176





何中寰文集序



侍御中寰何君既卒之
十年不嗣庠生稽曾持
侍御君文集介以伯父職方
君見寰書眎余曰已弟也矣
有不亡者在家藏手墨若



平寔宛然馨款也既剗刷
至惟知己者教之值余病不
能肅宿歲解如以榻一漬又
再四漬不能釋手乃嘆口中
州自大復後又見一何至是
可傳吾獨悲夫斯人也僅

以文傳萬曆癸未君以進
士令曲沃曲沃之政甲三晉
欲施及曲沃外弗能時余在
考功署上之既入為御史按
畿輔諸吏凜々奉法恒山
以南恃為祗席頭及河朔向

弗能已按山東未報

命尋以二千石守太原友神
龍之為雲雨也不編九域
不止太原印首郟晉陽即
大藩視燕趙齊魯不益
隘守君不消太原隘也提

象提危皆用全力是象
余撫三晉得與君朝夕法
所施設宜和頽之先是
幸已浚官倉歲出陳以易
新也守令以多予市息繼
之者以傳催市息三晉諸

郡邑獲逋至五十餘萬監
司緩更代若四閩余嚴督
之皆安庶弗為理若首倡
太原及三閩一舉遂寔者
六萬有奇余以例法郡邑
諸郡邑愧懼得十七萬比

余離晉日收逋負銀三十
萬若之少也罪贖之沒凡
以積貯春夏折銀備秋糶
也故單以步穀名後坐變
為銀而度慮如虛矣余復
令輸穀太原四時皆穀

於無步其積貯視河東倍
寫宣夏之變震隣孔棘
若漢戰守具甚核至六
遁甲無不精詣沒時劉東
犯不能一偏老一步至余春
秋兩度視師雁宣而若居

守晉陽張威武陰伏核可安
攘之略慮及米鹽余於若
心指星流若二設然無難色
乃知若儒將也而將弗如其
深吏也身帥者勤又有百
責心同銘諸座右以示所部



所部吏奉行惟謹當是時
予置在春臺民懷吏畏余惟恨
七郤不為太原也明年察在
廷諸臣主壽者謂君為御史
多言以浮躁左遷判宣州
繼知完縣竟卒於完縣吏

天生大器代不二三印人之效
所志猶嘆乏才奈之何君
以完歿也以君之才俾列八座
馭九夷偉後光明事業當
必烜赫人代間造物者何不保
生之而不難棄之邪余晝

知君在太原尤稔知君故於志
傳所未及者一為表著君
君之居官不盡所長知君之
所長不盡於文故於文中序
之若君之文表之簡冊間在
一世則天下傳在世之則後之

天下傳無俟余言之贅也
也
萬曆丙午孟冬之吉宣
陵呂坤書



中寰集序

明興建旗鼓中原為海內嚆矢則
李獻吉之為文章云獻吉舉關
中實扶溝人也扶之文章自獻
吉始于是海內望荆之山者悵
懷和之璞而和之璞抑必產荆



之山則余師中寰公之謂也其
先大人河間公及比肩獻吉所
為古文詞行世久其後職方君
與余師伯仲也更相酬唱爭名
其家著書盈笥且次第行蓋
海內昔重李之一令重何之三

脫並驅中原不知誰之退三舍
避也盛矣余不佞蚤喜讀古文
詞羞處人宇下然數不利有司
乙酉之役得余師拔之關中遂
魁晉省已僭計吏詣公車謁余
師邸中時且以惠文白簡擊大

中家集 前序 二
奸之蔽

主者中外懔懔然既得余慰藉甚
曰戮力博一第相與比肩天下
文章莫大乎是迨戊戌余始成
進士而余師以言去矣夫事業
文章同出潭粹併出則併至成

敗利鈍所不問也余師長軀玉
立目光如電喜振拔湮滯所遇
罔直道脂韋羞與共北面焉以
故不盡遇合然事業絀而文章
伸身隱而名益著百世而下知
余師也長矣余每憾

國朝設翰館拔質有文學之士讀
中秘書網固恢恢也而獻吉不
與焉且橫被萋菲幾以其身殉
士之生前故未可倪也至屈指
肅皇帝朝以弘文勁節顯者有出
獻吉右乎余師與獻吉同里其

大畧尔相肖似令其父行矣其
心事皎潔勲猷彪炳亦以蓋棺
之後而盡諒于天下矣自此而
往其有追獻吉者當以余師為
之續其有不泯獻吉之父與節
者當以余師為之媿余于中州



得二氏馬顯晦屈伸總之乎不可知也後死者亦如是而已

萬曆丙午春三月之日

賜進士出身承德郎戶部雲南清吏司主事門人王宗賢頓首拜

撰



刻中家何先生集叙

士君子樹駿流鴻為萬世規者有三曰德行曰政事曰文學德行言乎其操履也政事言乎其設施也文學言乎其蘊藉也然而操履純全厝注必當設施臧



美蘊蓄必宏未有胸羅今古言
根理道而持身不稟倫常厝施
不協機宜者聖門列為三科居
德行不以政事稱居政事不以
文學稱蓋難全哉人而有一於
此足以垂令譽矧三者兼乎余

讀中寰先生集而核其行蓋兼
三者而有焉辛卯歲先生按部
充東檄郡邑諸生集闕里鎖圍
嚴試拔其尤數十人儼然進於
堂而面訓之先生粹然和悅溫
詞婉語闡發聖賢奧旨諸生拱

立而承聽焉若坐春風中曾不
知身繡之相臨也者東人士僉
謂先生文學宗匠私心竊嚮往
焉越十年辛丑余以絕私擯囑
不諧南俗調扶溝扶溝先生之
鄉也

命下之日深自喜曰余素景行
先生茲往也先生嘉言善行其
得耳而目其詳乎携兩僕單騎
之任先生兄見寡先生暨諸郎
君一見如舊交儼然先生之丰
度也邑父老靡不嘖嘖稱先生

大都謂先生少負奇資氣節凌
霄漢遇事敢言不與時浮沉天
性篤孝奉嚴慈盡志盡物務求
得歡心事兄執禮甚恭無巨細
事必稟命不私於財家庭循古
禮門以內有雍肅風刊崇儉錄

與鄉人約止奢服食交際一歸
於朴立義倉儲粟賑濟由本族
及親鄰靡不沾惠時值瘟疫備
藥設局擇醫以調病者全活數
千人修葺學宮殿宇廊廡煥然
一新建橋於惠民河上通往來

民不病涉余曰先生居鄉若此
德行其可法乎又謂先生仕曲
沃有山泉可溉田千頃鄰民日
爭訟鑄鉢盆分三孔下洩而利
迺均歲大侵殍殮載道勸好義
家貸粟以濟饑者設粥廠食他

境流離人多感恩不忍忝立慈
幼局收養遺棄小兒全活數千
人其守太原也民租解府賠累
作歛解法棟官就近收受即輸
於邊不由府省費巨萬時有妖
言聚衆謀不軌設法殲其渠魁

餘黨悉散完有水稅苦京猾重
科迺藉歲額起解不令京役擾
民完地瘠賦倍他邑為之調均
糧法歲省數千金余曰先生歷
任若此政事其可法乎夫鄉有
典刑民之法則先生德行政事

純美不登俎豆民將何覲力請
於督學吳公公素重先生之德
望也移檄入祀鄉賢先生芳績
得與聖賢並不朽暨而嗣君出
先生章奏詩文示余披讀數日
卷迺畢又自喜曰東人士素重

先生文學讀是集果然建儲疏
為國家計根本科場疏為國家
蒐真才劾權璫辯誣金鋤奸植
良何其勁也救荒弭盜有議驛
傳鹽法有議非周知世故不能
矣至於對時興詠觸事瀉懷又

皆天然蒼古亡雕琢其為文也
贍而莊雅而有體所稱有用之
文章非耶先生探玄抉微深解
理窟詩文俱足名家惡可不傳
嗣君彙成帙付剞劂氏余素景
行先生叙其畧於簡端蓋曰是

中家集
清
集也寧惟覘先生之文學是德
行所宣洩而改事之精華也聖
門之分列先生之蕪全也後之
人誦法而興起可以作忠義可
以濟時艱有裨於世道詎不鴻
遠乎哉

賜進士出身
勅授階文林郎知扶溝縣事琅
邪洪良範撰



刻介弟中窠集序

兄職方圖撰

文章發乎性靈而與精神相流
故可以辨罔直卜顯晦稽修短之數
蓋取衷之旗而還質之曾百不一失
初余弟之少也日頰首經訓而竊私



為韻言輒有警句每沾沾自好余亦
之也下其顯既逾壯不售答之者曰是
夫濫瀛閩之莖而猥以干世其操未泮
漫之技與子父舉不任菽粟矣夫詩
三百篇洋洋大音也馬負龜呈寶唯
元本典謨訓誥帝王經世之女備左

氏以一代良史翼聖經二載推禮
弓之女過葵鼎茲莊生所稱周徧
咸者人特未窺其畔耳安見少陵
青蓮之不為晁董而屈宋班馬別
蹊徑于程朱耶則余弟能自信而
益肆力所嗜久之觸景成編庶苟



漸盈或浸假而登作者之堂亦未可知也顧能無溷本業博一第為柱下史方章符余所夙卜無幾何嘗見斥竟阨抑而卒于官賈傅長沙魯連蹈海百世而下誰問獨醒乎蓋才者天地之精英易榮易瘁也

或又芝菌偏瑞麟鳳紀祥造物者固忌多取與余弟之賦才天也其阨于遇亦天也與其阨之何若勿生既以生之何又阨之則所謂即其父而識修短顯晦之數至斯殆不可解已當余弟之罷諫也媒孽者曰是險而善蓋

中興集 前錄
卒未有以白也是能進而不能退者也以其身為狗嗚呼不知其人視其言茲其言具在可樂生平獲罪之繇詳于赤牘邁軸之致形諸詠言余弟已矣直之何報枉之何懟直耶罔耶付之天下萬世而已矣余又聞父

章為不朽之業是刻成而不朽者又在其得當與否不可知亦不敢知倘可供大鼎一戩將使無涯之智結為大年何晦不顯何短不修哉彼趙孟者石火耳隙駒耳死則死者也然則余弟之所得者多矣

中寢集前錄
卷之一
五言律詩
署中見馬
夢遊山成詩覺而能識
見梅寄兄
菊月初奉遲買珍字年丈
次安肅遇兄

中寢集目錄

卷之一

五言律詩

署中見馬

夢遊山成詩覺而能識

見梅寄兄

菊月初奉遲買珍字年丈

次安肅遇兄



別兄

和李溫甫雨後邀遊池亭

輓襄陵蕭明府還葬山東

晚發叢臺驛二首

秋日書廣武公署

入山遇雨時往閩邊關

過令公舖

南嶺

北嶺

保定楊大將軍見候詩以勉之

奉慰傅約齋道長請告

次寧晉候代

三月十七日漫題

都門喜季太史見過分韻得文字

晚從南池登太白樓四首 有引

聞會見邊兒同入鄉校

題河橋別墅

題城隅別墅



郡齋得酒

晉陽無蟬

得家兄內補消息

次南關驛和王柱石清明日韻

初下太行抵萬善驛

喜姪武來迎

寧郭阻雨

寅文武趙良劉四君子遣使視余渡河書此
以報

寄謝晉中諸屬

寄謝諸路別駕

東門泛舟

歸鶴堂遇雨

過漁村別墅有感二首

病中謝邑大夫劉成吾勸駕

夢入都門紀事

次孫生志喜

步月述懷



將趨天津寄兄四首

送武鳴兩姪應舉

勉姪武應舉嗣先公勉子詩韻

勉子曾選應舉

將赴曲逆病不呆行書寄劉簿

舟過大任

五日舟次天雄

寄路生太玄

李繼平年丈祀典成其子走千里相謝作此

以逸之

聞柱氏孔偕堂成

遣子入都

夢遊魯巷書舍

口號寄兄

桑溥

寄張子語

李子規

郭生



晚霽

小寒食三首

澄姪冲弱一聞里選輒能輕千里就試心竊
壯之賦此示勉

書空

題東門池圖

都門送姪武南旋

借計北上留別里人嗣述者韻

嗣韻留別家兄

寄懷杜默蕃兼呈天中可山諸君子四首

五言排律

閱武倒馬關四首

十宿軍城

登插箭嶺敵臺

春日過楊中丞別業

春日留別楊純菴

送大司馬鄒公經畧關西

小寒食抵家寄謝晉陽諸君子



臘日

都門送李伯實分教商丘

壽晉封張大翁八袞

初晏喜雨

卷之二

七言律詩

閩平陽府城同和明府登明德樓

秋官郎董梁雄以諫遷上谷有詩

和題武安君侯祠 寄兄

送和龍川內召

重九前一日送王右山歸杞

春日絳州登會仙樓

九日冀城阻雨喜雪年兄見招

登岳陽東山觀聖泉

登姑射山絕頂有懷外舅劉公公駟人嘗守

南康號姑射山人

王龍塢年丈悼內詩以慰之

過鼓堆泉喜絳大夫見招



開絳州城東張大夫

趨役棘園次介休

簾內值中秋雨霽

重陽日較錄棘園晚同孫明府登明遠樓

閏九日送六孝廉北上

聞喬明府內召

入姑射澗三十里晚宿寬水峪

送絳大夫晉秩魯相

九日登潞公臺東賈年丈

九日風雨歸署得舍姪家書

五日聞長子有警

夏日同黃比部登翼城南樓二首

和黃比部登翼城南樓韻

入觀北上蚤度冷泉關

次鄴都得家兄捷報

過汝州呈淡源陸年丈

夏日登喬山絕頂禱雨黃帝行祠

後二日喜雨大澍



初秋檢災經對質山絕頂

月夜次解梁

雪霽入浮山時奚明府考績

除夜有懷時家兄候銓

秋日復登絳州城樓座中四廣文在焉口占

呈尹大夫

邢明府有約作此促之

午日如翼卜心虞招飲潞公臺

春日送太原吳中淮明府督學山東

送同寅王少尹之任大梁

翼城道中逸兄歸長子

中秋見月次李兩山韻

送清澗張太府治兵潁上

雨中過裴晉公祠

得孫毛留書賦此寄意

過裴翁祠

任沃先一日宿神祠

冬夜同獻明飲士登公署



春日赴 內召話別曲沃

次霍州呈吳大夫

護送 潞藩就封舟中溘蕭司馬宋中丞二

首

舟行登大伾山坐中呈蕭宋二公

舟中遇風移時乃定交筆東宋公

過廣宗先大人嘗令於此感而有作

過寧晉嘲王程石年丈銜 命過里

次長垣逢崔薇峯出按甘肅

次東明望黃河有感

閩開州城

登大伾山

將發魏縣

孟冬日送離臺龔潤寰南巡梁宋

送門生盧進士試宰夏邑便道省親

謁韓魏公祠走筆嗣陳五嶽韻

長至日雪霽渡滹沱將次深州

閩深州城父老請檄增築書勉林守



除夕有懷中丞宋公

歲庚寅以元日立春試筆隨占成韻

謁魏鄭公詞

次獲鹿東井陘顧兵憲

井陘道中謁淮陰侯祠

晚過連珠洞

春日過宮保梁公別墅

題署左小圃

登天寧閣

春日陽和樓留別宋開府兼勉恒陽諸君子

再逢襲子才

七夕別家

過鄂王祠題壁

過河間再遊一鑑亭有感

過長子嗣家允韻

附家允原詩

長平驛嗣韻留別家兄時聞驚報

附家兄原詩



遊發鳩山觀漳源二首

送吳吉夫廣文之西平

舊甘肅開府張公周田以詩見懷敬嗣來韻

二首時甘肅有警因及之

元旦試筆是日免朝

送王大夫之官忻州兼寄令弟令郎大雅

送何克齋侍御謫武昌

次星輶驛

過宛干城

夜雨獨酌時按兗州

遊古南池二首

曹漢道中喜逢連少嵩年丈過家賦此時連

將按畿南

旅情次宋中丞韻

晚同恤部陸浚源年丈遊大明湖

九日

觀趵突泉次宋中丞韻

聞太原報蚤發濟南



菊殘遲友

秋思效鄮梅麓體

得太原檄

將之太原

家兄便道過里同謁墳墓

次盤沱嗣家兄韻

附家兄原詩

送毛刺史之蘭州

初秋聞寧夏有警

初秋郡齋小述

別晉陽

別開府呂公

次襖亭

醉題壁壁

喜二酉樓成

送梁汲泉起守登州

生孫志喜

病起



雨霖觀水

春日送兄北上

送姪武兒曾遜同赴里選

得完縣消息座中和鳳來年丈韻

完人來迎走筆書空

將赴曲逆和李伯實贈行韻

甲午中秋有懷蔡心可劉濟滄二君子有引

乙未元旦

元夕和杜侍御西泉韻

黎陽登舟忽憶 潞藩之役悵然有感

舟人回寄寄史二明府

舟過天津書此報兄

次涿鹿將抵曲逆

老婦嘆

答老婦嘆

龔潤蒙年丈以詩見寄嗣來韻

秋夕喜陳大酉年丈見過

兄誕辰有感



秋日懷嚴雲岑道長

曲逆秋吟四首

中秋寄兄

謝江誠字年丈見慰

寄謝山東五進士

聞郝方岳中巖誕子

得杜侍御西泉論文書賦此寄懷

得蔡心可年丈書

送熊月陽還京

懷申玄渚年丈

寄賈珍字年丈

聞張會長重爾應舉

丙申誕辰

郭烈婦

東唐邑孫明府

侍御喬公枉道見過余病甚伏枕賦此志感

霽月

話舊懷王柱石年丈二首



客話曲沃

懷鄉秋吟呈大中丞文麓鍾公四首

夜坐二首

丙申九日是歲閏八月

雪中感清冷朱年丈見過

送錦衣姪鶴齡歸里

得家兄手書見懷用嗣韻

附家兄自都下寄詩

聞家兄 飲謫

述懷

夏日登完城

述懷

送枉馬二進士借計北上

送兄南還

勉曾遜二子同應鄉舉

卷之三

七言律詩

雪霽過蘆溝橋



寓都中寄姪武

和玉河春水之作應制

送季兒虞出使遼左

早朝侍班

扈從 謁 長陵

端午 賜扇

五月廿九日述懷東亦卿季太史

送侍御去華年丈謫南海

賦得別鶴吟送孫印池之任儋州嗣來韻

春杪逢密雲使者寄懷別駕胡公兼呈蓮春

年丈

宿橫嶺關

過韓侯廟嗣韻

清明日述計部尚書郎呂公還朝

秋日聞赤城尹公子捐館還葬瑯琊賦此以

哀之

壽詩二首

寄豫原劉公一首



秋日梁園卽事六首

聽話金山

題杜氏野堂時渠舉子

齊隱翁詩爵

劉司寇之舟有作因步其韻

遣二子從學有感

別墅端陽日醉後柬王君

哭太學李生妻何烈婦

別墅獨射寄懷許生河洲

喜惠民橋成

涉淇

次蘆溝

試官西省卽事

七言排律

秋日同千兵憲閱武黃寺山口

春日夢遊神京輒用七字句述懷

壽章

五言古



入觀回將抵曲沃

過古添園有感

漳決魏邑成安與魏接境水旱相半也至邯鄲而旱甚感而有作

澤州城樓別濕川殿下

別門生苗孝兼

別洧陽小隱有引

哭李太史晉城年丈

喜邊師大捷應制

還家表

七言古

清明日晚發都門話別家兄

春日過銅雀臺

秋月行交筆柬李溫甫

喬山行

冀州行

長平驛

五嶺山行

中山歌寄謝涿川道友

校筆行

晚過于賢祠有感

題楊東陵九十壽圖

太婦辭遠太華年丈謫南海

將渡河示姪武兒曾遜

世節行

荆璞行

雪夜飲劉司寇宅

姜生卜居

越溪吟

行路難

雪夜讀石孔山人六疊歌

雉壇行下第後重與諸友結社

漁村話時扶溝被水

五言絕句

九日二首

發定州四首

覆觴口號四首

玄偈六首

燕中懷古三首

六言絕句

午夢二首

不寐二首

題城隅野居四首

題小畫四首

七言絕句

題姜烈女滄岸手跡

杪秋述懷四首

按大名諸郡邑每詢父老輒有耳之心悻者
欲代之鳴未能適摩聞有畏言十首元洲
公嘗從而和之因嗣其韻

渡漳河時家兄令長子是為漳源

夜烏啼

過清華鎮

次武陵



抵家

初抵家園賞菊四首

見市老馬二首

嗣韻送兄之任職方

附家兄原詩

得寧夏捷音再嗣韻

附家兄原詩

次權店和遂渠韻

醉後再步前韻

將抵家謝鄢中諸君召

逢劉生

歎乃曲六首

木蘭祠賽神曲十二首 有引

庭栢八詠 有引

經杜冢南墓二首

夢身為老僧別家遠遊

題寺僧壁

謁阜陶祠二首



偶過鵝村

卷之四

奏疏

請開立東宮疏

劾近臣結黨欺 天賣法疏

條陳安攘大機疏

條陳科場事宜以釐夙弊疏

述民言恭請建 儲疏

再劾中官疏

條陳武場事宜疏

清理巡按舊規疏

議留寧山衛操軍疏

題風變疏

題星變疏

卷之五

奏疏

調補長垣縣官疏

調補南宮衛水二縣正官疏



報質中丞服闋疏

辯趙州失銀疏

請註銷柏鄉失事考成疏

薦舉方尚官疏

薦舉有司官疏

薦舉佐領官疏

薦舉教職疏

薦舉境內人材疏

薦舉將領疏

議薦將材疏

薦舉廢閑將官疏

表揚孝義貞烈疏

請褒穆封君潛德疏

劾禮部洩漏考官疏

擬辯外補疏

卷之六

條議

曲沃荒政十五



驛傳議十二

鹽政議一

弭盜議六

卷之七

序

重刻方畧摘要序

送張清濱入 覲序

贈崔鎮峯理郡上績序

贈許大總憲移節上谷序

贈大廷尉少臬李公壽七十序

贈別駕劉彬菴和戎受 上賞序

送平陽守張公治兵潁州序

刻馮進士鄉試墨卷序

晉薰得士錄序

送賈科軒序

奉祝元輔鳳翁張老師壽序

贈臺長劉心田考績序

送別駕馬公之平陽序



都門送狄明府之扶溝序

壽李封翁六十有三序

送費望海之衛 崇藩序

蘭臺法鑿錄序

北嶽廟集序

刻邢宗實政序

邢臺縣志序

廣平縣志序

義屏張君贈言錄序

崇雅鄉約序

刻何氏族譜後序

刻申諭錄序

鏡趙錄序

賀劉明府省臺嘉命序

賀劉明府疊荷省臺嘉命序 代作

卷之八

序

褒享錄序



曲阜縣志序

榆次李令公列祀名宦序

贈杜君拜武學司訓序

贈夏恒軒初政嘉獎序

賀郝封君壽八奏序

賀管明府膺獎序

賀張掾序

贈史胥序

記

西城察院題名記

曲沃縣宦署館記

曲沃縣公需考成記

扶溝縣貢士題名記

邑人高君源善行記

完縣科第題名記

完縣貢士題名記

傳

懿德張隱翁傳



嫂李孺人傳

曲沃賈烈婦傳

扶溝文獻小傳

卷之九

志銘

明曲沃教諭王秋潭先生墓志銘

明故湖廣穀城縣主簿洎川郭公墓暨配高孺

人合葬墓志銘

明故陳隱君墓志銘

明省察官尚谷高君墓志銘

故周母楊孺人墓志銘

明處士西渠何公墓志銘

雜文

扶溝惠民河石橋頌

題 救命碑後

何氏宗履跋

報政錄題詞

刻先君存稿再述



寤言鈔小述

扶溝水患圖說

心一居士說

太虛山人說

漢孝烈將軍像讚 有引

題本來圖讚

洎濱大父手植檜贊

武學教授杜魯菴像贊

儒醫雲林山人像贊 有引

李楓宿像贊

河西廣愛議

乞休公移

卷之十

祭文

祭北嶽文

存夫子遺像告文 有引

祭河伯成橋文

祭共世子文



祭張鳳磐元輔文

祭司寇劉公文

祭魏崑濱先生誄

祭屯留尹孫慰沽誄

祭杜桐岡文

重修李莊簡公祠告文

祭楊介菴文

沃田李先生誄

祭呂純齋文

祭封公王居野文

祭陳樂耕文

祭梁蘭溪文

祭族父近村公文

劉母黃孺人誄

祭楊太夫人文

祭陳母王孺人文

祭賈烈婦文

詔廣宗遺愛祠祭文

謂邢臺遺愛祠祭文

墓祭考妣文

受封告先人文

曲沃祭考妣文

書啓

慈寧宮成賀申相公恩慶啓

賀荆石王相公拜相啓

上坐師余公壽啓

上大座王閣下啓

上陸太史求撰 勅命啓

謝陸太史撰繪翰啓

賀朱少宰啓

上許相公啓

報劉和翁啓

撫臺壽啓

督兵進秩開府賀啓

送按君復命啓

上侯撫臺壽啓



請按臺遊景明啓

東劉司寇泛舟閱災傷啓

東黃愷部啓

送純齋民部家居赴京啓

謝按臺刻薦啓

上軍門賀啓

謝撫臺薦舉啓

謝稼部王公刻薦啓

弔侯撫臺啓

詛宋平原書

太原上當道書

答曲阜孔令書

上張晉老鄉丈書

與朱青冷書

完縣上當道書

與何杏翁平伯書

與尹春寰書

卷之十一



附錄

明貴州道監察御史何公墓志銘

明貴州道監察御史何公墓表

明何侍御行實

侍御君傳


有明貴州道御史中憲何公誄

明監察史何公誄

扶溝縣鄉賢何公入祀公移

中憲集目錄終






2025/07/26 NATIONAL CENTRAL LIBRARY, TAIWAN, R.O.C.



INTERNATIONAL CENTRAL LIBRARY THAMES R.O.C.



INTERNATIONAL CENTRAL BUREAU OF CRIMINALS





2015/08/02 NATIONAL CENTRAL LIBRARY, TAIWAN, R.O.C





中窠集卷之一

扶溝何出光兆文甫著


五言律詩

曲沃秋吟四首

大漠來秋色孤城敞素陰月寒息鶴夢風落靜琴
心誤國清談感憂時白髮侵秋思渾不任無奈發
霜砧

二

千里繁鄉夢百年此宦遊逢迎仍待旦零落不禁



秋歲月驚黃菊風塵易白頭愁看霄漢外一夜火
西流

三

搖落驚秋老登臨動客情一官渾五斗四載駐孤
城風急蟬琴靜天空鴈字橫美人何處所姑射露
華清

四

秋風千里客獨酌萬愁輕白眼看交態青雲薄宦
情兒童知面貌松柏見平生自笑非勾漏何緣近

太清

署中見鴈

未卜人南去重看鴈比來一聲春草綠千里暮雲
開不繫帛書至空排錦字回梁園子幾日飛過孝
王臺

夢遊山成詩覺而能識

寒煙迷古道峭壁掛滄洲爲愛嶒嶸色來滋浪漫
遊磯斷山仍合溪迴水亂流登臨有好興不必訪
丹丘



見梅寄兄

官舍梅初綻鄉園桃欲紅三春能幾日千里不同
風忽憶連枝冷何如紫杏濃殷勤逢驛使好寄到
天中

菊月初奉遲賈珍字年丈

景明清話後懷抱近如何別去頻君夢秋來幸我
過桐鄉宿雨霽滄岸夕陽多望望旌旄至携壺上
翠峯

次安肅遇兄

時兄入對

梁園來兄馬沃陽至第琴風霜千里面骨肉兩年
心幸不容顏改何妨歲月深明朝拜舞後取次醉
瓊林

別兄

山川分兩晉兄弟各殊方念我經年隔不辭去路
長羊腸尋亂水鳥道度夕陽一見還成別秋風淚
幾行

和李溫甫雨後邀遊池亭

遠岫收殘雨輕煙散晚陰岸頭添野色池面淨塵



心影落青山近
涵虛綠樹侵
共來尋大隱
何日起
商霖

輓襄陵蕭明府還葬山東

蕭傳出三輔
十年竟不遷
民風還太古
列宿隕中天
金闕雙鳧斷
玉樓化鶴旋
他時如掛劔
東海問牛眠

晚登葦臺驛二首

攬轡邯鄲道
凌風見古臺
武陵何處所
圖畫自天開
彩袖思歌舞
荒基空草萊
平原秋色裏
萬樹烏

聲哀

二

荒臺人去後
喬木自平原
臺上空歌舞
枕中皆夢
覓片雲歸紫岫
孤月又黃昏
慷慨惟公子
英聲千古存

秋日書盧武公署

霜暑常秋色
逢秋更索居
寒溫惟藥裹
朝暮自刑書
行厭桓乘馬
心馳張憶魚
金風吹不斷
落葉滿庭除



入山遇雨時性閱邊關

雨脚當山逐神功故洗兵旌旗震復展榮戟濕猶
明嵐吐峯多秀水生水有聲衝雲應自散削路馬
蹄輕

過令公舖

嵐開見遠岫積雪白紛紛朔氣摧殘草燕風射凍
雲秋深羽檄靖夕照戍樓曠共說山環處楊公此
駐軍

南嶺

孤嶂薄雲漢峭嶇甲大行懸身尋鳥道矯首問羊
腸怪石橫星斗蒼松掛雲霜何如九折坂叱馭愧
王陽

北嶺

亂山行欲盡峭壁復當頭路繞盤雲處人經淺澗
流蹇韓時見頂傍險不鳴騶自古摧車道男兒作
壯遊

保定揚大將軍見僕詩以勉之

將軍駐右輔天子借威靈號令驚風電旌旗耀



日星許身先赤幟報 國仗青萍願逐兀良哈復
恢北大寧

奉慰傅約齋道長請告

抗疏新脫距馳聲舊批鱗乘驄方報 主彈缺誓
歸身司馬元非渴原生不爲貪粉榆莫戀戀且暮
念 楓宸

次寧音使代

大陸饒春色孤城銷暮愁瓜期未有日蘭約已經
秋僂鳥尋江樹遊雲去海鷗落花隨旅夢夜夜滿

芳洲

三月十七日漫題

時以宋公爲冢宰

晴日當窓入虛堂散早寒春花落城曉夢鳥啼
殘臺栢初添翠庭葵半吐丹 中朝新得宰聞報
自彈冠

都門喜季太史見過分韻得文字

十年不話舊幾度恨離群借劍曾憐我揮毫獨羨
君關河屬字斷雲樹鳳池分不鄙風塵客來尋史
闕文



晚從南池登太白樓四首 有引

濟寧城頭太白之酒樓在焉下輒有澤菰蒲交翠則子美之南池云二公擅千古絕詞而此郡之遺跡並存亦甚勝地也王後軒工部拉乎過南池于回麴之登太白樓頃刻之間兩勝亦甚俯仰今古感而有作

杜老南池過後登太白樓誰將黃鶴景移向習家
遊樓月漁磯滿池雲雉堞浮蕭條千古下舉酒一
相酬

二

大雅名天壤危樓自古今津橋尋勝蹟梁月見長

吟畫棟丹青落殘碑歲月深憑高一悵望人世幾
浮沉

三

燈火滿城頭傳喧上酒樓座同工部客醉與謫仙
遊野望迷齊魯平臨見斗牛夜闌歸未得明月在
汀洲

四

棟宇千年在雲霞四望新會無華表鶴空說謫仙
人捉月身成幻如泥意頗真醉中有閨苑不必外



風塵

聞曾兒遠覓同入鄉校

五世箕裘業雙雛奮翼初雲霄期萬里燈火惜三
餘但願繩先志無徒讀父書若兒能報國慷慨且
回車

題河橋別墅

欲尋歸隱處卜築洎陽田去郭三餘里環居四是
川最宜綠竹舍好醉杏花天種樹蕪垂釣悠悠易
百年

題城隅別墅

未卜明農日先開背郭堂十年宜種樹二月可求
桑結屋依喬木栽花覆短牖閒身校老後高枕到
羲皇

郡齋得酒

不薄淮陽守爲甘北海樽三秋總臥病一醉漫銷
寬擊缶心猶壯驚寤舌尚存酒中無世味絕勝隱
金門

晉陽無蟬



中興集 卷之二
風厭新林噪今患故國聲琴中風自冷葉上露空
清應畏螿螂捕羞同絡緯鳴酸吟深愧爾潦倒开
州城

得家兄內補消息

六載河陽令才官司馬門危時偏重武隨例亦稱
恩且慰東山望來同北海樽秋深方臥病談笑且
加飧

次南關驛和王柱石清明日韻

何日清明日當休苦不休終令成市虎始去訪林

丘自昔說高蹈從今罷遠遊功名知已在付與廟
堂憂

初下太行抵萬善驛

不須悲險道山盡卽吾鄉草色鋪芳徑花光照整
塘望中人步穩隨處鳥聲長陳迹休回首迷途今
已忘

喜姪武來迎

驥子終千里吾生已倦遊甘心解組綬願爾續箕
裘晚樹花爭放春塘水漫流歡迎見小阮隨地坐

中興集
卷之二
六
消憂

寧郭阻雨

雨色迷歸路泥塗滯逐臣
誰憐鴛羽濕偏弄柳條
新泪盡關河暮愁深花鳥春
何時天日霽溱洧得
垂綸

寅文武趙夏劉四君子遣使視余渡河書此
以報

離筵重握手入夢見同心
一使黃河遠千山驛跡
深浮雲棲晚岫好鳥振春林
何日金蘭續歸鴻泪

蒲襟

寄謝晉中諸屬

共理慙終始臨歧悵別離
却將冀北使返寄隴南
枝芳樹三春杳停雲兩地思
拜州千里外目送塞
鴻遲

寄謝諸路別駕

拜州管罷郡知已在專城
驚問占交義飛書嘆世
情鴈門千里隔魚素一緘
輕莫計重逢日無心更
請纓

東門泛舟

浩蕩通澤國，涵虛接碧天。
蘭漿聊載酒，桺岸卽回船。
龍影垂夕照，鯨波漾晚烟。
蕪葭迷古渡，歸路轉茫然。

歸鶴堂遇雨

雨霽松楸暮，輕雷散遠空。
竹垂濕嫩綠，花落洗殘紅。
萬樹楓陰露，千村麥浪風。
衝泥憑杖屐，又過石麟東。

過漁村別墅有感二首

先公舊隱處，小築傍漁家。
地控三河險，門隨五柳斜。
野堂留愛日，荒徑剩遺花。
遊子廿年返，看雲兩鬢華。

二

昨夜漁村雨，烟雲散曉林。
麥搖千頃浪，竹覆數竿陰。
溪可垂嚴釣，時當投躡簪。
願言從舊隱，喜得敞廬深。

病中謝邑大夫劉成吾勸駕

捧檄知多日，彈冠未有時。
病仍抱犬馬，身尚託參



茂阮籍途窮久王陽馭故邊般勸謝使者應不負
瓜期

夢入都門紀事

江漢悲時變 朝廷厭議兵 夢隨牛馬走 直入鳳
凰城 公 國遭朋黨移官豈 聖明賜環不可望
何日請長纓

次孫生志喜

寤寐衡門下 一年兩夢唐 長孫纔識祖 得弟卽爲
兄 聽鵲愁顏破 看鵠老眼明 石麟天上物 偏向逐

臣生

步月述懷

報國會危論 投身謝畏途 支吾官不起 憔悴病方
蘇 兄弟各天遠 江湖片月孤 躊躇清夜立 何以卜
良圖

將趨天津寄兄四首

本國仍綠髮 移官已白頭 愁顏偏易老 衰病不禁
秋 塞雁天南向 交河水北流 愧無戎服畧 慷慨亦
登舟



二

已謝寧州後復辭稷下行一官羞白首三命負蒼生
病劇移家日秋深悵別情惟圖經水次骨肉得逢迎

三

老病甘衰謝 明時復見收
勉圖狗馬力 奮棄帝王州
聆路惜初曙 到官已暮秋
白頭偏戀主 不避畏途遊

四

聞道交河北客船
曉夜行鯨波流更咽
漁火滅猶明
萍梗隨人去
鳧鷖寄此生
吾兄疑望切
疾痛湯舍情

送武鳴兩姪應舉

千里雙神駿
三秋萬選錢
苦心棘院日
得意桂花天
劍氣豐城結
珠光合浦聯
白頭思報主
不負舉吾玄

勉姪武應舉嗣先公勉子詩韻

爾負匡時畧
高秋仗策行
風雲酬壯志
星斗煥元



中寒集 卷之二
晶鬮占三千客鵬搏九萬程泥金須報我文陣得
先聲

勉子曾遜應舉

繼志一經足何心雙桂榮時危願策售身病督兒
行種德三槐在驚人二鳥鳴魁名自爾祖勿負舊
家聲

將赴曲逆病不果行書寄劉簿

千里回空騎三番挽太舟河陽花待羨彭澤柳相
留任性終蕞桂憑人呼馬牛茂陵真抱病端不爲

悲秋

舟過大伾

父別名山境嶮峻舊離清曙霞蕭寺出夏木翠微
平勝地風光在逐臣浪迹輕十年衰病後揚舲過
孤城

五日舟次天雄

五日孤帆客三年放逐臣葵榴思故國蒲黍薦蕤
賓妻子同羈旅吏民畫路人行吟悽悴極何處吊
靈均



寄路生太玄

不圖仍作吏，幸爾復離群。
雙嶺愁如雪，一官澹若雲。
金蘭原夙契，松鶴得斯文。
每見山中使，來時必問君。

李繼平年丈祀典成其子走千里相謝作此以送之

炎涼悲世態，生死見交情。
我輩功名薄，而翁心事成。
豸冠光史冊，驥子紹家聲。
贈劔傳雙泪，將歸哭九京。

聞杜氏孔偕堂成

我愛青山日，君營綠野堂。
將公三竹徑，楊子一書床。
卜築熊占夢，落成燕繞梁。
何時歸白社，爛醉杜陵傍。

遣子入都

朔風吹落木，大漠不勝秋。
無鷹不南去，憐兒自北遊。
郊關問國禁，笳鼓雜邊愁。
燕市貂裘冷，蕭條勿久留。

夢遊唐春書舍



中興集 卷之二
杜陵多逸興小築足徘徊地近空同宅門通明道
堂種桃仍五樹盤石作三台殿里十年別幽窻入
夢來

口號寄凡

運去身多病官卑祿更貧何期墨綬久漸覺白頭
新王爵不相假憐才恐未真延遲今數月日日羨
歸人

桑薄

脫屣河陽簿迷花洛社東紅粧擁落日白首醉春

風四座客常滿一錢囊未空故人不可見幽興許
誰同

寄張子語

人去餘黃石園存有辟疆野堂巢舊燕書悅發新
香程杵成高義朱陳藉末光赤松元不老鶴表在
殘陽

李子規

襟帶宜陽郡冠裳于大夫門闌通邸第幽隱託江
湖綠樹春風靄紅樓夜月孤而翁真可念儉素即



良圖

郭生

舞象聯牀友相看俱白頭
芸蕪猶且暮喬梓隔春
秋消水洲前月烟山霞外樓
何時歸綠野重訪少年遊

晚霽

返駟千山暮歸鴉萬樹聲
煙浮碧落重水蘸彩霞
明節過日南至天高古北平
不嫌謫宦久入夜旅愁生

小寒食三首

何日清明日道逢百六時
烏啼絕跡處花發背人
枝烟火別家又山川歸路
遲隴雲空在望兀坐泪
頰垂

二

何日清明日春來不見春
未聞南雁至但苦北風
頻謫宦身如寄遠鄉夢
卽真詎期寒食後猶是未
歸人

三



中家集 卷之一
何日清明日 燕風不大和 但愁春雨少 偏覺暮寒
多恨發 綿山火悲增 易水波尤憐 五柳宅花事又
輕過

澄煙沖弱一闌里 選輒能輕千里 試心竊
壯之賦 此示勉

總角青衿子 奮然仗策行 紅塵著氣重 白面曉風
輕 冀北初千里 圖南應萬程 箕裘堪望爾 計日起
明經

書空

十年仍墨綬 白首復爲郎 日日愁民瘼 時時檢去
裝 名隨草上霜 髮有鏡中霜 自古秋江畔 芙蓉任
短長

題東門池園

四野俱尋樂 東門好種瓜 池臨彭澤柳 庭有河陽
花 去舍百餘武 依城三兩家 興闈歸路晚 散步可
無車

都門送姪武南旋

驢子向秋風 送爾長安道 白馬背金臺 青袍戀袞



草駿骨傾空高霜蹄試不蚤去去速歸來英雄肯
自老

借計北上留別里人嗣送者韻

計史催征馬匆匆仗策行壯懷旭日近別泪瓏雲
橫京國他時夢河橋此際情春光留上苑兩地鳥
嚶嚶

嗣韻留別家兄

兄弟真難別王言不可留相看成兩地明日卽三
秋鴻鴈盤中澤白雲繞故丘艱勤爲勗我 聖主

愛清流

寄懷杜默峯兼呈天中可山諸君子四首

大雅俱淪寂風期暗自親孤吟從歲暮悵別過芳
晨四海論知已三生見故人何當尋去隱酌酌醉
江春

二

風物北原勝春深思接過花光盃底見鳥語夢中
多杜老綠詩瘦知君更鬢暗向來漆涸地千古一
漁篋



三

富貴一朝露文章千古人晉唐隨世變陶杜卜居
新景霧堪來興詩成不厭貧聞君思更苦直欲訪
元真

四

釣海探明月攀雲弄紫霞片言成珠玉萬鎰渺塵
沙花鳥千年在天風萬里賒從君玄悟後無使夕
曷斜

五言排律

閱武倒馬關四首

五夜驚吹角元戎報曉籌建牙絕噓外飛羽遠峯
頭曙色紅偏勝山光翠欲流將軍先負弩使者擁
垂旒未下轅門令懸知百勝收

二

虎豹輪雄畧經貅列大營雲旗朝霧濕霜戟曉霞
明碧澗羅缺騎朱衣繞石城陳師殺氣合振旅陣
雲輕不睹旄頭落胡塵已報平

三



司馬排三耦將軍控六鈞鼓聲生入變決拾共千
人箭劈黃雲散弓彎邊月新鵬旂蔽白日厲陣附
蒼旻爲報天山定歡聲動朱輪

四

千騎合圍罷飛身上戍樓高懸百戰壘俯瞰五湖
秋袍鼓驚雷電旌旄動斗牛四山烽火靜萬壑曉
煙浮日暮尋蹄馬遙從百丈頭

宿軍城

雨餘旌纓緩薄暮入軍城萬灶寒煙結千山冥色

橫度關無尹喜說劍有劉生誓止陳兵壘行馳大
將營鼓鐘報夜霽刁斗動澗聲明日乘驄去悠悠
古北平

登插箭嶺敵臺

天險絕胡騎山形護帝畿何人插羽箭今日建
牙旂孤壘削青壁層臺冠翠微懸身度絕巘飛屐
上危礮勢控白登險兵連上谷威一麾烽火起萬
弩矢交飛不是和戎計無令匹馬歸

春日過楊中丞別業

公京師人僑寓真定



江湖南廟客城市山林家勳業歸焚草幽情學種
花庭虛蘭蕙合徑曲竹筠遮小巷留春色高樓送
晚霞門多陶令柳園有邵平瓜雞黍留三瓦盃圖書
玩五車鶯啼曉夢覺客散夕陽斜避地千山遠看
雲五色賒有天堪小隱無意戀京華

春日留別楊純菴

贈我橋邊柳登君河上樓晴川橫別路春樹亂離
愁好鳥聲相戀浮雲意欲留桃花映綺席萍梗散
芳洲客座添新扇王程換敵裏晚風催去馬暝色

挽歸舟後會知何日長安滿目秋

送大司馬鄭公經畧關西

太白射旄頭胡塵擾隴州掃壇求大將裂地許通
侯羽撒微龍禁牙旗出鳳樓虎臣先有弩天子自
分符九圍惟元老三推祈壯猷選鋒歷絕塞直擣
向邊陲犯順繩西夏塞盟問火倉軍聲轟帳震劔
氣羯胡秋重峻三城險無狗假道謀王門烽火靜
青海惡氛收却憶今前者中興第一籌

小寒食抵家寄謝晉陽諸君子

乍脫并州後俄逢渭水春蒼生數行泪綠野一蹄
身空負清明日甘爲放逐臣風霜心獨苦雲霧景
徒新草色迷皇路響聲過比隣榮桑甘白首楚澤
怨青蘋投筆絕交態懸車避世塵家徒四壁立友
與一琴親五夜驚殘夢千山憶故人無勞傳諫草
偷得老垂綸

臘日

久客不言返歲時心自傷眉頭檢欲盡兒女思將
忘綠樹條搖落青山半雪霜愁深雙白鬢羞遊一

空囊不厭風塵苦鸞鷲道路長家童日灑掃隣里
問康強共道歲云莫主人返故鄉盡堂朝下榻寶
鼎夜焚香松竹初覆徑梅花近出墻玉釭新酒蘖
書幙舊琴張何日陶潛去得隨阮籍狂五更歸夢
斷千里空相望

都門送李伯實分教商丘

帝里春光滿客程曉樹蒼 聖王收國士之子去
何方梁苑開經帳燕關送錦囊河橋鳥語切岐路
柳絲長不謂班生餞能令季子傷清流飲去馬芳

草亂行裝莫使清魂冷消磨白眼狂魚龍窟雨露
旆李近宮墻暫爾風塵隔終依日月光竹看三鱗
集來近 五雲榜

壽晉封張大翁八奏

燦闔 君恩重壽天春日長一身三寵命百歲總
青陽不斲嶽靈秀那依景日光彩毫觥藻賦華髮
尚圭璋白屋列朱瑟青門孤錦囊揮金薄管鮑陳
義到羲皇闕閱由一劔圖書啟衆芳靈椿添鶴算
天馬正龍驤棠蔭成南國葵忠動上方風雲乘景

運魚水合明良比斗酌元氣南山永壽觴青雲生
玉陛白首照金章甫露含 天藻蛟螭引 御香

仙壽添海屋 尺一下 朝廊寵澤露天府聲華

接 帝鄉金莖分湛露玉碗挹水漿軒冕趨寶從
簪纓恣舞裳五侯爭折節七貴滿高堂南極合千
算東皇獻百祥乾坤開壽域山斗望宮牆蘭砌香
初藹 楓宸寵未央願言移孝者千載佐 明王

初夏喜雨

上苑雲長漫高城雨不收清風生 輦路淑氣滿

皇州亂颺芙蓉閣斜侵鷓鴣樓明光飛白鷺太乙
浮輕鷗夏木千章秀朝烟萬井浮三農方有望孤
旅莫深愁無復桑林責何勞雲漢憂 九天多湛
露四海盡清流

中寰集卷之一終





國立中央圖書館, 台灣, 中華民國




2025 RELEASE UNDER E.O. 14176



2025 Release under Creative Commons License by the U.S. Copyright Office





2025.08.02 NATIONAL CENTRAL LIBRARY, TAIWAN, R.O.C.



中寰集卷之二

扶溝何出光兆文甫著


七言律詩

閱平陽府城同和明府登明德樓

郡城千古據堯都魏王築之作霸圖公役不緣臨
百雉女墻何事飛雙鳧霍山北拱燕雲壯汾水西
流晉月孤憑檻無勞歌帝德域中今日卽唐虞

秋官郎董巢雄以諫遷上谷有寄

漢廷驅馬入長楊遮道何人諫屢藉別後忽傳謫



賈傅詔前誰肯薦劉郎桑乾河畔春雲香姑射山
頭夜月涼宦海萍踪何所定空餘幽夢託秋堂

和題武安君侯詞

劍外遙分龍虎旂荆州羽檄夜交飛中原騰落青
龍在西蜀魂隨赤帝歸遺像千年看日角畫圖百
戰識天威武侯畫奔同祠廟猶擁河山護漢畿

寄兄

山城爲宰近何如奔走折腰較頗踈宦薄沒錢堪
縱酒訟清多暇好抄書林中未必馴雙雉門下真

無餽一魚民瘼邇來多可問吾兄早晚對公車

送和龍川內召

金鷄吹木旆旌懸遠客姑峯儼若僊孤鳳幾年擬
報國雙鳧一旦始朝天幃帷忽傍風雲起劔
佩俄沾雨露偏若得明光詢鄙屋逃下今已遍

山川

重九前一日送王右山歸杞

匹馬蕭蕭向汴州西風生我故鄉愁高秋有客思
尊去佳節無能爲菊留南國謫傳遺蹟事東門好



伴種瓜侯梁王臺上應回首莫惜鴻書問舊遊

春日絳州登會仙樓

一天煙雨滿汀洲十里汾河繞檻流不是主人能
下榻那令狂客幾登樓風塵作吏誰青眼盃酒揮
毫欲白頭類有春霖堪慰旱凭欄新喜見輕鷗

九日翼城阻雨喜賈年兄見招

叔虞故國謁清秋風雨重陽漫不收桐葉千年尋
往踏菊花九日值來遊祭高且伴落嘉帽乘興莫
回訪戴舟兄弟天涯堪共醉故鄉雲水各悠悠

登岳陽東山觀聖泉

石磴嵯峨上翠微琳宮天畔靜朝暉孤城烟鎖千
山曉十月霜高萬木稀不有巨觥噴碧玉那令上
客解朱衣興來窈窕雲偏繞長嘯峰頭坐釣磯

登姑射山絕頂有懷外舅劉公公蘇人嘗守

南康號姑射山人

故鄉何處是鄢城此地空傳姑射名九孔千年丹
竈閉數峰萬仞翠蓮橫身依霄漢風雲壯望盡東
南海嶽平聞道吾翁通杖藜欲將仙露祈長生

王麓鳩年丈悼內詩以慰之

幾年機杼伴燈篝心許程冠共白頭老鳳一朝鳴
聖世文鸞五夜赴仙遊淚添汾水魚龍寂恨壓姑
峰草木秋寄語白楊不作枉管教雨露到荒丘

過鼓堆泉喜緣大夫見招

春杪晴光駐客車連雲飛閣講清虛旌旗影落湖
天境簫鼓聲沉水竹居魚藻未能歌盛世鶯花一
任舞清渠使君五馬來相命日暮臨池興有餘

閱絳州城東張大夫

晉家霸業託孤城汾澮東來護九京亂世君臣逐
水去杪春花木向人清女墻煙鎖千家靜官舍風
高五馬鳴勝地于今憑保障使君不必請長纓

趨役棘園次介休

千里風煙足壯遊晉陽雲物謁新秋連天霍嶽盛
靈石夾岸汾河繞介休共冒紅塵人比去不知碧
漢火西流歸來屈指還重九黃菊應須插滿頭

簾內值中秋雨霽

晉陽風雨度中秋棘院天高鎖碧流孤杖幾回看

皓月萬山何處是滄洲
鹽車勞我同驚駢神劍何
人動斗牛賴有璠璣時
滿目夜深還自傍燈篝

重陽日較錄棘園晚同孫明府登明遠樓

九日蕭條鎖棘園
一天秋色馬空飛
談詩已恨無
黃菊送酒何曾有
白衣紫閣豈宜虛
暮景青藜不見借餘暉
登臨賴有叔放在何用携壺上翠微

閏九日送六孝廉北上

向日登高菊未黃
又將重九待秋香
主人已辦携
壺興上客能留落帽狂
百里謾言淹驥足
六飛今

喜屬龍驤明年此際應回首
好把茱萸憶故鄉

聞喬明府內召

幾年惠澤蒲河汾
節操聲華天下聞
明主一朝
勞夢卜徵君三載策功勲
方憐展驥無千里
忽覩飛鳧近
五雲愧我風塵青鬢客
登仙今喜見人
群

入姑射澗三十里晚宿寬水峪

澗通姑射亂泉流
石逕遙尋淺水洲
雲裏忽驚仙
犬吠洞中真見曉
烟浮且看盛世俱
樂土不是桃



源只浪遊日暮山腰成野宿坐看明月一天秋

送絳大夫晉秩魯相

五馬東征劔氣寒絳山霜後野棠殘臨岐莫恨江
都遠仕路真如蜀道難日傍蒙山瞻薊關雲凝華
嶽望長安東平樂善無勞相明歲應彈貢禹冠

九日登潞公臺東賈年丈

高臺壁立斷磯頭急浦層巒萬樹秋此日潞公留
勝跡當年王粲亦登樓翔山過雨餘空翠澗水經
霜盡碧流今古封人多異政民風千載自虞周

九日風雨歸署得舍姪家書

故園叢菊近何如宦邸秋深花未舒九日對花方
載酒兩河歸鴈喜傳書殘雲拖雨天無際飛閣生
涼隄有餘若得佳辰同小阮茱萸更不惜醉庭除

五日聞長子有警

早荒有意殺蒼生小醜無知且弄兵晉甲從來推
曲沃降會誰敢近長平連朝烽火關心急五日葵
榴空眼明佳節不堪頻對酒壯懷直欲請長纓

夏日同黃比部登翼城南樓二首



星使乘輅問晉民晉陽寒谷頓生春
選天封事還雙闕絕巘高吟憶八閩
五月炎蒸清猗杆一朝霖雨靜風塵
暫隨叔度免虛闕畫省行看曳履新

二

嶒峻飛閣俯汀洲水面風來五月秋
不謂仙郎出粉署肯同勾令話丹丘
叔虞城在餘空翠潞國臺存帶碧流
日暮憑高應有賦人傳北斗掛南樓

和黃比部登翼城南樓韻

桐葉飄零故園墟荒山煙火尚鱗居
千年興替傷

心地萬里雲齊縱自初水映樓臺落照裏翠添草
樹乍晴餘美人何處空回首惆悵臨風自躑躅

入觀北上番度冷泉關

險道遙從鳥嶼來重關百二遲明關寒鴉啼徹楓
林曙落葉吹殘鷹角哀亂水水堅迷古渡深巖月
墮失荒臺晨門莫訝客程番萬國王帛處處催

次鄴都得家兄捷報

邯鄲陌上苦春遲一入鄉關紅滿枝
忽報棠華發上國會因桑梓過疎離
山旆吐豔迎人笑路柳搖

青傍馬垂及至柴門春正好池塘芳草又相思

過汝州呈浚源陸年丈

少年五馬任專城春滿條梅汝水清雲漢有憂仍
動色作霖無雨亦驪聲竹符已樹甘棠陰錫井便
宜藜藿葵訪治表來尋矩矱今人不讓古人名

夏日登喬山絕頂禱雨黃帝行祠

萬仞危峯捧帝京懸崖飛閣與天橫晴雲故繞昇
籬萬烈日猶懸巢鳳城不有風雷騰玉闕那看雨
露把金華蒼生四海成塵土披髮合當下太清

後二日喜雨大澍

夕風吹雨暗群峰勢斬長虹雲欲濃神力應驅天
漢颺雷聲蕪乃興湖龍巖巖頭掣電流光繞樹杪飛
泉紫氣重四海甘霖得過否堯封聊爾慰三農

初秋檢災經對質山絕頂

萬仞危峯俯冀州鳳來天末見高秋高門風定孤
雲杳劃闕煙消王氣浮宋王已深搖落恨賈生仍
抱廟堂憂忽驚山下逃亡屋羞擬人間說壯遊

月夜次解梁

條山翠嶽護醜池，渤海西當苦水湄。明月波搖光似練，風塵客路鬢爲絲。荒田人去秋仍旱，空壁蛩吟夜更悲。寄問城中轉運使，可能寬稅謝惓惓。

雪霽入浮山時美明府考績

亂山積雪送晴新，一片孤城萬戶春。鳴鳳豈宜栖枳棘，飛兔何事戀風塵。且看三異絕今日，更許一廉似古人。不是魯公遲報政，棠華直欲覆芳隣。

除夜有懷時家兄候銓

故鄉兩地隔風煙，京國相思又各天。鴻鴈北來書

不至，飛鳧南下斗初旋。幾年池草空勞夢，何處栽花好共看。此夕朝紳能拜舞，不須重獻栢椒篇。

秋日復登絳州城樓，座中四廣文在焉，口占

呈尹大夫

三年幾度赤城遊，此日重登百尺樓。千里雲山同夜月，萬家煙火過中秋。三鱗賓客樽前列，五馬旌旗水上浮。酒罷不堪回首處，逃亡今已遍荒丘。

邢明府有約作此促之

渤海中條擬壯遊，况逢此日過窮愁。主人已下迎

徐榻上客寧遲訪戴舟梅送夜寒勞夢思雪添山
色足吟眸十千美酒金尊滿門外頻瞻紫氣浮

午日如翼卜心虞招飲潞公臺

高臺數仞勢嵯峨我明府奠昏載酒過檻外翔山虛
夜月城邊澹水懸星河中原千里音書斷上黨蓮
朝烽火多莫謂懷沙終古恨眼前戎馬欲如何

春日送太原吳中淮明府督學山東

春滿甘棠花滿枝晉陽保障旆旌移治平已識河
南守直筆今稱稷下師洙泗千年成俊彥河汾五

夜見儂兒相看兩地如相憶古驛月明起夢思

送同寅王少尹之任大梁

梁王賓客近如何今古風流感慨多一自兔園聚
鵬萊幾回尋綠起夷歌鄒枚詞賦懸日月賈董功
名用綺羅彈鋏不須歸去蚤車魚應是有恩波

翼城道中送兄歸長子

晴雪遙憐積翠微千山返照白崔嵬風催虹斂殘
雲散日入霞明落木稀客子臨歧頻悵悵鴈行中
斷自飛飛明朝烏道間關去珍重寒霜更著衣

中秋見月次李兩山韻

水落山寒月正懸清光入晉幾回圓乘風欲去王
喬鳥飲露仍依姑射仙倚杖看雲空有恨登樓作
賦許誰憐美人何處頻勞夢夜夜涼生吐斗邊

送清濱張太府治兵潁上

慷慨登車望帝鄉馬頭雄劍烈飛霜山川舊是
龍興處雨露新沾虎帳傍潁上妖氛憑保障河東
民物憶循良春來故吏仍矯首莫惜鴻書問歲荒

雨中過裴晉公祠

墨雲開處見香山山寺烟林飄渺間丞相荒祠仍
綠野後人村舍掩柴關霜風搖落松楸冷陰雨霏
微鶴鶴間龍鍾功名千古在客程何惜鬢毛斑

得孫屯留書賦此寄意

伏龍山下問孤芳人道風行草木香百代循良無
召杜三嶼民物到羲皇秋高雲樹空千里地隔風
萍自一方莫把芙蓉驚歲晚繁華明日即青陽

過裴翁祠

宗臣故宅倚巉峽風掃荒祠萬木凋淮海敵鯨伏

電鼓音陽王氣鬱星軺野堂人去山猶綠黃閣名
齊勢愈高橋上老人今在否莫將潦倒笑吾曹

任沃先一日宿神祠

涼颺萬壑動堯天獨宿荒祠夜不眠汾澗星河連
比極喬金角鼓根新田許身自笑風雲遠矢志先
盟神鬼前誰念塵生今百里夢魂長繞 陛楓邊
冬夜同獻明飲士登公署

朔風吹木晚蒼蒼二妙相携引興長剪燭歡呼消
永夜開簾河漢見微霜危言不數譚天衍汪度真

如千頃黃酒罷歌殘人盡醉能容做吏老踈狂

春日赴 內召話別曲沃

飛檄徵行次第催遲留父老怨空回圖書數卷乘
春去城郭千家入夢來賴有桑麻留靜屋愧非騏
驎向金臺懷中惟抱民鼎疏 玉燭還祈照草萊

次霍州呈吳大夫

郡當霍嶽倚崔嵬旌鼓遙從鳥喚來龍早花飛千
嶂雨堯川浪轉萬山雷古風我愛陶唐谷今日誰
如太守才此地不經兩盛際那令春色向人開

護送

潞藩就封舟中遲蕭司馬宋中丞二首

舳舻千艘護 王舟十萬貔
貅擁碧流 桐葉分封由
上命 桑苞宗社莫中州
旌旗倒影牽青竹 簫鼓
排空起白鷗 聖代于今
多盛事 老臣聊破廟堂憂

二

夾岸層林曙色微 黃龍青雀勢爭飛
宗臣仗節城王國 開府憑輜枝
帝畿雨過渡頭催 錦纜煙消

樹杪見牙旗 危樞反照堪乘輿
接清光 晝日暉 舟行登大伾
山坐中呈蕭宋二公

大伾峰頭望大梁 盈盈一水隔吾鄉
千村煙樹迷芳草 幾處雲山鎖白楊
家在夢中經 歲月人從愁裏按
封疆 同舟李郭還相慰 日暮登臨共舉觴

舟中遇風移時乃定走筆柬宋公

陰風吹雨暗江頭 勢入驚濤水逆流
黃霧蔽空迷古渡 墨雲擁樹失芳洲
乍疑兵燹能燒壁 忽訝魚龍來負舟
日暮湖平堪載酒 欲同子晉話丹丘

過廣宗先大人嘗令於此感而有作

先君薄宦此棲遲廿載空留遊子悲
松栢手栽堪作柱生徒口授半爲師
隴頭秋草繁鄉夢陌上遺棠繁
去思清白承家兄弟在誰云天道竟無知

過寧晉朝王柱石年丈街 命過里

次第分符出建軍馬頭雄劍烈飛霜
橘文東觀聲華久仗節西臺道路長
我已別家巡趙北君今何日按維揚
主恩誰謂無深淺獨許乘驄過故鄉

次長垣送崔根峯出按甘肅

王關迢遞送行旌岐路相看驄馬鳴
奉使共憐千里別同官却憶十年情
三秋烽火羌胡地萬竈貔貅漢將營
慷慨莫辭秦塞遠蓄遣吾欲請長纓

次東明望黃河有感 東明漢戶牖苑

十里神臯抵大河窮鄉戶牖亦經過
堤邊魏博封疆盡岸外梁園雲樹多
旅况幾年輕故國夢魂今夜渡
洪波強將衰病從王事不計風塵更幾何

閩開州城

版城南面古澧淵澧水波搖百雉煙
漢修宣房爲

禹績宋憑瓠子作秦邊千村錯落泥中色萬樹參
差濮上田此地昇平還此日五雲直北見幽燕

登大伾山

暗色纔分上翠微浮丘曉日散霖霏
陽城廢荒臺迥浚下泉枯老樹稀
九曲河流存禹績萬家煙火屬
王畿憑高悵望無今古雲自縱橫鳥自飛
將發魏縣

露下天高夜色寒空堂寂寂自彈冠
且看爽氣清人骨無復炎蒸汗馬鞍
魏萬城邊狐鼠伏文侯臺畔鼓鐘殘
九關虎豹秋仍閉直欲乘風到折欄
孟冬日送齋臺龔澗寮南迴梁宋

朝捧天書出建章旌旄南指渡洛漳
鄉心夢逐三秋馬望目神隨五色羊
風動山川通大國露露黎庶霑
夷梁秦邊飛輓年來盡芻粟祈留河北倉

送門生盧進士試辛夏邑便道省覲

明光射策五雲同 聖主分符尹宋中
暫着錦衣過子舍便從墨綬問民窮
晉城文藻騰汾渚夏邑聲華動洛嵩
愧我登庸衣鉢陋莫嫌共躍五花驄



謁韓魏公祠走筆嗣陳五嶽韻

魏國勳名冠昔時中山千古有荒祠
勝寒西夏旌旗壯春暖東園花柳垂
一日適情留勝地萬年遺像起遐思
兩河經畧今安羨十六嶽雲盡徹羅

長至日雪霽渡浮沱將次深州

河水曾堅九月水流漸雪後故淩淩
爲通陽氣泉先動不是霜威波亦澄
野望孤舟尋古渡路隨老馬入蒼藤
寒雲十里迷天色煙樹遙分見博陵

閩深州城父老請檄增築書勉林守

博陵萬樹擁孤城千里獨當古北平
官舍門閒晴雪滿女牆柝靜晚煙輕
蕭條草路中山近斷續殘堤沱水橫
重地于今憑保障封人何以慰蒼生

除夕有懷中丞宋公

孤旅蕭條執法臣愁心華髮又逢春
天涯百里遠知己故園期年喜似人
雖有琴書仍寂寞幸無藥業亦精神
更闌不覺身何在夢入罍罍夜鄉晨

歲庚寅以元日立春試筆隨占成韻

聞道難逢元日春春盤栢酒一朝新
東皇開泰時

交泰北斗回寅歲建寅萬國衣冠通絕譯九天兩
露滿朝紳平明更喜六花舞三白占豐問野人

謁魏鄭公祠

鄭國直聲動古今荒祠遺像鼓城陰千年此地存
人鑑一日寺幽拜屨替躋比韋弦臣節重賞頒金
甕主恩深唐開天策前星定何似常懷不二心
次獲鹿東井陘顧兵憲

孤城千古控幽燕喬木殘碑不記年路入井陘分
趙晉天開畿甸擁山川土門故傍封龍險石邑偏

存白鹿泉西北和戎非上計使君此地好籌邊

井陘道中謁淮陰侯祠

孤軍窺趙下陘關雙騎單車鳥道間故壘千年仍
背水荒祠萬木却臨山鹿泉獨繞祊門綠嶙石空
餘箭羽斑慢說弓藏終古恨君侯元自愧龍顏

晚過連珠洞

公餘旌轡試春風西入層巒過梵宮洞口晚烟儘
守綠峰頭返照佛燈紅幽尋擬欲絕塵世宦况千
今似遠公安得清平焚諫草蚤尋衣鉢向高嵩



春日過宮保梁公別墅

背郭堂開水竹居，東山僕射舊吾廬。
高門故傍陶潛柳，小艇能供張翰魚。
檻外潭沱光掩玉，林邊峭嶽對懸車。
春郊使節尋遺老，江漢無令歲月虛。

題署左小圃

千章喬木近霜臺，環碧亭前小圃開。
林鳥歌風驚午夢，園葵和露送春盃。
暫舒缺面臨空砌，常抱丹心對上台。
先後名卿留勝蹟，慚予幽興一徘徊。

登天寧閣

何年飛錫下恒陽，蓮宇嵯峨薄大行。
天爲溪山開寶地，人從霄漢望銀粧。
誤傳平等名虛閣，定有維摩住上方。
身世塵寰勞四大，凭高千古思茫茫。

春日陽和樓留別宋開府蕪勉恒陽諸君子
高樓話別意如何，春草秋霜歲一過。
旅鷓有情同北鄉，野棠無處不陽和。
愁看泥水風萍散，夢繞行山雲樹多。
明日各天共努力，莫將華髮負恩波。

再逢龔子才

壺天小隱傲春秋，三十年來此再遊。
請劍予慚中



執法著書君到上池頭
鑿輪自古無心印
金櫃從今有筆時
國步艱難民瘼急
倉公何以破吾愁

七夕別家

惆悵臨岐用不收
王程無奈忽驚秋
寒雲孤壠才難去
衰柳柴門後欲留
遊子厭看行避馬
路人錯恨不爲騶
蕩段返照江天暮
向夕何堪望斗牛

過弔王祠題壁

建炎天子正垂衣
計日將軍北解圍
王陸有心長相檜
金牌何得不收飛
六軍慟哭黃雲散
五國淩

涼白日微二帝也應識
上意遊魂血污未言歸

過河間再遊一鑑亭有感

秋水接天一鑑開
孤亭浮面絕塵埃
波連瀛海人難渡
望盡燕山鴈獨來
菡萏凝紅香入座
菰蒲分綠曲流盃
廿年遊子趨庭地
衰柳寒雲處處哀

過長子嗣家兄韻

後還引轡度青嶺
書劔蕭條一豸冠
趙北回看千里赤
冀南喜見萬家安
弟兄兩地客中遇
兒女經年分外歡
三徑荒涼那可問
暫分薄俸供朝餐

附家兄原詩

鴻鴻分羽隔層巒
漳水俄瞻御豸冠
畿內豺狼渾
遂遁薰南民物總
初安夜闌獨喜塵
富靜醉裏翻
驚兒女歡貌瘦
聲華從此重
何妨談笑勉加餐

長平驛嗣韻留別家兄時聞驚報

星軺欲駕曉霞明
古驛烽烟愴客情
晉地千年悲
故壘漢家六月又
西征雲連丹嶺雙
鴻隔路繞黃
山匹馬鳴喙我
善邊先志在
敢將華髮負平生

附家兄原詩

凌空古樹月微明
話別長懸萬里情
會謂和戎終
上計誰教市馬轉
從征南行莫訝松
楸冷北地于
今笳鼓鳴十策
安邊猶記否
父書那得誤蒼生

遊登鳩山觀漳源二首

山到登鳩吐濁漳
鉅源滾滾自洪荒
一川迢遞歸
洛海萬壑齊騰薄
大行神女詞邊
松色暗靈湫亭
畔
寒花香壯遊
日暮投詩去
驄馬蕭蕭帶夕陽

二

群峰萬壑護漳源
漳水迢迢山下村
水度刁黃通



大澤山連丹嶺入中原靈湫直見毒龍影精衛虛
疑帝女魂千古荒坡誰載酒探竒直欲訪天根

送吳吉夫廣文之西平

宦海悠悠岐路賒若今入仕不天涯長安相送仍
爲客淮水當官却傍家馬帳橫經三世閣龍門負
笈五書車風塵西夏時多事獨羨青氈日未斜

舊甘肅開府張公周田以詩見懷敬詞來韻

二首時甘肅有警因及之

羽檄西飛入漢宮隴州何日屬英雄勿云借寇爲

時晚獨恨和戎墮計中鴻鵠凌風千仞遠大羊逐
草萬家空干戈滿地遺賢老愧我虛乘五色驄

二

蜀漢群山鎖二陵王門胡氣向秋澄不收青海三
千險莫把秦關百二憑洛下漫傳八老社酒泉仍
憶雨中丞汾陽免胄應何日虜使今聞到白登

元旦試筆是日免朝

虎豹重重閉九關 袞衣天上覲 慈顏萬家爆
竹 衣煙裊雙闕新桃白日開除夜歌聲繁客思午



時歸夢繞家山梁南冀北音書斷倚杖看雲翳欲
班

送王大夫之官忻州兼寄令弟令郎大雅

五馬朝寒發 帝都專城千里檉新符愛棠南國
周卿士騎竹西河漢大夫家過鄆京江樹迴官臨
尹障寒雲孤如何二阮仍龍臥聯馬行當引鳳雛
送何克齋侍御謫武昌

春明門外歌驢駒共看逐臣話別圖一語有心成
羽翼片帆何事到江湖蒼梧路繞客星迴湘水嵐

開劍氣孤莫戀武昌魚味美白雲紅日滿玄都何
京師人

次星輅驛

峰頭古驛是星輅星使乘輅入望遙躡足千巖尋
路口懸身萬仞度山腰藝臺看石碑仍在宣父回
車轍未消豈是壯遊輕險道白雲猶自隔巖峽

過宛子城

梁晉分疆盡此山五年今始入鄉關白雲天遠日
將近鴻鴈風高秋未還千里河嵩供望眼萬林烟



火破愁顏况當險道連朝過驅馬平原意自閑

夜雨獨酌時按充州

魯酒獨斟不滿卮盤餐夜雨恨供遲故人千里頻
來夢遊子三更自詠詩剩有雞筋同宦况曾無鱸
膾慰鄉思何時海岱俱遊歷蚤賦秋風歸去辭

遊古南池二首

南池滄濤郡城邊社老尋幽不記年勝地一時留
翰墨高踪千古重山川菰蒲烟擁流觴曲楊柳風
牽載酒船日暮凭欄一悵望伊人宛在水中天

二

少陵清况拓池頭池上復瞻太白樓李杜當年同
漂泊山川今日藉風流池蓮總寄曲江興樓月猶
懸天寶愁詩聖酒仙何處所獨留淺渚泛輕鷗

曹溪道中喜逢連少嵩年丈過家賦此時連

將校讖南

漢上相逢多繡明荒村沽酒見高情十年話別還
分手千里他鄉又送行白馬渡頭津月曉大羊山
下暮雲生風塵西北時多事莫戀粉榆久駐旌



旅情次宋中丞韻

旅况逢秋病欲侵，寒燈獨夜擁孤衾。蕭條風定月當午，搖落天高霜滿林。泊水遠牽客子夢，齊山不鎖故園心。若焚諫草尋歸路，便卷詩書携一琴。

晚同恤部陸淡源年丈遊大明湖

亂水蕪葭滿目秋，荷香風度月明樓。寒煙故擁泛觴曲，落日偏宜垂釣舟。忠節堂前松最老，薛王祠畔景偏幽。晚來佳客興無盡，邀我携壺從遡遊。

九日

秋杪野堂菊乍開，金風玉露憎相催。美人落帽興未已，客子携壺何處來。敗葉鳴風堪閉戶，殘盃乘月仍登臺。浮生佳節不能醉，可堪千古牛山哀。

觀釣突泉次宋中丞韻

傳聞此水發中州，千里源淵畫伏流。歛薄不關環泰嶽，潺湲直欲到瀛洲。青龍橋畔飛虹落，白雪樓前片月浮。爲問故鄉魚素斷，浪花無語泛輕鷗。

聞太原報蚤發濟南

搖落霜風吹曉竇，孤臣匹馬自天涯。總教行李饒

秋色莫恨封章謀歲華
吏隱從來宜晉鄙
主恩不遣到長沙
行行回首歷山遠
黃葉蕭蕭鴈字斜

菊殘遲友

播落天高萬木黃
殘花三徑有餘香
寒英未肯秋空老
敗葉先驚夜有霜
遷客卜居宜傍野
人隨俗可飛鷗
同遊年少俱華髮
五斗何須去故鄉

秋思效鄧梅麓體

宋王能令杜老師
西風搖落亦堪悲
少陵去矣將誰往
高唐杳然繁我思
明星百年那在眼
秋月一

天堪解願拖王腰
金草頭露散髮
醉臥南山垂

得太原檄

保障從來難晉陽
封疆何事屬愚狂
莫辭非令腰仍折
總爲拂時項
更強霍嶽雲
關終有日
黃河天遠幾經霜
漢家別置求賢席
遷客何勞望
帝鄉

將之太原

險道崎嶇說太行
幾年頻度險相忘
偶爲遷客別家重
便覺關山岐路長
去國尚存三寸舌
懷君不必九迴腸
晉陽還是并州地
客舍隨緣是故鄉



家兄便道過里同謁墳墓

十年兄弟各天涯，夢繞松楸兩鬢華。不是一塵出，
守日能同雙鳥到。山家較來肥瘦知，仍健忘却升。
沉興轉加此會何時重，聚首還期馬鬣荐黃麻。

次盤沈嗣家兄韻

嵐開遠見晉陽天，關塞川原斷復連。狼孟群山俱
拱衛，秦乾一水故潏潏。路經絕巘雲長護，春入孤
城日獨懸。豈是北門乏鎖鑰，強將衰髮客風煙。

附家兄原詩

群山欲盡障南天，古驛亭虛秀色連。細草鳴蛩時
斷續，崩崖野水自潺湲。長空悵望孤雲杳，秋宇獨
憐片月懸。華髮漸疎，君寵厚好將驚馬走風煙。

送毛刺史之蘭州

金城千里陣雲秋，萬騎材官百戰收。抵掌便隨琴
鶴去，許身先破廟堂憂。臯蘭坐嘯輸籌策，青海題
詩紀壯遊。自古文翁光史籍，羞稱定遠浪封侯。

初秋聞寧夏有警

鴈門太守漫言兵，攬鏡羞看白髮生。浪說揮戈回



中寒集 卷之二
落日爭教結綬守孤城和戎已失靈州險遣將不
聞遼海平文罔于今及二卵壯懷何必請長纆

初秋郡齋小述

故園芳草易驚秋避于天涯漫白頭無奈煙霞處
消上空令歲月老拜州干戈若碍陶潛柵湖海能
容范蠡舟曲項折腰何日了從來太守不封侯

別晉陽

遷逐飄零望故鄉書空無賴恨茫茫深悲萬里春
明遠又被三枝岐路長二月清明鳥語急千山迢

迢馬蹄忙可憐回首拜州地不渡桑乾也斷腸

別開府呂公

流落移官任數奇一天心事誰知喚回鸚鵡無
遺草得共鷓鴣有故枝市虎笑王何遽信殺人幸
母不相疑可憐鮑叔清光遠夜夜深山起夢思

次禩亭

其地有虎妖故事因以驛名

浪傳市虎只三人何怪深山說鬼神粉黛梳邊空
是色琉璃井畔假成真千年古道行踪少二月荒
亭草木新變幻世情妖更憐回車須早避風塵

醉題壁

南園春殘芍藥紅興來移席醉東風乍驚白髮百
年半未許青樽一日空往事已隨孟敏甕浮名直
付楚人弓酒狂花下猶能舞長甯乾坤一放翁

喜二酉樓成

罷諫歸來漫不愁結廬深巷謝交遊十年空負雙
龍劍四壁徒存二酉樓江漢能容陶令隱廟廊何
用杞人憂成名每恨爲時晚獨喜還家未白頭

送梁汲泉起守登州

十年江漢惜鴻名此日衡門聽轉鶯消曲朱輪驚
乍別海邦竹馬競歡迎潮平好上蓬萊閣日晚先
瞻不夜城稷下若逢父老問故人今已負蒼生

生孫志喜

百年強半事堪羞獨有生孫未白頭敢望充閭健
僕馬祇緣世業守箕裘門迎弧矢期千里夢得長
庚正九秋明日野堂湯餅會呼盧縱酒破深愁

病起

憔悴江干罷遠遊霜寒水國不勝秋病來倦問屈

平渡老去羞虛范蠡舟御苑芙蓉牽客夢野堂黃
菊傍人愁自矜藥餌能扶我在杖還登百尺樓

雨霽觀水

水漲平湖雨不收崩崖決岸咽還流孟諸落木寒
烟結蒲澤橫舟片月浮千頃鯨波搖素浪鏡家漁
火傍滄洲美人望斷空遲暮蘆花蕭蕭滿目秋

春日送兄北上

令原煙柳喚人行二月春光滿帝京總使馮唐
淹粉暑爭如沒黯臥孤城迢遞關塞歸鴻杳寂寞

池塘春草生青海鯨波憑 廟畧持籌勿復請長
纓

送姪武兒曾遜同赴里選

老去無能著祖鞭臨風離酒督兒前青雲又見掄
才日白髮易羞養拙年頗有詩書存世業儘教花
鳥足殘篇從來東海三何盛願爾家聲望後先

得完縣消息座中和鳳來年丈韻

漢家曲逆可通侯今爲逐臣起故丘擊節祖江晴
亦雨悲歌荆水咽還流勿云枳棘棲鸞鳳一任風



塵呼馬牛却羨東門種瓜者陶然高臥復何求

完人來迎走筆書空

三仕豈真圖令尹二毛仍著祖生鞭病餘惟有琴
爲政此去安能爲作仙騎竹小兒今日戲賜環

明主幾時憐爾邦燕居元非王敢效瓊人泣楚天

將赴曲道和李伯實贈行韻

投老江干 主未酬飄零忽去涉清秋鳳城天遠

風雲壯免死霜高禾黍收長蕭燕山愁裏過悲歌
易水病中遊兒童若笑朱顏改慷慨拂衣掉白頭

甲午中秋有懷蔡心可劉濟滄二君子

有引

辛卯山東之役知我罪我者常半也區區
犬馬之心惟二君子諱之而時皆在告余
病中猶
笑有懷

茂陵一病臥空林門外何人問陸沉慷慨掄才三
歲隔蕭條知已九秋深清霜半入餘生髮殘月猶
懸空國心海岱從來說管鮑支離南北各長吟

乙未元旦

漂泊浮生五十春宵教書劍又風塵謂遠已恨知
非晚有適纔聞詩興新綠野儘堪容蕭傲白頭終



中興集 卷之二
不厭清貧勿云江漢投綸早池草猶懷報國人

元夕和杜侍御西泉韻

生憎歲序交遊懶遮莫瑤空雨雪頻人日已驚山
戴玉燭宵不見月如銀無官最愛青春晚有酒何
憐白髮新聞道少陵思轉劇幾將清興託松筠

黎陽登舟忽憶潞藩之役悵然有感

鳳凰臺畔再維舟回首十年憶昔遊 帝子錦帆
成故國孤臣萍跡自滄洲白頭愧我服新吏青眼
何人念舊侯藹省賜環應未得重來此地卽神州

舟人回寄寧史二明府

幾年遷逐太神臯回首黎陽望日勞豈意買舟移
病廢讎承倒屣動賢豪王蒲金黍酬佳節錦纜牙
樁泛素濤自是慈航能渡世漂零何以謝縈袍

舟過天津書此報兄

迢遞孤舟出遠林恒河遙接五雲深十年不識長
安路咫尺隴萌太國心鴻鴈書中勤問訊脊令原
上嘆浮沉天涯自是春明外爲報逐臣白髮侵

次涿鹿將抵曲逆



中興集 卷之二
太國七年不解憂偶從涿鹿望 皇州春明疑在

三千里曙色胡瞻十二樓碣石雲開通御氣乘乾
風起入邊愁量移近地仍關塞誰信吾亦吏隱流

老婦嘆

誰道糟糠不下堂可堪老大又新粧看花青眼雙
蒙霧縮翠綠髮半點霜懶向東風追笑語羞同北
面問姑婢蚤知姊妹能相妬肯把蛾眉如許長

答老婦嘆

宛轉蛾眉不讓人自矜花貌擅陽春嬌喉風韻能

結主長舌波濤多誤身同輩誰將青眼盼少年會
笑白頭新班姬莫滂悲統扇且向秋宮備下陳

龔潤寰年丈以詩見寄酬來韻

宦海飄零每屈指當年兄弟幾揚眉 賜環君近
芙蓉苑伏櫪予慚蒲水涯老去愁深孤旅月秋來
夢繞上林枝行行勿復云驄馬今日長安異昔時

秋夕喜陳大酉年丈見過

高槐一夜動秋聲風雨聯床醉翁兄海內塵埃仍
浪迹天涯霜雪自山城空庭有榻留徐孺伏枕無

能餒情生當路逢人詢老更勿云踉蹌可長征

兄誕辰有感

十年宦海隔煙波初度索居動幾過易水瀟瀟鴻
馬渡烟山搖蕩白雲多三秋愁病勞分艾半世浮
生獨詠我粉署輝光勤夢寐非關聯武欲鳴珂

秋日懷嚴雲岑道長

當年臺柏近如何春草秋霜歲幾過雲擁薊門通
魏闕月寒易水發燕歌五禽不禁天風冷孤鳳偏
宜帝寵多却笑逐臣僕悴極無端魂夢繞鳴珂

曲逆秋吟四首

孤城月曉發清砧萬戶蕭條瀟水陰鴻鴈一聲朔
氣入蕪葭十里寒雲深官因多病成疆項詩爲窮
途倍苦心永夜天風吹不斷蚤來青鬢半霜侵

二

炎漢白登已誑戎歸來裂地廢英雄故拍曲逆千
家邑爲報謀臣六計功華表獨存秋草合于城猶
在暮煙空燕歌猛士應無限不向粉榆聽大風

三

九天露冷動秋思夢見長安覺後疑兩觀龍緜空
按劍千年魑魅慣彈棋白駒未雨尋空谷黃葉驚
風別故枝莫待清霜搖落後故園芳草恨歸遲

四

西風一夜動胡天驕虜連營笳鼓懸驚馬入關帶
羽鏃居人市馬衣腥羶清霜欲度黃花嶺寒日先
開白草烟多少材官屯上谷何勞指點說秦邊

中秋寄兄

中秋孤月散晴光兩地偏驚玉漏長露霽縉雲千

里夢風寒蒲水一天霜賴將海鶴鳴清禁請覓江
鱸泛野航病裏不堪三徑遠莫教黃菊負重陽

謝江誠字年丈見慰

曾同衣鉢少年遊渭樹江雲隔幾秋得士口存蜀
父老柄兵膽落漢鎗緜錦帆千里來春色畫角三
聲起暮愁莫惜逐臣仍悵望將因臥病解歸舟

寄謝山東五進士

海岱不堪說舊遊交情回首隔春秋故人霄漢三
奔錦傲吏風霜一敝裘雲擁上林空有夢月寒易



水不勝愁錫光狗監寧今日好向明時壯 帝猷

聞却方岳中巖誕子

長庚秋杪射夷梁千里粉榆草木香方岳幾年勞
異政明珠一日吐元祥桂蘭挹露分清藹松蕙流
雲藉末光莫向藍田糜歲月何時霖雨動遐荒

得杜侍御西泉論文書賦此寄懷

南床猶憶惠文冠今古長沙行路難諫議舌存仍
面鏡奸諛骨朽亦心寒 三朝耆舊懸車日五世
芸蓀戴筆端自是少陵堪獨步敢勞推轂與詞壇

得蔡心可年丈書

九秋惆悵一椀書瀟洒千言問論居雲樹似憐罪
李白風霜偏襲病相如孤城返照群山暮易水流
寒片月虛郎署總能千柑餽燕關彈缺已無魚

送熊月陽還京

偶隨玄鶴 帝城邊珠樹曾栖太乙前閨苑獨傳
茅氏訣丹崖奪得海霞篇雲情欲濟相如湯露液
旋祈姑射仙何日杖屨仍護躡願從曼倩隱壺天
懷申玄渚年丈

風吹孤月半輪秋每到秋來憶舊遊月隱縉雲通
禁苑風寒易水盪虛舟十年不調君無語萬里三
投未足羞粉署手標得見否休文衣帶不勝鈎

寄賈琮字年丈

蕭蕭驄馬動神京同謫長沙萬里行愧我十年仍
墨綬多君一日解塵纓無名去後忘何武有問席
前須買生共作逐臣誰更苦幾時白首一身輕

聞張會長重岡應薦

幾年燈火憶聯牀計吏來來訊促裝鸞表一朝傳

上國鴻書三策動明光雲連松蔦毒清蕩露冷芙
蓉綻蚤芳新進近多煩廟畧佇看止輦問馮唐

丙申誕辰

浮生五十已茫然初度驚心又一年剗北霜寒經
歲月梁南春色隔風煙狂言罪錄三投後夙病愁
添二豎前慄慨拂衣歸未得不堪芳草白雲邊

郭烈婦

從君寂寞夜臺遊誓死何勞悼柝舟夢破彩雲三
歲日心懸孤月一天秋悲風吹斷春花老嬌鳥啼

明府登華海嶽流花城聊試舊弓裘登龍蚤冠三
千客跨鶴曾過萬歲樓俯仰已承賈父召攀轅猶
借寇公留葛洪山下雲長護何日雙鳧向 帝州

東唐色孫明府

侍御喬公枉道見過余病甚伏枕賦此志感
驄馬蕭蕭問謫居交情却憶十年餘還 朝雅望
雲霄近伏枕空櫺歲月虛賴有築臺堪試馬任教
彈缺恨無魚未央新燧時無暇莫向矚頭再上書

霽月

風吹孤月碧雲收萬頃晴光接素秋忍見清輝千
里共空櫺灑影一枝幽寒江望斷芙蓉老金井啼
殘絡緯愁聞道未央相助盡王蟾珠樹漫應留

話舊懷王柱石年丈二首

波上風雲護太微曾隨驄馬弄春暉十年萍梗江
湖隔此日金蘭咫尺違乘月夜深客夢斷霜天秋
老塞鴻飛南床兄弟多零落莫向人間問是非

上堂曾從浪漫遊，夜深前席話離憂。賜環若已懸冰鏡，彈缺予今滯土牛。海內風流知已在山城，悵惺向人羞聞雞對舞。知何日應笑馮唐易白頭。

客話曲沃

新都樓閣頽氣，水逸山環迥不分。春草晉文御榻，巷秋風漢武舊橫汾。昇龍鼎畔虹長繞，黃鵠村邊日欲曛。五載早荒勞墨綬，空檢逸興蒲停雲。

懷鄉秋吟呈大中丞文麓鍾公四首

一夜朔風萬木凋，故園秋色正蕭蕭。江天露白天

蓉老水國雲深鴻鴈遙，遊子萋萋虛歲月，野心鬼夢在漁樵。音書不到衡門冷，賴有文翁慰寂寥。

二

有上晴光泛晚霞，斷橋環水老夫家。九秋木落全無雨，三徑菊殘半著花。海蕪去時悲里巷，漁人潛處倚蒹葭。可憐不盡逃亡屋，明歲還愁浪激沙。

三

羽檄星飛未解兵，採銀十道出龍旌。赤丸暗結綠林室，黃閣誰聞白骨撐。霜落關河秋萬戶，夢驚才

斗及三更近來喜得度開府金甲能銷保洛城

四

開府欽旄動九秋曾持龍節發中州周南已樹甘
棠愛召伯重爲杖柱留一日河嵩能變色千城雨
露坐消憂自憐遊子風塵隔倚杖看雲慰白頭

夜坐二首

伊祁山下晚雲橫歲月蹉跎古北平老去羞人說
吏隱病來宜我臥孤城葛洪狂閉仙公灶易水空
懸壯士名入夜星河一悵望海天獨有少微明

二

燕雲一帶海山雄 聖祖開基百戰功天市斗斛
光灑灑帝城樓閣鬱葱葱彩霞不屬金銀象紫塞
常關龍虎風寄語採山諸惡少無令佳氣漠然空
丙申九日是歲閏八月

燕關無樹不飛霜秋盡天南斷馬行官署風寒蒲
水靜戍樓月冷栢山蒼窮愁總廢登高興對酒還
生落帽狂却笑黃楊厄閏後又從殘菊度重陽

雪中感清冷朱年丈見過

一衣霜風捲六虛，
遲明雪裏見軒車。
不許枉道尋空谷，
爲念生平問謫居。
苦竹戶中衰，
儼臥寒梅原上玉。
騎驢多情更比山陰棹，
乘興直須到敝廬。

送錦衣姪鶴齡歸里

風塵羽檄滿山河，
猶子還家奈若何。
兵事慚予空折檻，
金吾賴爾一揮戈。
虎頭終見隨飛將，
虬鬚寧宜伴老叢。
文彩謝家多寶樹，
誰能沉水靖煙波。

得家兄手書見懷用嗣韻

風塵客泊廟堂心，
兄在燕關更濕襟。
別後音書三
月斷，
夢中衣馬五雲深。
可憐赤縣時多事，
誰念蒼生歲大侵。
幾欲相從詢上計，
何能造羽共楓林。

附家兄自都下寄詩

劄北汾南總客心，
偶逢來使欲沾襟。
愁看鴻鴈汀洲遠，
自顧鷓鴣楓樹深。
眼底青山常四合，
鬢邊白髮苦相侵。
向來棠蔭今如許，
奇羽何時集上林。

聞家兄 欽謫


幾年謫宦我難任，
何事吾兄嘆涸沉。
市虎自甘堪
峰尾，
癡魚獨苦亦灰心。
遭時莫問三閭淚，
渡國何


天涯兄弟重離情
同作逐臣更迭行
我已無家愁未路
兄今去國復長征
關心肥瘦一身重
過眼升沉萬事輕
若到松楸哭馬鬣
勿云季子未逃名

勉曾遜二子同應鄉舉

吾家兩世嗣聯芳
更喜雙雛緒屬行
彩筆並傳囊脫穎
荷衣交映舞斑鶻
先公棠棣留餘蔭
及爾墳笈藉末光
海內風塵愁白髮
願將龍劍報疆場

中家集卷之二終





REPRODUCED BY NATIONAL CENTRAL LIBRARY, TAIWAN, R.O.C.





國立中央圖書館, 臺灣, R.O.C.

36630 v.1





中寔集卷之三

扶溝何出光兆文甫著

七言律詩

雪霽過蘆溝橋

桑乾一帶凍雲連
遙望都門霄漢邊
玉色畫籠丹鳳闕
銀粧不見黑龍川
黃金臺下芳塵淨
碣石磯頭瑞日懸
囊底孤琴絃尚冷
披將白雪和鈞天

寓都中寄姪武

河外別爾換官袍
千里都城望目勞
燕市浪收騏



驪宮謝家還有鳳，鳳毛青春莫訝瀟湘。送白雪爭傳郢調高，小阮風流非望女。將期不負衆兒曹。

和王河春水之作應制

芳湖雨過靜無聲，百丈飛虹繞禁城。波撼樓王氣灑光連銀漢，春階平棹含曉露。紅粧綵柳拂東風，翠黛生豈是皇都春色好。萬年豐吉舊清明。

送李見虞出使遼左

遼陽一望海山雄，星使憑輶下總戎。才道子房堪幘內，誰教蕭相餉關東。材官共擁朝鮮路，旌旆長

飄。女直風游歷應諧三衛險，好將邊計上丹楓。

早朝侍班

芙蓉閣下曙光開，鐘鼓先開左掖關。夾道平分禁省序，步辇直接上公班。神搖雉尾雙龍扇，影靜螭頭獨多冠。奏事脩容無寸補，空慚咫尺對天顏。

扈從 調 長陵

九帝陵園霜露寒，感恩駐蹕擁千官。居庸天險旌旗壯，上谷山靈龍虎蟠。七世祊門薦俎豆，百年寢殿衣冠神功靖。難歸何處悽愴臨風，憶人鑿思。



風名

端午 賜扇

佳辰委珮披垣東瑤箆籠函出禁中不是鷓鴣行蒙
湛露敢隨雉尾把清風天街自幸穠統素 帝寵
何須臂綫紅况復班姬初侍釐新從懷袖 主恩
隆

五月廿九日述懷東亦卿季太史

黃金臺畔曉雲開 明主今求八駿材自笑草茅
離部屋諺從霄漢望蓬萊馬卿在昔無知己狗監

于今不薦才謾道市鴛獨未售上林聲價屬龍媒

送侍御去華年丈謫南海

春明門外曙光遲萬里逐臣去國時仗馬一鳴空
冀北扁舟八月到天涯慚予午後誰青眼抗疏竊
頭羨白眉越秀秋高頻張望暮雲江樹倍相思

賦得別鶴吟送孫印池之任儋州嗣來韻

一聲別鶴怨離群千里秋江又憶君雲影天南堪
舉翼風塵冀北迥難馴鳳毛池上傳心印馬耳峯
前絃世芬瓊島珠鑿不可棄好將清淚寄春雲



春杪逢密雲使者寄懷別駕胡公蕪
年丈

密雲云百雉接神機萬駟材官障北天
聖王題屏
推漢吏使君轉餉秦邊旗鎗遠射朝鮮月甲鼓
長消女直煙二抄不妨隔塞樹向陽花木自春先
宿橫嶺關

宦遊到處愛青山山興全消橫嶺關極力登危數
百丈懸身飛度幾千灣野狐拜月驚殘夢猛虎窺
人守敵闌南去歸來重過此僕夫何得破愁顏

過韓侯廟韻

西楚威聲海嶽驚不防國士有韓生漢中一拜將
軍命垓下終成壁子名刻印奇謀招後至藏弓隱
禍已先萌功成若共赤松去雲夢何勞天子行

清明日送計部尚書郎呂公還朝

星使乘春向日邊旌旗夾道香蒼煙後車載呂行
何急下榻爲徐去已癡天地清明逢此日風雲際
會正當年情知別後相思處夜夜搖光北斗前
秋日聞赤城尹公子捐館還芻蕘那賦此以



哀之

搖落堪悲汾水頭無端公子夜鞭虬人間共惜青
雲器天上空傳白玉樓歌罷履霜同是夢功成保
障亦深愁可憐齊晉千山隔衰柳寒鴉處處秋

壽詩二首

老人星燦鳳城邊上國春深敞壽筵愛日且隨鳩
杖樂高風不讓鹿門賢五雲影美斑衣色三秀祥
吞御苑煙况有神駒扶泰運管教玄鶴羨長年

其二

蚤年燕市發長歌文雅風流薄綺羅晚向金門成
大隱更從玉陸沐洪波手栽仙桂春光滿身操靈
椿歲色多况復僊童添海屋不妨着錦醉顏駝

寄豫原劉公一首

故甲春光勝昔時人傳明府政相宜才聞騎竹歌
來暮忍見遺棠係去思夜月汀洲客夢香暮雲空
樹鴈飛遲飄零宦海憐同調莫惜鴻書問所知

秋日梁園卽事六首

梁王臺下草離離回首西風動客思九曲洪河圍

故園十行衰柳護長堤旗亭寂寞門空掩驛路蕭
條馬更嘶日暮獨經歌舞地寒鴉啼徹碧楓枝

其二

黃河八月動秋濤雲水排空望目勞江上故人發
錦纜郢中歸客著青袍蕙葳疑露橫洲渚鷗鷺凌
風墜羽毛舟楫渺茫迷去路燕山直北鴈門高

其三

萬歲山前夢綠堂宋皇北狩幾經霜金明池上藤
蘿暗花石橋邊日月長異代君臣空改宅盛時羅

綺競新粧從來世事多翻掌不及枚生任老狂

其四

胡騎長驅汴水頭鄂王祠廟枕寒流班師鐵馬仍
圖畫報國丹心成古丘異日英雄空墮泪向秋松
栢迥添愁山川百戰今何在十六燕雲盡帝州

其五

千尋古塔插層林戶牖凌風望不禁地壓中原三
嶽迴天連北關五雲深上方磴絕還僧語下界廓
迴總梵音金碧漫傳開寶事淪青今見老臣心



其六

空同宅第幾經過門柳庭槐曉露多遺像猶如瞻
秦嶽佳篇真是望黃河三秋草木悲搖落萬古雲
霄想王珂近喜交遊隨郢巷勉傳餘韻一高歌

聽話金山

亂石灘頭十里橋遙看梵宇挿晴霄客帆影落澄
江靜仙樂聲沉白露饒萬仞懸崖迴鳥鵲幾多楓
樹足漁樵人傳宋王悲秋處何日登臨望海潮

題杜氏野堂時渠舉子

煙林迴合野堂開檻外龍湫浮翠苔三徑土花蔕
謝築千章古樹杜陵栽鶴鷺客至凌風唳燕舞柔
高逐景來况復長庚新射彩充閭更有阿戎才

齊隱翁壽辭

繞村溱洧泱清流南極光浮二水洲日謝要屢尋
鶴聲風高垂釣負羊裘清朝鳩杖沾新寵白髮驚
冠異舊遊况有溪邊明彩服坐着蓬海報添壽

劉司寇泛舟有作因步其韻

城陰烟水蕩輕舟蕭鼓聲傳僕射遊桑柘昨來仍

繫馬魚龍今已足垂鈎魏尋興屬雪溪棹瓠子歌
殘北海甌薄暮西風吹浪起多君擊楫在中流

遣二子從學有感

昔在椿堂弟與兄雙瞻青眼望鵬程那知鉛槧勞
先志空作箕裘待後生三十無聞猶繫夢二郎有
分蚤求名庭前又禁窺園戲回首白雲更愴情

別聖端陽日醉後柬王君

佳晨睡覺野堂空有客携壺落照中老樹百章擁
古廟荒臺千里送薰風不辭共醉留遲暮獨憶臨

別嘆路窮寄語芳隣王烈董論交還欲過離東

哭太學李生妻何烈婦

寶婺星沉片月孤酸風千里射蒼梧不堪湘女愁
竟絕應爲謫仙望目枯夢去鴛林隨玉樹心灰鶴
表付冰壺夜臺寂寂霜天冷終古遊人吊鷓鴣

別聖獨射寄懷許生河洲

強弧欲挽勞層雲孤鷺殘霞迥不分老愧烏號寧
獨我幼稱龍劍亦惜君非關鴻鵠能移志無乃鷗
鷗苦戀群却笑英雄晚入彀好留神箭定妖氛



喜惠民橋成

百尺飛虹入望遙
路人錯認第三橋
鯨鯢出水蟻
題柱鷗鷺凌風上
畫標苦竹無勞招舫
橈浣花有路走漁樵
謾夸杜預平津事
今古芳聲動晚潮

涉淇

高村萬樹薄淇淇
淇水環流激淺沙
斷岸雲開雙梵宇
橫堤烟鎖幾人家
車回寒磧魚梁逼
路繞荒波鳥道斜
沽酒河梁重話古
衙園竹色已蓬麻

次蘆溝

薊門一壘帶桑乾
水落山高萬木寒
鷓鴣陸生來天際
隔龍城還似夢中看
清時恐負彌衡表
塵路將彈貢禹冠
日射瓊樓雲五色
花光應是滿長安

試官西省即事

拜命朝回結綬新
秋官畫省絕風塵
帝城甫過千山曉
郎署雲隔萬樹春
啼鳥驚心堪載酒
飛花入座欲留人
誰云東閣招賢晏
盡是西臺執法臣

七言排律

秋日同于兵憲開武黃寺山口

山在邢臺

白雲集 卷之三 九
叠嶂層巒翠色浮况經朝雨裹平嘯旌旄風動驚
倉厲甲冑霜寒跨紫驕小隊漫尋曲澗側高牙遙
建曉峯頭羗營吹角開雄陣山寺鐘鳴候壯遊楊
葉箭穿角虎豹柳營杙靜擁貔貅笑看今日鷹揚
士恐是他年燕頤候 盛世無勞桑土計小臣空
抱廟堂憂三睡烽靖胡塵遠八嶺煙消漢將收日
暮孤城回悵望白雲飄渺一天秋

春日夢遊神京輒用七字句述懷

望夫山頭望帝京繞懷春色繞龍城無端午夢隨
征馬却向宸居聽嘒鶯溟海故來澗魏關行山若
爲鎖蓬瀛雄當百二重關壯勢壓八千秦宇清藹
藹晴光複道徹籠籠佳氣御壇橫昭王苑接凌風
表郭隗臺齊承露莖金屋窈窕流碧落玉樓迢遞
數丹楹九門鐘漏傳三輔兩觀旌旗列五兵鳩鵲
宮中分內貴鳳凰池上羅群英青藜坐閣推劉向
白簡當庭見賈生使相從容長劍屐列侯趨交畫
簪纓天階俯仰乾坤闊衮服瞻忽日月明乍看鸞
鷺同步侶俄逢蝴蝶渺竟驚燕雲回首身空在江

漢愁心鳥自鳴大雅于今久寂寞小臣何以報昇平

壽章

薊門萬仞渺春煙畫未堂間結綺筵南極星同北
斗燦少微光與大微聯古人誰向金門隱今日翁
如曼倩賢碣石風雲供暮景桑乾雨露繞壺天青
春詞翰凌風表華髮恩光動日邊共看彩鸞榮尺
一爭知玄鶴翼三千手栽丹桂干霄漢色借靈椿
傲歲年塞下龍緜屬老范靜中龍虎護仙佺五雲

偏借斑衣彩九棘行添紫誥篇三壽爲朋成盛世
萬年天子在神燕

五言古詩

入 觀回將抵曲沃

朝望紫巖山暮走鳳城道赤地飛紅塵四野無青
草元元叩馬頭怪我歸不蚤麥秋旣成空川澤俱
枯稿比屋計逃亡哭聲無昏曉自顧頂踵微何以
慰黎老

過古漆園有感



慚予官柱下勞勞經漆園欲羨昔賢隱恐辜 明
王恩夕殮不滿殿驅車走荒村逃亡方比屋哀號
無朝皆毒吏事魚肉誅求竊兒孫匍匐滿我前向
我鳴其冤逍遙苦空者對此亦聲吞世人右其道
而我違其言聾聰黜明說忍於告 至尊

漳決魏邑成安與魏接壤水旱相半也至耶
鄆而早甚感而有作

晨炊發成安暮走耶鄆道傷心漳水雲鬢自最臺
草雲漫水不收草枯穀亦槁傷哉咫尺地憂旱復

憂潦民食已到骨秋稅苦稽考願言罷催科無使
傷懷保

澤州城樓別濕川殿下

城頭列巨觥暫與王孫賞冀問後來期世態難俯
仰去去任空山白雲自來往

別門生苗孝廉

大雅不堪聞新聲競矯好我與世相違浩然涉遠
道別後善從時衣鉢今已老

別洧陽小隱有引



太原既罷余築室涓上而頰之寤言將終
身焉至爵者三授之不應顧不得還檄請
老也無已有曲逆之行回望煙霞此以志

感

結廬涓水涓夏木亦繁感鳥雀定新巢母子歡相
慶巢成不得屈繞樹哀鳴競物情信有知吾生信
有命蚤齡愛幽遐軒冕非吾性三十忝登庸勉爲
疆項令旣戴惠文冠矢心佐 明聖昂首爭是非
頰首分邪正荆棘樹蒲前戈矛復縱橫抽身謝長

途林壑逃名姓蔓桂老愈棘槍竹寒充勁豈爲病
不官恐犯生平病造化何小兒美人能操柄悵然
復遠遊從此失鷗盟回頭水竹屋清籬芙蓉鏡白
鳥點綠苔瓊樹輝相映千里夢歸來夜夜塵心淨
哭季太史青墩年丈

長泣悲孔麟飲泣傷賈鵬大塊何茫茫斯人獨淹
速伊昔少年場雄文爭累牘同袍四弟兄君自登
天祿我折陶潛腰君捧季主腹中外隔雲泥夜月
空梁屋白下開經帳薦紳競推轂豈意班生馬謖



成寇公竹支離歲月深
先別何迫處夜久霜風號
時聞新鬼哭

喜遼師大捷應制

玄穹厭胡風殺戮腥
蒼昊天誅不可留
霆威事遠討鐵馬橫金戈
壯氣胡塵掃
貔緄百萬雄
勢壓遼陽道
旗揅陣雲低
弓彎邊月皓
軍聲動北陬
胡運絕窮岳
魄受降
旂授首
元戎盡
纓濯黑水
波馬廐
白山草
革函奉外藩
易心苦不早
女直莫外連
朝鮮幸自保
露布徹重關
義懷今直搗
三番藐胡

天萬國賀王造極目
薊門高天清王氣瀨
春色上朱干
歡聲動羽葆
文德頌皇猷
武服歸元老
殊績載旂常
策名報神考
願言勒凱歌
千秋以爲寶

還家哀

自昔還家喜
今始還家哀
入門拜空堂
雙座生塵埃
我行見里閭
離復望兒來
百呼百不應
泪滴結爐灰
我兄勸我餐
相對泣
粥杯努力事揚名
無使白髮催

七言古詩



清明日晚發都門話別家兄

去年長至發堯都今日清明 帝城隅風塵三月
馬蹄忙夢魂不到南雲孤南雲飄飄泊水瀨華表
經春亂芳草處處墳頭羅酒卮遊子天涯歸不蚤
天涯野棠花欲紅故園何處不春風春風伴我過
親舍桑梓依依似夢中依依桑梓不能去童僕催
行返官署折腰爲宰復幾年後會何日知何處吾
兄自是天下才十年不遇空塵埃明朝射策期第
一莫似區區同騫駘區區話別情何極日暮第南
兄復北若到堯都望五雲池草時時遙相憶

春日過銅雀臺

漢家燦爛千門空 矚奴僞造銅雀宮 銅雀臺高幾
千仞 珠簾繡幙留春風 春風忽散分香殿 一代豪
華付漳水 登臺不忍看 西陵翠鈿金釵爲誰死 講
武城空草木春 駢車駃馬飛紅塵 老矚霸業成塵
土 鄴下何須惜二荀 鄴下風流不可見 漳水銅臺
經幾變 龍飄鴛瓦沉泥沙 今人拾得爲佳硯 今人
不見古人臺 今日春花臺畔開 銅雀春深何足恨



二喬粉黛已成灰

秋月行走筆東李溫甫

秋月明月明萬樹含秋聲罷琴悵悵霜風清凭高
一望壯心驚千家愁絕何執斃徒四壁立囊無盡
夕殮多不爨萬戶晚烟輕月羅千畢卑臨長庚崇
朝不雨降割而氓早魁與我爲敵勅我欲乘風叩
王京何乃天公不鑒吾之忠誠雲冉冉兮白榆橫
寒鴉繞枝飛且鳴我身當此憂如醒何以周之空
泪傾奮臂無勞笑李生

喬山行

喬嶽萬疊積瓊玖千峯拱衛俱回首翠崖直上九
萬重下瞰空翠千林藪復有大阜東北來草蛇蜿蜒
盤中走紫金山麓滄水陽千古新田元不偶新
田萬戶曉烟濃彈丸瑟瑟如蒼緞滄水東來北接
汾群山點點合襟口太行萬仞據龍盤杳杳姑射
神天右名山千古多人踪獨上絕巔誰與偶渺渺
層林曉霧迷襲襲兩掖松風吼頓令身世高人極
况乃眼界空九有回首燕雲幾萬重直欲乘風問



北斗

冀州行

風颺颺思悠悠匹馬長嘶古冀州城郭蕭條漳水頭云是當年畫野神明留齊煙九點八其儔弄丸且暮經虞周鼎卑之宿當此陬紫微盤亘控燕幽燕幽古道今蘆溝千回喬木爲薪樵昨日秦鹿猶楚猴漢置信都始罷侯推輪東鉞如番休惡少奸雄爭上游本初之徒不足籌老瞞霸業稱堪羞幾回朝市等浮漚幾度衣冠成古丘賢良闡茸同鬻

饑代數刺史如蜉蝣花落雪消春復秋英雄空抱古今愁君不見竹林寺影未曾收虹爲梁兮霞爲樓須臾變化不可求更無老僧山門遊塵世猶如幻雲浮何必向冀州千古思悠悠

長平驛

白起坑卒處

十里沙場平如圍兩山對峙仍相伍貔貅萬竈忽煙消頭血頭骨多於土趙括掩面怨父書白起成功報秦王功成震主身自危受死杜郵如屠虜孤人之子寡人妻誰似君家劒鋒苦劒鋒自殺謝三



中興集
卷之三
武安君
軍殺降不武君不聞當權莫使英雄盡英雄誰似

五嶺山行

驅馬五嶺山何如九折阪羊腸下鉅壑鳥道通絕
嘯車摧馬蹶行不得遊子當初早不返當初攬轡
大行巔不信人生行路難但說不平惟按劔才聞
古道卽彈冠詎知直道時所忌錯認乘馳人人避
射殺城頭千歲狐直欲窮淵驅魑魅千辛萬苦事
長征浪說人間知姓名一朝坎坷失前路皇天不

鑒吾忠誠回車自恨收繼晚猶幸迷途之未遠跛
足碎首自甘心敢謂王臣多蹇蹇蹇微臣去不
還青春猶得到鄉關烏啼花落正高臥夢魂不到
五嶺山

三山歌寄謝涿川道友

蓬萊三山在何所中有諸真多幾許世間交口說
金丹蓬萊路人應如旅金丹從來多誤人龍虎豈
成口頭語多君不捨古塵言鑄劔光華宜御女交
梨火叢靜中飡玉兔金烏一鳴養君身自是仙骨



奇黃白丹成待選舉不數安期與美門軼駕雲駢
鍾與呂我亦瀛洲浪繫名流落人寰多戚楚與君
傾蓋卽生平白雪黃芽盡付與他年方丈望齊州
云是潯川舊道侶

投筆行

案頭毛穎短且秃鋒芒磨滅常羞縮免冠髮種在
管城麟閣王堂不收錄伊昔青鏤聚彩毫萬千拔
出中山毛白衣脫穎沾墨絞五色文成奪錦袍元
銳初侯應列宿春風鏹底播清畫唐屏御墨力爭

先漢傳丹青寧落後唐屏漢傳書循良冠上斜簪
獅多傍風生諫草回天地霜落揮毫走犬狼犬狼
風靡何足美社鼠城狐心膽散一掃千軍姓字香
可憐轉眼成塵案忽捧丹書出紫微白毫搖處生
光輝排山撼海如椽巨燁燁文鋒繞電飛憐君峭
直追吳兢義盡棘園無限病傾肝吐膽見肺腸至
今反說心不正一麾太矣忽生花露冕行春春萬
家却論當年穎舌惡一投萬里到長沙長沙萬里
何足異獨向溝中甘心棄知音拾取惜餘毫裝束



從頭屬老更老更腹中墨有餘縱橫只看用何如
班生且莫空校地留却山中粗著書

晚過十賢祠有感明雙書院因廢此祠

荒臺蒼莽今誰主古木天昏毒龍舞風吹孤月幾
時來獨立倉皇吊千古孔槎蹈海不復迴二氏紛
紛敢我伍撐持兩曜幾男兒廟貌荒涼今不覩浮
圖蒙血種雲霄學子空齋成塵土天津橋頭夜鳥
啼昌黎先生悲石鼓嗚呼九關隔重雲野鳥莫號
虎豹怒

題楊東陵九十壽圖

畫圖君見東木公身御青虬扶桑風又獨不見南
極老自跨白鹿步晴昊古來丹青耳不目何似而
翁真麗皓而翁少貌邁凡流英英眉宇炯雙眸幾
從瀚海學大釣巨鼈掣斷黃金鈞無端頽日掛榆
桑綠鬢朱顏忽蒼蒼華髮幾冠海鶴姿曲指九十
同春光春九九十去復回木公南極何悠哉而翁
能添海屋籌南山長對金樽開

去婦辭送去華年丈謫南海



處妾三日未廟見一語不投輒反面含愁凝睇下
君堂朱顏羞對齊紈扇紈扇新裁色未變棄妾不
待秋霜霰女也婦也未分明逢人休說合歡讖主
家紅粧十二樓何須交馬求淑媛徵車間關勞良
媒昨朝寵貴今朝賤朔風如割泪如線萬里一步
一回盼巫峽峯前雲幾重潯陽江頭石一片人生
苟存鐵石心天長地久重相見寒翁失馬未爲戚
池上鴛鴦何足羨

將渡河留示姪武兒曾遜

黃河湔騰浪如土燕山萬仞遙可觀山高水深去
路難丈夫不言此離苦自我十五南渡河世人輕
我交相侮坎珂棘園十二年于今始得干 明主
明主高揭郭隗臺臺前駿馬多如許未敢言空冀
北群也應齊駕六飛舞壯懷直北在功名千里鄉
關自伊阻鄉關回首惟爾曹努力青雲步前武男
兒若不事長征區區溫飽何足數

世節行

娶值辰孤逢宿寡帝遣天孫匡塵夏綱常萬古揭



雲霄嫠婦孀姑共茅屨蒼梧山高湘水長群山繞
湖同茫茫自媿自作德門婦德門幾世芸蓀香鳳
凰忽折彩雲散翡翠衾寒秋夜霜秋夜春朝不計
年年年歲歲鬢霜添共姜之死心猶壯令人累誦
栢舟篇幾將孤憤射重霄日月無光山斗搖堂上
萱親堂下婦芳名千古同寥寥我聞此語嘆且犁
蘭蓀共我策 楓宸英風凜凜邁群倫睥睨塵世
追先民衆人婦女留鬢眉誰道鬢眉在婦人秋風
長嘯拂燕雲眼中冠帶何紛紛

荆璞行

咸陽壁荆山石當時三獻三不納和氏抱之泣何
益丈夫有才須有用蓬窻不老青雲客莫厭年年
頻射策君不見咸陽壁

雪夜飲劉司寇宅

元日祥光貫北斗風塵不動效氛走太平天子鞭
六龍林樾老臣隨天壽春雨侵尋風漸寒朔氣還
來射簷桷賀監堂南花滿席袁安門外雪如手倏
忽王龍掛長川瓊瑤占斷襄江口主人愛客復愛



才滿塵清狂傾栢酒栢酒能融八斗才撒鹽飛絮
皆成偶大匡山人詩滿囊子晉仙翁才獨右邊巡
盃酒飛瓊卮鳳笙龍管聲相吼黃昏燈火滿蒼阿
獸吞鼻髮入憲廡俄聞天風散角 辭山陰不覺
良宵又忽復殺動動王觥王觥返祝祝者者君不
見茶閣公香山叟蒼生四海尚合情肯負春光空
白首

姜生卜居

栢流遙離煙山麓煙雲十里寒織竹蒼猶覆井玄

鶴栖紫杏凌空陸白屋主人躡踪稚川後絕島僊
伶呼小友侏儒仙袂二尺強架上一壺大如斗幾
年採藥採玄津肘後一囊萬戶春金作南山買一
顧紫緋高蓋回赤輪赤輪高蓋不足數鸞織鶴書
閭雲舞丹砂鑄鼎赤雀飛爲卜幽居真金甌幽居
故傍荒臺下一粒神樓萬鴛瓦門前長揖安期生
堂上朝開麻姑社青精作飯對霞餐火棗交梨白
玉盤醉來幾欲留仙袂五山飄渺飛雙鸞君不見
縣壺公高堂峻宇一拳中姜生若入壺天去莫使

而翁路不通

越溪吟

西苑越溪女浣紗當溪流溪水滌洞照紅頰破永
影落紅頰羞遙聞楚女事吳宮如花調笑坐春風
回頭顧影越溪裏天上蛾眉應不同遮斯麗質人
所羨一朝選入吳王殿吳王半醉愛新粧西苑並
坐擁嬌面嬌面嬌來愛鞦韆吳王終日看不足越
羅蜀錦不堪著環珮釵鈿輕珠玉幾回侍晏荷花
浦姑蘇臺上恣歌舞却笑當年羨吳姬三千粉黛

渾如土粉黛紛紛笑語頻傾城傾國屬一身誰知
笑倚玉牀者原是溪流浣紗人

行路難

君不見東家少女顏如花十三學舞情琵琶嬌歌
一唱凌朝霞蛾眉婉轉目橫斜自矜嬌豔絕代無
人傳夫婿公子家公子黃金十二樓昨夜夢粧樓
上頭誰知命薄多淪落至今三載尚淹留淹留歲
月不足數摧折紅頰多辛苦去年姊妹嫁不得今
歲爺孃入黃土朝朝暮暮泪漫漫泪濕危絃不更



彈鉛華費徹誰復買至此方知行路難行路難使人聽此增長嘆丈夫風雲會有時詎終白首困窻寒

雪夜讀石孔山人六藝歌

元蓮寥寥絕大雅頽波東逝凌空瀉如何夫子挽天泓愧我十年空門下小來落魄不受倫眼空八際惟先民當初夫子不我顧爲我愁是一狂人節屋觀日苦不蚤脫身學道未爲老天風吹鷓逐鵬搏萬里雲霄非遠道夫子沉淪我抑塞走書觀我

昇六寶時狂半醉眼不開云是達官幻者彙歲暮律窮霜氣結朔風凜凜陰壤裂門前俗子罷交遊窻裏挑燈方檢閱乍來驚顧杳難入欲解不解聲頻咽幽吟須臾神初定恍惚夫子來相命霞天碧海蕩搖魂萬壑千峯發清興孔堂漢苑人踪少千古數公何寥寥羅耀高春五嶽低鯨鱗撥浪滄溟小秋風失意正垂頭使我見此雙眸瞭我恨收鷲鮮龍馬何如龍在擊之野屈平悽悴宋玉悲于今誰是憐才者君不見江干踞躄漁父嫵豈信風流



非人下詩卷若留天地間莫恨陽春和者寡

堽壇行下第後重與諸君結社

朔風蕭蕭吹屋瓦短褐階前來繫馬
搯梳壇尋舊盟割雉屠狗血盈竿
當初相顧易封侯十載于今在人下
蘇秦未遇原憲貧寥寥誰是憐我者
世人冷暖易交情千古與君存
大雅金石交伊洛社共際途窮
泪欲灑從此鍊硯未曾穿
莫恨隋和售者寡起來騷首望雲霄
萬壑愁心向秋瀉

漁村謹時扶溝被水

五湖白浪翻如雪漁燈子夜明
復滅東疇西陌走舳舻
萬戶蕭條愁魂絕昨日天風催飛電
千巖萬壑毒龍戰
忧忧遙聞山鬼愁時時若見蛟龍見
西北怒濤奔萬馬
捲起黃河自天瀉兒啼女號繞空床
須臾回湍上屋瓦沉窳漂榻晨烟斷
俄驚舟過新畊畔
哭聲夜半千雲齊
宣顧南畝桑麻亂
河伯驅蛟欲趁人
馮夷擁水決河潯
自從姚江名尹去社靈不敢禦
妖氛我欲言之群妖怒
拔劍欲斬目當路
虎豹重重閉九關
何人飛上天閣訴巫陽不

下問冤魂蠶蠶夜夜宿深村毒民老吏催租急租
稅欲辦鷲兒孫吞聲垂釣蓼花汀蓼汀舟度漁風
腥回舟欲問漁村事歎乃一聲不忍聽

五言絕句

九日二首

宦邸逢佳節思鄉上古臺故園三徑菊不向主人
開

其二

薄暮逢新月西風掛碧天他鄉四載客猶待幾回

四

發定州四首

中山日蚤發南望洛陽路眼見故鄉人無緣託尺
素

其二

十年佩一劍匹馬中山道一日擁使車霜風振百
草

其三

道傍有逆旅曾此飯王孫今日乘輶過依稀旅店



門

其四

昔作道傍人數數避驄馬到此莫鳴騶念我窮簷

下
覆鴈口號四首

孤客身千里愁心酒一觴醉中堪寄興珍重非吾

鄉
其二

無緣脫宦海縱飲勝歸家酒醒身何處殘陽滿樹

鴉

其三

少小會無賴招尋多酒狂故人不可見且復掌中

觴
其四

無琴不酌酒醉後每成詩病裏琴詩廢何心更舉

危
玄偈六首

萬壑銀泉靜千山玉鏡懸聞風吹不斷三姓結良



綠

其二

地底一雷鳴
山中遍瑞草
藥籠須早收
莫道靈芽老

其三

靈山原未靜
動向何時生
山靜六塵斷
春雷自有聲

其四

灑氣出崑崙
金光射牛斗
四萬八千圓
甘露遍九

有

其五

天風吹片月
弓影西南懸
玉兔肥堪引
清光莫待圓

其六

深山釣火龍
擒我波間虎
龍瘦虎日肥
化作金童舞

燕中懷古三首

高懸駿馬價
遂築黃金臺
但說黃金貴
空群驥不



來

其二

燕丹昔愛客慷慨得荆卿易水千年在獨存壯士
名

其三

彈缺速歸去燕關不可居紛紛秦逐客誰敢怨無
魚

六言絕句

午夢二首

宦邸秋光蕭瑟故園煙水潺湲夢裏一溪茅舍醒
來萬疊雲山

其二

千里音書未報三秋搖落偏多幾欲心託鴻鴈孤
飛不渡洪河

不寐二首

鄉夢幾回千里薄衾才度三更欲去欲留官况半
明半滅客燈

其二

中外集 卷之三
天外風霜浙溼域中狐鼠縱橫借劔空勞魂夢幾
回飛向 承明

題城隅野居四首

南野開荒幾許桑麻禾黍年年白酒黃雞無盡杖
頭何用青錢

其二

門外舊栽五柝庭中新植三槐明日綠陰滿地野
翁隨處銜盃

其三

已見二毛入鬢何須五斗折腰況有敵虜堪寄不
妨溷迹漁樵

其四

沙虜島夷未靖中原雞犬不驚但保廿年無事陶
然可度餘生

題小畫四首

小艇載書載酒春潮任去任留爾我渾忘一夢隨
風只是虛舟

其二



中家集 卷之三
徑轉溪頭峭壁風前喬木無枝正好買舟泛泛故人何事遲遲

其三

松下待琴不至秋風清透琴心獨向松陰一曲高山流水知音

其四

一徑人跡渺渺千山雪色茫茫策馬梅花何處奚奴莫厭風霜

七言絕句

題姜烈女滄岸手跡

千年河畔尋遺跡纖手能傳烈女名河水自添指上泪鳴湍偏作斷腸聲

杪秋述懷四首

宮花不及美人粧近向欄邊摘晚香可惜芙蓉江上老含芳何日到昭陽

其二

蘆荻蕭蕭滿目秋紅粧只在水西頭五陵更選東家子夢斷天邊十二樓

別館孤眠不解愁，俄聞蕭鼓上龍樓。不知誰是承恩者，歌舞羞稱第一流。

其三

向陽花木自春先，更道江春如舊年。桃李無言應待日，上林花發許誰看。

其四

按大名諸郡邑，每詢父老輒有耳之心悸者。欲代之鳴，未能適壁間有民言十首，元洲公嘗從而和之，因嗣其韻。

早懸排天閉王樓，陰風不雨不勝愁。煙雲十里藤蘿暗，空作陂塘五月秋。

其二

將軍宿衛列繁營，郡縣何勞更募兵。見說旌旗到水次，王舟已過濟州城。

其三

燕姬鼓棹濕紅裙，搖曳舟行盡日曛。誰道前舡溺小吏，勿云執縛是親軍。

其四

早荒比屋盡堪憐稱貸官家加子錢聞道城中新
定賦深愁秋後更均田

其五

恩詔今年定有無田問父老待嵩呼計安宗社吾
明主決策匡扶子大夫

其六

將軍罷戰事和戎十八年來民轉窮邊塞蕭條腹
裡困誰能折檻說象恫

其七

漢家吏治坐沉痾鼠穴無如弊孔多安得倉公醫
國手窮源擢髮挽頽波

其八

月明犬吠滿荒村水國淒涼欲斷魂昨日丁男纔
赴役夜深有更更敲門

其九

客歲逃亡不種田開荒今日報新阡東家復業西
家去邑里風光倍索然

其十

中興集 卷之三



中寒集
卷之三
長堤十里漫空勞堤外洪河白浪高明日舳舻仍
到戶勿云板築不堅牢

渡漳河時家兄令長子是爲漳源

發鳩山下發清漳千里濟騰度大行兄弟各天惟
一水夢回芳草滿池塘

其二

春令原上叫新秋秋入波濤水漫流萬疊雲山看
不見吾兄只在水西頭

夜烏啼

殘月當空夜寂寥蒼烏啼散軍兜兜無端驚破關
河夢不見當年折柳橋

過清華鎮

春山一帶繞清渠煙鎖千家水竹居竹裏烏聲留
客住合當水際結茅廬

次武陵

春雨霏霏煙樹齊花枝搖處轉黃鸝到家計路仍
三舍已似茅堂泊水西

抵家



芍藥開殘綠欲奔故園春色恨歸遲落花不解留
人住又向東風送馬蹄

初抵家園賞菊四首

宦海風塵得暫閒竹輿透過白雲間繁華萬樹俱
秋色松菊猶能待我還

其二

芙蓉黃菊滿村家遷客歸來三徑斜風雨山靈能
知己深秋留得傲霜花

其三

十載天涯念此遊菊籬松徑不勝秋黃花霜後呈
佳色還是群芳第一流

其四

海上驚秋度遠峯故園猶得見芙蓉酒闌好記花
前語只恐歸來是夢中

見市老馬二首

老驥臨風瘦骨高長嘶猶憶九方臯自從仗下一
鳴後誰念當年千里勞

其二



黃金駿骨亦曾沽况有翔麟勝市鶩總是消磨千
里志也應留著識長途

詞韻送兄之任職方

風塵迢遞望長安斷馬飛飛曙色寒兄去去五雲歸
畫省我尋三徑結蒲團

附家兄原詩

刑第符赴職方和壁閣韓日黎

秋深匹馬向長安龍劍初分孤影寒回首拜州城
上月清光獨照露華團

得寧夏捷音再詞韻

干戈西夏報招安起舞渾忘夜色寒病裏不堪仍
載酒壯懷漸引小龍團

附家兄原詩

次馬門得舍第家報有贖尾詩

晉陽太守報平安古塞風霜不覺寒日近銅駝握
勝美陣雲結作五花團

次權店和遂渠韻

遷客逢春滿目秋馬前雪擁不勝愁長安回首三
千里夢斷天邊十二樓

醉後再步前韻



一聲長嘯海天秋拂袖歸來不解愁江漢垂綸自有分浮雲空蔽鳳凰樓

將抵家謝鄆中諸君召

宦遊西去小綿山寒食離家寒食還休過芳降人禁火壘雲遙望泪潸潸

逢劉生

宦海飄零經幾秋故人仍復寒海留乍逢恰似昨宵別把臂相看俱白頭

效乃曲

千尋巨艦大江中萬里江程一日風若到蓼灘滋淺處爭如漁艇任西東

其二

簫鼓中流錦纜牽後船羨我似登僊一朝淺在蘆花渚無數前船是後船

其三

莫恨船遲張飽蓬半邊著水半邊空終朝千里須防險却悔當初大任風

其四



吳將江頭起怒濤越臣湖上片帆逃忠懷雅况凌
千古殉國何如去國高

其五

賴上巢由發棹歌郢中孤憤赴滄波男兒若肯逃
名去千古何勞吊汨羅

其六

雷電奔騰古渡頭孤燈夜雨伴人愁已驚昨日風
波惡又向明朝羨去舟

木蘭祠賽神曲 有引

余蓋讀木蘭詞有餘慨焉不謂其詞於完
完之詞木蘭也蘭毫人文漢文帝時徵兵
造可空國蘭以父老不任投甲身爲丈夫
子以行轉戰燕山前後十有二年奏凱策
勛當受上賞乃辭官歸養以養明見傳華
參驚先狼額始知其女子也先當燕山之
麓蘭百戰收其地土人祀之至唐封以孝
烈將軍旌伏願隨祀唯謹願并歌多休澤
語參夫余製賽神曲
十有二闕以遺之

漢家霸業拓雄圖勇健風之丈夫揮槊當關百
戰後儘留生氣欲吞胡

其二

王臂朱顏逐虜塵貔貅隊裡度青春十年不卸將



軍鎧萬死猶存淑女身

其三

機杼才拋習鼓笳雙娥不展望胡沙
金戈鏃馬三千里縛得閻氏入漢家

其四

揮鞭逐虜入黃雲夜著鏃衣駐鴈群
不是凱旋重對鏡至今誰識女將軍

其五

萬死從軍十載餘校戈下馬拜庭除
功成不受明

堂賞百學纒縈自上書

其六

湯將孝烈等曹娥誓死何須蹈素波
况是凱旋十載後堂前小第已婆娑

其七

范郎城下破重圍刀斗風傳胡雁飛
但有將軍秦塞上何勞烈女輸寒衣

其八

關弓飛騎黑山頭曲逆曾經百勝收
縱使白登山

遇虜羞將美女覓封侯

其九

漢將功高屬女郎和戎何又出紅粧琵琶有恨流
千古青塚終無俠骨香

其十

千古荒祠蒲水西九秋殺氣塞雲齊閼氏膽落燕
山外不向長城放馬嘶

十一

關塞防胡自古今太平忽厭鼓聲音獨憐孝烈祠

邊月夜夜猶懸報國心


十二

風雨依稀見羽旂雲霞彷彿識征衣將軍莫抱平
胡恨今日燕山是帝畿

庭栢八詠有引

曲逆隣在山麓謫居經年不一見于君子
獨署中老栢鬱然蒼翠而更宜于霜雪雪真
可與共此日者第顧名而思有昔心焉因
賦此以志感

古栢蒼蒼陰小堂參天黛色歲凌霜無端羞對逐
臣面猶帶西臺舊日香



其二

當年臺榭有光輝
捧日扶天應太微
多少英雄零落盡
山城寂寞故人稀

其三

嶒峻秀色瑣殘霞
不數松筠傲歲華
多少風霜經歷盡
餘香猶自襲千家

其四

老幹龍鱗點綠苔
當年誰向署中栽
英雄短氣非今日
正是人間重栢臺

其五


露葉霜枝兩度秋
重門深鎖伴人愁
多情猶待三冬雪
好辦孤芳共白頭

其六

一夜西風萬木殘
芙蓉楊柳不堪觀
多君長日無顏色
獨有青青耐歲寒

其七

雪壓枝頭可當梅
爭如何遜署中栽
對君不厭風霜苦
玉樹還應幾度開



其八

長安春酒獻椒花
栢葉杯深御柳斜
今日對君偏不醉
夢魂只在野人家

經杜洧南墓二首

山盤水繞護龍渦
松檜千章帶碧蘿
豐草無端埋玉樹
獨留詩興寄煙波

其二

斜陽繫馬拜殘碑
文雅風流真我師
黃葉經秋搖落盡
傷心不獨爲君悲

夢身爲老僧別家遠遊


落魄於今三十年
無端魂夢繞諸天
近來幾欲名山去
爭戀浮生未了緣

題寺僧壁

遠公飛錫寄桐丘
洗鉢焚香事事幽
人世幾回看白髮
萬年松老對滄洲

謁臯陶祠二首

高陽才子佐虞廷
誰道明刑是措刑
天命終歸同輩者
空餘殘廟栢青青



其二


士師祠下古碑殘霜落天高萬木寒爲問當今民
牧者可能弼教一從寬

偶過鵠村


綠槐深巷幾人家微雨新晴散落花百里不聞愁
租稅數年今始足桑麻

中家集卷之三終





國立中央圖書館, NATIONAL CENTRAL LIBRARY, TAIWAN, R.O.C.



2025 RELEASE UNDER E.O. 14176



論明正東宮殿

惟人主之所本者惟天而斯得以在哉有推
良殺 皇上為天心之所養則 皇上之元子
即天命之所屬也我 皇上為民心之所欣戴則
皇上之元子即人心之所往也故 皇上之聖德
而能以多立元子之英其聖德也



2025.08.01 NATIONAL CENTRAL LIBRARY, TAIWAN R.O.C



中寰集卷之四

奏疏

請冊立東宮疏

竊惟人主之所奉若者惟天而所恃以共戴者惟
民我 皇上為天心之所眷焉則 皇上之元子
即天命之所屬也我 皇上為民心之所欣戴則
皇上之元子即人心之所往也以 皇上之聖神
而繼以 皇元子之英異聖聖相承謨列濟美是



扶溝何出光兆文甫著



宜天人交暢登見休徵焉可也然前星變風颯火災地震似若天心之仁愛未已脫巾嘯聚蓬累流離又若民言之無嘉日甚天人之際信不可知矣夫以我 皇上步禱 南郊徹懸滅膳其敬天者至矣我 皇上洗獄減罪賑貸蠲恤其仁民者亦至矣然而天心未見嘉嚮民志未見作孚者何哉臣伏思之意者 冊立之典久未舉行故無以順天心快人意乎往者大小臣工屢以為請 皇上不卽允俞者正篤愛元子必俟 睿齡稍長王體

彊健而後使之正位東宮共保萬年之天命大順億兆之人心也第自今窺之去初請之日抑又五年所矣明年 皇元子且及十齡古者訓教太子皆以入歲講學卽如我 太祖高皇帝之誦梁賢等曰範金鑄玉所以成器尊師重禮所以成德成祖文皇帝之諭解縉曰宏材之建必由匠石之功圭瓚之成必由琢磨之力皆言預教太子爲世元良者也今冊立未舉儲位未定以致保傅無專官講讀無專功斯不亦後時已乎數月以來天心



仁愛又垂象以示可立之會人心危疑咸跂足以望大禮之行_臣等仰觀俯察遠稽近考僉謂冊立之舉此其時矣伏乞 皇上大奮乾斷順天心隨人願期合法于 祖宗申明中外定以明年春日舉茲重典豫于本年冬至之日 欽命禮部講求典禮欽天監詠擇吉日俾時良辰正禮備樂和共成大典仍 命閣部大臣慎選 青宮輔導之官傅之德義保其身體習與志長化與心成則所以磨礱 震器輝燦 前星者至矣四海臣民莫不

輸心歸命舞蹈懽欣又何危疑之有由是人心所在卽天意所在有不轉變爲祥易災爲福者_臣未之前聞也一舉而上承天命下聯人心真 宗社于無疆之盛莫此爲大者我 皇上培植 國本篤愛 皇儲中外稔聞非一日矣若更俯從_臣請定此大計篤 父子之情卽以快海寓之願慰億兆之心卽以永萬年之曆伏望 皇上留意焉_臣等叨居言路義不容默爲此披瀝肝膽惟以天人交感之說冒昧以 聞僮蒙不罪俯納_臣言 宗



社幸甚臣民幸甚

勅近臣結黨欺天賣法疏

臣聞自古人君所以壅蔽聰明以成陵替之漸者必自宦官宵人始惟剛明果毅之主察其黨與而誅戮行焉是以世道清明人心震肅億萬年太平之業寔基於此臣伏在草野自壬午癸未始成進士當是之時蓋目睹馮保徐爵諸人權傾中外莫敢誰何矣幸蒙皇上杳然震怒一並掃除薄海内外歡聲若雷臣以為清明嚴肅之治可以

萬年如一日者不意姦黨餘孽潛滋操弄至於今日有張鯨邢尚智劉守有者其威權雷焰又不啻馮保徐爵已也昨者劉守有假為請告以嘗皇上之用舍科臣任讓陳尚象等察其奸計據實奏劾皇上不遽處分者雷霆之威待時而發耳乃張鯨等大言于外以為轉日回天業已塗去擬旨矣然邪否邪臣不敢漫言以瀆天聽直以鯨等之作威弄權納賄賣法之實萬不可赦者冒死為我皇上陳之臣謂三臣之當死者有八罪焉

夫人臣之罪莫大乎受賄縱奸而充莫大乎阻撓
天威頃者李材鴛空戮屍欺君冒賞皇上奮
然獨斷明正其罪中外臣民莫不舉手加額謂

聖天子明見萬里之外臣工震懼凜凜受事獨嚴
衛官校以爲奇貨先恐赫伊男謂非重賄汝父必
拷掠卽死以致盡輦貲財公行饋獻劉守有奉

旨捕捉者也先受銀一千兩矣尚智爲張鯨腹心
假之以道張鯨先受銀一千兩而後以二千兩送
張鯨矣又以二千兩送鎮撫司矣此皆走內人魏

應鵬所過送中外臣民所共知者也以故李材等
以奉旨拏問之囚散處於外若無罪人焉鎮撫
司打問漫然無一事實矣卽皇上再三究駁而
張鯨曲爲庇護以致至今不決矣自始至終錢神
用事遂使天子之威阻撓而不得自由者皆鯨
等之罪也此其當死者一也往者犯人馮保于冒
天威籍沒其家矣中外觀望以爲馮保有敵國之
富其所沒入於官者不知當有幾多矣乃張鯨奉
命籍沒守有封鎖其門二人通同爲奸先將珠寶

珍玩精麗奇巧者盡入于二人之手却以濫惡粗
穢之物搪塞充數此中外臣民所共知者 皇上
試忖度之馮保所有之物止於此而已乎所以使
盜臣之寶不得盡還於 府庫者鯨等之罪也此
其可死者二也馮保入官之房奉 命招人領買
矣未嘗仍今內官贖回也乃張鯨通同邢尚智素
知馮保之奸必將細軟之物深藏宅內不知其幾
乃令鯨第張書紳出名承買者二十餘所遍地追
尋大有所得 京師爲之語曰房價一萬中有百

萬今所買之房又有轉賣於他人者矣夫以張鯨
之富豈乏財而賣房者哉正以既取其中之所有
轉賣空房以滅其迹耳狡詐專利罔 上行私莫
此爲甚此其可死者三也嚴衛之設欲其發奸擒
伏以靖 京師非欲其羅織富室以爲利權也乃
邢尚智劉守有相倚爲奸知富民徐佐之富甲于
京師乃以使女盜金之事挾制徐佐詐銀數千兩
而後已被害之人可審也商人王福以甘金賄尚
智之喪矣智怒其少誣指爲鄭承憲家人拏赴東



殿遂傾其家王福之含冤可審也其餘作威詐財不可枚舉三家之富過於王侯此其可死者四也故絕商人石金等尚有未領鈔錠貯在內庫既無人領卽當公用乃張鯨查知此項無名今邢尚智假名冒領扶同欺罔盡數支出賣銀六萬餘兩尚智嘗對人曰欺領官銀如此之多將來難免一死矣此戶科諸臣每切齒而未敢言者可一查而知之也夫以我國家乏財之日而張鯨且侵剋若此况其他哉此其可死者五也公侯世臣皆有

功於 祖宗之朝我 皇上所優禮而保愛之者也乃張鯨指以雲南冒功假稱 上命差人遠誘赫詐劉天俸等銀兩不知其幾卽以黔國公之貴抑且赫要銀一千兩而後歸焉嗣後賤如邢尚智者有母之喪矣黔國公自雲南遣人奠之魏國公自南京遣人奠之其他公侯世臣俛首進禮者不知其幾也威靈氣焰足以鼓動天下也如此尤其甚者寧陽侯陳應詔爲兵部推掌府軍衛印 皇上已傳旨委用之矣乃寧陽侯入謝張鯨止以不



識邢尚智致禮欠恭智卽面斥曰此子何足委用乎寧陽侯再三謝罪竟不答禮凌辱大臣至於如此此其可死者六也輔臣之用舍人主獨斷之權也卽皇上垂問左右不過試其敢言與否耳乃張鯨大言於外謂皇上嘗與之論相矣鯨曰某也可用某也可用若將謂卜相之權全出於已雖聖衷原有灼見而張鯨肆言無忌擅作威福一至如此此其可死者七也內言不出外言不入我國朝之家法超軼曩代正在於此乃張鯨

賈弄近侍之權諸凡我皇上之衷言微旨輒令尚智傳於守有每對人曰此皇上未下之旨我公公獨自知之者然且指稱聽記內外傳言市井浮議動微聖聰卽我皇上在宮雖離之時戲言戲動不可令臣子知之者亦皆泄露于外以致人言籍籍至不忍聞皆鯨等之罪也此其可死者八也八罪之外不可勝數乃張鯨方且恃寵矯恣倚守有爲牙爪託尚智爲腹心彼守有者猶曰帝其祖父之胤寵遇富貴反過其先臣而不知止矣

而邢尚智不過六科廊一書辦賤役耳一旦拔爲張鯨管家身膺冠帶之榮家有數十萬之富其子邢有童又冒錦衣之官其婿王大綱方居中書之任中外盤結虛焰可畏及今不卽剪除後將莫知所終此_臣之所以日夜拊心冒死上聞者也叅照提督東廠太監張鯨惡黨遺奸近臣跋扈張虎噬狼吞之勢而富過王侯憑城狐社鼠之威而權傾中外數其八罪則過惡滔天律以三尺則措躬無地帝銜鴻臚寺序班邢尚智市井奸徒僕奴賤

輩操舞文之刀筆父子三冒衣冠倚奸宦之冰山坐致萬金宅第旣盈惡貫當付法曹錦衣衛都督劉守有統袴驕倨之子肉食墜腫之夫目不識丁昔作江陵之羽翼志甘媚竈今爲東廠之爪牙誅其心誠三窟之狡兔數其罪乃漏網之遊魚此三臣者所當急付法司明正其罪者也伏乞皇上斷自聖衷速行處分然後將_臣所言一一究問如律則中外臣民莫不仰日月之明愾雷霆之威而億萬年精明嚴毅之治可長保矣_臣愚幸



甚 宗社幸甚

條陳安懷大機疏

臣竊惟天下有理亂安危之勢惟明主能察之天下有持危定亂之機惟明主能運之機也者又卽其勢之窾會而幹旋之者也不得其機而徒喋喋然泛言其危亂之勢吾未見其能登天下而措之理也臣竊見邇年以來水旱頻仍軍國困乏士卒之鼓譟接踵而盜賊之嘯聚相望虜酋之要賞無已而東西之侵犯未息遠憂近禍恐出不測幸蒙

皇上思深慮遠偶以雷火之變輒頒 聖諭與中外臣工痛加脩省及今湖寇之警則又飭吏征剽期在蕩平卽此遇災思懼安不忘危之心古聖帝明王不是過矣臣伏思之火者兵之象也 國家方憂軍餉而火其倉廩是天心仁愛直欲重其憂而圖之新耳中外警報適與之符乃 皇上超筴遠覽憂形于辭是天下危亂之勢已灼見而先知之矣臣敢不竭慮殫心圖持危定亂之機以裨廟謨於萬一乎倘 聖明留神省覽 勅下該部

再加酌議如果臣言可採俯賜施行中外幸甚
臣愚幸甚一練義兵以鎮反側成周之世寓兵
于農無事則吾兵卽吾民有警則吾民卽吾兵法
莫善于此矣我朝分軍民爲二而竭天下之賦
以養軍旅在昔兵強食足固足以壯國威矣乃
今行伍虛耗視若無兵而軍需不繼動輒鼓譟在
平日不足以威敵而在荒年適足以釀禍使賈誼
而視此不啻痛哭而流涕矣可不思以處之乎昔
管仲脩其內政群子弟以爲兵居常則裹而操練

不煩芻糧有警則隣里赴關同心效死是以最爾
青齊用能爲霸于天下者有以也今何不令州縣
放而行之募民間材勇子弟紀錄在官覈曰義兵
乘農隙之日就便操練使知坐作擊刺之法擇應
能佐貳以督率之而不許差遣擾害且時加犒賞
量給弓刀以旌其能而又優免其本身差徭除豁
其門戶火甲其有能粗通韜畧諳練騎射者卽以
武生作卷使科武舉則凡豪俠子弟不願當差者
誰不勉而就此乎每一州縣多不過五百少不下

三百計一省可得精兵五萬餘矣居常則養威畜
銳潛消乎不軌之謀有警則隨處調發大張乎倚
角之勢况此兵柄握于府縣而精強加于軍伍卽
有隣近之強卒悍將思以鼓譟者亦可以懾服之
而不敢動矣近日惟山東尚有此兵惜其法制未
備不敢優免作養以鼓舞之耳而要之已試可行
非空談也第恐有司憚于根作必借口曰此與民
壯何異此與保甲何異不知民壯服役甚苦保甲
徒存虛名豪俠子弟孰肯甘心就之哉况假此義

兵以作豪俠之氣爲武舉之階將來虎臣貌十卷
起此中者不知其幾也振 國家之神氣消反側
之險謀安內之機莫有大于此矣一調跋扈以解
黨與夫 國家竭天下之賦以養軍旅經數百年
不一血戰而坐食自若其思可謂厚矣乃軍士不
思報效而跋扈跳梁動輒鼓譟若大同寧夏猶曰
糧餉之偶缺尚可以憫念而赦宥之者至于耶陽
之軍則未嘗有饑寒以迫之也大猾作梗莫敢誰
何衙閹軍門制肘文移先示衆而後得發甚至章



奏既拜勅令關豎不得已而託別省之使潛行夾帶而來者此何等倒置也杭州之軍睚眦不逞大都廣市白日劫掠甚至縉紳鉅家甘心與軍家結姻而求以自保者此何等虐焰也諸軍驕悍尚多類此譬之癰疽既成潰在旦夕不及時以消散之遂使越人倉公見之而走矣臣料一軍之中作梗者不過百人倡亂起釁者數人止耳我皇上至仁之衷不忍盡屠此輩何不貴令撫臣庶得其人宣布德意調之別衛與以自新之途其或慮

其震驚先取其未甚者數人就近調遣以示恩信恩信既昭然後拔其尤者殺之遠邊以禦魍魎可也如此則渠魁既散羣黨勢分然後以軍法繩之俾不得桀驁自如于其後而癰疽可潛消矣此調劑弭亂之要機也一賞歸順以貳逆謀孫子曰用間者人君之寶也是故有內間有反間皆所以貳敵之逆謀者也目今宇內如四川之賦賊陝西之羅哩雖已漸平而江南之湖寇方且負險擁衆勢其猖獗其他陰謀結黨思叛逆者尚不知其幾



也其間從逆之黨豈無一二覺悟尚懷歸順之心者乎但歸順之無門又恐歸之不受且從而追論之耳今誠明詔天下與以自新之途凡負固不服之中有能投戈歸順者給以免死文券將也我仍官之兵也我仍民之有能呼群引類以致投降日衆者更加陞賞焉如是而潢池赤子有不爭先獻順者否矣至于謀及造逆之中有能據實出首者亦以文券予之首百人者卽以斬獲百人之功官之首十人者卽以斬獲千人之功官之有能倒

戈投賊以至蕩平者更加陞賞焉如是而遊釜殘魂有不爭先出首者否矣夫烏合之衆其結未固而重賞之懸其心易奪不惟心懷歸順者有賣友自利之思而同謀共事者與彼此猜疑之念用間以貳其心此兵家伐交敗謀之要機也一檢市貨以固和戎夫鷓鴣不鳴要非詳鳥豺狼不噬要非仁獸夷狄爲中國患不啻鷓鴣豺狼已也所以使之囊牙卷舌而乞憐於我者徒以市貨精美可以固結其心而不忍去耳今諸臣畫互市之策動曰

定馬數也限賞額也然不知虜之所以增馬數添賞額者非虜之罪也中國委任者之罪也當互市之初人猶畏法而不敢肆情侵冒虜未習見中國之物而不知辦爭美惡今開市日久法令漸弛委官匪人所買者皆溫惡以充數而尅減官價以潤私囊反借口曰假粗惡以抑虜心云也不思貨既粗惡幾曾有省物價以還官者哉比虜人心知其貨不逮前也故增馬增賞以補虧折是我之市貨日惡則彼之增加日甚彼之增加日甚而我之物

力日耗竭中國之財以資官邪而冒增幣之名以損國威此忠臣義士所爲怒髮衝冠者也今不察我啓釁之端而直欲限馬數定賞額鮮不敗厥事矣如蒙 勅下兵部轉行督撫諸臣俾之慎委任親檢閱貨雖細事非科目府佐有才望者不許輕委一切府衛首領州縣佐貳罷之不用可也貨至幕府督撫重臣親自檢看一切濫惡充數價浮于物者貴有所歸市貨既精然後明與之約遵我額數始與成市則蠢爾犬羊諒亦知感我之惠貪我



之美馬不禁加而自不加賞不禁增而自不增矣夫香餌既具巨魚可得虜受吾餌伏若犬羊然後杖之飼之且將鬻牙搖尾而不忍去矣此和戎之要機也一易把總以禁剝軍古稱將者三軍之司命誠謂其優恤保護以作鑿蘇之氣者也邇來債帥盈庭警視卒伍尅減剝削至不忍聞究其弊端豈將帥偏裨躬自剝之哉蓋由千百把總爲之頭會其斂以歸利於其上卽立視士卒之死而不之恤耳夫千百把總爲士卒之領袖一應軍務悉所

督率似宜以 朝廷之命官爲之可也邇來邊將多自便其私圖不論有官無官惟擇其所親倖有賄賂者申請軍門徑自委任以奴虜健兒之賤不由 朝命一旦峩冠博帶儼然立于軍士之上彼旣無祖宗世爵之可惜又不有 朝廷寵命之可保寡廉鮮耻惟知剝士卒之膏脂以應其王者之求而陰以自便其身圖則凡可以尅減芻糧需索常例者亦何憚而不爲邪把總括所得以歸于偏裨偏裨括所得以歸于將帥繭絲頭會悉入利權



爲將帥者獨奈何舍此而不以之自利哉夫張官置吏出自 天朝私相授受者必蒙顯戮貴粟進身者不得握符此 明旨也今千百把總士卒數百家待命于其手而乃以邊將之私人爲之是尚知有 朝廷之法哉此在各邊間亦有之而劉遼尤甚伏乞 勅下該部轉行巡邊御史按籍查考凡所稱由行伍者盡行革退別選世襲將官之中取其勇健過人曉諳邊備者會同軍門題 請簡任俾將帥不得以一人之私濫任匪人而又嚴爲

禁諭有敢剝軍阿上者視職發遣則爲千百把總者既自保其爵命之榮又根植于典刑之下其有仍前剝軍者鮮矣此優恤士卒之大機也一緩修築以責實效夫 國家驅數萬之民捐不貲之費不吝爵賞以築邊塞越十年餘矣東築西圯終難成功此其故何也說者謂邊地土鬆功施無用臣獨以爲不然夫環堵之室一夫築之而累世不圯者築之以時而用力堅也今邊臣怠于督工而急于昌賞夏秋之交方令興工比其土石既聚而秋



已暮矣邊地多寒屢霜水至不得已而和米菜之
然且匠役饑寒病死相望出罹困僅存之力爲苟
且粗成之計甫水消而墻已頽矣今歲之所築卽
昨歲之所圯而邊臣之員賞者竟不聞追論而責
罰之者焉可勝嘆哉昔秦築長城識者謂之譬之
拙奕者不審其勢而周圍布子謂之無策矣今墜
臺礮已就緒而修築似宜稍緩若取此力以修併
屯堡猶爲彼善于此耳今誠令邊臣細加檢閱某
城也苗虜之衝則築之某也爲虜所窺則築之某

也孤危不可以守則歸併于大城某也砂磧不可
以築則遷移于夷礮礮工計直俾庶能誠信者以
督理之責令該堡居民與修邊民壯通力合作分
工計日遲以歲月而又勒名于石以爲追論之地
務使屹屹巖巖固若金湯候內地既安然後徐築
塞垣期成功于必世之後焉可也此捍外衛內之
要機也伏惟 聖裁

條陳科場事宜以釐夙弊疏

臣奉 命巡按山東候領批文印信卽日起行則

今歲山東鄉試臣實監臨之臣見御史劉會請罷京考禮部會議諄諄千言皆來科事也臣今歲卽當交事其間積蠹夙弊牢不可破者臣知之頗悉知而不言臣已瀕其職矣何以監臨內外而稱任使于萬一乎臣是以不避嫌怨不厭煩瀆敢盡言爲我皇上陳之其端蓋有六焉一曰京考不必議罷而當議減夫文衡重任也教官之不足恃賴蓋盡人而知之矣邇來內簾參用甲科有司故取士頗稱得人今禮部以臺臣請罷京考乃委曲

欲用進士教官者不過使監臨不得干預文衡耳殊不知進士就教原非選法之正副榜而選教職豪傑豈樂于就乎舉人教官之中旣無豪傑不得已而仍用有司曾不思有司爲同考而令新進教官爲主考可乎不可乎若監臨不許校文內簾盡用教官臣恐國朝之文運自此衰矣臣以爲監臨旣不校文則京考似不可罷也但京考閱卷謂之總裁各房取中試卷呈于京考者不過二百卷耳何一官之不可辦而復用副考哉况天下之權



歸于一則責專而任事也力分爲二則推委而主斷也難會試兩京皆遣館閣重臣一正一副各能自盡若外省則不然正副考官往往矛盾不合掣肘廢事往轍可鑒也况翰林六科吏部諸郎皆正考也皆世所稱清要之官也其自視也常重而人之視之也常嚴自視也重則可不爲鑽刺者所奪講說而大定矣若假之以權而奉有勅命內籙益肅而且便于行事得此一官足矣副考非冗員

乎况天下民窮財盡我皇上諄諄以裁減冗員爲言而如此冗員獨不可裁邪裁此一官則所省不下數千金此亦劉會鄉元標所以惓惓爲請之意也臣請自今歲裁去副考而京考終不許罷如罷京考須任監臨教官斷不可用也伏惟聖裁二曰考官不必循序而當簡任夫翰林六科吏部四司員本不多而南北各省復取其便以故循資序量省分某某當差可屈指而預擬也邇以一二不逞之徒得行其奸故人相效充鑽刺日盛近



日各省富豪生員往往納監遊學潛住京師或拜爲門生或授爲門館夤緣結納求題目授意旨者不可勝計使今歲考官猶然循序差遺則此輩又得以行其奸矣臣請斷自宸衷命各部大臣預將兩京十三省合用考官加倍選擇不拘資次臨期請遣官者仍具正副二員疏名密奏俟御筆隨意點差其未命之先不許分毫洩漏命下之日嚴加迴避刻日起程如此則錯刺之謀可潛消而默奪矣然門生親識人人有之在外同考

試官尤當防檢再乞天語丁寧凡京考以及在
外入簾官員有門生親識入場者許其預先自首
責令本生迴避若隱忍不言竟至中式或果有私
弊者事發之日考官舉人一體重治如此則法嚴
而錯刺者無所容矣伏惟聖裁三日簾官不必
多取而當考選夫經房教官止聘五員此見行事
例也第拘于三科以內就教者聘之則計之左矣
夫大方豪傑期登甲第誰肯未三會試而就教哉
其就教者非雲貴遠方之士則近省無志之徒也



以若人而司文衡何以識天下之英雄乎臣請預命各省提學官調集舉人教官嚴加考試擇其造詣深邃文體新爽者錄送巡按御史以備別省聘用不許但拘科分反致失人至于本省有司入簾者不取知府向有言之者誠善矣卽推官知縣之中亦須擇其素有文名及治行清嚴者方取入場不許預定內簾外簾直待下馬入簾之時御史親自唱名分委內外大約外簾四所每所止用二員內簾以試卷多寡爲率每二百卷用官一員如此

則取之不濫而擇之又精文衡庶乎其有託矣伏惟 聖裁四曰監臨不必校文而當糾察夫御史不許干預者以校文而言也至于出題分卷上榜一應內簾事務使不眼同御史何以昭天下之公而稱監臨之任乎臣請今歲凡出題分卷之時令御史單身入簾不許隨帶一人考官居左御史居右竝坐治事事完卽出其出題也查照嘉靖十三年事例御史親手揭書付于京考使不出三章之內出題一道不必避忌不必逢迎但係聖賢之言

卽可爲題出完四書仍親手揭經付房考出題彙送京考點定御史封鎖匠役使之刻題而後出其出也則開門點名體統肅然且更有兩司共事自無洩漏題目之理至于分卷上榜亦如前法但填定草榜之時惟聽主考獨斷不許房考薦爭亦不許御史干預若御史干預校文許京考參奏若京考徇私及房考爭卷者許御史糾劾如此則互相督察而內簾嚴肅矣伏惟 聖裁五日閱卷不必拘房而當查究往年監臨御史不得入簾彈壓

各房考官抗立忿爭分卷之初卽用某經幾房印記屈指預計每房當中幾卷取足其數而遂棄其餘者有之矣然且蔑視京考互相爭辨上榜之時照房論卷遂使上卷偶多者所取有遺珠之嘆而上卷偶少者亦得爲取盈之圖且弔房覆閱之時見有某房印記則互存體面不敢拾其所遺而英雄之屈者多矣 臣請令御史親置號簿紀錄某號某卷分于某房照房封送卷面不許自標房分候看完之日御史入簾總收錯綜攙亂然後付京考



總裁止論試卷文字之高下不拘經房所取之多寡至于弔房覆閱之時亦令御史將落卷錯綜再分使不知爲某房落卷則覆閱者無避嫌之心而落卷有識拔之望矣開榜之後御史仍將取中試卷及不取落卷從頭照簿查考某卷係某房某官初看某房某官覆閱除中式者磨勘無弊竟解禮部外其落卷仍委精明官員逐卷查閱如有空白無筆跡者及覽末終篇而遂棄之者許御史劾房考以爲怠事屈人之罰查開明白仍將落卷發

提學官分發各生使之親自省覽以爲受教之地如此則考官閱卷者凜凜自畫而士子下第者可無後言矣伏惟 聖裁六曰試錄不必預刻而當省約夫試錄而用士子之文此返朴還淳之雅道也但未揭曉而先刻其文能保其不洩漏乎刻錄于簾外信不可矣卽刻于簾內而御史不入而刑督之則猾吏奸工未可易易防檢也况京考時方校文而又一心以辨試錄則檢閱也必不精簾內工役繁夥則關防也必不便臣請 命京考將應



錄文字秘寫成冊候揭曉之日仍留一二甲科有
司詳加訂改然後多集工役星夜繕刻卽進呈
稍緩請寬遲設之罪焉至於錄用綬緝裝釘最爲
浪費而且每官送至數本殊覺繁多臣請自進
呈之外一槩盡用紙裝卽在京各衙門每官止送
一冊董備觀覽足矣安用數多爲哉此雖細事而
所省實多伏惟聖裁以上六者皆臣耳聞目擊
而扼腕于平日者也今身當其責臣安敢以無言
伏乞勅下九卿科道卽日會議倘臣言可採

俯賜 明旨徇行天下庶乎夙弊可釐而 盛典
爲有光矣臣愚幸甚天下幸甚

述民言恭請建 儲疏

臣聞天聽自我民聽天視自我民視故人君之所
畏者惟天而天心之所寄者在民况 儲貳係天
下大本又天心之所係屬而萬民之所推戴焉者
是不可以不察也古之人君因民心以上天意惟
恐壅閼不聞乃遣使臣巡行郊野予以宣上德而
達下情若下情殷懇而使臣曾不導之以聞於上



則使職之謂何臣爲此懼故自奉命按畿輔以

來日夕奔問惟求民之隱以佐聖明同民之治

今四郡巡歷殆遍而萬民同口一詞皆以蚤定青

宮爲望臣處處撫慰謂父老曰王言無再前已有

旨曰立儲以長國家自有定制稍候二三年行夫

聖明以誠信御天下今當三年之期尋且舉大典

矣父老扶杖謂臣曰聞皇元子年今九歲古帝

王之教太子皆以八歲講學而今已逾時惟是國

本不定天心不寧是以頻年災青民遭流離往

往思亂若今歲不早定大計天人之際未可量也

臣每聞此言必改容寒心再三撫慰而後去夫民

心所在天意所在也聖王敬畏民畏天命也况

畿輔之民皆我皇上腹心赤子又四海九州所

觀望而從風焉者今其情若此則天下之情可知

我皇上爲天下本根計必欲曲體民情而爲之

處者臣故披瀝肝膽述民言以干清聽倘聖明

洞察民隱仰順天心爰命禮臣蚤議大典以應

天順人也亦惟命不則多選正人君子命之出關



講學以豫養元良之體也亦惟命第臣職居言路
分當觀民不敢使民情寢望不徹于九重蓋以
循職掌盡宣達非妄言于職分之外也惟聖明
其垂察焉臣愚幸甚萬民幸甚

再劾中官疏

臣聞明主不以一時之舉動而損萬世之盛名
不以一人之寵倖而違天下之公論何者青史最
嚴而與情難拂也頃者張鯨用事欺天賣法得罪
於天下萬世久矣我皇上俯納諸臣之言勅

下法司明正其罪天下歡欣青史載筆以為我

皇上明並日月斷若金石先斥一馮保復斥一張
鯨大聖人之舉動超出尋常萬萬者此豈漢唐諸
君可同日語哉不意本月十四日接得邸報見科
道諸臣交章論劾以為張鯨不可復用奉聖旨
該衙門知道欽此臣在千里之外始知張鯨既斥
而復入之矣中外洵洵驚憂不定臣獨以為未也
夫以我皇上被惡宥罪之仁而見張鯨搖尾乞
憐之態天地之量何所不容即誓令其人亦不



足異但張鯨之惡中外所素知也一旦潛入而柄用之將必招權納賄干與外廷矣將必漁獵貨財睥睨庫府矣將必引用兇邪驅逐正人矣將必陰謀承望變亂家法矣將必欺蔽聰明專擅擊肘俾我皇上不得以自由矣磔之怒虎出匣咆哮益甚塞源再開流毒必慘皇上視之不過一宦官耳而不慮其爲害之若此也况三公九卿皆皇上之股肱也當時臣言之而三公九卿皆從而贊之矣臺省諸臣皆皇上之耳目也當時臣言之

而臺省諸臣嘗從而和之矣今一旦用鯨遂使股肱之臣耳目之官人人自危其有不憂心愁色者誰也况四海臣民感頌相告國牒野史秉筆續錄皆將曰鯨一用而禍天下者不渺小也我皇上聰明天啓特未之思耳一思之而所以斥鯨者不崇朝矣伏念臣言官也蒙皇上養之恩俾之守職言路則所以報主恩於萬一者惟在進言以盡職耳昔皇上斥鯨則以臣之言可信而臣得其職矣今一旦用鯨則以臣之言不可信而



臣失其職矣未有言官失職而不可以罷斥焉者
伏望 皇上大奮 乾斷先斥 臣以謝張鯨而後
斥鯨以謝天下萬世則我 皇上日月之明金石
之斷真可以起軼曩代豈直四海臣民傾心共戴
而萬年青史且誦德於不窮矣 臣愚幸甚天下幸
甚

條陳武場事宜疏

臣聞文武並用享國長久之術我 國家以武事
開國掃清寰宇然後偃武修文以成至治當是時

開設武舉之科與文舉肩比而求士蓋兩重之也
夫何成乎日久戎事漸衰以致武舉一科漸成故
事目今虜酋跳梁邊事孔棘此正用武之秋而選
將招兵之會也今歲武舉似未可徒修故常已者
臣奉 命山東監臨其事一切因循弊端耳目頗
直謹以一得之愚可以簡將可以振武可以祛風
弊者敢一一爲我 皇上陳之一曰騎射之當重
夫武舉之科凡以收猛士也漢有求剛毅武猛之
舉晉有舉猛勇秀異之詔未嘗責之以文也至唐



始置武舉其制有長梁馬射步射筒射馬槍翹關負重身材之選下至絕藝奇技莫不兼收然亦未嘗設策論也我二祖稽古定制用射之後試以韜畧不過佐騎射之不及以文武全材望天下士耳然全材之生代不數人若執此以求士已失我祖宗設科之本意况假此以限人則英雄猛勇之被抑者多矣甚至惡廉舉者之夥也而先試論策以斬其入則愈失愈遠而所取武舉率多退學腐儒肉食懦夫不知國家何賴於此輩而設科以

求之邪臣愚以為武事尚強文在所後初場馬箭二場步箭中式之後仍當檢其身材程其勇力必擇猛烈過人之士定以上中下三等然後許其入試三場果韜畧之精通也列之上等矣卽韜畧未精而作字成文原係上中等者亦得並收庶乎絳灌少文者皆得爲入彀之英雄而腐儒懦夫徒讀父書之輩不得濫竽其間矣伏惟 聖裁二曰類數之當增自古西北爲戎馬之區故社金革死而不厭者命之曰北方之強矧山東人多獷悍史稱



司馬兩孫氏以兵法稱經者皆東人也卽邇年以來一人大將頗能雄飛者亦皆產于山東然而山東武舉勸勵五十名止耳此豈齊魯之邦之人若此良以執策論以斬武勇故取數不多且匪其人而英猛之士屈首受抑者多矣臣愚以爲武舉之科北方槩宜多取而山東尤所當加如蒙 勅下該部再加覈議可倍則倍可三則三卽南北兩直山陝河南三邊之處皆可增其額也蓋武舉之作興盤纏原不甚費儻萬一有警未免藉其一臂之

力亦何爲而不廣其額哉伏惟 聖裁三曰試日之當寬 今甲武科試期亦以文場爲准以九日初場試以馬射十二日二場試以步射十五日三場試以策論第馬射步射必須點名而後發蓋人人較之也人數過多則勢不能完往歲不得已而先令兵備道截考試以論策使文理未通者不得應試正限于日之不足而故爲是以斬之也夫武科本以求猛士也而以文斬之已屬不通况求賢責廣而以時日之故不得已而縮之失初旨矣臣



愚以爲武場事務非若文場之重且費也九日不完繼以十日十日不完繼以十一日至十二日即進二場可也二場十二日亦未必完繼以十三日而步射可盡矣然後出示定名俾進三場亦何害于事哉况日時有餘則可以詳加簡閱驗其身材程其猛力又於騎射中式之中定爲上中下三等然後試以三場而酌量取之則腐儒肉食之輩始不得加于猛士之上矣伏惟 聖裁四日遺材之當錄夫羣策羣力自古重之而必欲其羣者正以

衆寡分而強弱之勢異也是故材官猛士惟患不多而無救並畜不可不豫適如西邊多故經畧招兵將一年所矣而無一人應之者何哉求七年之艾於旦夕焉豈可得乎况以招軍爲名則縮頭而走以養士爲名則豪俠子弟奮臂而爭先矣若假以鼓舞之術教以訓練之法則養士卽所以養兵而按牒索之兵莫精于此矣臣自入山東卽牌行十一道令其招募英勇止論騎射之強弱不以論策爲去取錄名在官候臣監臨武場之日起送科



舉除中式外止許末巾榮身而所得之士大約計之已有三千人矣儻以明旨招之而再加優厚恐應募之士不止此也而卽此一省以例其餘其得士寧有量哉臣請勅下兵部再加酌議徧行江北各省令隨地招選以應武舉除中式外卽以武生名色送學作養與生員一體優免而聽所在兵備時加訓練焉則材官彙將必有脫穎而出者多矣伏惟聖裁五曰武學之當建夫世治右文世亂右武今世雖至治而虜酋跳梁山林多警亦

國家用武之秋也而武學未建訓習無所所取武舉亦皆不教之民而隨其性之所近耳試觀業儒之士每郡不下數百其間懷瑾握瑜可資世用者能有幾人其餘則徒糜廩餼無當緩急矣若以武學養士則上之可以雄飛鷹揚獨當一面次之可以揮戈躍馬爲長百夫卽最下之士寧不可以備行伍而充騎射之一乎故曰五穀不熟不如莠稗而武學之設豈爲無益哉臣愚以爲凡有兵備道之處比照劍遼武學事例許其選委教授以臣前



所稱下第武生羣其中而訓教之舉凡馬射步射
劍戟袍鼓之藝孤虛王相孫吳韜鈴之術俾得日
就月將人人有得則材官伏飛之輩必有肩比踵
接而爭先效用者亦何有于匈奴哉况此所作養
者又皆富室豪俊之民或武弁應襲之子不煩糧
餉不費軍裝惟假此名器以寵異之得此優免以
作興之而干城之寄無形之險胥于此焉得之亦
何憚而不爲哉是在本兵柄者之留意焉耳伏惟
聖裁

清理巡按舊規疏

竊惟 朝廷遣御史臣巡行天下所以糾察吏治
董正官邪以廣耳目之不逮者故銜 命以出不
隨家累司道拱手以受成有司俯伏而待今此豈
徒假之威焰使自震灼哉正欲其形跡無所牽絆
舉動無所回曲志慮無所顧忌然後得以凜雪其
精神展布其四體以不負 朝廷託重之意耳夫
何邇來因循弊久肘腋患生事多涉于曖昧人得
持其短長上疑下忌畏首畏尾則所稱糾察董正

者謂何而凜凜風裁幾至掃地矣臣考其受病之原皆以舊規相沿嫌疑不避且不肖者緣之以自敗耳然與其明正于敗露之後使負國家託付之恩何若釐革于未事之先而存憲臣自重之體蓋中人之性必有所限制後不隨風披靡卽豪傑之士不有明命亦難違衆獨立故臣請於巡按御史舊規夙弊牢不可破者傾吐于聖明之前以求釐正其端蓋有四焉一曰交際儀物不可不禁也夫君子相逢不廢交際似若無害于義者但

通年以來沿襲故套日甚一日遂謂必不可廢之典往來過客悉加問勞督撫衙門時有饋遺夫巡按御史非有私藪可自辦也卽有供應官銀其多幾何不得已而取於郡縣之積貯不曰有行賄銀則曰無礙官銀夫賄銀信不可動矣卽官銀安有無礙者哉取之有司則有司得以覩記將之吏承則吏承孰不見聞以此而幸無敗露于心已厚媿矣萬一發覺三尺之法俱在亦何追於顯戮哉夫以交際細事而冒此不測之禍必非自愛者所樂

爲也况巡按御史奉命暫出不過二年儼然一客寓也觀其在撫臣曰任在按臣曰差主客有攸辦者若名其爲客若過往縉紳不必以客而加問愧若以客自處則督撫禮遇不必以客而報主人古稱鷺鳥無朋貞松不倚御史象之矣何爲乎有交際哉但舊規相襲遽難違衆非奉有明旨則人以爲簡而自懼其疎此其牢不可破不得不仰祈於明禁者一也二曰查解贖錢不可不實也贖錢解有定額非初制也祇以取用者太多解京

者太少不得已議爲類數亦就其最少者以爲常誠恐後之莫繼耳願訟有繁簡則賄有多寡難以齊一要在盡數起解焉可也見今贖罪貯之郡縣而兩院止據空冊兩院互相查考而郡縣具銀起解似乎無可疑矣但互查之冊先請本院改正起解之銀猶經本院提取則多寡解留之間按臣僅得以措其手而有司又得以窺其隙矣合無令司府州縣繳取庫收之初無論事之大小罪之輕重卽抄招拜繳兩院使彼此多寡之數不待互察而



了然在目以此而盡數報部卽以此而盡數解京且令司府查數徑解按臣不必問焉庶乎上下心迹昭如日月儻多解焉固足以見撫按之風力卽少解焉亦足以見撫按之安靜上焉者無自扣留以濟其私下焉者無憑株楨以議其後如此則憲度常自謙謔自遠而公道昭明之世自不必疑忌于其間矣但互查起解視爲舊規非奉 明旨誰敢改易弦轍此不得不仰祈於 明禁者二也三曰隨從犒賞不可不議也夫按臣事體重大最忌

泄露故內班監書門尉不許給假換班有經年越歲不得問室家面親識者良亦苦矣夫按臣受恩圖報不恤其私宜也彼小人者安可責以大義故舊規犒賞優厚正以繫靡其心使之用命焉耳然犒金取之于紙贖多寡定之于按臣爲按臣者欲厚給之則嫌于太濫欲薄與之則足以買怨彼按臣懸身於千里孤子之地而寄命於怨不在明之手是以寧處其厚不處其薄凡以爲自全計耳臣以爲與其議多寡以徇無厭之心不若勒定額



以足莫踰之望合無于隨從監生書吏每季議定
工食衣鞋之費令司府額設備辦除衣鞋解院外
其餘銀兩令各役出院之日徑自給領則輕重不
出于吾手而恩怨不結于彼心且使按臣無市恩
濫予之名而屬下絕假公取銀之議此舊規之最
關心迹不得不仰祈于 明禁者三也四曰薦舉
酬謝不可不革也夫薦賢爲 國非爲私也何以
報爲古人曾言之矣但邇來假知己之報爲養交
之由固有薦剡甫下而酬謝之使已載道矣此雖

一時相與之情似非大害于義者但此施彼報迹
涉市井若覲顏而受其與暮夜之金何異况姦人
細客從旁屈指而計多寡遂使小心之士寧少薦
以遠嫌不敢蕪收而連誇夫忠臣以人事 君薦
賢貴廣也尚矣乃以避嫌之故而重自限制何若
痛革此弊而使之揚眉以薦士哉臣願 明旨嚴
諭凡舊按臣薦舉之後接管按臣卽行嚴查所屬
各官有敢具花幣酬謝舊院者不論其受否而一
體察究若舊按臣有能于已薦之官發覺其酬謝



而參究者許令吏部紀錄如此則不惟薦賢者無網利之嫌而豪薦者免賄買之謂卽有欲假此以誣讖按臣者必無由矣此舊規之最陋不得不仰祈於明禁者四也夫御史臣方且以米糶聲實督責其屬下豈不知貪得之爲非敗露之爲醜邪然而四者之弊因循既久習故安常動將以無傷自解焉耳獨不念朝廷委託之何如百僚敬憚之何如而昧金不可鑑曲標無直影甚且使跳梁屬吏目攝其瑕疵而甘心以爲報復則廟堂何所

信耳目地方何所恃彈壓哉是之謂風節蕩然可爲流涕長太息者此也臣安得以不言但人不言而臣自言之當必有意見偶同激烈稱賞者亦豈無忌其切直而爲之語曰是既去而塗其跡也然臣乃初差耳當其身未經歷事難遙度不敢以疑信未決之見瀆陳于君父之前乃今目覩身親鑿鑿有據有如隱忍不言是自負其心而曠職以負陛下計之所不敢出者萬一不卽斥逐再蒙任使而失今不言將蹈覆轍亦非所以自爲計也




倘 聖明俯察惠衷採納芻蕘之言 勅下都察院再加酌議如果 臣言不謬復請嚴賜禁革不惟按臣之心迹得明而 聖明之耳目亦可信任而不疑矣 臣愚幸甚諸臣幸甚

議留寧山衛操軍疏

洪惟我 國家定鼎燕京南嚮以受球貢皇畿千里輔郡環列實以廣平大名爲門戶兩府之地平迂曠蕩未嘗有秦關百二之險也自古天雄廣武之間惡少奸雄代有竊據依然爲夔韃鞭弭之場

顧獨此二府無兵以守之非所以重門庭而慎鎖鑰也 臣 巡行周覽方竊爲之寒心行據大名道兵備副使于文熙呈稱畿南輔郡凡六廣平大名最居其南左山東右河南兩府介于其間一有不測便爲用武之地故大名道爲畿南諸郡之門戶河南山東之衝扼而中原之轉樞也 國初畿輔諸郡建衛者五守禦所者一廣大二府獨不設兵止有大名所轄寧山一衛步兵二千六百有奇分爲兩屯東屯在大名之滑縣住軍一千三百四十九



名西屯在河南之獲嘉往軍一千六十二名衛建山西澤州止任軍二百八十名共原額軍兵二千六百九十一名 國初每年衛官九員統領赴京神樞營操練畢則退屯各地方以備緩急故兩屯之設原爲大名防守計也然隸於大名未有專官正德間盜起文肅三府被害尤劇而此邦之民揭竿斬木殺長吏以應賊故賊旣蕩平當事者議設兵備一員建節大名以控兩河之間督領三郡馬步兵四千有奇而大名所籍者凡二千四百有奇

又奉有專 勅約束設管衛所官員及各屯軍舍餘丁專一往來提督操練官軍人等防捕盜賊保障地方是兩屯之兵原係大道操備卒也至嘉靖間又選三府馬步兵奇兵三千名春間在道操備秋防白石口駐劄於是大名之兵一時號稱最强以南北言之則與恒山首尾相爲應援以東西言之則與河南山東形勢相爲犄角大名雄視其間兀然爲巨鎮矣以是數十年來河南山東之間聚兵稱亂者數起數滅而畿內之境獨宴然安堵



者以兵威足以懾服之也嗣後承平日久武備漸
忘隆慶萬曆間大名道兵快節經裁革止存其半
今見在操練者僅一千二百名矣其馬步民奇兵
三千名隆慶間調赴真定團練矣其寧山衛兩屯
營兵萬曆間設遊擊統領赴薊鎮曹家寨修防矣
而大名兵勢遂以削弱夫 國家比有宣天西有
倒馬紫荆諸關以護衛神京東有薊鎮山海以扼
遼左要害大名等處密邇京師爲南方要衝且數
百里平曠空闊無山川之隔參錯兩省爲盜賊出

沒之區當此兵防踈弛之日又值饑饉頻仍之際
卒然有急一時策應誠難切思魏將古稱天下勁
兵虞也兩屯營卒見隸大名其間稅強奮擊頓足
徒褻犯白刃斷死於前者豈少哉且有屯田可治
業有室家可安居隨近而訓練之無事則歸田有
事則調發庶幾古者兵農合一之製誰不踴躍鼓
舞爭先用命則今之魏將之兵寧不如古哉今也
使之離故土而涉邊方典衣械以供畚鍤有田土
不得耕種有技能不得操習去不勝其苦楚之狀



歸不能勝其死亡之數是舉可用之兵而徒敵之也且其赴邊也非有信地令之防守不過以城堡派之修築耳夫修築城堡誠邊防要務但土工之役或不專恃兩屯之兵且以千里疲卒風餐露宿而責以持奮荷鍾之勞縱有補葺恐無堅功曷若留此土著之兵簡其精銳時其訓練數年之後皆爲勁兵蓋資軍樂居業之安而敵愾之氣以增地方無工食之費而防禦之備以裕北固畿南之藩籬南壯河北之聲勢其裨益豈淺鮮哉且萬一河

南山東有警此兩屯之兵將不調之應援而率之防守乎勢必用之應援而防守則訓練安可不豫耶合無題 請將本營軍士免其上邊令遊擊統領駐劄大名與本道快壯合爲一營以時操練至於衛所屯營等官法網久疎媮玩日甚一旦有急何以用之亦當別其勤惰嚴其勸懲申嚴統馭之規重示抗違之罰將與卒管束有常士與器服習有素凡遇有警即時調發此固 國家設屯建道之初意而今日鎖鑰王畿之急務也等因到 臣有

得該道所呈留軍操練一節與臣初意亦頗相合
臣又詢之父老訪之耆舊云正德間劉賊造逆城
池多所攻陷邯鄲畿於不守嘉靖間師尚召叛於
歸德高寵王忬節次叛於開封是皆於大名接壤
處也近年東昌逆黨王登等幸自敗露不至鴟張
脫舉兵而西以圍滑潯之富一入廣大如蹈無人
之境矣况今年入春以來星變報於順德風變報
於大名柳槐村之土寇聚散無常又與大名接壤
吳天變人窮其爲叵測此臣之所以日夜寒心者

也然欲多添壯快未免加派工食欲召募鄉兵未
免騷擾閭閻求其不煩兵餉而邊腹兩利人情甚
便者惟有留軍操備之爲得耳及查該衛官軍每
年赴薊鎮者役也非兵也舍弓刀而事畚鍤無信
地而有工程數年以來疲累瘠死尚安有貔貅瓜
牙之英氣哉若不留之操練此軍良亦可惜且薊
鎮邊工近輟新舊無修保障可恃又破格寬減工
亦易修况寧山營止一春防耳春則胡馬尚弱大
舉無虞至於全鎮修築亦不視此以爲輕重如爲



邊腹兩利之策合無將前軍二千六百餘名分爲兩班互相更替每遇春防止令將官統領一班赴邊修防存留一班令坐營官統領聽大名道兵備副使勤加操練一應將領嚴爲考覈俾各軍就近防守間歲赴邊一以休養其英銳勇敢之氣一以訓習其坐作擊刺之法庶可以雄視兩河彈壓三齊以壯國家之門戶以謹畿輔之鎖鑰則億萬年太平之盛治可常保於無替矣伏乞 勅下兵部再加查議如果 臣言有據覆請 聖裁行 臣遵

照施行

題風變跡

題爲異常風變事據大名府呈據開州申稱本州地方本年三月初三日申時風靈自西北起黃沙四塞晝晦莫辨忽黑忽紅相繼迭作居民皆秉燈抵暮至初四日丑時方止長垣縣申稱是日申時忽自西北黑風陡起晝晦莫辨繼作紅風赤光若火二風迭作不息至夜丑時方止四郊紅沙二麥墮壓風靈異常誠爲災異清豐縣申稱本縣亦於

是時風霾自西北方起黃塵四塞不見天日忽赤
忽黑至戌時止大名縣申稱本縣亦於是時風霾
自西北方起黃塵四塞不見天日至本日亥時止
樹木草房折壞者約有一分東明縣申稱本縣亦
於是時有黑風一道自西北而來倏忽塵霾蔽日
昏黑如夜咫尺人不見面至戌時分稍散麥苗墜
屢傷損爲甚元城縣申稱本縣亦於是時自西北
方起紅風大作忽無黑色至三更時分方息滑縣
內黃南樂魏縣濟縣大畧風變相同俱各申報到

府看得府屬地方去冬微雪今春不雨加以狂風
時作有連數日不止者有間一日半日者大率無
日不風麥苗漸槁乃今三月初三日申初時分風
霾起自西北勢如烏雲少頃大風如吼黃塵障天
咫尺之內不能辨人時而忽合則暗如昏夜東執
燈燭時而忽霽則紅如火光照耀門庭忽赤忽黑
二風相繼迭作至丑時方止麥苗墮屢樹木折傷
不可勝紀變出異常人心驚異等因具呈到臣據
此案照先據滑縣內黃二縣各申前事該臣不敢



遲緩隨經具本題知外復據該府類報前來具本
間又據大名府呈據東明縣申稱本縣地方風靈
先行申報去後及照本日因是清明佳節民間男
婦童稚多出遊戲皆穿單袂之衣一旦風靈昏黑
忘其歸路或凍死荒原或墮於井中殊可痛傷今
行四路地方備查凍死人口五十八名口折損樹
木二十七株房屋二千六百八十間等項緣由備
申到府據此照稱各州縣風靈凍死人口折損樹
木房屋誠恐不止東明一縣為欲候查明類齊

申報恐悞本院具題今將東明縣報到凍死人口
折損樹木房屋數目一面具報一面再查另報等
因到臣該臣看得災變迺出尋常隨經批行大名
道通查詳報去後續據該道兵備副使于文熙呈
據大名府呈稱查得滑縣凍死男婦閭閻等四十
九名口折損樹木三百一十四株破壞房屋九百
四十一間開州凍死男婦崔守童等二十一名口
破壞房屋二千一百三十五間長垣縣凍死男女
孫諒小長姐等六名口折損樹木二十六株破壞



房屋五百三十七間南樂縣凍死張應節等二名
折損樹木二十八株破壞房屋六百五十九間濟
縣損壞房屋三十間城牆梁口刮倒二十三箇大
名縣折損樹木四十二株破壞房屋九十六間等
因呈報到道具呈到臣該臣看得大名府地方連
年災沴頻仍加以瘟疫傳染病死人口十有二三
至今尚未蘇息去歲雖有稍收而魏縣邯鄲等處
又遭水旱之災今據所報復罹異風之變刮毀城
牆梁口房屋樹株爲數頗多損傷人口一百三十

有奇言之殊可駭異臣等竊惟變不虛生災由人
致目今一春無雨亢陽爲虐麥苗既已就枯秋禾
又復未佈人心皇皇莫知所措此皆臣等奉職無
狀之所致也除痛自備省拜行大小官員一體警
戒及躬率諸司虔誠祈禱一面行令該道將被災
人戶查勘明實量行優恤外緣係異常風變爲此
具本題 知

題星變疏

題爲災異事萬曆十八年四月初九日據真定府

趙州高邑縣申據本縣背家營村保長李堯等呈稱本月初六日有本村人楊大銀耕地至未時忽聞天上如鼓鬻有白氣一股自天垂地似大風聲少時聲息氣散見地上一坑約多半尺深坑內一石抱出視之高三寸方三寸三稜烏黑色等因呈報到縣連石申送到臣又據真定府及井陘道各報相同該臣辨驗委係星石隨發該府貯庫訖竊昭廉民惟星庶民失敘謫見於星星爲之變今星不附覺有隕自天又白氣下垂於地誠爲地方災

變皆臣等奉職無狀之所致也除痛自脩省及通行所屬各衙門大小官員一體警惕共事消弭外緣係災異事理爲此具本題 知




中
嘉
集

卷
之
四

天

中
嘉
集
卷
之
四
終





2023/03/01 NATIONAL CENTRAL LIBRARY, TAIWAN, R.O.C.



2025 RELEASE UNDER E.O. 14176





2025.0002 NATIONAL CENTRAL LIBRARY, TAIWAN, R.O.C.

for Center




中憲集卷之五

扶溝何出光兆文甫著

奏疏

調補長垣縣官疏

臣惟張官置吏凡以爲民顧人之負才不同而所治之繁簡亦異故爲民擇官則百姓易於蒙福爲官擇人則有司得盡所長官人者惟在調停劑量使之各適於用而已據大名道兵備副使于文熙呈稱長垣縣知縣周嗣哲聞報丁憂所遺印信已



中第集
兼以近年荒旱瘟疫尤極凋疲錢糧則多逋負文
移常欠完銷且地連山東河南軍民雜處盜賊叵
測知縣周嗣哲振刷甚嚴方有成效而今又以艱
太竊計該縣事繁民刁地衝盜劇蓋不可一日缺
正官者也若候新選勢必稽遲請乞本院揀選府
屬僻小縣分才力有條正官俯賜題請調補長
垣速令到任管事等因到臣該臣看得大名一府
惟長垣素稱富庶祇緣饑饉頻仍閭里蕭索以致

小民刁詘成俗吏胥玩愒成風號為難治自該縣
一缺正官每見訟獄繁興諸務廢格錢糧文移獨
多滯滯其視該縣署印官誠茂如也據稱所需新
任正官委為甚急謹會同巡撫保定右僉都御史
宋仕訪得大名縣知縣高知止操守端嚴才猷敏
練輕徭薄賦政教聿成於俄頃禁暴戢盜法令煥
新於運斤蓋本官昔令陽曲夙騰茂譽今補大名
彈丸之邑似為未盡所長若以之調補長垣究其
施為必有可觀災癘又敵之地庶幾其有濟矣伏



中家集 卷之五
乞 勅下吏部再加查訪如果臣等所言不謬覆
議上 請將知縣高知止調補長垣縣其遺下大
名縣員缺另為銓補則才稱其官人宜於地其於
地方不無裨矣

調補南宮衡水二縣正官疏

題為就近調補縣正官員以安地方以裨吏治事
據井陘道兵備副使顧顯仁呈稱南宮縣知縣顧
時化於本年七月十三日病故緣由到臣該臣看
得有司之治民猶夫醫者之視疾有如久病羸弱

之夫必須按其虛實大施培養之劑始克有瘳况
以瘡痍未起之民非得良有司為之調劑其疾苦
振飭其頹敗將貧困益滋廢墜日甚未有能濟者
也畿輔南宮縣舊稱富庶之色祇因連歲饑荒閭
閻蕭索兼之年來冠蓋絡繹率多取道此中以致
供應繁累民生困憊日甚一日無論百務廢弛即
錢糧亦多積逋此其七年之病誠非三年之艾不
可所需於有司之撫摩而調停之者固甚亟也查
得衡水縣知縣周子文文學優長政體諳練留心



中興集
卷之五
民獲條議鑿乎可行銳意典除諸務犁然就理蒞任未久芳譽聿隆若以之就近調補南宮究其施爲必有可觀其衝水縣雖非繁劇亦頗衝疲較之阜平縣數家小邑其難易又甚遠矣查得阜平縣知縣司光乾精白持身勤敏莅政子惠周而山谷生春防備嚴而礦徒屏跡服官小邑綽有餘閑就將本官調補衝水俾得盡其所長庶人與地相宜官與人相稱隨材器使而吏稱民安之效或可冀矣伏乞 勅下吏部再加查議如果 臣言不謬覆

議上 請將周子文調南宮司光乾調衝水其遺下阜平縣員缺另爲銓補施行

報賈中丞服闋疏

題爲地方撫臣服闋事據廣平府呈據威縣申稱該縣鄉官原任福建巡撫都察院右副都御史賈待周服闋緣由申府轉呈到臣覆查相同爲照原任福建巡撫右副都御史賈待周素抱忠貞之志質有文武之才抵掌譚時凜凜大臣風節委身報國恢恢盛世儀刑年且方強正當效用既經該府



中興集
卷之五
呈報本官服闋相應具題起用如蒙 勅下吏部
將本官遇有相應員缺照例及時推用庶才賢得
以自效而治理大有裨補矣

辯趙州失銀蹟

題爲解進 御用錢糧事行據大名道兵備副使
于文熙呈間得一名鄧怡年二十八歲湖廣永州
府祁陽縣人由舉人見任直隸真定府趙州知州
狀招萬曆十四年六月二十五日蒙將怡除授前
職本年八月十二日到任管事十六年九月內本

州缺巡捕吏目坐委本州先見任後考察去任判
官應綏來帶管巡捕至本年十月初三日蒙前巡
按高御史案驗准守備湖廣承天府等處地方孫
太監手本前事照得本監遵奉 明旨徵完羅小
山湖馬灘等莊湖租銀差委官校起京解進合用
官兵倍加防護等因准此案行并陘道轉行真定
府并巡捕徐同知真定張守備各嚴行所屬州縣
如遇承天府守備太監解進錢糧到彼責差巡捕
官快挨程護送過晚安歇衙門多添兵快巡邏看



守取具官兵其結附卷仍將護送過日期緣由徑
報查考等因到州怡遵依行令應緞來整棚兵快
火甲人等聽候銀扛入境防護間本月二十七日
守備承天府孫太監差委奉御齋成舍人左範之
等校丁李和王保等共三十員名押解錢糧八十
三扛於本日起更時分到州判官應緞來照數接
領置放本州逸東察院前堂隨撥在官保長曹新
等三名火夫梁朝玉等十五名在二門內宿守又
撥在官地方陳九亮等三名火夫亢堯等三十名

在牆外周圍巡邏察院在官門子李錢等四名在
內伺候比怡不合不行親詣叮囑巡捕員役謹察
姦弊應緞來亦不合不行迎謁解官督率嚴謹防
守陳九亮與二門內保長曹新各亦不合與火夫
亢堯等不行用心巡視至次二十八日五更時分
本官跟隨校丁王保等將門子李錢等俱給令厨
房看飯良久因飯未熟仍出前堂伺候間各役當
將李錢等并保長火夫盡鎖在前堂西皂隸房內
少頃聲說失盜銀一千兩王保等數人喊叫攘至



本州門骨怡即到察院驗看有空箱一箇空匣一箇在堂西牆下手放將堂西頭界牆剝開一孔却不與外相通乃係通於本察院西吏書房且吏書房內有本官跟隨人役三四名在內宿歇迤北又將厠房東牆剝開一壑又拆土牆半堵亦不與外相通只通於州衙二門裏六房在官吏子喜劉定等住居公廨前項牆孔形跡皆從內起直至本州公廨而止周圍牆垣俱無出入痕跡本州行察院大門二門封鎖又皆未動似非外賊爲盜蔚成等

隨即起身去說彼時本府王推官奉委在州查盤當即親詣察院公同怡驗看形跡原從內起隨將內巡人役并吏子喜等嚴加究問逐一撿檢並無蹤跡一兩申報合于上司一面督併巡捕官兵緝訪間蒙本道憲牌行府即將被盜官銀情由逐一研究的確真因即日報道以憑立等轉詳施行蒙此行間又蒙本道憲牌行府即將趙州失事員役作速行提到官究明具招干礙職官一併參呈解道以憑覆審轉解察院詳審施行蒙此行間又蒙



本道牌行本府巡捕徐同知親詣趙州同該州知州查審并親驗失盜處所與前情相同具由回報聞又蒙本府尤知府親詣本州查驗與前無異蔚成到京備將失盜銀兩緣由題行兵部咨行撫按衙門案行本道轉行本府關行徐同知督併本州巡捕員役嚴限緝拏間一面將怡等文卷關送本府管關劉同知會同本府王推官提密問比有本州在官民焦一乾等連名告稱奉御尉成官校左範之等三十名拜勘合外不知名騎馬家人共五

十五名由栢鄉縣管押御用錢糧八十三扛進州東察院本州巡捕判官應綏來接領安置大堂有車載空箱未查數目本官帶領快壯地方陳位等同巡捕廳快手安峯在外徹夜巡邏當撥火夫梁朝王等保長曹新等門子李錢等在內巡邏看守比旗校趙守安王保等將梁朝王等所帶槍刀器械柳鈴收訖用鞭趕到二門巡邏分付如近扛前將腿打折門子李錢在堂看守行李比王保等喧巡捕官不到交界迎接不與押扛禮物不知時分



暗用刀槍先將吏書房院內北牆用槍剗比牆因堅當牆石灰泥皮剗落在地尚未剗開痕跡見存伊發往西厠門東牆拆開一口又於大堂西邊北牆從內剗開一孔至五更王保等忽將門子火夫李鏗等俱用繩捆於西皂隸房內登說打爛一扛少銀一千五百兩後說少銀一千兩又說是各官府寄的禮銀細段等物又將扛內棉花從庭房至二門及丟在火夫燒火處所有火內棉花可驗被王保領數十人將本州大門打破一塊本州知

州鄧怡隨到察院驗看牆孔從內剗開外無出路蹤跡當日往寧晉縣稟察院兵備道誣賴盜銀等情隨據王保等自知理屈吐稱從州量處起程隨應付夫馬護送前途樂城縣交割訖奉御蔚成過直定府相會本府各官止說少了表裏一二十件並無稱有失銀情由今蔚成聽王保等王唆誣奏失銀千兩虛情致害員役無辜連累切本州知州鄧怡愛民如子處 固如家撫恤災被衝途小民近得甦息一塵不染四境安生爲地方節省反

爲地方受害一乾等情願將本內銀兩盡數其賠
庶百姓不失父母永保安生伏乞憐念赤子無依
保備廉能正官免加罪罰等情且狀赴巡鹽劉御
史告批州官節省受累此舉出自民心井陘道查
行議報牌行本府查議間有本州在官民孫汝金
焦三夏元崇雅等及不在官一百餘人赴京進本
奏稱本州路通九省賦重差繁屢歲凶荒民困已
極自知州鄧怡到任愛民如子撫綏適宜革弊除
姦百姓稱快又時當朝覲薄奉道府明文嚴督地

方萬分加謹豈期奉御蔚成解進子粒銀兩到本
州迺東察院安歇本官卽令巡捕判官應綬來督
同快壯陳伍等火夫梁朝玉等保長曹新等門子
李錢并巡捕廳快手安峯分派內外徹夜巡邏毫
無疎慢當夜五更時分押扛旗校王保驚叫賊盜
銀一千兩隨報本州卽到察院驗看門鎖未動牆
孔從內剗開不知賊人從何盜去情甚可疑一面
飛報該管上司分投訪拏聞有蔚成將情奉奉
欵依見行提問失事員役追要真賊四野驚惶臣

等俱係鄉民聞此號涕員死具奏情願包賠將銀
贖完寄庫狀告撫按議處未致擅便乞 勅兵部
轉行巡按衙門准令包賠解京納庫仍將各官開
俸供職等情具本 奏行兵部咨行都察院勘劄
備行巡按何御史案行本道轉行本府查照孫汝
金等奏內事理仍密緝訪前項失太銀兩果否被
賊真盜人贓有無捕獲因何小民賠補是否出於
衆願帶舉各官應否開俸逐一查議明白呈詳本
道轉呈具 奏如有窒礙具由回報卽行停止本

府侯蒙關行巡捕徐同知管關劉同知并陳王推
官許怡等一千失事員役提解到官逐一會同查
審得孫汝金焦三夏亢崇雅王乾坤等俱稱知州
鄒怡素守清約愛恤小民舉行保甲嚴防寇盜今
蒙提問實非其辜况盜銀似非真情屢蒙嚴併緝
賊竝無蹤跡金等情願輸銀一千兩已完貯庫伏
乞轉達將地方官員開俸供職關州士民得生等
情取供問擬怡與陳九亮曹新俱不應事重減等
各杖七十怡審有力陳九亮曹新審俱稍有力各

折銀贖罪完日怡照舊供職判官應緩來在任犯公罪考察本任依律勿論備招連人關解本府尤知府覆審前情明白看得上供錢糧關係非細若失盜之情果實地方各官誠無所辭罪矣但初據解官之所奏聞雖足聲聽而續據州民之所奏辯尤出懇情今牆孔形跡昭然尚在向該本府親詣其所逐一驗視委與前情相同及細審州民孫汝金等各稱知州鄧怡平日節用愛民以故闔州之人共願輸銀完事實無一毫勉強夫民情之

真切既如此而盜情之可疑又如彼若必窮追嚴併地方之受累何時而已乎查得問刑條例一款各處民間被賊打劫即時擒獲者不分城內城外各掌印巡捕等官俱免舉一月之外不獲通行住俸候拏獲一半以上方准開支若中間能獲別起及別府州縣真正強盜及各越獄重囚亦准抵數查得知州鄧怡十六等年內節次捕獲強盜張妙香王道通大亮王妙登蘇民王苗解從業李懷德霍尚貴于廷現劉廷詔周定王澤劉守才張一



大小馬兒陳才高雄祁進文劉羽張勉杜天受李大銀高三春孔應舉孔二虎張福加薛廷祁守方劉把世共三十名及查得十六年七等月內井陘道顧副使於所屬境內陸續捕獲強盜王從恕陳一科翟喜官馮邦厚屈舉姚根姚枝張大用高昇鄧天花劉鎮庫呂登科盧世銀劉孟奎董自省共五十名俱經究明賊仗正法外及趙州失盜之後本官益加嚴緝於本年十一等月又捕獲強盜王守先侯三韓守紫王安春黃天禮黃從福黃世科

郭邦道杜希孟杜希竹米仲汪尊李英李世榮董邦正李克思孫科任世傑曹萬良龔邦俊劉景珠姚自全魏科李彥祿張魁郝奈呂君西小東兒邢英楊隆楊玉趙廷任高登楊慈韓應科孫孟秋薛應許薛一安張九功潘千商彬曹海李廷時武成李福榮漢清共四十六名確寃齊訓趙應時趙世秉李世官楊雨楊萬金楊友吳廷甫楊萬禮李進有楊山子閻回山共十二名亦經究明真正贓仗問罪卷證近年以來地方所獲他盜且至一百餘

名矣切照事關錢糧雖與民間迥別而實由暗竊似與強劫終殊撥情按法相應准抵但思威出自朝廷非本府所敢擅擬但知州鄧怡失事雖無指據當議似欠調停卽因節愛之過偶爾招尤然有地方之司終難辭責相應量擬不應照舊還職判官應緩來職專巡捕心欠勤乘但已經去任依律勿論地方陳九亮曹新不行用心巡視通應併究取供仍將怡等問擬前罪備招連人呈解本道覆審無異備貯前項招罪具呈巡按何御史詳批進

解錢糧所關不細盜情真假該道府當初何不一辯之耶招稱竊孔自內而外則內巡人役安能保其非盜而不一嚴究之耶鄧怡之罪止於不再叮囑耳若應緩來則典守之責在焉事發去官應否提問事干地方該道與有責者或雖具招大名道秉公詳究確招報奪以憑具奏隨蒙本道牌行真定府王推官侯蒙將怡等一千官犯行提前來逐一覆加查審得奉御蔚成跟隨王保等聲說失盜銀兩之時本職奉委查盤在彼隨同該州知州



鄧怡親詣察院周圍查看掘孔剜斲率皆自內而外當將內巡人役并鄰居吏于喜等再三審問嚴加摻檢並無蹤影彼時鄧知州因見奉御蔚成起身前去更不移文所在官司遂謂形跡疑似失盜非真置之不辯而道府以地方失事法當追究故惟知詳報兩院嚴行緝捕耳看得知州鄧怡百責攸萃固難令其親赴宿守然地方既云失事有不得而辭其責者判官應綬來始而不行迎謁已屬失禮既而不嚴防範遂致踈虞典守之罪夫復何

辭但有官犯罪無官事發依律勿論及查節次捉獲他盜在鄧知州獲過三十名在井陘道除已前獲過十五名外失盜後獲過別起真正強盜四十六名礦寇十二名似與抵數開俸例合孫汝金等既審情願包完前銀姑准解京上納陳九亮曹新仍照原擬具招呈詳到道看得趙州失盜據該府尤知府徐同知親驗牆孔俱從內出形跡尚存又值王推官查盤在州當即檢開摻尋並無蹤影且察院重門未啟而內巡人役先經奉御蔚成差人

鎔閉在房此輩之盜銀有無固不特辯而明矣然道府以地方失事職當追究亦未敢以盜情疑似遂輕信而爲之分辯也多官會勘公論昭然還邇士民同聲稱屈卽行道之人皆知此事爲可疑矣夫事情曖昧原無實跡卽追捕多方終難完獲况知州鄧怡節愛素李士民咸戴百姓孫汝金等情願照數輸銀完貯在庫似可從寬以慰民望以安地方但知州鄧怡雖經委官預備臨時不加叮囑咎亦難辭相應究罪示警判官應緩來職專追捕

法當嚴究但既經去任律應勿論再照井陘道副使顧顯仁於解銀未至之先已行府屬掌印巡捕及守備等官多添兵快協力巡守且取各官兵并結附卷費察稽查其防範非不周而約束非不嚴矣乃該州越二百餘里忽有此變似於情不無可原者况該道緝捕盜賊地方安堵除已往捕獲者無論外卽該州失事之後又經督捕別起真正強盜四十六名礦寇一十二名讎仗俱明問罪正汰各有卷證縱使失盜果重亦於抵數之例相合矣



况任俸既久警惕益深似應照例開支庶使各官
有効職之期而地方無比併之累矣仍將怡等取
問罪犯議得鄧怡陳九亮曹新所犯俱合依不應
得爲而爲之事理重者律各杖八十俱有大誥減
等各杖七十鄧怡係見任知州陳九亮係地方曹
新係保長鄧怡審有力照例納米折銀陳九亮曹
新審俱稍有力折納工價銀兩各贖罪完日鄧怡
照舊還職陳九亮曹新各應復供明梁朝玉等各
省發軍家合便呈詳允示施行照出鄧怡官紙銀

二錢五分陳九亮曹新俱民紙銀各一錢并鄧怡
贖罪米七石折銀三兩五錢陳九亮曹新贖罪工
價銀各一兩三錢五分俱發官庫收貯聽候明文
解留取庫收繳報其民人孫汝金等情願輸銀一
千兩招稱已完貯庫訖判官應絀來在任犯公罪
考察太任依律勿論等因具招連人呈解到臣卷
查萬曆十六年九月二十二日准守備湖廣本天
府等處地方太監孫政手本爲解進御用錢糧事
等因准此該前巡按御史高舉案行并陞大名二



兵備道督行所屬沿途府州縣等衙門如遇前項錢糧到彼青差巡捕官兵挨程護送遇晚安歇衙門多添兵快巡邏看守遵行訖本年十二月初七日奉都察院勘劄爲地方疎虞致賊越牆肆行偷盜進貢銀兩事准兵部咨該湖廣承天府管事奉御尉成題稱萬曆十六年十月十一日蒙本府守備大監孫政差委解進子粒銀兩至本月二十七日行至直隸趙州天晚在於本州察院內安放宿歇至四更時分被賊乞窟盜去銀一匣計一千兩

乞 勅彼處撫按衙門將賊人嚴行緝拏追治仍將失事員校查提究問等因奉 聖旨這進解銀兩被盜該地方掌印捕盜員校好生疎玩都着巡按御史提問具奏兵備官也着住了俸帶罪拏賊務在得獲兵部知道欽此移咨備劄前來案行井陘道將副使顧顯仁俸糧截日任支及將失事員校提問聞萬曆十七年三月二十八日又奉都察院勘劄爲懇乞天恩俯准包賠以完國課以安民生事准兵部咨該直隸府趙州民孫汝金等奏稱



本州知州鄧怡到任以來愛民如子撫綏適宜革
弊除姦百姓稱快又時當朝覲邊奉道府明文嚴
督地方萬分加謹共保無虞登期萬曆十六年十
月二十七日南來湖廣承天府奉御府成解進子
粒銀兩到州東察院安歇本官一聞扛到卽令帶
管巡捕判官應綬來督同快壯陳位等火夫梁朝
玉等保長曹新姚東智白文元門子李錢等并巡
捕廳快手安峯分派內外徹夜巡邏毫無疎慢當
夜五更時分押扛旗校王保驚叫被賊盜去銀一

千兩彼時夜巡人役隨報本州卽到察院驗看門
鎖未動牆孔從內窺聞不知賊人從何將銀盜去
情甚可疑本州見得係于解進錢糧一箇星夜飛
報該管上司卽便分投差人嚴加訪拏並議處聞
有齎成將情 奏行兵部備行巡按衙門見今提
問失事員役追要真贓致累地方四野驚慌小民
失業臣等情願包賠將銀贖完寄庫狀告撫按未
敢擅便伏望 皇上俯憐下情准令臣等包賠解
京納庫仍將各官開俸供職庶國課早完小民得



生地方寧靜等因奏奉 聖旨兵部知道欽此欽遵卷查萬曆十六年十一月內該湖廣承天府奉御蔚成奏爲地方踈虞致賊越牆肆行偷盜進貢銀兩事該本部備行保定撫按衙門嚴拏盜賊去後今據前因相應查行合咨前去煩行彼處巡按御史查照孫汝金等奏內事理仍密緝訪前項失去銀兩果否被盜人贓有無捕獲因何小民賠補是否出於衆願帶罪各官應否開俸逐一查議明白徑自具奉如有窒礙卽行停寢呈院咨部等因

備劄到 臣 又經案行井陘兵備道查議去後續據該道副使顧顯仁呈將問過犯官趙州知州鄧怡等招罪緣由連人呈解前來 臣 看得失盜進解錢糧該道與有責者或難具招改批大名道秉公詳究確招報奪去後今據招解到 臣 覆審無異除將地方保長陳九亮等批行依擬發落鄧怡聽候具奏明文施行外 臣 看得趙州失盜一節據蔚成之題奏似乎罪在於踈虞據百姓之辯辭又若事涉於曖昧今經多官踏看牆窟形跡委係自內而外



嚴究內巡人等公廨吏役委無盜竊情由且經今數月緝訪直盜竄無蹤跡上下千里道路傳言交口稱究因思解銀員役多至八十餘人二三竊盜何敢輕入人羣况穿開牆穴仍在州衙門內卽有盜賊何敢取路公署反覆念詳情甚難解既經多官勘問頗稱詳明臣隔別批問定執不變似難深究以擾地方但知州鄧怡既有地方之責難免失事之辜量擬杖贖亦足示懲判官應緩來職在典守本當罪責但已去任依律免究及照井陘道兵

備副使顧顯仁統轄一方亦有緝盜之責但查近日雖無緝獲盜銀之賊判有別起捕獲之盜查例原情功可贖罪况奉旨任俸日又懲劄已深似應開支該州民人孫汝金等所奏情願包賠前銀見在寄庫以免地方受害等情似應允從以安衆心伏乞勅下兵部再加議覆合無將副使顧顯仁原任俸糧開支知州鄧怡照擬發落及將民人孫汝金等包賠銀兩解部以完國課惟復仍令各員役帶罪緝賊上請聖明行臣邊奉施行

請註銷栢鄉失事考成疏

題為稽查章奏隨事考成以修實政事卷查先奉
都察院勘劄准兵部咨該戶科等科都給事中等
官郝維喬等題前事內開合無勅下該部轉行
各該撫按嚴督司道等官將未完勘合并摘叅事
件一併上緊歸結以後凡遇考成之期除已完註
銷外其未完者要將所以不完之故具本類叅從
實答果係事體難完或酌請改限或明請
開除如係司道等官規避拖延即指名叅治其上

半年務於六月終下半年務於十二月終奏到聽
部院查議題疊等因題奉聖旨今後司道等官
有推諉拖延的著撫按官即便指名叅治毋得姑
息容隱自其罪罰其餘俱依擬行該部院知道欽
此欽遵備劄前來遵行在卷臣於本年三月二十
八日遵限入境接管行事將節奉欽限考成事
件逐一清查陸續題奏聽各部院查照註銷外今
照本年上半年例該具奏考成尚有未完一件
緝拏栢鄉縣原盜沒官銀兩賊犯屢經嚴督井陘



兵備道立限責令府縣官吏設法訪拏去後節據呈報責差應捕官快四散緝拏至今不獲以致不能完報等因到臣查得前賊遠遁躡訪將及五載並無蹤跡且承理官員已經數易勢委難完非敢拖延相應題請註銷伏乞勅下都察院查議上請計開萬曆十六年八月初一日奉都察院勘劄一件為有司關防欠嚴致被偷盜沒官銀兩事改限萬曆十七年六月以裏完銷隨於本日案行井陘道兵備副使顧顯仁承理前件臣查得接管

卷內萬曆十二年十月二十六日南來錦衣衛百戶郭實等管解湖廣抄沒官銀行至真定府栢鄉縣察院內宿歇夜間被盜竊去銀一千三百兩責令官兵緝訪後據該縣士民魏大平等將原失銀兩照數賠完其掌印知縣蘇庭巡捕縣丞石榮壽已經究問罪名奏奉欽依降調邊方雜職副使喬巖住俸督捕前賊獲日奏請發落先限萬曆十三年七月以裏完銷履行該道督令巡捕官兵緝拏原賊未獲節經具奏改限按季提比應捕



官兵責令嚴限緝拏並無蹤跡至萬曆十五年二月內奉都察院勘劄爲兵備官員給由事准吏部咨該巡撫保定右僉都御史賈三近會同巡按御史孫克題稱井陘道兵備副使喬巖三年考滿查得本官先爲地方失盜查叅任俸雖栢鄉縣盜賊未經拏獲但別起獲多功可償過等因題奉 聖旨喬巖任俸日久既捕獲盜犯數多堪以抵贖准姑與開俸該部知道欽此移咨備劄前來案行本官開俸訖續陞陝西叅政該副使許應達承理亦

未拏獲調任去訖見今副使顧顯仁承理今該 臣接管屢行督捕仍舊未獲 臣惟盜賊得財勢必遠遁况奉 明旨捕捉必南走越北走虜耳盜賊出亡勢必變易姓名况經大侵五年安知不委溝渠填溪壑乎官兵捕盜利在迅速况人已數易豈能識其面貌知其去向哉督責各官必見在失事者而後可今官已數遷寧曰戴罪捕賊者乎况督責一日則騷擾一日窮民之受累者非渺小也伏乞 聖明憫念應捕官兵比責之苦失事地方騷擾之

甚况原查官銀又已賸完合無將前賊行臣邊依
照抽事例案候緝拏原定考成姑准註銷

薦舉方面官疏

題為遵例薦舉方面官員以肅吏治事臣奉命
巡按畿南兼理關務一年已滿其地方一二兵備
官員日與共事庶訪頗真緣郊圻重地率皆擇人
而後任之臣不敢奇責求備以至失員第即其才
品心術之實為我皇上陳之訪得并陘道兵備
副使顧顯仁天挺珪璋之德器人傑舟楫之才猷

兵政舉而兩屬鎖鑰既嚴憲度明而千里節鉞當
寄大名道兵備副使于文熙遼瀋山魏水滸芳猷
玉粹金精吏畏民懷而一方貞度兵強賦足而八
面從風之二臣者眉注各有所長品格實不相下
在于文熙才與誠合治以文飭典石器也第其資
俸未深仍當須久以待大用至於顧顯仁資俸年
深令人有積薪之嘆才品望重不可無泰茅之拔
均當薦揚以備顯擢者也伏惟勅下吏部再加
詢訪如果臣言不謬將顧顯仁等循資擢用庶激

勳彰而忠良共奮兵憲修而軍民胥賴矣

薦舉有司官疏

題為循例薦舉有司官員以飭吏治事 臣奉 命

巡按畿南一年已滿其於有司官員辨別賢否頗

得其詳例應薦舉謹據實為我 皇上陳之 臣訪

得真定府知府尹應元端亮可廉頑趙儒英明堪

遺大授艱三十屬民隱官箴龜卜燭照數百年留

牘積弊電掃霜清順德府知府張延庭節操終其

冰瑩精誠久浮豚魚身帥正而一路風清志拊插

而九邑露霑真定府同知姚嘉穀體不勝衣而當

機升解言不出口而凡事風生署篆夙號水壺查

盤咸推朗鑑順德府同知劉應科律已絕無斧藻

服官卓有繩規審愆解體而稽閭深督捕開渠而

歡聲播大名府通判李敷榮貌偉而清忠矢志才

通而仁惠宅心嚴盜防四野輯寧禦水惠千城保

障真定府推官王聘用心純一而貌如冠玉才傲

儼而守若水壺品隨朗鏡高懸平反覆盆畢照大

名府推官王都昂如玉重五都才比珠輝十乘詳



歎而爲文無害考殿而遊刃有餘異州知州又燠
文藻追蹤漢籍循良軼駕唐屏玉貌木操而名高
異北霜威雨化而望重畿南趙州知州鄧怡抱璞
獨行已志茹水惟恐人知當孔道而節縮不避權
豪值凶年而乳保必先矜寡深州知州林茂桂學
貫四術之篋才傾萬斛之舟陶多士力軌離蟲奏
千言思堪倚馬內黃縣知縣徐成楚清操與梧貌
交輝異政血雄文競爽魏地循良第一楚天國士
無雙邢臺縣知縣朱誥剛毅守之粹白精誠出以

恢奇釐奸暴市虎潛蹤極凶荒澤鴻安堵寧晉縣
知縣錢汝梁水鏡心六塵不染鸞鉞器百練愈堅
寬猛並而皆竄華心清慎兼而循良稱首滑縣知
縣侯慶遠威容德器超羣忠政清操追古訟簡而
琴簾晝永澤周而蔀屋春溫元城縣知縣劉三英
器凝重而利如遊刃思沉潛而通若走盤成安受
遺藁棠元邑歡騰歌袴獲鹿縣知縣李大欽良金
百煉之才雄劍于劍之政摘繁嚴而神奸落膽撫
摩切而良善傾心真定縣知縣陳所問清貞而外

邪渾厚坦夷而中局精明理繁劇練有擔當發隱
矧殊無聲色衡水縣知縣周子文九折坂不回之
操守十二牛莫減之風裁節愛薄而野有雉雞約
束嚴而邑無虎翼大名縣知縣鄭得書飭治文稱
嚙矢試官才若建瓴剔奸孽城社風清興文學弦
歌日永魏縣知縣陳于王朗識出之陰重清操濟
以修能值水旱如拯溺救焚濟凶荒若肉骨起僵
清豐縣知縣周玄暉品格瑩然和玉丰神煥若隨
珠勤振刷案牘風清布料條閭閻日烈廣平縣知

縣陳鑿本文章以飭治由廉介而生威初試牛刀
而常有餘地若騁驥足而可無前茅曲周縣知縣
郭如魯按職惟存質素異誠刊落浮華值疲邑目
攝豪強濟凶年心勞撫字沙河縣知縣姬自修清
介尤嫻文藻雅馴茂著威稜萬戶春可濟歲荒一
家言能成邑志鉅鹿縣知縣李臣之猷念益弘於
閭歷操持愈勵於困衡才遺洽節愛之仁藎爾振
嚴明之政饒陽縣知縣閔宗舜秉囊金玉君子始
終水槃官箴勤勞來澤鴈近歸嚴誅鉏城狐遠遁



任縣知縣王汝庶才諳本乎確意威稜生於消操
撫摩切肆市春溫彰殫著陸梁霜凜隆平縣知縣
楊伯柯貌恂恂握瑜懷瑾政優優甘榮茹冰桐丘
棠陰猶芳大陸花光漸藹曲陽縣知縣鮑獻書貌
雅而器度春容守潔而才華敏練撫流移野有歸
鴻懽軒宥社無伏鼠栢鄉縣知縣李大化貌昂藏
官箴克謹思績密吏事獨優拊循無倦於三年供
應能當乎九省武強縣知縣李大華度偉而操持
清白才通而政體嚴明下車多撫綏之聲歷久奏

循良之最樂城縣知縣黃應瑞貌巍然抱一腔節
愛才裕如守四畏清操理繁劇若烹小鮮當衝疲
似導大窾以上諸臣皆一時有司之良所當薦舉
以備擢用行取之選者也內尹應元在真定雖經
新調在大名原係臣屬且其才品卓異迥出尋常
例當一體薦揚者也伏乞 勅下吏部再加查訪
如果臣言不謬將尹應元等擢用行取庶激勸昭
而人心勵其於史治未必無少補矣

薦舉佐頌官疏



題爲邊例薦舉首領佐貳官員事臣奉 命巡按
畿南其於佐頌等官留心諮訪頗得其詳除不肖
者隨時斥逐外謹遵題奉 欽依事例不拘首粟
吏承不論大小多寡惟據其賢能之實一體推薦
訪得順德府照磨王洪儒志壯力勤識明守潔堂
下一言刮目色攝三月歸心滑縣縣丞杜時芳宅
心謹厚律已清貞催科存撫字之仁署篆播分平
之譽永年縣縣丞劉國華悃愾無文善祥有濟孝
謹素著於鄉評清慎益徵於吏籍長垣縣縣丞張

九二文能飭吏才可服官督儲盡却羨餘署篆能
存煎爇曲陽縣縣丞萬緯左右克勤始終致慎佐
邑毫無廢事隨巡緝有能聲曲周縣縣丞夏惟亨
澡身端立健步捷飛佐獄兩造稱平督解一塵不
染元城縣主簿許一魯儀容儒雅心地光明剛直
不受私干勤敏能集公事以上諸臣資格雖有不
同才貌均堪報効所當薦揚以備擢用者也伏乞
勅下吏部再加查訪如果臣言不謬將王洪儒等
分別擢用庶片長不遺而下察知奮矣



薦舉教職疏

題爲薦舉教職官員事臣惟興學育才當寓內理人之半而師儒者又所以陶冶材賢而且淬礪其身以待用者也臣巡歷畿南在任校文而尤廉訪其生平故各官淑慝聞見頗直第邇年舉人就教者多而選貢壯年者衆率皆彬彬質有其文臣何敢蔽故罄其所知者分別品隲爲我皇上陳之訪得井陘縣教諭張同德盛世珪璋士林閎石教可樹雉壇之赤幟又堪奪龍楫之錦標任縣教諭

吳應甲夙齡雅抱梧貌通才主文盟楊權左馬若成均陶鑄夔龍內黃縣教諭洪有助器堪士範文擅詞宗鼓篋楷經而黽堂託跡抒華拔藻而鳳塔勒名唐山縣教諭王聘賢貌如雛鳳心有雕龍雄文可望泥金朗議猶堪製錦獲鹿縣教諭徐文斗梧貌山巍藻思水湛馬帳儒名獨重龍門人望攸歸饒陽縣教諭張應慶軒昂器宇爽朗襟期模範足式青衿文藻可登黃甲以上六臣俱由舉人可備六館之選者也真定府教授阮國仁師範端嚴



更才揮掃雲羅暫垂於夏序霜蹄終展於康莊南
樂縣教諭劉尚卿莊凝偉度博洽弘才洮汰累感
而青矜就正布明條教而赤社堪司刑臺縣教諭
姚繼崇年資英茂志超端方學深無愧黽堂才敏
雅堪免局內丘縣教諭劉文會清標嶷峙雅抱淵
涵文堪六藝之師才裕千家之笈元氏縣教諭陳
九德手神王潤操履水堅問學已富五車才品雅
堪百里藥城縣教諭崔惟嶽文思醇粹偉度軒昂
終當奏賦於長楊更可握符於花縣大名縣教諭

游圻學窮二酉才壓三江下帷志在搏鵬縮綬政
能馴雉以上七臣俱由舉人可寄有司之任者也
元城縣教諭李延齡手度軒昂操持粹白善教獨
優於芹泮長才可試以花封藥城縣訓導蘇夢麟
系出三蘇文追兩漢傳經而門多召爰累蒙而民
願攀轅行唐縣訓導焦道光清修峻潔偉貌昂藏
陶鑄不愧師資經濟雅堪民牧饒陽縣訓導侯體
乾魁岸若神黃英逼古已號士林鴻鉅行推民社
循良南宮縣訓導陳舜道儀度端嚴才猷爽朗士



心已服於青氈民事堪責於赤縣耶耶縣訓導李
鶴志其清白品出驪黃三年不問鴈羔百里可當
鸞鳳以上六臣俱由貢士可備縣令之選者也伏
乞 勅下吏部再加採訪如果 臣言不謬將張同
德等分別擢用庶學政益修而儒臣爭奮矣

薦舉境內人材疏

題爲薦舉境內人材以備錄用事 臣奉 命巡按
直隸一年已滿所有境內遺賢例應薦舉但燕趙
素稱材藪卽遺逸不可勝窮况郊圻近霑聖化雖

草莽亦皆可錄 臣第擇其年尚未衰例得起用者
爲 陛下陳之凡得六人焉訪得原任太子太保
兵部尚書張學顏品格望隆台鼎勲猷聲振華夷
五百年名世之英胡取閉門掃軌數萬里長城之
選仍當借箸籌邊原任巡撫應天右僉都御史郭
思極命世干城之偉畧濟川舟楫之長才抵掌譚
時而詳如鞭算委身報 國而功勒旂常原任巡
撫順天右僉都御史耿隨卿身在十年江漢胃臧
百萬甲兵豈宜龍臥於山東會見熊占于渭水原



任福建左布政使張天馭品孤高門可施羅性狷介囊無貯硯未許巢由比跡仍期夔尚追蹇原任廣東副使穆文熙文章可泣鬼神節義爭光日月表六籍孔思周情若九列房謀杜斷原任湖廣僉事宋范清約食耳黎菴昂藏人豈蓬蒿彼軒設骨朽以心寒幸蒙僕古存而志壯以上六臣在張學顏人望方競年力尚壯正當及時起用以備九列之選其餘若郭思極穆文熙宋范才望兼優年力正壯所當及時起用各盡所長者也若耿隨卿張

天馭德高望重無意進取第其品格出塵所當強起以慰蒼生者也如蒙 勅下吏部再加查訪如果臣言不謬將張學顏等分別錄用則野無遺賢朝有耆舊其於清夷上理未必無小補矣臣愚幸甚諸臣幸甚

薦舉將領疏

題爲循例薦舉將領官員以飭戎政事 臣奉 命巡按畿南兼理關政其於諸軍將領悉得簡閱角其騎射試其陣法而尤庶訪其馭下之實今當薦



舉謹一一爲我 皇上陳之訪得倒馬關叅將張
守職倡勇敢貌如冠玉同其苦心比壺水信八千
挾纜之恩威堪百萬推輪之智勇此一臣者清節
才勇可稱大將之任者也龍固關副總兵陳善雄
姿真虎賁之臣壯志稱鷹揚之選已見當關獨立
行收橫草竒功真定標營遊擊許守誠貌恂恂而
渾身膽畧言訥訥而滿腹韜鈴三載爲行營伍一
朝虎踞雄關民兵營遊擊麻承訓燕領將門之種
龍韜帥閩之雄勇奪三軍而雅稱國士兵專萬里

而堪絕天驕車營遊擊華宗周堂堂八尺之軀矯
矯六韜之畧決勝而猶持左券摧鋒而可備前茅
寧山營遊擊李應春鞭弭鑿韃雄威帷帳英壽將
畧領防卒而不辭土國之勞理屯田而能致金城
之富巡撫檄下中軍原任都司僉書吳夢豹誠斷
斷德心克廣貌起赴膂力方剛傳宣布制電之威
坐鎮耳茹木之節真定守備張效祖輕裘緩帶之
儒禮樂詩書之將嚴斤墩旌旗壯色嶺撫恤介冑
歸心德輔守備梁心武捷擅穿楊之技文雅有大



樹之風運壽足佐萬全專闔可當一百之八臣者才貌兼全謀勇俱備所當薦揚以備擢用者也丙張守職雖調山海關尚未離任許守誠雖陞倒馬關余將尚在臣屬於例得一體薦揚者也伏乞勅下兵部再加查訪如果臣言不謬將張守職等循資擢用則武弁知所激勸而關營可得振勵矣

議薦將材疏

題為議薦將材以備擢用事臣奉 命巡按畿南兼理關務其於管衛官員曾閱諮訪頗得其真今

當復 命謹遵題准事例據實敘薦訪得神武右衛指揮崔炳矯矯虎臣鑿鑿豹畧清介感三軍奔命孝慈訓伍士知方定州衛指揮郎祿文雅材官武威猛士貌委蛇而力能梟雠令嚴翼而勇可斬鬪真定衛指揮閻延年勇堪遊將才可寇軍均差撥而部曲垂囊革常例而行間挾纊神武右衛指揮郝恕誦鈐袍富藜藿食貧趨辦如珠走盤挽強若風懸的定州衛指揮吳徽氣可吞胡文能馭眾每抱捐軀之志宜膺拊髀之思真定衛指揮劉一



清志其清白街擅勾玄管屯營不繭緣律已耻學
執袴神武右衛指揮任世勲志堅摩厲親本驍雄
奮此六尺之軀可當一面之奇神武右衛左所副
千戶劉登淵貌雄燕領才負鷹揚叢棘已奪龍標
細柳終升虎帳神武右衛右所副千戶李一鵬技
擅穿楊捷能破竹纒兒躡足行陣行看脫手登壇
定州衛左所百戶趙國鄉偉貌鷹揚敏才鷲迅孝
睦已著鄉邦矯健堪當邊塞以上諸臣才品雖若
殊科雄傑皆堪禦武所當薦揚以備守把之選者

也如蒙 勅下兵部再加查訪如果臣言不謬將
崔炳等循資擢用庶于城不謂無人而疆域亦將
有賴矣

薦舉廢閑將官疏

題爲循例薦舉廢閑將官以備錄用事臣惟三軍
難得一將而一短莫棄衆長故巡歷畿輔簡閱兩
關每於廢閑將領之中加意訪求除謀勇不甚過
人者不敢濫舉外僅僅得二人焉邊奉 明旨據
實推薦訪得原任倒馬關參將加陞副總兵官李



沛八尺軀美如冠玉六韜計妙比盤珠統標卒而
經畧名重畿南署車營而版築功高冀北原任白
石口守備鮑守廉英雄尚可請纓猛鷲豈容伏檻
擒礦徒怨勞不避守絕塞艱苦備嘗此二臣者才
貌兼全勇畧出衆偶被一時之參論難掩八面之
長才在李沛臣目睹其委署車營而威謀足紀在
鮑守廉臣身見其委守礦洞而勇畧可觀均當薦
揚以備不時錄用者也伏乞 勅下兵部再加查
訪如果 臣言不謬將李沛等遇缺推選則幽溱蒙

拊解之恩疆域收捐軀之報其於戎伍未必無小
補矣

表揚孝義自烈疏

切惟綱常爲世道攸關而教化實朝廷首務我
皇上以仁孝治天下以節義風四方凡在寰輿莫
不蒸蒸向化思自振立者不乏矣矧三輔首善之
地不尤有表然杰出者乎 臣職司風紀所宜喫緊
表揚今據并陘道兵備副使顧顯仁大名道兵備
副使于文熙各呈稱查勘過孝子張誥等節婦張



氏等各行實錄由到臣隨該臣查核與該道覆勘無異例應據實列名題請一臨城縣生員張誥於萬曆八年居母章氏憂誥哀毀踰禮及葬廬於墓側日夕悲號至塚瓜生實者六丸入其廬輒盤旋不忍去羣鳥環向呼鳴若助生之戚者服闋歸舍於萬曆十五年父亦云殂送父事終一如其母鄉人誦重之據此看得張誥孝繇天植哀與神通痛贈依而六年以墓為家慎喪祭而百世其身作範一沙河縣孝子孔牆事父孔天敘每竭其旨以

奉有疾則多方醫餌衣不解帶者數月萬曆八年叙以壽終牆泣血僅僅骨立迨殯伏苫寢地喪祭一倣於古禮居廬三載朝夕哭踊其第以家犬售之屠牆贖歸犬亦託廬中不忍去墓依山之水牆蓋地穿之其泉湧出及事繼母韓氏孝及逝牆哀而葬之一如其父據此看得孔牆場室志思黃耳亦手於孝感并泉示異芳躅允著乎鄉評一濟縣義民蕭梅其始祖蕭少讓自永樂中卜築居賢里子姓皆共愛至蕭佃凡六世嘗蒙恩詔以同居



故得給冠帶旌其門今梅以次七世充爲誼讓敦友睦每旦琴家屬五十餘梅主其稽量力而授事晚則考其成焉歲時伏臘必諄諄首以孝弟相規誠其家老稚男女羣居無二心庶幾有古張公藝之風焉據此看得蕭梅家聲世範古道令人五十屬義重宗盟六七世名符賢里一南和縣節婦張氏適夫劉良時十七齡耳比二載生一子未周良構疾將革氏事之惟謹良逝氏欲以死殉竟以守者嚴不果絕水漿者數日或勸之曰若翁姑在若

孤在俯仰之謂何爾何以死也氏審稍進飲食極夫於室且暮鳴哭之手辟總以治親膳具訓孤劉三省補郡弟子貞今年八十矣據此看得張氏託空此少介石獨堅哀極室而清操惟誓穴同勉參丸而芳儀有高閨訓一定州節婦劉氏夫生員陳憲章於嘉靖五年病故氏年方二十八乃扶輿不食者數日哭泣瀕死子方在襁褓中家有惟工紡織藉以糊口茹苦六十四年見年九十歲而起居猶若未慮者據此看得劉氏青齡玉潔白首霜嚴

甘手緝而死，堯不移撫遺孤而令名無改。一平山縣節婦鄒氏年二十一，夫賈府蚤逝，姑家貧，適氏改適氏仰天自誓曰：婦以二夫何面目人哉！輒亟欲自盡，姑念亦奪乃蚤夜紡織，易米以贍。姑氏孤劉思禮亦勉就外傳，甫垂髫，即令召爰爲舉子業，竟以儒士補邑廩員氏。今年七十四矣，據此看得鄒氏水心徹骨，玉節終身未亡，不愧於姜舟有教遠方乎！孟藏一東明縣烈婦胡氏適生員牛化蛟，於萬曆十五年五月二十二日蛟暴卒，氏年二十

五乃痛夫蚤失，拊尸而慟，淚血如雨，頓地復甦者數四，涓水不入口，衆或強解之，弗內，且哭且誓曰：婦以夫爲天，良人舍我，逝是無天矣，吾何以生！乃後夫五日，隨自縊以從死，據此看得胡氏捐軀非痛取義，若其操凜凜而使骨猶生氣，錚錚而丈夫足比一曲陽縣烈婦魏氏於萬曆十五年四月二十二日夫劉開科病故，氏卽籲天悲咷，自分一死，遂謝槩木夫亡之二日乃自經而死，其旁視所遺十二歲弱女畧無濡忍之志，且割拚以自全焉。據



此看得魏氏中道分篤貞心悲鵠勁節與恒山並
聳英風同濟水俱長以上張誥張氏等或身任綱
常植萬古葵倫之重或志成激烈壯百年氣節之
高雖存歿殊塗孝義異軌然皆表表鄉評素手與
論可以扶世教可以勵民風矚然而不滓者也相
應一一旌表伏乞 勅下禮部再加查議覆 請
表厥宅里庶益章聖世民德之盛而於風化有補
不小矣

請褒穆封君潛德疏

題爲好義有終潛德未耀懇乞 天恩特賜褒嘉
以勵世風事行據大名道呈據大名府呈據東明
縣申稱行據儒學師生馬邦傑等查得今已故封
工部都水司員外郎穆陳實居鄉實行一件幼業
儒書長拘造物但課農之暇卽讀子史諸書故能
通曉左傳對客談吐不倦若爭訟鬪狠之事俱付
不聞鄉飲酒禮屢請不赴有司從來未見其面一
件自賑濟餓民捐銀三千兩之外兩年周濟貧生
每次銀六十兩共銀一百二十兩又不時求討墮



手應答大槩可百餘冊不記名數故昨送焚至萬
餘人乃從來未有之事也一件在隆慶年間曾捐
銀四十兩修理儒學大殿至今廟貌巍然生儒頌
德一件在嘉靖年間爲本縣井少約同義民金章
等捐金二十兩一時焚井數十眼至今民皆賴之
一件因儒學陳教官丁憂去家六千里不能歸助
銀二十兩方得歸家今陳教官謂全家之命皆賴
接公一件爲城南河水泛漲不便濟渡約鄉官石
趙二家各捐金五十兩修石橋一座至今民用利

涉一件爲給事中石星受杖臥病天寧寺乃從騎
裴禮七日至京唁給事令其子文熙卽日上蹕解
官同歸時以覃恩將受封典遂辭不受至今本官
每對人言及必泣下也一件招貧生趙國璧與子
文熙同學招貧生崔邦亮與孫光胤同學手供燈
火內備飲食十年不倦二生遂相繼登第至今感
念一件自祖父以來頗有田地今歷官十餘年未
嘗增益但自用甚儉又願效義倉平價出入故能
連致千金積而能散以至於死一件每年春秋祭



墳墓畢卽聚族人共飲又與鄉里親識結爲義會
敦睦聯屬勸勉爲善若有罪過卽逐之不容有改
過自新則引之高座用是族人親識激勵觀感化
而爲善人謂有陳太丘之風等因連名保結到縣
結申到府除數實無異備呈到道呈報在卷臣會
同巡撫保定右僉都御史宋仕提督學校巡按直
隸監察御史楊四知議照今已故封工部都水司
員外郎穆陳實聖世逸民儒者高蹈潛心載籍直
窮古今興喪之源致力躬行克敦仁義道德之實

憫諍臣之顛沛不遠千餘里而護之生還海內仰
其高誼者有如一日感饑民之流離兩助二千金
而賑其孑遺小民賴以全活者何啻萬餘立文社
以課後學趙主事同伊子兩成進士寧獨義方訓
子而且錫類於寒儒捐重賞以救乏絕陳教官奉
伊親得歸旅櫬豈惟急周貧士而且澤及於枯骨
他如井梁之建具見義聞鬻序之修尤徵大雅獨
行有陳太丘之風養重類澹臺氏之節淪逝已久
公論益明雖經建坊以表其墓仍應入祀以勵世

中憲集 卷之五
風旣經師生保勘道府查明相應具奏伏乞

勅下該部再加查議上請定奪行下臣等遵奉施行

劾禮部洩漏考官疏

臣惟我國家二百年來惟科場一事此爲公道邇來一二言官請罷京考臣獨以爲不然蓋京考點差權在朝廷惟不預先洩漏誰得賞緣屬託以行其私哉臣是以條上科場事宜內有京考不必議罷而當議減考官不當循序而當簡任二款無

非欲權歸人主所以示天下以公也隨該禮部覆本摘取考官不當循序等事請而行之新奉明旨御墨尚未乾也臣以爲山東近在郊關考官

命下當在七月中旬方得知其爲誰不意臣六月初旬遽歷兗州府地方訪問民間隱情輒聞東阿縣傳說今歲山東考官正考係兵科給事中李周業副考係戶部主事楊鳳臣聞之不勝驚訝隨與同巡察政劉際可僉事和震言之謂考官之命權在朝廷誰敢竊弄而預定焉者安有兩月之前正

副主考職銜姓名百姓已聞之審矣安用臨時請
黜安用正副四員爲哉此言果信則遺官之權不
在朝廷請命之舉徒滋欺蔽 國事至此尙復有
天日哉臣仰天長吁痛哭而流涕矣蓋以杖 皇
上有日月之明有雷霆之威而諸臣敢于欺蔽敢
于弄權可謂無人臣禮矣臣憤憤不平之衷欲言
于未事之先則竊弄之情形未著欲言于既事之
後則漏洩之預知無憑萬不得已乃以手書預告
于御史李以唐者謂以唐赤心報 國我 皇上

所素諒也倘此事果係漏洩果係弄權正副考官
果無一人不的以唐必能以臣之言奏于 皇上
而臣且借以唐以爲證也乃令命下參正考果爲
李周榮副考果爲楊鳳皆東阿人士預知于兩月
之前者臣誠不能爲噫臣解矣夫李周榮科臣也
員數不多尙曰可循序而預計之至于楊鳳則新
任一部屬臣耳各部屬員不下數百無序可循而
楊鳳以新任之臣人何由而預知其爲考官哉况
不當循序之例方承新命即李周榮之差已違明



旨矣奈何兩月之前正副考官喧傳于外安在其
為聽聞任乎他省喧傳猶或可恕山東乃禮部之
故鄉也東阿人士何獨預知之乎臣料禮臣遮飭
必曰無子可私宜知以此弄權誇示鄉里則小人
之乘其預知而妄行鑽刺者多矣臣亦料李周策
楊鳳之為人似非可以松干者第觀此一省則他
省可知觀此預洩則行私可知是尚不謂之欺蔽
乎是尚不謂之弄權乎哉 皇上以禮貌大臣之
故數逐言官而大臣乃竊弄 皇上之權恐于欺

蔽臣恐言官漸忒耳目漸壅大權漸移天威漸減

臣是以痛哭而流涕也臣與禮臣素相交厚非有

私憤于其間也臣謂京考不必議罷非有爭權于

其間也獨一念大馬之心不忍見人臣無禮于

君若此故不得不一鳴于 君父之前耳若曰臣

與李以唐之書為不足信則有臣之手墨在則有

臣之印信在臣在千里之外未可旦夕致者 皇

上可召李以唐而問之也若曰臣之手書為不足

信臣自六月初七日已向叅政劉際可會事和震



言之矣今二臣俱在 皇上可召而問之也 臣山東鄉試監臨之官也 皇上命 臣監臨而科場之事有如此欺蔽如此弄權 臣安敢以無言 臣為此言不過循監臨之職掌竭犬馬之愚忠而非有言于職分之外也惟 聖明之垂鑒焉

擬辦外補疏

伏念 臣愚癡寡合妄自附于觸邪發奸之列我皇上不以 臣為不肯俾守 惠言之職首納 臣言退斥錦衣衛都指揮劉守有並將邢尚智諸人抄沒

蓋法繼納 臣言搜括馮保之遺不下數百 臣巡西城如法進納既而以 潞王之圖諸務繁劇一時稱難遂差 臣巡按真順廣大 臣努力殫心送王之國已乃巡歷事竣除前後上疏七十參貪酷官十人外復條上清理巡按舊規荷蒙 聖明俯賜通行 臣以考察無過回道管事至今年三月初一日復蒙 聖恩差 臣巡按山東 臣念今歲大比該 臣監臨 臣又上疏請釐夙弊內有考官不當循序而當簡任一款正欲使典試重任權歸一人不當



預先洩漏以恣弊端也乃禮部覆准欽依通行天下不意臣至山東自五月初旬即聞山東考官姓名臣謂往年洩漏尚在七月今五月已洩漏矣各省洩漏惟京師知之今山東地方已知之矣臣因惜此大推旁落寓書于御史李以唐俾之臨時上疏以臣手墨為證不意以唐上疏並臣原書封上御前伏蒙 聖旨科場重典屢有明旨嚴禁洩漏如何未題考官彼處巡按御史先知其名是何情弊著禮部回將話來乃禮部尚書于慎行不自認

罪反以二蹶力抵臣非幸蒙 聖明俯鑒臣忠洞

察伊奸奉 聖旨京考雖係部科開送既別無私

弊如何未題先傳顯是欠密以致漏泄堂上官姑

罰俸三箇月該司官一年欽此欽遵臣在山東接

得邸報遂北向稽首謂 聖明燭奸至于如此朝

綱可復振矣不意九月初三日忽接邸報將臣推

陞山西太原府知府臣屬官員相顧駭異以為

聖明在上方用臣言處分大臣禁革風弊而臣以

言觸權貴輒蒙外補是使 聖明不得以少加于



大臣而言官不敢以發覺其奸弊是何法紀是何朝綱若以臣別有罪過不稱憲職臣伏思之前項罪過已搜刷于考察回道之日近來罪過難遽坐于屢任三月之始不過曰臣不當具私揭于以唐而不知臣之揭爲公事非私揭也即以唐封建御前臣曷嘗王令之哉况不有此揭彼不知何如置辯豈能使之閉口無言俛首罰服哉夫使臣非上疏禁止者猶可說也非科場監臨官猶可說也非山東之監臨猶可說也于慎行非山東人猶可說

也今臣甫上疏甫至山東輒聞山東考官皆自慎行之姪生貢于紹傳播臣安得以無言倘臣不言而他人言之臣將何以道其責哉夫臣言官也皇上用臣言以責大臣而臣輒以去則諸臣視皇上爲何如主哉如曰陞轉之權吏部主之禮部不與也不知文選司郎中王教即于慎行之同鄉親厚者也王教王其事即尚書陸光祖且不得以撓之况可諉于左都御史李世達乎臣自諒二臣知臣之深重臣之行而決不主此也非慎行主令

王教而爲之哉况衙門陞轉各有定時謂之年例
每季科中該陞二員道中該陞四員今八月二十
日已陞臺臣四人年例畢矣何爲而又一旦以臣
外補也况奉差未竣多不陞遷有深意焉如臣山
東大計文冊九月當上而無人也武場監臨十月
初舉行而無人也處決重囚見今當審而無人也
不顧朝廷之公事而惟報大臣之私讎不知王教
之心尚知有天日哉况臣與教有公祖于民之分
臣何罪于教而加臣以此乎臣發山東之弊而輒

爲山東人所逐倘臣守太原又有大奸大惡執法
以發覺之太原人不又逐臣哉臣是以願請罷斥
甘心爲溝中之斷而不願逐東逐西玩弄于權臣
之手也伏望 皇上將臣先賜罷斥以爲輕發奸
弊觸忤大臣之戒然後勅下都察院將臣之言傳
布天下使天下後世知臣之心明臣之志臣卽與
趙蓋韓楊遊于地下有餘榮矣臣不勝戰慄待命
之至


中家集卷之五終

中家集

卷之五


2025/08 NATIONAL CENTRAL LIBRARY, TAIWAN, R.O.C.





國立中央圖書館, 臺灣, 中華民國





Faint vertical text in a rectangular frame, likely bleed-through from the reverse side of the page. The text is mostly illegible but appears to be organized in columns.

2462308 v.7





中寢集卷之六

扶溝何出光兆文甫著

條議

曲沃荒政十五

譚天下之事易任天下之事難任事固難而任晉中之事尤難今一旦下明問以詢諸群吏其誰不抵掌而譚荒政然不有奇謀異筭慎無以駭天下之聽睹第恐不度晉中之勢何如而敢爲高論不顧者是之謂竅言不察當今之時何如而務執一



偏之說以求勝是之謂謬言持是而嘗試漫爲之
必有枘鑿之不合坐令才智之俱困者然後反而
咎之任事之難也以此而與之講求荒政將焉用
之夫救荒無竒策自古記之非無策也無備卽無
策也故堯有九年之水湯有七年之旱而民不爲
災者其備預也今之備預乎否乎若所謂三年餘
一年之食九年餘三年之食此其計誠得而業已
後矣况晉中素號涼薄卽有竒謀異策豈能益之
以所無求所以拯救而濟燃眉惟有蠲賑之兩者

兩者之中動憂掣肘蠲也而慮補借之無術賑也
而察廩庾之有盡誠有如明問之所憂者然蠲難
矣幸而賜蠲又令弊端以戕德意賑難矣幸而賜
賑又無善策以均實惠如上德何而况蠲賑之外
有因荒而致者焉如民貧盜起思何如以消彌流
移載道思何如以安集斯皆晉中所難任者未可
一端盡矣謹畫其蠲賑以內者其道五蠲賑以外
者其道十敢一一陳之


其一

曰蠲糧價以免飛洒夫蠲租以寬民誰不曰寬一分則民受一分之賜耶迺今則不然矣蠲免之詔雖下有司曾不自檢覈而惟取憑於里胥之手大額雖除悉在那移之中其間富家勢族猶得需其所蠲之八九而单丁弱戶徵派之數猶初也彼愚弱之民惡知其應輸應免者何項而張頤少辯詬訾且百至矣夫蠲租本以濟貧而坐令愚弱之民不霑實惠則所蠲者徒以資里胥之谿壑耳可勝嘆哉爲今之計于其別起存之名而免其數曷

若總徵輸之數而免其價蓋十蠲其七或蠲其三皆於糧價中減之明出告示使民皆曉然知畫一之規所納糧石仍照往年所宜輸而每石之中實省價銀若干如此則民得守舊而當其數止即狡猾不得以行其奸吏胥不得以措其手在官省稽數之煩在民絕飛洒之苦實惠及民而蠲租之德意可推而廣矣此蠲免之當議者一也


其二

曰別起存以甦困窮詩云苛矣富人哀此瘵獨王



政之所辨也今民之貧富恒係于田租之多寡租多者輸納反易租少者處辦反難故有以升合之徵而戕窶夫之命者比比然也况蠲免之詔本爲恤貧而從使田連阡陌者享其利非所以恤貧民而加之惠也今蠲租之例起運存留中半除免而徵輸之期緩急懸殊邇者稼卿頒示又獨責于起運而存留除金花之外猶得有湏臾之緩焉以此山僻疲邑先催起運而存留之稅卽不蠲亦且拖欠矣若不論貧富舉起存而一槩混免則富者未

必見德而貧困之民又稱貸以輸公家矣夫數畝之田尚不足以挽公志而徵輸又足以驅之奈何不流離而轉溝壑也今誠寓借貸於徵輸之中恤貧困於緩急之際敕有司者察其糧石之多寡廉其家業之豐歉明示德意將起運京邊錢糧先坐派于富厚之家而卑弱糧少之戶姑坐之以存留則不惟京邊之儲輸納獨前而貧困之民得從容而漸圖之遲以朝暮亦可完納是所謂催科中之撫字也此蠲免之當議者二也



其三


曰請開納以補蠲儲夫晉中田租太半餉邊少有所蠲如軍需何然補之贖緩補之商課計非不善也第恐帑貯所積素非殷厚而搜刮太盡又有焚林而獸之嫌有司者計無所出不得已而議及於礦冶第恐荒民環視致啟釁端姑徐俟而詳議之可也爲今之計惟有開納尚可行耳蓋晉中地陜而民嗇者也地陜則易饑民嗇則積厚今餓殍載途而闐闐之子動握千金彼此不均正可損益而

劑量者也有司者曩見其勸借之不前也輒以民不尚義委之是不察民情之欲惡者耳劉晏有言曰因民之所急而稅之則國用足今晉民所急慕者不在尚義之虛名而所深畏者則在富民之名籍所急榮者不在冠裳之外浮而所遠避者則在義官之差遣今餌之以所不慕而實犯其所深畏餌之以所不榮而實犯其所遠避此尚義輸粟之令有寧死而不敢就者坐是焉耳蓋晉民之所畏者在差役即鬻之以免差役者則樂於就晉民之



所欲者在利名即鬻之以于利名者則樂於就今
誠題奉 欽依得便宜以行事然後勅有司察民
間之殷富者以禮勸諭令其自擇有子弟俊秀材
可納監者聽其納監有年齒過時願免差役者聽
納散衙明給以牒許免終身各項差役有司以禮
相待不得擅行借差其有浮慕儒名不願就此者
許輸百金以其子弟送學作養以觀進益之何如
至於上納吏役鬻僧鬻道之類多開條件而又與
之以便宜破格優恤止令于郡縣起文有司者類

齊僉解銀兩請給勘合不必苦以道路費以行李
而民不樂於輸者否矣一邑之中苟得數家積數
為百積百為千而全晉所得不知其幾矣第恐近
日開納事例計在大工不暇及于鬻賑而不知鬻
爵作備原為鬻賑而設考之漢文從晁錯備邊之
說令民納粟以拜爵至景帝因上郡之旱而復修
賣爵之令至裁其價以招人此往事之可鏡者也
况補蠲之餘未必無可以助大工者乎若曰鬻爵
之舉最妨仕途此誠可虞然整冠而往者非救焚




拯溺之道况以貨進身者未必皆匪人也載觀古人張釋之以貨拜郎官而竟使天下之無冤黃霸以入錢補謁者而竟為治行之第一鬻爵中亦未可為無人也而因嗜廢食焉可乎此請開納者亦濟蠲之權宜也

其四

曰頒賑法以成實惠夫 國家積穀郡縣三十餘年稍稱殷富一旦空廩庾而散之民誠惠矣第惠出於上而使實惠及民者則在有司有司者未必

盡賢而不頒以賑濟之法能保其弊孔之不生乎且以放賑之弊言之當其呈報等額也孰不取質於里書之口然積年里書素無良心必至以賄為掛脫而貧不能賄者展轉溝壑焉孰恤也有司惡其不平也於是開告訐之門詳里隣之審拘攝鞠斷動輒以旬日計及其數斗之給不償數日之費而號寒啼饑猶故也實惠不及於民坐是焉耳愚以為每人而閱之每人而給之則遲滯而有遺奸憑積年之里胥開告訐之爭端則混淆而愈不公



不若每里之中擇殷實有德者以爲公直每戶之中擇賢而長者使開坐其所宜給又總給使分布之彼同氣不大倒置總給之則要而速其有不公不速者公直得檢舉而劑量之以此散賑庶姦無所容而民霑實惠矣然開倉賑饑有司坐堂皇以待關支此其常也但遠野之民竭蹶而趨之裹糧而使之不有累日未給而餓死道路者乎又不有孤寡羸病舉趾不前而匍匐嘆息者乎此就賑之令不得不嚴而况凶荒之秋有司循行郊野以問

民間之疾苦亦不爲過奈何其憚勞而自尊重也然賑當就矣第郡邑長吏不過一人其足跡安能遍境土不得已而委之佐貳幕寮者亦常也但此輩存心爲民者蓋寥寥也倘爲之漁獵於其間乾沒於其間則嗷嗷之民不有呼籲無門而俛首就壑者乎是委賑之當慎也而苟不得人不若遲之期限必待其親歷焉可也然長吏之中亦未盡賢有如葉榆景逼而未免犯在得之戒者視察幕何別也今亦任之而不疑其間漁獵富室乾沒倉糧

有疾視而不忍言者可無道以處之哉愚以爲一郡之中擇其實心爲民者或府佐縣正者幾員使之兼賑遍歷一意濟救卽舍其職守弗顧也蓋凶荒之秋友紀散亂舉凡詞訟催徵簿書期會皆在所緩如有循良之吏卽不拘以文法可也此賑之汰當議者一也

其五


曰廣儲畜以備將來夫天災流行固不常有第邇來災異頻仍象緯示變杞人之心尚不敢以破愁

顏况晉中歲旱者十常八九今日之民已岌岌矣萬一天災未厭而倉廩一空億萬之命將何道以生之况晉地逼近塞下虜情叵測倘有不虞而民窮財盡又何道以禦之今郡邑預備倉糧十存四五已垂盡矣當事者念及於此動以積穀分數責成有司若曰此救荒之第一議也不知預備倉之穀緩急無益於民而責積穀於荒年反大爲百姓害焉夫預備倉糧其數總於戶部地方不至大饑有司不敢妄申請賑卽大饑矣有司請於司道司



道下郡邑覆查然後請於兩臺兩臺仍下覆查然後請之於朝計部覈之再三尤以輕發國儲爲慮尚十五不允其請焉中間文移之往來動數千里遲疑顧慮動數閱月以此而救張頤待哺朝不謀夕之民真求我於枯魚之肆矣亦何益於民哉况今歲值大侵而積穀之數不少寬假卽寬假矣猶曰姑少緩之俟三年報政總計勿闕夫有司臨報政者十常三四不寬其總計之數誰敢寬百姓以自甘於下考哉是以荒歉愈甚而誅求如常是

積穀本以救荒而驅有司以剝荒民此其爲百姓害非淺鮮也爲今之計與其責積穀於預備之倉不若行勸借以立義倉蓋義倉掌之有司監之司道目擊災旱可朝請而夕發其便一也義倉不在官而在民曉然知其爲民也故富家甘心於借輸而積之爲易其便二也義倉無關於今甲緩急亦隨乎民便如遇大荒猶可寬假不至強人以取盈其便三也今誠舉古人已試之規倣而行之如歛散則取李惺平糴之法中饑則發中糶之所歛大



中寶集 卷之六 十一
饑則發大熟之所斂此其法行於魏者然也如糴
糴則取耿壽昌常平之法穀賤則增價而糴穀貴
則減價而糴此其法行於漢者然也取此二法令
有司通便行之每里之中有社倉者照舊修緝無
社倉者即擇廟宇舖舍空閑公所亦可積貯及今
秋禾頗登之日先查里中殷實富家以禮勸諭俾
出其所有者百分之一貯之於倉以爲穀本或有
司多方設處以裒益之遴選公直有良心者主其
事如遇春饑夏歉民果無食之時請而發之可假

貸則遵平糴之法以假貸可糴賣則遵常平之法
以糴賣必湏累歲凶荒餓殍載道然後舉而悉賑
之候秋成再積貯焉如此則有穀可恃而民心自
安有倉可發而價不踴貴因民以利民法莫便於
此矣若夫預備之倉止可備軍國征發之需查郡
邑之中但有五千以上者姑免積貯其不幾五千
者許遵災免分數如數而止即至報政亦據被災
年月開除穀數不必過爲誅求以剝民于荒年可
也此儲畜之當議者也



曰嚴盜防以靖地方照得晉中之民強悍好勇而歲穀不登饑寒又足以迫之以故怨毒填臆氣憤掉臂而自棄於盜賊蓋曰死等耳寧死于盜緩也且得逞志焉即無論鼠竊狗偷之盜報無虛日而近以山礮之釁致起風聲詳究其中的係河南礮賊十無二三而河東饑民乘機借勢者十常八九有司者懼罪責之及已一槩委之曰南賊夫南賊渡河率非舟楫裝糧必不能帶今群賊携有弓矢

動經旬日其誰以供給之此畜禍釀亂之端不可不察也然饑民聚衆不忍剪除爲今之計惟有各嚴保甲以散之焉耳載觀周禮士師之職聯州黨比閭之民爲之什伍使之相安相受其不安于比閭不受于什伍者即姦民也部主無所容里閭無所寄其後商君治秦亦令民什伍相收司連坐而武帝因之爲沉命之法此皆大苛苟求其已試可行者惟實儼義營之制耳大畧一戶爲盜累其一村一戶被盜亦累一村使村自相保盜無所容而



近日保甲之法亦其遺意但經畫之未周耳惟有司申飭而變通之令戶書其丁男之數衣食之業十戶爲甲擇長年者一人爲甲頭使之日夕稽其出入之所適又擇少年勇敢者一人爲義兵使之習擊刺之法以備不虞十甲爲保保有正有副十保爲堡堡有堡官無事則遞相管攝時聚其義兵以操閱之有事則號招群聚各持其兵杖以追逐之堡置鼓置炮盜起則舉舉則隣堡併力捕逐而聲動百里有司者第稽其功罪以示勸懲焉耳不

必飭以迎送困以勾攝以防廢其農業可也如是則奸宄無所容而地方可保其無虞矣若有迫於饑寒將從倡亂之徒惟保甲嚴查亦自足以維之而有司者又當多方勸諭設法賑濟俾無以艱食之細而自喪其生命則饑民各歸其業而群盜可不攻而散矣况今秋成頗足正可乘此以收人心而盜防之禁豈容緩乎若夫結社煽惑之衆亦有爲可虞者彼株連動以數郡每郡動以萬計甚至不畏斧鉞之誅而畏其號招之令試觀古之倡亂



中家集 卷之六 七
蠡起一方而四方響應若川潰火延不可撲滅而
補塞者率此輩也乃今則更夥矣晉中之黨動連
於兩河齊魯之間有司者方懼激變之自己也玩
視養成是何異抱火積薪而寢處其上也爲今之
計亦不能外周制而別有所建立是故士師掌八
成焉凡邦謀之觀釁邦賊之搆逆邦朋之聚黨邦
巫之造妖皆嚴詰而預防之使不得發有司者誠
能徬而行之即于保甲之中陰伺其有無然後折
其奸萌散其黨與俾無得昏夜聚散以申固其所


約此又曲突徙薪之至計亦盜防之一端也

其七

曰省刑獄以恤災民考之周官以荒政十二聚萬
民而必曰緩刑匪竅言也蓋凶荒之秋米珠薪桂
聚而食之猶可相保一被繫建則一人之盤費可
足數口之朝夕此古人有見於此而省刑獄以聚
之有以也况晉中之民剛愎使氣室如懸磬而猶
以睚眦之故爭告不息有司者不恤其無知而就
死也方且日事獻朴幸贖錢以潤囊橐以故繫建


日繁民財日耗奈之何不饑而死也以愚計之有三事焉不知可頒布而通行否曰省告詞也曰定鞭額也曰薄贖鍰也夫有告狀則有告紙而墨吏且持之以取供今貧餓負屈之民不得不質於官而又以剥膚焉是懼可無道以處之乎今誠出示曉諭凡人命盜賊之類係干重罪終須取供者方許投遞告狀其餘瑣事相爭一言情激但求判斷而不必取供者止許具片紙稟帖直書其情不時投遞有司卽爲判斷止許責趕不得濫肆科罰如

此則無狀可供而罪贖大省隨時銷繳而告紙盡免矣如或仍蹈前弊濫受告詞者訪實以貪酷論可也夫五刑有等笞杖最輕而猶有一定之數凡以慎刑也乃竹板等項漫無明條一槩爲飭怒之具至有一言觸官而立斃杖下者深爲可恨此雖令甲之所不載而當此凶荒之秋可無道以節制之乎今請下明示議爲條款定以則數至重者不得鞭過二十非盜賊不得擅用杖棍蓋一日被責則數日不便於工作一人瘡甚則數口俱爲之愴



惶况以枵腹之人命如拉朽而殘刑以逞其能忍之哉夫鞭朴固可以戕一人之命而贖鍰則至於戕一家之命何也晉中之人貧而負氣家無擔石而不甘於笞杖有司者不察其隱而輕擬贖罪不知一贖之金而數口月餘之粮扼其吭而奪之非所以戕一家之命乎今請下明示凡一詞之中兩造不許俱罪一事不許罪二人罪人非再三告贖不許輕擬贖罪即擬以贖一槩不許註以有力如此則贖鍰可省而災青之民可少甦矣然又有說

焉吏胥犯罪而擬以米價此定制也然簿書期會少有遲慢即當招解一歲之中一吏常有數罪數罪則四十金矣夫吏胥上納所費幾何而數罪之贖反爲過之如是而謂其盡出於已而不剝之於民吾不信也况地方愈疲則吏罪愈多有司者憂其逃去也率任其攤派以曲處之雖不取贖鍰於貧民一間焉耳今誠舉斯罪而盡寬之其或惡其遲慢止擬稍有力罪名或批示鞭責有欺玩而不責者罪其有司如此則寬吏即所以寬民此亦省



中家集 卷之六
刑獄之一端也


其八

曰併冗後以充工食夫條編之法所以節制各役之冒濫甚大惠也不節則至於病民節之太過則又至於病後夫後亦吾民也曷忍以民之故而病之但節省之令已有成言民方懽然稱便而一旦議加其誰與我萬不得已惟有裁減冗後使一人兼兩人之食則荒年可度矣且以郡邑衙後言之轎夫損夫解夫水夫每日工食二分僅足糊一人

之口矣妻子非所顧也至於皂隸每日一分七厘門子每日一分燈夫併油燭之費每日一分夫晉中當豐收之年每銀一分僅僅得米一升今凶年止得米七合耳以一人在官每日關米七合即不論其衣帽之何自而一日再食其能足乎不足必任其厲民以自養矣脫有精明長吏禁其厲民如左右之菜色何民不可加後不可病惟有裁人數併工食之爲得耳蓋古之聖王天旱則趨馬不秣馳道不除矧爲吏者果能刑清政簡即使令不備

無傷也但當與之以便宜俾今日則任其兼併豐年則任其復設第查其徭銀果爾盡數給散焉否也此顧後於荒年所當議處者也大都顧後之法可行於豐年而不可行於凶歲可行於山東河南而不可行於山西陝西蓋豐年民有餘粟願顧人以代之後今凶荒之秋咸願自輸其力而使之納銀轉顧欲民之不苦得乎山東河南金貴穀賤故徭銀雖少已足糊口山陝之地金賤穀貴而槩以山東之數施之此後之所以稱病也顧後之病猶

可調停若夫驛遞召募之病所不敢言而又不得不言者夫太原各驛每馬五十四兩已稱樂就矣而平陽各驛即八十兩而猶不樂者何也噫難言也當江陵柄國之時銳意裁減有司者逢迎之以裁驛通心知其太減之難行也乃於太原各驛念其民之貧苦不敢加裁而獨於平陽各驛之中每驛裁馬拾匹每年約省銀千兩以報廟堂稱省約矣然馬數漸少則輪撥漸速彼非不知馬頭之苦也正以平陽之民頗稱殷富而陰使其包賠焉耳



此朝三暮四之術上可以愚廟堂而下不可以愚
百姓怨不在明者十年于茲矣今一旦革去馬頭
徵銀召募而欲持太原之數以律平陽其誰肯就
哉蓋太原各驛其馬六十二頭平陽各驛其馬三
十六頭太原每馬五十四兩總計則三千三百四
十八兩矣平陽每馬八十兩總計纔二千八百九
十兩耳况馬數有多寡輪撥有遲速以太原而律
平陽平陽孰肯應募哉况平陽各驛本省漸遠法
制漸疎吏承往來之索勒彼驛遞軍官孰敢與之

抗哉而况大于吏承者乎所費倍於太原而馬數
又少無惑乎其不應募也既不應募而必于召募
其勢必強坐于富戶而陰使之包賠彼無驛州縣
徵銀關解畢矣而坐當賠累之苦不將盡加于衝
途之民乎夫驛遞協濟本以寬衝途也而坐令加
累于衝途之邑此不得不為災傷之民一哀鳴也

其九

曰省工役以節民力周禮荒政四曰弛力六曰去
幾皆所以寬荒民也今郡縣力役之工關市之幾




中家集 卷之六 其
率多罷而不舉惟有民壯上班一節尚可講耳夫
今之民壯卽古寓農之兵今之上班卽古讎休之
制而民壯在邊則非古之戍也役也戍不可缺役
則可緩何也修緝邊圉未雨之徹土也今堂室不
安安事門庭况累年荒旱邊境尤甚民壯上邊者
倍討工食猶取接濟而且暴屍相望至不忍言邇
者蒲州建議欲援十一年事例輒將正班民壯免
其十五年上邊已蒙按院嘉而查議之矣但事干
題請急宜會議倘蒙允俞則又有進於此者何也

免其上邊正班之民壯猶在也今郡邑城守等項
歇班民壯自足以當之彼正班者得無有私後之
者乎合無將正班民壯盡放歸農一應幫貼工食
悉皆停免必待豐年仍解正班者上邊則民壯有
息肩之日而百姓無饋餉之苦百人工食省銀千
一百兩通省計之所省者不知其幾矣豈直寬一
分則民受一分之賜已也

其十

日開利源以資蠲賑夫山澤所產天地自然之利



中家集 卷之六
以惠不遺者也况鹽鐵二者晉中兼而有焉所惜者開導之無術則不足以利民而返足以殃民是不可以不講也邇者渤澥之中鹽花盛生近池之民謂一年所出可足二年之課但督運者拘於膠柱惟督疲困之鹽丁按額而取之不及餘皆灰棄彼鹽丁自謂公役所驅苟且塞責而利之盡否將焉恤之今饑民無所事事環視其利而不敢犯有如下明示几近池居民不拘鹽丁民戶如遇鹽花盛生除正數採足之外任其撈採許分十分

之二以償其勞遠近召募不拘名數督計者惟嚴其禁門檢其出入驗多寡而分償之則天地自然之利與民共之而課額不溢於常者吾不信也水田之利晉中最急往者明文催督有司視之以爲迂緩而空文回復未聞開渠興利卓有成績者今誠下明示俾課官者視此以爲殿最各該有司沿垣履畝親爲規畫有濱河臨池可開渠而接引者勿憚興作有桔槔可施水車可運者勿憚用力至於去河太遠水力難及者又督令鑿井力挽而灌



中家集 卷之六
漑之此皆以人而勝天功利莫大焉者也至於淫
祠之毀梁公嘗行之於江南凡以維風也今不啻
維風亦可爲救荒之一助往者言官建議嘗下郡
邑未見着實舉行今誠下明示令有司從實開報
除曾經 勅建及古蹟名賢之所不可輕動其餘
一切不經之祠悉令折毀變其價值其有富豪大
族願留焚修者許估其值而回贖焉則一邑之中
少者不下數處數處不下百金亦是荒政之一助
也外此惟礦冶之利其利最大而規爲最難何也

大利所在人共趨之開發之際非厚集甲兵不可
以守是軍儲之難辨一也剪銷出納弊孔叢生非
尊官以臨之不可而山廠之中創立公署是土木
之難舉二也供應浩繁機務旁午典守之際易生
嫌疑非廉幹有力者不能任是人才之難得三也
果能曲盡周詳不避三難而決於必舉則大利一
開不惟救荒有餘而出所積以助大工亦司計者
所願聞也而難易之際惟上決之耳

其十一



曰禁繁縟以節民財夫周禮荒政七日青禮八曰殺哀九曰蕃樂十曰多昏此四者無非所以節財賄也今扼腕而譚荒政者率以此爲陳言腐見無當於世矣而不知四者之政最於晉中之民爲對症藥石也蓋晉民多財善賈者十有三二彼賈人操竒贏以自張而負耒之夫慕其風而肖化之以故婚姻論財動以三五十金嫁女粧奩動以珠翠綺羅以此兩家相持卽男女失時而不顧焉此吉禮之當省者一也凡民有喪不論吉凶卽日藁葬

遲以歲月然後徐備彩幡昇空輿而送之謂之啟殯親識祭奠動以數百每祭牲牢動以數十誇多闐靡覲不爲怪此凶禮之當殺者二也至若報賽之樂豐年所宜有也今歲比不登而迎神賽會猶然不止非娼優雜進牲醴狼藉則被緇冠黃聲連晝夜此淫樂之當革者三也今誠下明禁責成于有司諸如此類酌量裁減如昏禮往來不許論財張宴婦女粧飾不許金珠綺羅有喪者成禮而後葬幡輿不許擅用彩帛祭奠不許多設牲體至於



迎神會賽僧道娼優之樂一槩罷不舉行可也若夫男女過時而拘於乏財者許互相訐告當官卽與昏配如此則不惟民財大省而民風且挽之而正矣此周官之荒政獨非晉民之藥石乎

其十二

曰議煑粥以活老羸夫飢饉薦臻壯者離散老弱羸病之民未免轉乎溝壑况審放賑濟按籍而索之其間告老告病者已不能及矧此輩卽與賑穀而壯者已去亦難存活此煑粥以濟之者救荒之

第一議也但一聞煑粥就食者多措處薪米其術有五節制冒濫其術有二今倉糧已垂盡矣勸借已計窮矣冬春二賑郡邑已稱不足而煑粥薪米何由處辦昔祖謙畫策及此猶日出帑貯以辦之而今又不能矣不得已而取劉宴賦民之法或可濟耳蓋晉民強悍健訟荒歲不止刑愈寬則訟愈繁今假此以節制之凡告狀者各書其係某則人丁上三則者每狀輸米三斗中三則者每狀輸米二斗下三則者每狀輸米一斗惟見審被賑者不



輸也赴告之人先輸米而後受其狀其有不肯輸米者姑隱恣而息詞焉可也此措處之一也晉民最恥決杖今有司以荒歲准贖恐遲前件率多擬以無力民反苦之今出明示除上六則人丁准贖外其下上人丁每杖一十罰米一斗下中人丁每杖一十罰米六升下下人丁每杖一十罰米三升願的決者聽此措處之二也晉民俗好賽會如此荒年禁之不止今請明示凡民間有結社聚財必欲賽神及僧道設醮者先將會錢出米一石納官

請示然後舉之不則以違禁論此措處之三也晉中汾河灘地出沒無常清丈之時不敢盡入冊籍今民間開墾互相告爭動以欺隱問罪民甚苦之今請明示凡河灘之地卽未上冊者許民間從實報出佃種納米不必入冊以防衝陷此措處之四也晉中寸土寸金而梵宇淫祠以及舖舍之屬閑曠之地甚多今誠令有司各自查勘有可割去者令富家量輸米以贖之給與紅契俾爲永業此措處之五也如此五者再加推類則薪米可無憂矣




第恐就食之人鳥集雲合無恥棍徒卽朝夕可度者亦來就食可無道以節制之乎蓋煮粥飯貧捩其死也就食之人先剃其左眉以識之彼不至將死者誰肯自剃其眉哉此制節之一也流來飢民垂涎糜粥者不知其幾忍于秦越焉可乎出示曉諭凡流民就食者亦剃眉登記其名每日給粥一大盂令其取柴炭于山谷之間以濟煮粥有不願輸力者不許就食也此節制之二也措處有方節制有術然後擇空閑廟宇立釜煮粥約以二十里

設立一所每日午時每人給粥一盂約米三合唱名給之先擇里人有德素好積善者二人有司垂涕而勸諭之令主其事果能存活者多事完許給冠帶以酬其勞可也但措處之間易起科罰之嫌經理之際或有多事之誚必待明文通行然後可爲耳而歲暮春初此正其時也彼富公青州之政萬古以爲美譚由此行之或者可追其百一乎

其十三

曰議兵制以挽逃亡今晉中之民逃亡載道伺察



其故其間以饑荒逃者十無三四而軍匠追迫不得已而逃者十常五六何也軍匠之累貧已到骨而凶荒又足以驅之彼掉臂而公安往不得爲貧賤而况隨在入籍卽爲民戶何必戀故土也凡此皆法制之未善者致之也考之成周田以井賦兵以賦出無事則吾兵卽吾民有警則吾民卽吾兵兵民不分法莫善於此矣後世惟唐之府兵猶爲近周爲其不分兵民爲二也我 國朝稽古定制內設錦衣留守而彼此足以相制外設都司衛所

而上下可以相維居重馭輕防微杜漸法莫精此矣但取兵之制酌於一時之民情有按克抽克梁克之法取戶丁之有力者以充行伍而單弱之戶不與焉此制一定軍民遂分當是之時軍強民弱富家大族悉占軍籍是以行伍充實裝糧易辦不虞其有今日也及今歷時既久變易既多人丁之多寡懸殊田糧之貧富頓異有一戶二三軍而人止一二丁者有一戶一軍而人則百餘丁者有人六七十丁而軍絕者有丁盡戶絕而軍存者戶大



丁多者供裝爲易戶弱丁微者清勾爲難軍校視此而脫逃吏胥乘之而舞奸兼以武弁之衙文冊不清誤名竄籍大半含糊以此而稱通絕者十常四五矣不得已而有清理之設遣憲臣以專其職據族籍以捕其人而又覈繼丁之名嚴坐清之汰清軍不滿額者官吏不得以考績其汰可謂嚴矣但人丁之衰弱過半而戶籍之逃移數多一經清勾多方埋沒不曰丁盡戶存則曰查無名籍間有一二相投給批捉獲則紐解拘繫夫妻伶仃真有

無罪竄流之慘卽解至衛所方以供給無人不可存任爲憂而在衛遊食之徒又有奪其月糧而不容補衛者以故有解至發回者焉有解夫未回而逃軍已到者焉發回逃回未幾而又行清勾百姓有解發之擾而軍旅無克實之日愈久愈耗衛所之軍十不存五所設月糧從以資武弁之扣留焉耳兵衛漸消其何以國譬之琴瑟真所謂不調之甚者必改而更張之乃可鼓也爲今之策軍民異籍我朝有定制矣然近因民壯負累已將軍戶



丁多者除二十丁外仍貼民壯工食其丁少者不顧也然于其取有餘以貼民壯何若均彼此以補不足今誠下明示通行各該州縣各查其老軍若干名通州縣軍戶人丁總計若干丁每軍可得幫丁幾丁照依條編之法每軍每年酌量該軍裝若干攤派槩縣軍戶每丁該納銀若干徵收在官其軍士討取軍裝止令在官領銀不許分毫害戶不惟丁少戶弱者不至逃竄埋沒卽丁多戶大者亦免其軍人之告害况免幫民壯又有以寬之乎如


此則軍裝既有應後無難本戶有丁當軍者清解亦易卽有絕戶絕軍然後用富弼因荒募兵之法參丘文莊買饑民子之策而養克行伍務俾衛所之中軍旅克實卽有不虞之警可無慮矣如求其盡善之規必須通軍民而總計之然後可由唐之府兵以漸復成周之舊制是又在廟堂大創之耳不然清勾愈急則逃亡愈衆流民載道而軍伍日消此可爲痛哭者矣

其十四



曰徵匠價以救偏累在昔成周司徒因地以均後
旅師效民以起後是故日省月試餼廩稱事無非
以天下之財貨供天下之匠役未聞有民籍匠籍
之分也我 國初設有匠戶輪班赴京工作節次
解匠率非專門本業之人往往解至京師轉顧京
匠代役其後大司空見其不便於民也題奉 欽
依每四年輪班二季每日匠價銀二分四年徵匠
價銀一兩八錢其取可謂約矣又因匠戶之中間
有消乏單丁獨戶辦納一兩八錢之數必致拖欠


起解愆期不得已而大司空覆議班匠每名每年
徵解四錢伍分旋徵旋解民力易辦其法可謂便
矣然匠戶之消長天淵懸殊有一戶一匠而丁則
百十者有一戶一匠而丁僅一二者有丁盡戶存
而匠依然猶在者戶大丁多者辦納甚易戶小丁
微者辦納不前仍有匠戶丁絕責令甲頭里長包
納者以此偏苦負累數至迯移况此凶荒之秋其
苦尤甚四民之中惟匠稱累甚非一視同仁之法
也爲今之計請下明示通行各州縣將輪班匠役



除先年題准開除逃絕外各將見徵匠價之數亦隨條編徵于均徭銀內按季分解其匠戶人丁却隨民戶一體應民差以補民戶之所出則衆輕易舉而匠價無逋負之虞偏苦未甚而匠戶免逃移之患矣若曰匠籍既定紊亂不便清勾膠柱鼓瑟之見也今之匠役雲集京師百巧俱備外人曾不能以爲之役幾曾見有應本戶之匠者哉此徵匠價以救偏累尤於荒民之中不得不急急也

其十五

曰嚴宗政以禁雷民夫救荒之策先去其暴今暴民之官驅逐爲易而雷民之宗則無道以制之奈何况百姓凶荒宗室俱困而激之愈甚則害民愈急晉中之禍莫大于此矣考之周禮庶子之屬正於宗伯犯義而不執者刑之師氏凡以正義也夫周室以關雎麟趾之心以仁宗族而必不廢此者誠有見于正之以義乃其所以仁之也我 國朝天潢派演布滿區夏其各省宗藩淑慝不齊者姑不敢議且以晉中言之晉中之地狹隘而險危故



其民風鄙嗇而強悍宗室居於茲土者襲染其風而勢位隆重又足以逞其驕悍之習是以遇鬪恨則烈如虎猛見財賄則趨若狼貪一有觸犯則群聚以造官司少不得直則越境以訴朝廷在昔所賴以鈐束而裁抑之者有祖宗畫一之法在焉有司者持之而不爲所奪輕則罪責其府親重則叅奏以處治以此稍就規矩不至暴及於民猶可說也夫何邇年以來間有一二刁宗假虐受之訴以瀆天聽我皇上以仁親之心不逆其欺

稍賜准行爲諸宗者正宜仰體宸衷深自保愛可也顧乃咆哮放蕩以明得志如晉中有司有執法以斷其獄者即越奏巖污以中傷之梁中憲臣有執奏以破其黨者即奏爲奸黨以排斥之宗室張膽以相攻官府寒心而避忌將來之勢遂使有司不敢問其屈直憲臣不敢叅其罪過非兇毆良善以張其威則吞占財產以封其家殘民以逞日甚一日其所以戕我命脉禍我宗社者可立而睹矣爲今之計將欲重官司以抑其勢必先禁越奏以



杜其誣題請 飲俟九宗室有犯罪有司得執法以斷理之犯有大惡俾憲臣得指實以參奏之卽使斷理有冤許訴於兩臺以改委參奏有偏許訴於國主以代奏一切乘機中傷巖誣挾制之疏羅不准行則官司猶敢以問其屈直而宗室不得以逞其胸臆豈直百姓不被其殘害而宗室亦可以保其令譽計莫先於此矣若夫興宗學以開導之限爵祿以王成之寬城禁以首養之此緩則圖其本之說也若夫急則治其標者惟有禁其越奏之爲要耳不然暴虐弄民萬一激變開釁起禍恒必由之此亦議荒政者不可不慮及之也

驛傳議十二

竊照驛傳之設其用意至深厚矣上以便行李之往來以優士類下以省州縣之供應以寬百姓今惟其侈靡以奉乎上而不顧膏脂之竭則寬百姓者謂何若惟其節制以省乎下而不顧體統之辱則優士類者謂何二者之間非加意調停不可也然調停之術其道有三曰簡曰實曰寬夫世後浩




繁支用豐腆則財匱而難於行固其道貴簡欲簡則必假上官以節制之然驛官至卑孰非其上上有循環則次上者之供應驛官不敢登報以取罪譴况上之左右乘權藉勢大肆漁獵驛官十不敢以報一執簿考之殊無所費而大半出自馬頭此虛文之害事而難於行固其道貴實以實登報恐上焉者必假此以覘各官之動定供應之繁簡少蒙疑貳則驛官之取罪也不淺况左右之不得逞者毀言日至驛官之罪逐逐死可立而睹矣故其

道貴寬惟寬則登報可實上下有體而 國家優禮士類者爲不虛惟實則包賠可省其圖簡約而國家節省百姓者爲不負當今驛傳皆坐此三弊不調停而驟加裁減此下之所以稱苦而招募之所以難行也爲此不避忌諱一一條陳惟高明其裁察之

其一

議馬價照得驛馬一匹外有幫騾一頭卽一馬一騾每日用料至多不過一斗用草不過四束卽今



荒年費銀一錢二分足矣每年用銀四十三兩二錢馬夫一人每日工食銀二分每年用銀七兩二錢足矣而今日所議謂五十四兩不足者何也無乃馬頭之苦有不在馬騾之喂養而在於無名之包賠乎包賠之弊其源有三費用不敢以盡登報則暗加於馬頭一也裁減人役過多則暗後於馬頭二也馬數不敷輪撥重差則令其額外顧覓三也三者之包賠必不可少則馬頭之招募必不可行此議馬價者不必以草料工食爲言而在於急

本三者之負累焉可也


其二

議禁革夫召募之難行坐在包賠包賠之難支坐在浪費不嚴以禁之而欲驛遞之清也難矣蓋驛遞之官皆奸猾之老吏也始則假科歛以行鑽刺終則指鑽刺以遂漁獵夫州縣正官與彼有相轄之體時時饋遺以致慙勤雖拒之不受猶曰此小人鑽刺之常若佐貳若教官若鄉士大夫故風馬牛之不相及也歲時伏臘亦必科歛以致儀此豈

鑽刺之本心哉不過假此以漁獵焉耳今請明示嚴行禁革除州縣正佐官員有敢輕受一物一菜者坐贓叅究外其餘教官士夫本與驛遞無干而驛遞之官有再與往來者卽係指稱科歛坐贓發遣可也至於上司過臨坐司供應臨時出站銀以辦之此其正也而號稱風力驛官動輒預造酒醋油醬之類預買油燭柴炭之類雖曰預備其實科歛自今以往亦行禁革如能預備必須自出私囊焉可也然州縣正官間有發銀驛遞俾之備辦小


飯呈送過客而原銀仍舊繳回覘不爲意不知驛官指此包賠而科歛者不知其幾矣自今以往亦行禁革彼如饋送小飯必州縣自備可也若夫祭禱馬神之類此若馬頭情願禮不可缺而驛官垂涎神惠之弊亦非盡無自今以往每祭許動站銀芟須止用三牲香楮虔誠致禱不許宰牲設賽科歛財物可也若夫討索常例備辦紙紅見面樣支之類則自有明禁森嚴非自今日始矣

其三



議供應夫驛遞卑官主於承奉少不豐潔便當臯青是以原議坐司下程至多不過九錢道府經過四錢三分止矣今任其靡費有一官到驛費至二三兩者此雖以下奉上之常但士人飲食自有節度任其過豐亦非儉德之正今禁約節儉者反在親臨上官若過往官使恒視此以爲喜怒少不如意則見以爲簡褻以此供應浩繁飲食狼戾驛傳官銀曾不足以當十之五欲馬頭之不包賠也得乎今誠明示禁約定爲規制一凡大小品官照例


供饌每卓外用時果四邊其肴不過六豆飯不過二品茶酒畧具而已此外不許更加合卓不許設列糖食不許構求異品不惟財用可省而備辦亦易且暮遲蚤皆足以供之譬之簿正祭器而獵較自息者也若夫帶有家眷者加倍供之明白登報可也惟有承差官舍貂璫之流既有折乾口糧不必更供飲饌今既有口糧又有飲饌既有飲饌仍索中火不則辱詈其官鞭笞其吏矣可不爲之禁乎



其四

議中火夫兩驛相去遠者百里近者不下六十途
次中火必不可少經過之驛追送前途爲備中火
此見行例也中火之處常賃房舍常賃器具常額
一主人使出水火柴炭中火所費無幾而凡此冗
費每月不下數金况中火之處游移無定每驛四
路每路仍有兩處預備者其妄費何可勝言且齋
送鋪陳米肉油燭之類非數騎先行不可而奔走
馬騾每歲不計其數况中火之處上司未必駐節

間有過門不入者則所備中火盡爲拋棄凡此皆
不敢登報者也近日中火之處係各該州縣地方
者有司仍皆伺候其門厨之役皆係有司呈送而
獨令驛官出辦供應似覺背馳合無俯從末議凡
應設中火之處卽將驛傳銀兩量分本地方有司
使之專委所在堡官或集頭老人之類專候中火
彼係在地居民不賃房舍不賃器具已覺省約蚤
晚緩急坐以待之不至奔走馬騾則所省多矣不
然各該地方亦有巡捕官伺候間有加送小飯者



中家集 卷之六
不幾爲重費乎此至簡至易兩便而可行者也

其五

議哨探夫哨探者下官之耳目所恃以不失伺候者必不可少哨探匪人緩急莫辨非先時以腐敗品物則後時而失誤供應不惟失事抑且傷財近因差撥馬頭率多朴野愚夫易致誤事不得已而擇其二三可用者定爲探馬然馬數不多此項占役則輪撥愈急又不得已而措銀顧覓無籍之徒使之哨探視前甚省一時稱便矣乃今馬頭刁訟

又指措銀爲弊端可無道以革之乎蓋今方招募必皆驛門棍徒包攬應當人人皆可哨探招募之後仍令挨次差撥彼若怨輪撥之速也任其措銀顧覓亦自無詞但出示禁約止許見牌隨時差遣不許仍舊長任四路以占馬匹又當勸諭過往官員凡有行急隨牌即到失誤哨探者亦當自引其咎不必過責驛遞可也

其六

議登報夫驛官者卑瑣而貪汙者也貪汙之輩常



令其有餘則供應猶可以奉賓客今馬頭召募包
賠已無人矣若登報之際過於察察則貧夫無餘
矣無餘則凡事苟簡至不堪用彼且蹙額哀訴曰
上之裁減若此也遂令過客有窮途之嘆行者無
如歸之樂如近日潞安一帶京師往往以窮八站
稱之不惟流言驛遞抑且移怒有司可不爲之慮
乎然此猶過客之當恤者也至於親臨上司有事
地方者其勢必至於往來所費之數恐循環不敢
以盡登官銀既不敢登包賠又無其人將來之勢

有不敢加筋於傳食者矣爲今之計驛傳之包賠
者已盡裁革則循環之登報者自當寬假使凡有
供應盡數登報卽如遲速之際腐壞品物亦許明
白開載又必明示德意上下相體不必過爲避忌
可也如此則驛遞之供應尚可支持而包賠之弊
端庶可盡去矣

其七

議體統夫水急無掉尾之魚政苛無逸樂之士此
楚相驛遞之法得罪寓內至今有餘烈也蓋驛遞



之設本以優士類存體統也向者方面薦紳抵以馳驛細事至被譴責一時士人垂首喪氣視驛通若陷穽然不敢加足於郵亭間矣近因清議稍寬外官自道府而上卽非本省亦得行牌然牌票之上止云借一公館夫馬飲饌皆其自備然既有牌票有司自當送迎本境上司間或遣人護送驛遞卑官獨敢奉法而不爲供應哉夫馬飲饌一體供應而獨於循環之間不敢登報此非馬頭之包而驛官肯出私囊乎今馬頭旣已召募站銀一一登報諸如此類孰與包賠合無明示德意少從寬假俾借宿官員亦許有一飯一菜之供卽少借一二夫馬皆得明白登報勿令包賠則客遊吾境者猶得有生人之樂而體統爲不失矣


其八

議申究夫法嚴於君子而縱於小人則今日之驛遞是也今縉紳大夫不敢加足於驛傳而貂璫之流儼虎威以肆漁獵用馬動以百計傳食動有百人以上號廩給有索銀至五六兩者不則鞭笞其官



吏矣彼憑城依社無可奈何惟寬假驛人任其規避卽或少挫其威稜必不以此加罪焉可也至於吏承之往來皂快之嚇詐又官府中之貂璫也票馬一匹有索至二三匹者折乾之外仍加引馬口糧之外仍索坐司甚至有備中火者此吏承之常態也皂快跟官皆乘驛馬有馬快手索草料以養其馬而仍乘驛馬然且有惜馬之錢有買口之錢不則質馬以索之此皂快之常態也少不如意則日進毀言驛遞卑官擧不旋踵雖有明文禁約而

禍福出于其手彼驛遞之官誰肯自棄其官而奉法哉爲今之計惟有假權於郡縣猶可救其十之五耳今誠令驛遞將夫馬名數置爲木牌投于郡縣長吏卽口糧之銀皆用郡縣印信一凡過往使客必須關白然後支給馬夫不見木牌不許擅自出驛其有仍前多索許長吏暗自申報徐於訪察中置之於法如此則羣小知警而驛遞可清矣然郡邑長吏懷避忌者不謂無人又必上下相體同心共濟焉可也若長吏以此而獲擧則天下事亦




矣

其九

議監禁夫驛遞徒囚每處不下六七十名其間犯
事克從者無幾而竊盜徒犯十居其七以卑官衙
門使之監禁此輩已屬不勝而况邇年以來裁革
防夫通令馬夫看守却于每頭加銀二兩夫馬夫
以一人之身兼喂一馬一騾跟隨奔走已不能兼
而况又使之看監可乎不得已而攢銀顧覓動輒
借口稱累况所顧看監之人多係無籍棍徒不時

更換視非已責往往賣放徒囚而仍拏馬夫責打
抵罪以此傾家者不知其數况近來有司多事姑
息每令驛遞將徒囚保領在外或押放乞食自此
例行而近驛居民被盜者多矣况馬夫每日輪流
看監者不過五名徒囚即在監且不能守而又使
之押放乞食照管不周奈之何不脫逃也近日脫
逃徒夫之招後先接踵官吏之擧每歲不下數起
而馬夫頂擧者比比也如是而召募平人使之俛
首應募焉得乎夫以看監之故每馬夫外加銀二



中家集 卷之六
兩姑以三十六頭計之每歲加銀七十四兩夫以州縣看監禁子每年工食不過一十二兩五名纔費銀六十兩耳今以七十四兩加于馬夫而使之私顧看監孰多孰少吾未見其爲計之得也合無俯從末議將馬夫外加銀二兩明白裁去止用銀七十二兩仍設防夫六名各該州縣仍於殷實人戶內摘取正名一人應當給領工食並不編給幫戶以滋科收如此則所費不加於前而責有所歸且人非無籍看監自是謹慎不惟脫逃徒囚之辜

可以漸少而馬夫召募人亦不憚應募矣

其十

議馬數看得平陽各驛自嘉靖四十二年以前每驛馬驢四十九頭上馬每匹銀一百二十兩中九十六兩下七十二兩驢三十六兩共領站銀三千四百八兩已云多矣至嘉靖四十五年拯救驛遞每驛加馬驢至五十六頭每匹之銀數猶初也當是之時官銀足用民無包賠固相安於無事矣至隆慶四年有爲調停驛傳之舉者馬驢不分中下




每馬戶一名養正馬一匹幫騾一頭每名每年止
領站銀二十五兩二錢編坐正幫戶應當明言每
年每名私幫銀一十六兩七錢八分九厘一毫外
將防夫革去就令馬頭看監每名加看監銀二兩
賠補倒死馬騾二兩每驛削銀二千兩則包賠之
禍起於此矣然而馬頭之數猶然四十五也至萬
曆九年楚相柄國之日司計者爲仰體宸衷敷
陳驛通事宜以廣聖澤事將馬減至三十六頭
每頭領站銀三十三兩六錢一分九厘明言令馬

戶出銀一十六兩七錢八分九厘一毫并看監倒
馬之銀四兩共足五十四兩四錢之數自此之後
馬頭之包賠日甚一日近年以來每馬一頭私幫
之數添至一百五十餘矣審成馬戶動至傾家今
幸俯賜裁革變爲顧覓之法民如更生相賀於道
矣但馬數本少輪撥太速則必有倒死之虞差撥
不足必至外顧則仍有包賠之害若論包賠卽一
百兩猶爲不足何也向之包賠有富家以爲之頭
而有幫戶以副之今召募之人知有包賠則誰肯



應募哉不得已而欲添馬價卽添至七十五兩仍不肯應而又與太原各驛恐有同異之嫌今幸明議調停添馬數以補之此通便之至術也但馬數之添其等有三若復嘉靖間之馬數則爲五十六頭誠爲太多若以萬曆初年之數不過四十五頭似覺尚少不若以七十五兩之數添馬數以盡其銀以今三十六頭言之總該銀二千五百添馬至五十頭而每馬五十四兩則前數昭合矣此酌中之論經久而可行者也夫民財當省人人言之矣

而必欲加添豈顧爲左計哉第恐裁之太過其勢必至於包賠召募不應其勢必至於強坐強坐於一人則累窮一家前人已誤今日豈容再誤况見應馬頭公私幫銀每日伍錢二分每頭每年該費銀一百八十七兩二錢卽三十六頭每年已該費銀六千七百三十九兩二錢若以五十兩四錢筭之卽添五十頭每年止費銀二千五百二十兩雖若加馬十四頭其實省銀四千二百一十九兩在上爲省民之實政在下蒙節省之實惠非若向之



中憲集 卷之六
爲朝三暮四之術也何嫌於加添哉

其十一

議寬假夫往年驛遞弊孔叢積故惡其漁獵者往往嚴覈而數臯之每歲官吏臯名不下數起贖錢不下數百雖若加之以罪其實派之馬頭今馬頭業已召募站銀自有正數乾沒漁獵之弊可不禁而自息矣若仍前數加以罪名彼必多方以侵漁召募之汰又不可行今請明示德意使凡驛遞循環任其從實登報間有無知觸忌婪須破冒者止

許省令改正或行郡縣戒責不必數數加罪可也然罪責之加上人自能寬假所其洗垢索班吹毛求類則左右爲之也舊例各驛循環赶上倒換者未免有阿大夫之賂焉每年總計不下百金雖甚加禁嚴必不能免不則罪責且立下矣卽上人欲行寬假而執簿者業已檢出汰難輕宥以此遂爲常格牢不可破此不可諱言而不思所以處之也今每季循環各驛遞徑自差人倒換一聞人到卽以奇貨目之合無俯從未議一凡驛遞循環皆令



中家集
卷之六
郡縣類轉入通申行不許徑自差人則齎賄無由而厚望自息矣又必嚴諭郡縣之吏禁其需索少有發覺重責發遣如此則罪贖大省而馬頭攤派之弊可盡革矣茲匪寬其吏也寬吾民也不然如前所云其與取之於民者一間耳

其十二

議召募夫積棍包攬此譚驛遞者所痛恨者也今欲召覓非積棍誰敢應募積棍克斥則弊孔叢生非挾制驛官占役馬驟則中途迯回凌侮過客立

見弊端可不爲之所乎近聞隣封各驛仍坐上門富人使之應募稱善奉法矣第恐積棍之弊雖免而包賄之禍潛滋古人之實政似不如是也爲今之計令州縣正官加意遴選仍於良善人戶下三則人丁之中擇其精爽倜儻者一人坐名應當給帖禁諭分毫不與戶人相干驛官不得分毫攤派仍須免其本身雜差以償其勞一年卽與更替不得歲歲累之可也如此則積棍之包攬可革而富民之包賄亦免矣但立法之初人心惶懼未必樂



中家集 卷之六
於應募彼無驛州縣出銀協濟者但徵解銀兩其事畢矣而坐當遴選皆在衝途州縣彼見合驛馬頭悉坐一處必有惶惧稱寃至以鄰封嫁禍訟之者况將來之勢不知究竟何如儻偏累衝途之民亦所不忍合無行令協濟州縣仍照馬頭舊額各自召募則將來苦樂彼此均任而衝途之民可少甦矣

鹽政議

竊照我 國家權鹽利以實塞下雖不啻數區矣

求其不假人力爲天地自然之利者惟河東之解鹽最故宣府一鎮號爲雄虜之衝一切軍儲全仗河東是河東之鹽所關於國計非淺鮮也頻年以來國課漸詘而借負商人者殆至百萬此豈天地之利不及于前哉無亦綜理之者猶有所未善巡緝之者猶有所未周乎本職生爲河東之部民仕爲河東之屬吏自少至壯一羨一飯皆河東也耳目齷政其敢委之曰不知故當其爲部下士也目開歸事及爲屬吏也目三晉事又近運城也目齷



池事開歸鹽事其弊有三晉中鹽事其害有四解池鹽事其可慮者五焉不祛其弊不除其害不調劑其所可慮欲鹽利之興其道無繇也今之議鹽汰者僉謂阻壞難行惟開歸最欲割開歸以便民此計之左者也夫國家權鹽利所以實塞下也今宣府軍儲全仗河東是河東鹽利之行可廣也不可割也頻年以來國計頗詘借負商人者殆至百萬若並開歸而割之其奚以償愚以爲今之議割者知其害而未究其弊者也夫開歸之地太兩淮

千五百里太長蘆千三百里惟太河東也不滿千里吾未見不便于近而便于遠也然而咸不稱便者其弊有三一曰鹽味苦于奸商之攙雜也二曰行鹽苦于官司之代散也三曰巡緝苦于問辜之繁夥也夫嘉隆以前解鹽至開歸者不聞有味之惡也自奸商射利之徒惡民不得已而取辦于私湍且開歸之地率爲黃河故流地多鹹鹺少加煎熬輒成形鹽貧民負販布滿村墅巡鹽之吏視此以爲漁獵或摻索其辜贖而十不登一或陰歛其



膏澤而縱之私販私鹽愈多官鹽愈阻監司者不問其奉行之未善也第曰解鹽之難行借令割開歸于兩淮長蘆豈盡令私煎之不行哉爲今之計與其驅私煎之利以資官邪何若借私鹽之稅以足國課使明諭開歸亦照花馬池故事僉坐鹽丁使得隨地煎熬以辦額稅則私煎之徒不待禁而自無矣然且嚴其課程重其額數使私鹽之價不減官鹽民安知不舍私鹽而仰給于官乎官私並行淮鹽海鹽可無禁而絕矣如此則河東之額課

可足而開歸之辜獄亦少此其祛弊者三也三者之弊積有歲年牢不可破以致開歸之鹽阻壞難行有司者不思所以祛之而惟欲割開歸以便民是惡微種而刑其足以自快鮮不什矣此開歸之事目擊而心熟者此也至於晉中之事與開歸異蓋晉中之地本無私鹽尤不可以不禁私鹽何也私鹽之行行於接境頻年以來有司者奉法之無狀也遂令長蘆越販於河內兩淮波及于鄆許道口挑賣於澤潞肩比踵接爲解鹽病惟晉中之地



阻山帶河天險四塞卽有私鹽負戴千里顧值已倍于官鹽誰肯樂爲之販哉但冀比之野頗有私煎石隰之中頗通花馬是又不可以不禁而禁之不嚴者其害有四一日巡鹽兵快玩愒之太甚也二日退引繳報責實之未盡也三日貧民私煎姑息之太過也四日比較鹽法等差之未明也夫今所稱巡鹽者非民壯則快手也給以帖文四散巡緝而徐治其不獲之舉可謂嚴矣邇年以來各役委於私鹽之本無問舉視爲節年之故常一領帖

文偷安高坐積具工食以完罪贖幾曾見一人之巡緝哉爲今之計責令有司嚴督緝訪訪過保甲各具甘結如其不獲重加鞭朴而不惟其罪若然則地方嚴肅不獨私鹽難容而盜賊亦免巡緝人後庶不爲虛設矣退引繳報各有定額其法甚善邇年以來兵快坐視山僻之民刮土爲食全不賣鹽以致退引不敷不得已而買引于通鹽州縣以塞其責負販小客利其引價不肯繳官任意私賣遂使山僻之邑官鹽盡阻通鹽之邑退引亦闕兩



無一可者也爲今之計責令山僻兵快不許民間分毫私煎以爲鹽之狼莠而又嚴諭通鹽之所商人不得賣引犯者加以重罪則鹽引之繳果有實效而鹽之行也且加速矣太原之南近多私煎雖不如開歸之甚亦足爲鹽法之蠹當事者念其民之艱也幸姑息而不問巡緝員役利其私稅以完臬贖互相容隱謂之通家日復一日如鹽法何爲今之計不徒責之巡緝而欲責之地方一村私煎臬及里長一里私煎臬及縣令務使私鹽盡絕而

生民日用悉入禁權矣今之比較鹽法者不爲不嚴而巡緝員役坐食如故匪汰之不立以激勸之未盡也今比較有定期矣考成有總簿矣第將各屬員役定爲三等其有留心鹽政捕緝有獲而繳引過額者考居上其有奉法小心退引足數而偶無捕獲者考居中若夫怠玩厥事慢無捕獲而引數短少者考居下下等之罰今既行之矣中等不問惟加警勵矣至于上等亦當明示獎薦以風庶官有功人役大加勞賞或卽以所捕贓物以充賞




資則風樹景從而人樂用命矣此晉中之事目擊
而心熱者也至于解池之事有至明以光照于其
上百司執事環向而論列之于其下弊無不燭害
無不剔固無容于置喙矣第或察之民隱或得之
風聽亦不敢以嘿嘿者而要之慮其所不足慮誠
哉爲杞人之憂者其端有五焉一日課額之當議
也二日撈採之當時也三日鹽丁之顧役也四日
商人之當恤也五日放鹽之當嚴也夫河東鹽課
國初三十萬四千引耳累朝增至六十二萬亦

云多矣而總督鹽事者又有額外之解是有加而
無已也夫解鹽出于天成歲額不足更無他出丘
文莊論之詳矣而司計者獨不見之無亦嫌於任
咎之難耳然歲額旣訕則採之無度取之非法則
鹽味日惡日復一日不至大壞極弊不止也此其
可慮者一也而回乾轉坤之功可不爲之所乎鹽
花之生聚散無常而撈採之期古稱無定惟其可
待而不可強也若不問其風日之順逆不察其形
味之美惡但有浮鹽卽令撈採徒以免公家之督



責而適以滋商民之困苦此其可慮者二也而寬其限期時其探視使上料者皆甘白之美鹽則商通民便而課額可無虞矣夫撈採既不限之以時則鹽丁亦不當限之以數今當丁納銀以備顧役有成規矣第恐見役之丁歲有定數無鹽之日或至虛設而有鹽之日動憂人之此又不可不爲之慮也如使定爲令甲無令強撈曠役之丁亦許折納差銀官爲貯積以待鹽花盛生之時多顧貧民萬人並力則一時之得或可足蕪歲之額者未可

知也國家權鹽之汰凡以通商非以厲商也商人領鹽任其規利而不問其還則商便矣頻年以來憂課額之不敷也而拘商以還場似爲善計但鹽果獲利不厭還場儻有虧阻而強之還場務使越其前數奈之何商之不坐困乎此亦可慮者一也自今以往鹽出固盡美矣卽獲重利而拘之還場止收原數其有願加者聽焉則利得由已而商不爭相中納者吾不信也商人領鹽而付引車戶換其號牌而照號卸鹽此舊制也然在場鹽料美惡



中冓集 卷之六 五
懸殊雖經鹽院掣籤放鹽而其間換概改至姦弊
百出三城市棍緣此以射利而孤商小客動被其
毒手此亦不可不爲之慮也使於上料之先委官
體勘量其行鹽之方而派定高下各立牌概明白
造冊臨期掣籤出場如此則鹽無二色而商人絕
打點之門而市棍無換牌之隙矣夫賈有三倍君
子所不宜知事涉越俎下寮所不宜道第以明示
森列下採藟蕘乃敢忘其忌諱悉罄狂瞽之說

弭盜議

竊惟民貧盜起其勢相因盜起聚衆遂爲隱憂但
無知赤子迫於饑寒而槩事剪除君子之所不忍
而與其捕盜無寧禁盜禁盜之汰其事有六皆因
晉中之弊而調停者也敢一一陳之

其一

議保甲考之周禮以比閭族黨聯天下之民使之
什伍相司牧其後管子治齊修其內政以寄軍令
五家爲軌十軌爲里十里爲連十連爲鄉而商君
治秦亦令民什伍相屬皆保甲所自來也至武帝



爲沈命之法令諸民曰盜起不發發而捕不滿品者王者皆死此則失之大苛求其近乎人情惟竇儼義營之汰稍爲近古而今之保甲亦其遺意特經畫之未周耳今誠令戶書其丁男之數衣食之業自男女以及僕奴由生畜以至田產一一直書然後刻爲格式官置簿籍而逐戶抄錄發冊一觀千家悉在指掌不惟奸民莫容而審賑亦易此冊既定然後如法編派十戶爲甲十甲爲保十保爲堡甲有甲首擇年長者充之使之日夕稽其出入

之所適又擇少年勇敢者一人以爲義兵使之習擊刺之汰以備不虞保有正有副堡有堡官無事則遞相管攝時聚其義兵以訓練之有驚則鳴鑼號招各持其兵杖以驅逐之卽有不逞之徒目擊戒嚴而邪心自息矣此議營之遺法盜防之第一議也

其二

議墩舖昔魏之李宗嘗置樓鼓之汰盜起則擊擊則四村皆集捕之而聲布百里今之墩舖乃其遺



意也但此法可施于山東不宜于西土耳其夫山東之地平野曠遠賊可騎射故行旅往來數被掠于道路有識者置爲墩舖俾人守之鑼鼓之聲可以相聞以此號嚮馬者近日稍息此山東直隸之汰而未可槩施之山西也何也晉中山川盤亘地勢崎嶇騎射之賊掠人于道者千百年不一見焉其爲盜者皆在山僻之中村庄之內而今乃驅飢寒之民坐令于道傍之墩舖亦何益哉况墩舖之所太村庄遠近不等編派輪撥勢必有守墩于數里

之外者夫當此荒年而使枵腹之民守墩于數里之外已屬不堪况負販小民十九在外輪該守墩必至顧人代替一日代替顧值三分非無益之費而何况守墩之夫止于五名強壯者少而老幼者多甚至有以婦人克之卽渾迹于男子之中而不顧者彼五人者卽強壯且不足以制夥賊而今若此卽有盜賊經過昏夜之際五人敢與之敵哉况又使之蓄火設兵每每盜起幸皆有討其火而取其兵者是所謂借寇兵而資盜糧者也今上官往



來州縣卽修文具惟見其衣裝之鮮明器械之備具五人跪于道傍則日地方之嚴謹若此而不知無益于盜防而有累于小民晉中之害莫有大于此者今誠取守墩之法通便而更張之每村之中擇其高處可瞭望者增築墩舖卽令本村之人輪流守之置鼓置炮凡有盜賊之驚砲鼓一舉則闔村皆起捕之砲聲所及鄰舖亦卽流砲須臾之間聲布百里百里之內同心戒嚴各處捕逐卽有大夥強賊豈能須臾逸哉此樓鼓之法古人嘗用之以有驚者也况村自相保又免于遠守之勞而民不歡若更生者否矣此盜防之第二議也

其二

議賞罰昔崔安潛置懸賞之法曰告捕一盜賞錢五百同侶捕之賞同平人然譚者詆之謂其大費官錢終可暫而不可以久脫以其法而通使之未必不可行于今日也何也晉中之盜皆非遠人盜之鄰里族黨未必不知而不敢言今誠定爲賞規凡告捕一盜者賞銀五錢捕獲送官而賍証明實



中興集 卷之六
者賞銀一兩同侶捕告賞同平人而悉赦其辜如
此則飢荒之民且假此以代漁獵而盜者四顧無
寧日矣然地方失盜則堡官地方皆當問罪近來
盜未捕獲而此輩贖錢業已登之簿籍矣何不
以此罪贖充爲賞資則不惟懸賞之法爲不費之惠
而堡官人等且知警而益加嚴矣此盜防之第三
議也

其四

議遠捕夫奸宄竊發動輒遠遁若不遠事捕捉以
正其罪則法紀不立不可以令諸民而祛其邪心
但荒民流移無罪且逃而况彼犯罪之盜奈何不
千里耶然飢荒之秋兵快工食僅足糊口若差其
遠太勢有不堪况裁減之後兵快無幾而遠差太
多又無護守之兵兩無一可者也及查晉中往事
率以水夫捕盜蓋因水夫之輩與盜相近盜賊踪
跡惟彼易得故用之捕盜者亦以夷攻夷之道也
近因此輩生事反害良民乃嚴加禁革不許復用
其不用者謂其恐擾近地也若使之遠太則勢孤



中家集 卷之六 李
援寡豈能擾害于隔省之民哉况晉中此輩甚多
舊日遠忝者同儕自行幫貼卽少苦之亦不失爲
壟斷之征况不費吾民而可以遠捕盜賊獨奈何
而不用之也第不可用之于近地焉耳此盜防之
當議者也

其五

議給批夫遠捕盜賊勢無多人一二公差而捕捉
強盜卽無論其勢不能敵雖捕獲之後欲其不反
噬也難矣近日風力有司每給批遠忝必寫同年
同鄉空書數紙令其所在官司相機投遞俾之添
差兵快並力捕捉以此成功者率皆由之但書出
于私且非有司所能何不下明示定章程凡盜
賊遠逃必須跟捉者請于院道尊官討給憲票俾
隔省有司亦皆遵守所到之處卽令協力捕捉如
此則不惟遠盜易獲而公差亦樂于行矣此盜防
之當議者五也

其六

議正法夫治亂民者用重典此古今之定議也近



日有司多事姑息以沽慈祥之名有盜已獲而不
敢加刑以待上司之鞭笞者有贓証既明而猶任
盜賊辯告以致日久倖脫者有罪獄已成仍恐監
故以致上官之疑者以此養虎遺患而民之玩視
法犯非一日矣夫水柔火烈之諭當事者豈不聞
之而姑息太甚則犯盜愈多仁之者少而戍之者
衆未之思耳今請如宋之熙寧立盜賊重法凡贓
證明白之後許各正官置賊于通衢大市衆人屬
目之所重責五六十板使百姓曉然見其有死無

生則法紀嚴而邪心自息矣此盜防之當議者六
也




中寰集卷之六終


中寰集

卷之六

終

NATIONAL CENTRAL LIBRARY TAIWAN R.O.C.





國立中央圖書館, NATIONAL CENTRAL LIBRARY, TAIWAN, R.O.C.



INTERNATIONAL CENTRAL LIBRARY FOUNDATION



序

重刊方志序

夫不自 虞夏商周以來海內推唐平人漢以茂司為
法籍鈔書者上論文士及不五心即承其辨識也
夫夏不御覽不不似軍禮不特瑞之乃至其其備
也可乎先君子嘗為其 重刊方志序 矣余其備
之序則然存不其力者 重刊方志序 矣

2020/09 28



2020/09 28 NATIONAL CENTRAL LIBRARY, TAIWAN, R.O.C.



中寢集卷之七

序

重刻方畧摘要序

扶溝何出光兆文甫著

蓋自 肅皇帝以來海內徃成乎久矣以故司馬
法韜鈴諸書下論文士漫不盡心卽武弁弗講也
夫夏不御魏冬不臥簟雖亦時爲之乃至弛其備
也可乎先君子曾爲是慮而著武經纂要余徃得
之庭訓然亦不肄習乃者寧夏告急至煩 睿慮



遊蒐甫息而遼左亡命復聚倭爲警羽檄亡曉夜
交馳天子方拊解熊虎之士諸在戎行則猶肉
食而難謀于是薦紳大夫始謀分主憂索司馬
法等書請則蕪沒殘缺真盾莫辨更多營豕之說
也大中丞呂公尤念切時事至吐握採擇日不暇
給乃得方畧摘要一書爲濱州趙君所輯披閱稍
愉快而缺者強半余不佞請得補綴成編而間取
問諸武弁解者曾不能什一也夫兵策入九天而
潛九地是誠難言矣是編簡而明覈而有據苟祖

其法必與兵有濟乃顧不少解省又安所望神運
變通之機乎于是卽大中丞嘉會之意校讐而削
副之既成而又愴然感也夫今時去肅皇帝未
遠繫功今材官之在望寧是豕突豕勇爲徒幾何
至煩薦縉大夫越俎而爲之計乎唯是寒暑相承
事有必至卽豫修所爲種與簞之具豈爲過憂是
先君子之所圖于昔而大中丞之嘉意于今者也
易曰緇有衣袽終日戒是編其衣袽乎余願武弁
家之終日戒也其勿以旣濟而忽諸



送張清濱入 觀序

今上御極之十四載當天下修觀期平陽守張公約束其僚案以行先是天子採言官連白霈然下明詔敕守土諸臣毋得附離在廷狐聲舉毋剥民脂充結納毋侈旌旆儀威貽閭閻困今甲一新天隨神運中外靡不惕肅頌多灑濯其心改易其絃轍以漸免于憲乃坦然出素守奉初以還一一與上指券合衡盱寓內獨平陽焉蓋張公之爲平陽也無日不討群吏而勗之曰惟是晉土儉

鄙適茲歲時之不易而國事又數伏隱憂吾將撫此以固吾圉使民將謂實生我無浚我以生也夫然後能業其官不貽明命辱職此之由諸郡縣長貳所爲厝注平昔者常若履大廷聽秉衡大吏持六計上下之不假易焉卽厲禁不布于令而恪居官次者固凜凜矣是平陽之政也夫驅而後率率以貌也勉副一時與服習于平日者爲有間矣平陽約已率屬以泊澹之習赴磨礪之令寧有不恤閭閻竭膏脂賂權貴以延譽者乎無之矣

有陽示皎皎而陰實汶汶者乎無之矣有懼掛吏議而後傍者無之矣故曰衡盱寓內獨平陽也昔者卽墨大夫以不調左右受上賞齊威之辨也今聖明在上賢宰執在列陋視臨淄之君遠甚第治行于平陽必哀然稱天下首而寵褒異數行有所屬矣不佞之從政也新幸得以藉休光免罪咎也敢行一言以贈行

贈崔鎮峯理郡上績序

士類首儒術豈病僕希名寵已哉當在委端以親

爲悅者什七以君爲悅者什三名籍仕版則反是至懇然反顧無忝所生又什當五此狄公之有慨夫子舍者也輦上推心置腹在令甲一命而上各得以績于寵榮洗濯紳弁輝燦威靈凡什五之不及所生何敢不淬礪而薄之余不佞起家章縫矻矻蒿目薪一顯吾親始叨尺寸而二親不獲生享之崔君獨績最褒封其尊人裘冠翟服鶴髮交映亦旣榮矣哉先是崔君之理平陽也當晉之半其讞獄劇而臺使者行部輒以理爲副蓋什九在外



而居廳事歲不數矣君獨不爲勞且舉手加額願
無挂吏議貽兩親辱理率典大獄每讞詳裁察榜
笞鉗鈇令摧人心君獨再四平反爲文無害至簿
書堆案輒又舉手加額願不詎明刑貽兩親辱及
政績大起直指數章奏君才而辭更媿美輒又舉
手加額永終此舉無改易絃轍貽兩親辱是君之
爲理三禩無旦夕不以君爲悅而瞻顧兩等人者
又不啻什五之矣則今之績最而受尺一豈易得
哉昔兩漢稱吏治者首元康神爵稽其法天子督

行部自二千石以下庶能其職者增級有差故治
術稱盛增光史帙士何嘗不艷慕之而幸以無知
遇如宣室爲解我 國朝陀薛漢治功令所頒炳
如星日姑無論其他卽銓司 陛奏所褒嘉君者
曰褫身瑩潔讞獄明乎何嘗不雅當君則值此彈
寇振裾之秋夫曷心之有貳乃是知崔君之所悅
于君者當弗止向所加額其荷知遇以隆施二人
者亦不止一理之貴也余故以下武歌君之孝曰
永言孝思孝思維則以韓奕歌君之忠曰夙夜匪

中興集 卷之七 五
解以事一人又以桑扈歌君之榮遇曰樂只君子
天子葵之因銓次而章君之堂

贈許大總憲移節上谷序

大中丞許公節鉞全晉於茲三易稔矣一日荷
簡命特移節上谷上谷當 國家鎖鑰自昔爲黃
會分獵地于徼塞綿亘數千里中最稱要害其後
虜酋愷悟洛更息肩迨此雖二十年然情爲叵測
而韜甲枕戈之士常懼其玩愒偷安也蓋無夕綏
宸慮矣邇者酋繼請嗣情形未卜 上益納群策

懷懷爲戶牖計采譽朝紳竝懸係中外望若古吉
甫流者實于公無兩于是復有上谷之 命初公
之暨臬詰戎也嘗駐節奇嵐先後幾十載歷晉秩
長憲無移地蓋難其代也以茲上谷視奇嵐抑又
特甚謂將以舊績新豎益弘 天子恩信而輝燦
其威靈以塞羶表俾終久誓伏無敢易慮固今日
事持左券責愼矣上谷之勳卜之奇嵐秉鉞之任
隆于植臬公行矣不佞蓋拭目以俟第以今寓內
隱憂視義幙良棘者不帝數四于中艱于屈伸不

獲若抱首喘喙之衆蓋不知其幾也緬想六月之師爲績幾何乃至疑然爲周室重者或不在是今日廟堂至計亦長慮迨此乎是役也無幾且召公矣不佞從事晉中值歲饑殍殣載道賴公全活之甚衆而與公緩頰求國家石畫有在矣故于是行也譚及之

贈大迂尉少泉李公壽七十序

國之元氣壽于人人之元神與家之元運亦關語曰得全全昌李公之謂也公之仕在 肅皇帝庚

戌歲時逆鸞權傾中外諸憚 上恩幸結古勿敢發鸞益大逞日夜圖開邊釁至欲拚捕屬夷爲已功而元氣爲之索然公是時爲御史按山海關數目攝其奸狀將抗疏擊之會鸞覺稍戢尋欲捕朶顏三衛奏得風力直指副行公輒請行將畢發其不臣矢無與鸞更生者乃未行而鸞殂公因加意圍計餘六事上之悉見 嘉納選軍實迄于今爲善邊是 國之元氣以鸞與公爲去留云旣晉秩丞棘寺會心動念太夫人老乃具疏請告就子舍



中家集 卷之九
以古文詞自娛而督其仲季學達季領鄉書而諸
嗣彬彬質有其文公鶴髮童顏矯健如少壯人而
且夫婦偕老豈 宗朝鉅靈保精裕神俾天全而
元神固耶抑天所隲公使食報昔社稷功者然耶
且公之先自莊簡而下登巍躋騰者九幾世矣其
表之澤在君之兄弟若子接社而起翻然象其世
賢今固始開之語有之忠於國者後必昌由此無
隋莊簡之緒百世之後皆公年也蓋余前所稱家
運之說焉或以質諸公公曰善於是舉滸觴爲公

壽而申其辭若此

贈別駕劉彬菴和戎受 上賞序

今徵塞所爲託恃者豈不在臣工哉虜內訌則材
官重和款則薦紳重謂兩當矣而戒米徹土振長
策以靜疆場者顧安所屬耶晉大夫譚五利利國
而晉迄無戎禍至享有金石之樂茲勲庸豈直一
陣郵守我 國朝威稜輝鏗曩曩效順曩者互市
之請一入群議納鑿卒直如晉大夫指而息烽寢
燧祗席十易稔矣通復以黃酋嗣世巨猾叵測盟



壇之下萬一有過邀爲誣者於是廷議違實有文武之臣董其事在太原則以劉公行公至議防劾甚固不存肅合市之期士褻甲以防橫劫諫則折之以辯說則要之以神跳跋則懾之以兵遂使梟獍蠢驕無敢首亂而寒詛盟君子謂是役也媚集喻焚卵壘喻危閃爍若疾霆狂飈之不及謀者公能明 國家恩信以寒旃裘而羽檄之一清此其績視窳譚五利相逕庭而金幣之賞頒自 天朝者炳炳列畷矣聞而陋樂縣不數矣然緩頰而哆

譚者逞逞以關市爲隱憂全不睹其何狀而公睹矣果若強枯無厭歲增邀索將使絮繒不可繼耶若然一靳威則前功棄抑恐陽順陰逆藉言歎塞備嘗我情形耶若一旦鳴鑼不逞而我禦以偷安之衆必無幸矣古稱無恃不來恃吾有以待其來恐非纓弁所能辦也公固熟計而確畫之胡不歷肝膽以答 主遇若余爲內地之臣卽不嬉然處燕雀下而藉藩籬以爲安於公日三戰矣太原守吳公爲公同寅長索予言爲贈因寄語請質焉不

識曾一當窳會否庶幾稱蕩蕩也

送平陽守張公治兵潁州序

今天下大較畿輔腹心也河東股肱也徐濠根本也主爵者每廉直方君子充使事蓋難其任哉張公素倜儻矢大節而不詭于人先是爲畿輔理雅有異聲天子應之即移檄俾守河東若三載稱良二千石以績最當遷于是有今命夫穎徐濠地也軍民雜處材官士隸大梁而部民什伍屬中都逋亡驕悍占籍自偷大猾磨而起直指使一

歲臨之則斂手而旋且諱抑天子以根本重地腆士餉調發多不及于是益驕橫當事憂以爲盤錯矣往使者率務詭隨毀譽充跡以爲巧宦卒踏蹟不勝任不周歲而再易使如墨突然夫宋呂公著故嘗爲茲土歐公以爲講學資卒大有成績而入參政事一穎也奈之何昔馴而今猾君子不易民而化顧其何如則主爵之獨簡公行豈非重其任而廉是人也耶公往矣穎之兵輒然大解可無十以知蓋攝以直方之行其易向回心懸而觀

也天公之理畿輔也爲腹心重守河東也爲股肱
重自茲治兵之命其又爲根本重殆執樞以運者
然是其不詭于人而卒博知遇則古道猶存亦主
爵之良於任也若泐穆弼亮功在元首視腹心根
本何如擬之股肱抑又切矣異日者由穎而入典
政本則有呂公之往轍在焉其以余言爲左券云

刻馮進士鄉試墨卷序

說者謂輓近之世治日汚而文日盛其以爲然乎
否子晏姬聘豈不誠昔制耶後之人能範而不能

劍矣至撮拾其雲雷儀象之文飾苦窳器會于義
亡解而識者嗤之矣我 國朝漸治于文堂以宋
人理程量天下士弗澤法亡得藉進豈以是區區
佔畢之業卽令衙官屈宋婢奴騷經陋漢史唐什
而遠過之乎則亦以六籍闢發性靈明理道士苟
鉤玄振藻力追雅馴斌斌登洙泗之堂而入其室
以是緣飾史治笙簧也乃者士競蕪靡舍鄒魯而
談子史諸家其浸淫二氏會吾儒爭以爲異端而
轉相印證其上者猶淹貫博綜如範鼎羹下者黝

厥泮蹄令如哉鬱沉沉焚直取吾道之敵帝而堅
守之嘻班揚左馬寧獨此片語隻字之爲奇哉文
蓋末末不振矣于是 上嘉嚮禮臣之請霽然下
明詔廣厲學官之路取士一本之醇正不者不得
入選曹士瞿然顧化始自乙酉則乙酉所蒐士大
都銷融滌洗悉士之尤而公遂歸然舉於燕燕
王都也自公舉而四方之士焱騰響應思見都人
士制義爲楷模者非一日矣今公之文具在取經
于理弗騁於辭未嘗不左馬而罔溺其句讀僅所

謂源自中扁澤于理能適子用者非邪亡異其南
宮大對猶擬之矣其視效輩學步葉葉而鏤之以
盜托大巧者大有徑庭公妙齡製錦治績鬱茂在
唐屏漢傳間余不佞職子民戴二天而莫之繪獨
論次其文若此且以告諸嚮達都人士者其知所
指歸乎勿徒取雲雷爨象而雕鏤求以動睽瞍之
色也

晉羅得士錄序

乙酉秋比士 天子下功令專黨以內爲政新公

也先是菽文禮堂士習屢厯明詔余獨調沃土而盪之美謂茲士醉而公魏之力還諸古余獨懼懼有餘懼焉夫數墨而倪之高明者必浸滂外氏以求銜淺衷曲士又浮基而剽刺之蹊徑既離蹄駁抵牾閃爍之際莫辨璞朴貌而撥之復貌而收之直爲跖築豎嚙天耳余不佞得從事晉蕪之後旣受事稟主衝者約束不啻三五蓋將以得士真贗別淑慝而士且銜鬻汙漫所弛蹊踈輝然雜呈儻市牝而牡賈黃而驪猶不失爲神識若相駮而

募得也其將何說之辭旣而藉有天幸額分而額取之得士五人五人所爲言大都根極性命出入六籍要不說於純白之理一切擊斲斧藻外侔中叛者罷勿與並進視五人者言言沃士也二三兄弟咸以爲可然後偃僂前陳以冀主者之一當仰瞻眉宇間沾沾色喜則淵臨水競之衷始釋夫堂鏡在懸妍媸莫遁几我分闕共爭脫頰如二三兄弟一一仰副盡得馳騁鈞繩之士以光盛舉信可力還諸古余不敢知也且不敢喻馬以非馬故取



所爲孰收者梓之序錄其平日之言質諸大方附以沃士三人正余調蕪於平昔者皆雅馴也惟高明辯之

送賈朴軒序

今寓內章縫豈不群然景洙泗哉且無間傳心印契宗旨若頗曾氏者後思傾心事之策彷彿如有若起千百載之上抑且願爲執鞭充忻慕焉甚者瞻尼飲沂陟鄒嶧之墟而來亦必改容而屬目矣語曰見堯于墻見堯于葵葵墻果堯哉思深故也

吾邑庠博士賈先生者始以大康司訓遷扶諭蓋是時紳弁士相走告曰孔子里人也晉而瞻其範頌而思廣顯豐下行則筆墨止則顯顯步趨聲歛之間孔子也已乃定科指植章程三五其約束前諸士而與之言靡匪解釋積結泔汰累惑依稀乎吟杏壇對農山問答舞雩間已因憶魯之多賢不知其靈鍾何似先正之振起也又何似數自顏閔冉宓而後若申公若胡母生類以一經析與哀然爲學子宗師迄今尚繫繫也予先生一又見矣先



生孕靈壤厝秘傳目遇神遊無非孔氏吾扶癭在千里之外生後先者二千年餘一旦悉得之聽睹承受間何其幸歟夫羨墻見堯得堯猶詎茲士子無所陶鑄以不說于先王之道者直羨墻哉于扶土殆厚幸矣持衡者謂先生可以師藩王以藩王之宗孔氏也第不知扶之士將從先生于鄒魯齊間卒業耶抑將見先生于羨墻耶試以此奪諸藩王而因以識別云

奉祝元輔鳳翁張老師壽序

聖天子朋三壽以襄上理禪萬年之曆與四緯莫終始者迺元輔以予寧實任虞都無間崇焯咸索息不解所意指而達識者則獨以爲善謂躡高軌避此寔階之夫朝宁極六幕介相極九列殆鼓桴之不爽也故介相賢則九列以熙朝宁端則大幕以緜而性詰譚察相者至德要道其將何居是故姬公之相成后也滲漉鴻涌布滿大猷而總之曰達孝謂夫此一者寔基之也乃其居東也兀兀自如而寓內士咸心儀於公以想望其郅隆之治已



乃還定登閣舉成后而三五之若持左契右然我
皇上席列聖之丕基任用老成思以遠邁成周
之治而脫或使不二之老猶然襲故常以傷于道
非意指矣則夫元輔之在虞都也其旨深哉夫

皇上瑩精太平自冲齡以來日夕所造騰披心者
惟元輔一旦以予室至違輔履非元輔之敢請也
謂夫以姬公望之而全其至德要道以基郅隆於
萬年之曆耳蓋孝德之興也德功之媒也元輔以
姬公之孝之德而望隆居東則所以沐浴玄德以

徐觀其清夷之治者此其左券矣宸衷所嚮良可
識哉夫功在帝紘則壽在玄理元輔以不世之勲
奉寓內而太皞之則固脉壽樞樞秉鈞以昆倚於
穆清則穆清壽上之壽君大之壽國則元輔之選
齡可無卜知矣且山川之盤紆也鬱而爲之人其
終也多耆苟是故巫咸之仙踪此寔產焉徵地靈
矣今虞都襟星海擁中條自風后義餘而下所其
以名相稱者指不數屈而始有其冠矣則夫玄理
之所以壽之者豈直與巫咸埒哉茲其序筵賓也



中興集 卷之十 九
適祿降辰然元輔在寧寧感其衷必有不爲樂者
予故于是祝也不敢以賀而惟述我 皇上眷德
之衷必玄理之所以壽元輔者以慰其心焉

贈臺長劉心田考績序

今天下譚吏治者豈不犁然稱綜核哉問誰柄是
則御史力也夫御史方以威命靈藥持綜核之柄
以計群吏而顧身自待考俾以所事府臺功者何
則上理之機而到隆之樞也夫千鈞之弩發于寸
機萬斛之舟運於尺槽所操者約而所制者衆也

周天子以六計獎群吏率三載一巡侯國身考千
八百國之吏而不以爲勞卒之豐蔀掩畫而吏間
漏網生操之未約也今 聖明高拱清穆不以巡
行授封疆之餼而代之綜核者獨一御史御史考
一方之吏一以植民爲事功而殿最以之天子考
御史之績則以治吏爲事功而殿最以之是天子
所考者甚約而所綜核者甚夥也豈不稱上理哉
心田劉公以進士筮仕長洲考績最旋以治行簡
在入爲殿中執法臣寓內之吏聞風而起者幾千

人矣邇者災沴頻仍東南告困中都爲帝王根本而吏治森愒民用以殘天子愍焉南顧簡御史習植民能督治者代巡幸于是乎有淮揚之命載書南下諸不逞吏望風輒解綬去至則宣布德意明約束剝民者罪且不貸以故諸封疆之吏靡不感事無敢于富有績者三禩者不吝旌弓吏治益蒸蒸邁矣此報命天子嘉迺丕績曰惟是東南民困於吏一巡行而吏以之勅者惟爾力吏勅而民以之植者亦惟爾力寵褒異數且旦夕

下也而公適以三禩奏績乃報最君子曰君處其要臣職其詳基隆之上臺也黃虞之主不下堂陛而治成垂衣者皆藉于此于今其再見矣夫中都群吏比肩踵接者何至夥也直宿使者一行部而一票於度若此則夫嘉惠予遺起溝壑而枉席之者奚啻什百千萬不數哉公一績最而天子南顧之憂什釋其九所考者約而所及者衆譬之機正而弩中櫓運而舟行今聖明無爲成治卽成周且大過之不黃虞哉公持此前矣嗣是督吏植

中家集 卷之十 九
民惟 天子所命而奏最如今日則其所表覽豈
直東南一隅已耶緒既奏諸臺長誦所以賀公者
屬余以言余不文敢僭述其實以張厥功而且以
對揚于萬一云

送別駕馬公之平陽序

長人者藉以勝劇乎輿情者疇不繇才與操哉若
資若望則又所部下視之以服厥上者不啻桴鼓
然不棄也持此以兼倅人尚難平陽而以余度諸
馬公殆易易云公家世潁川爲端肅太保公裔自

大叅公起家進士公與少叅公日夕共庭訓稱二
難也則大叅公獨才公謂不兄讓甫弱冠果次第
魁中土居亡何少叅公對公車擢惠文柱史秩馭
歷中外者二十年而公顧寥寥不軌於時竟數上
春官不第會新鄭柄國公內家兄弟也人謂公將
畀之官而公介然不屑就且語人曰丈夫抱修能
不能克博一第不官矧慙也才後將昌安能甘蓬
蔴松蒿乎今年春嗣君果成進士公曰吾志酌矣
及今不效尺寸爲國家力其胡以謝義兄下乎乃

謁銓衡者又才公且循望以注也遂授公平陽倅夫平陽爲唐虞舊都以名勝甲寰寓郡邑三十有六諸屬吏民且億萬計計所徵輸供縣官用者又總總不數也一旦手寸符爲督計臣厥惟艱哉卽無論才不易辦揀不易勝也脫以下資薄望者處焉則三十六屬億萬之衆其何以俾人人服哉乃馬公則固魁我中土者也而又爲名閥世胄焉卽今未履平陽而西人士得無曰夫非昔端肅公裔乎非父禁溪而兄穎谷者乎弟以其魁中土者倅

吾郡賦不足理矣語曰乘風而呼聲不加疾而聽者遠登高而招臂不加長而觀者衆未履境而資望藉藉滿平陽矣矧公之才固難爲兄者也穎公以才望聲宇內矧若公而理繁肩巨何難哉况守其不倚時宰者以嘗勢利吾知其莫或搖也已公且行矣異日者山以西稱名倅有異績者必公也公之嗣嵩嶽君與不佞蓋同年進者抑又同鄉井同鄉兄弟因嵩嶽得祖公于都門之外屬不佞言以華公行爲不佞與公蓋知之稔者也亦三世世

講云

都門送狄明府之扶溝序

良庖之解牛也大輒則斧肯繁則斤蓋難之也至於批卻導竅惟游刃空虛而謀然已解何易哉吾扶本易地而持衡者目之以爲難是以缺令將再稔而不輕以授必待夫英邁絕倫如公者始畀之扶是以新礪之斧斤而試之割也扶不足治矣夫扶真域中土沃壤平衍民多質樸無深壑巨津以爲之要害無俠豪奸宄以爲之阻撓當期而輸無

敢逋負頽首而聽無敢驚訟士更喁喁嚮風無敢窺情蒞茲土者第恢恢遊刃焉耳安用斧斤哉然牛刀割雞卽不足以盡力而於雞必有餘裕未聞其敗所割也公以百煉之才蚤歲發硯輒魁京闈比壯從文學博士薄試三輔輟著聲稱蓋迎刃而利者也舉此以加諸扶奚啻割雞哉第扶之民頽年水旱兼以震鄰嫁禍城社無主嗷嗷嗟莫計所生是孱弱之餘黎恐不足以任刀鉅耳若棘然爲戒視爲止行爲遲動刀甚微譟然已解矣詩曰

樂只君子民之父母公固其人也逆觀其生吾民者當不知其何似而區區告哀哉亦所謂私桑梓而屬其守者耳公行矣余方試政于弼教之堂不旬餘亦檉寸符倘假道敝邑當取新政施于扶者爲矩矱摩厲以須吾刃且試矣余於公爲門下士一無所嫌故于是行也得盡言如右

壽李封翁六十有三序

今上之十年壬午河南大比士不佞光與武安李君同領鄉書則吾師祥符令李公所甄收也不佞

光與李生遊吾師門目攝其善政而耳仁聲喟然嘆曰吾師之澤未矣而未得其自也明年得試南宮不佞光復與李君同收公車因得留都中適晉謁吾師之門回太翁爲年踰杖鄉而體發端躋律齒具髮黔望之若蓬壺中人嗣君三長給事春官曹次吾師次以儒術名京太翁貴矣而謙冲朴雅迥出塵表望之若葛天無懷人焉及詢其初則又幕霑濫而不肯以折腰糜于官者也夫太上壽德次壽名次壽身人鮮備是也今太翁身踰杖鄉壽

矣名冠篤生而且以三嗣公垂不朽也壽矣夷考其德則又不有其官不有其貴而且不自有其年冲然自若何壽也夫不有其官故能屈於身而伸於子不有其貴故三嗣君次第顯揚日駸駸盛若夫不有其年則精日以固神日以完年日以富由老耄而期頤可無卜知矣目今 褒綸炳赫章綬從吾師官且吾師名冠唐屏一時藉甚無幾內召漸列清華則太翁之德益顯于寓內名益垂于竹帛而康豫飲和壽益躋於無窮矣不佞尤緣吾師在梁不得鞠臆奉觴以壽太翁迺與李君日趨堂下代吾師觴居無何不佞光筮仕且去迺述其見於翁者爲太翁壽且質諸吾師焉

送費望海之衛 崇藩序

薦紳介冑其道無兩輓近世人守其業而鮮通方於是乎童縫耻言鞭弭材官不識一丁而儒將始不見於天下矣當是時脫有人焉口孔孟而身孫吳憐才者不啻以隋和寶之而乃置于無何有之鄉其將奈何余故於費君之行蓋重有感也費之

先寔海門人起家簪纓自二祖廓清海寓克咸厥功越南之役斬首者三頭所弘伐通侯列采弗酬也于時崇藩以親王就國敦琢從行費因與焉衛於崇且三世矣而震業中葉變溼世爵今中翰海門先生起家章縫成進士闕用以張而世爵猶未承也時望海方在髫齡日趨庭授舉子業見者以公輔期之業既成而海門以祖爵又慮恐負國典乃促之如京謁兵銓兵銓以世爵代爲之請乃進望海而官之釋疏離躋綬胡偏袞巍然一

介胄臣也夫望海以世儒之子一旦舍研槩而服兜鍪使由此而樹功旂常猶持左契右而儒將且再見矣乃今出衛崇藩儗首鬪足於交戟之行爲望海者將何以自見而得不負其父書哉其道無繇也愚故于是行也蓋深有所感矣昔士元以鳳雛之資尚未知其蕪濟之何如也乃處之百里忠武且深惜之况乎世燭文事者一旦席故物而馳之戎其全才當不知其何似而處之藩王之衛又奚啻百里之無足以待賢哉是宜有以動憐才之

嘆也雖然幽蘭不以無人而不芳君子不以小官而隱賢顧其志何如耳吾嘗聞崇王于海門矣禮賢而下士有古東平河間之風此猶足用而善望海往矣倘出所以徵於家庭者以佐之王俾之以文事相尚而不囿于聲色狗馬之玩則藩封用光而宗子維城之功且裨益于天朝者不渺小也孰謂文武事備亦嘗有用之不效時哉望海且戒行柱下史少高連公計大夫助所張公及余同年諸友皆父執乃共惜其才而又勉之以義望海其勗之哉勿曰牛鶴烹雞云也余日望之矣

蘭臺法鑒錄序

余自承乏臺使者懼不任則日斤斤奉臺制從事焉已又仰見我祖宗建官之善未嘗不犬牙制也今夫人臣稱貴者非宰執耶屈五指而計凡幾遍而後及郡邑之長吏然宰執卽貴倨侍肘腋近矣第于民甚遠諸郡邑吏之望闕于若隔九關焉抑何遠甚然而于民近也夫近則不難主斷以割處而遠則不憚闕畧以牽位于中城可憑社可



據會墨可聘最之神可博而借士君子所在仰屋
焉毋得提三尺誰何之而縣官第携其柄予之南
床之執法而御史重財急則走御史糾察諸近者
遠者會墨而奸冒者懲城若社者悍而予叢博謀
且奪之者憲令亡所不得問而縣官之體益重何
也彼有識者用之執憲而無私者藉以閉邪蓋人
與法交恃焉而有如一二不類自斃其所爲柱後
惠文者而屑越之此夫珠彈雀而鷹化鳩非其質
也觀望而託之長厚順呼而託之彈擊鉤撫微細


又齟齬儕輩之勝已者而躡代之而託之風望峻
整卒之霜威掃憲聲收而縣官輒撫髀曰是固不
得庶有識者用之爾豈憂三尺哉故重其法因重
其人也者 九重之徵馭也通其人重因而其法
重也者六察之考規也余故遡自 國初迄今之
任蘭臺者籍其名若事錄之以乘鑒焉是錄也豈
曰無裨于世道哉第世代攸遷而登臺者蔚起欲
以一人一時而集斯錄其道甚難第一與茲選則
邑志家乘必能載之故老及大夫學士亦皆知之



于是一微各按臺使鬼獵所部則世久者可趣之使
新地遠者可縮之使近人衆者可聚之使齊而錄
之成可幾矣夫山難移也而愚公易之海難填也
而精衛狗之何則心神之所赴也故曰黃育之不
行不如懦夫之必至而况往牒可稽裔業可考其
難集也視摧山涸海爲何如嗚呼大厦之成非一
木之力也豫章櫻櫚蓋侯諸同志矣謹叙之末簡
以告

北嶽廟集序

嶽有五恒其一也其神蓋受命于天以究其利物
之權者古天子崇祀以三公之禮望而不廟以神
之鴻鉅非廟所函受也乃後世或建之廟而土木
其象以置之位於禮不經或隆之數而帝王之稱
以示之褒於典不法我高皇帝柱資神聖茂見
超邁隨嶽名而稱之曰神以神當有天所錫號非
人主宜定名也而不毀廟者蓋俾人有定趨云北
嶽在渾源州而廟建曲陽世傳虞帝祀而石飛於
此故建廟吾驚怖其言狂而不信焉夫嶽之神尊



而其功大其興雲霧霏霖用仁洽民物而血食斯
土亡愆焉否則若亡神而何祀之爲若曰上帝封
江湖之水而白衣叟之暇而游寺也神獨不念百
萬生靈而伏天關以爭之乎衛公之滴驛阿香之
推車蜥蜴之吐雹若亡預歎事者吾斯之未能信
炳歲魁沴流離殍殮仁人痛心豈其聰明正直而
亡惻念必不然矣意者果違厄數卽神亦亡能輓
與然則領山僧之請而吸墨以作雨匪異人任也
不則爲樂尚書乎人且能之而謂神亡能邪或者

爲神緩頰曰嶽猶諸藩也霖猶上所發帑也藩卽
爲民請詔帑卽予則有束身頓聽耳乃毀鍵而出
之帑是抗詔大不敬不得以汲都尉爲解也卽弗
得請而民可允諸藩邪曰然則決鍵發帑而可起
溝中之斷何弗爲矣人將汲尉我我奚憚焉矧天
之仁奚請弗得也 列聖代興宸章垂耀日月並
遠牲牲博碩冠蓋相望式崇明祀神罔特恫焉御
史大夫中執法銜 命巡行未嘗置神之祀諸藩
臬若郡若州邑亦積有祀告及厥衆詠言舊有嶽

編體義備兼以曠時多所未采余以己丑歲奉
命有比邇之役瞻祀獄祠自爲文以告語在集中
既而歎曰文章之道淵哉夫御史古職書則蒐采
之業固余任也乃檄廣武魏倅學禮序次厥文爰
立義斷而余適將報竣巡於上簿牘書記公私交
迫乃於紛劇中援筆裁撰付之鏤工夫叙致必有
指故著集例稽事必觀象故著諸圖樹言必尊上
故首聖謨崇獄必先祀故著祀章考典必徵訓故
著獄文志古必陳藻故著獄辭展緒必寄諷故著

獄詩觀止矣獄集可製而睹矣詩曰懷柔百神及
河盪獄余因獄而知天子之威靈不俟警蹕清塵
而萬方響應使者爰諏而報闕下或可藉以免戾
臣誠不勝大願

刻刑宗實政序

不肖當髫髻間從家大人宦遊蓋嘗歷宗與邢云
後二十七年奉命來按茲土風物依稀然舊也
愴然悲焉已乃懷懷然懼夫悲生于思思其居處
笑語猶細也乃昔大侵歲民幾展轉焉僅存皆先



大人之所留今奔趨延望待命於左右一指顧之則五內如割矧茲郊圻舊殄百姓嗷嗷視往昔不啻倍蓰有司者方事彌文以相雄長至頌明旨三五申飭之猶未易其責也諛簡不肖以董正之司若曰維是歲時之不易有不能奔問疾苦厝元元而祗席之維爾責茲畿南為股肱郡埏埴遠邇胥胥環視而肖化之有不能移易絃轍維新其吏治為天下先者維爾責夫以不肖薄劣荷明命殷重當疑畏交集之林思以斬一當也是何異蚤

負山商蛇馳河也鮮克濟夫故懼辱命焉不忠罔嗣厥紹也不孝有一于此無以戴皇天而履后土故深懼所幸先世之遺矩在蓋先大人所手錄以示後者不腆兄弟誦習而商確之凡二十餘年就其中無一事炫竒以博名高而懇懇實惠固隨所施輒效輒係民深思至于久而不忘者敢藉此以圖報稱可乎于是乎下所司傳播之部中不肖誠不敢外此以過求賢有司倘不忽近易而斂華以就之母亦可以挽時趨若上指耶若茲則不



宵之悲且懼者庶幾共休嘉為生民利賴獨宗與
邢也乎哉

邢臺縣志序

夫志紀沿革載法制敘政教昭勸懲彰往詔來其
重與國史埒能令省方問俗者不遍郡屋而利源
弊實民隱時藉與一切風土人物犁若指掌則所
關豈細故哉第輓近守令祇驚精於簿書期會間
卽監司者卒相籠以文其於述蒐先例頗采謠俗
罔不敵帝昀之儼然縮綬者謂何徒以增觀風者

大息爾邢臺為順德首邑北拱神京其地固甚重
也先大人嘗蒞茲土余自髫齡習居之而知邑事
最稔顧邑乘久缺將治體民風莫從與稽採風者
何藉焉余奉簡書直指圻南一切皆窳稍稍麟
次而葺及抵襄原因睽然斯典爰付朱令輯之令
遂斤斤開局遴樛圖牒近訂時事別門分類編為
若干卷大都舛者正穢者剷疑似者辨事不必侈
惟其覈語不必侈惟其確焯焯乎文獻之徵而邑
之大觀乎是可傳矣雖然存邑者志而重志者人

漢治刑名繩下而次翁先德教宋人煽虐於新法
而明道寬厚濟之千古而下豈說不朽起樊維風
豈不以人哉先大人之蒞斯土也值歲侵民困衆
方蒿目而語覲先大人劑調區畫雅有章程迄今
泐金石而崇俎且者無之而非是其詳見實政遺
愛二錄今且其入志中余豈敢遽謂先人簿政與
邑志共傳而中不無一二便民者後事者採擇行
之將後之志今猶今之志昔也典刑不遠殷禮猶
存端於牧民者有厚望焉

廣平縣志序

嘗攷周禮內外史掌四方之志以達於朝蓋以志
之關於山川食貨制度沿革民生國計者鉅且要
哉我明興混一疆寓郡邑隄池星繁棋布犁然盡
一之治盈溢天區矣卽邈胥遐陬之邑亦罔不繪
圖編誌以紀職方誠足以裨觀風者之覽鏡云廣
平雖最爾輜色然距栢栢陸董董耳倫執書文如在
鞶轂志獨久缺莫克舉脩生今邑之重務遐蹟汶
汶弗彰觀風者將奚譬焉深媿古柱下史矣古人

罪廢明聖盛德不載厥功臣世家賢士大夫之業
不述豈茲邑也念無可以書可以表可以傳紀世
家者耶而胡令若邑者猶佚斯典耶念余銜命
按三輔輟歷卽過一切廢滯稍就興而獨慨然於
斯也迺移檄陳令用瑩曠典陳故以文章飭吏治
者既受檄遂延授耆碩博綜掌故授之載筆之局
相與待衡其事濳閱其詞挈綱悉目釐爲五卷三
浹月而藁告竣余卒業大都其文直其事核辯而
不華詳而有體可以言志矣陳其良史才乎昔韓

宣子適魯見春秋歎曰周禮盡在魯矣陳也舉鴻
典於久墜之餘卽不謂奇文蔚起數千年來之事
若存若亡今一按籍而臚列矣邑不藉而不朽哉
顧夫制獲者意豈謂虛詡形勝廣蒐邈軌空飭藝
文跌宕簡冊乎哉志土地以示則順之宜志人民
以示固本之思志政事以示良墨之儆志文獻以
示桑梓之例織之而附載亦以示防患之戒庶幾
哉衮鉞當年而耆蔡來世矣余故亟命之削刷願
後之君子繹茲毋忽直指使者將藉以副皇華矣

義屏張君贈言錄序

張君遊北雍甫五閱月都中薦紳先生暨北雍士
納交者殆不虛日贈之言滿篋寄焉張君構華帙
而錄之錄既成持以觀何子何子曰吁觀張君可
以觀世道矣夫張君華之世家也少負氣以敦義
自許比長愈個儻重義氣凌凌若不詭於俗者然
而交遊者遍豫南焉人謂其樂施致然乃今卒業
成均也日抗顏與諸君子遊足無趨起口無囁嚅
而薦紳士爭交納焉此豈以崇賄致哉盛明之世

方敦義張君守之以故衆咸以附耳都諫王公義
張君而號之曰義屏彰其義而樹之屏凡以障頽
風風百姓耳王公爲世道計也亦厚矣哉脫張君
不顧於義而徒以厚利干顯人則今之以利遊成
均者不少也何見禮于諸君子者獨張君耶脫世
方崇貨賄好諛諂而張君以抗顏處其間其能見
禮于諸薦紳亦難矣矧令其納交贈言者遍都中
哉余故曰觀張君可以觀世道張君名一偽初號
桂芽從先號也王公甫更之以今號而人翕然以

義屏稱矣義屏之義王公自有說茲不復贅

崇雅鄉約序

儉美德也亦雅道也顧以儉爲言動爲怪吝者之所託而少年喜事者又從而笑之故屢舉而屢罷匪倡導之不力也然不儉則不雅儉而類於怪吝亦不雅余方欲酌雅道以自淑而吾鄉龍江沈公慎軒辛公新吾呂公咸有成言布科條以行于世雖其言人人殊總之皆崇雅黜浮去奢從儉起敝維風之義均也余不佞何敢外私淑哉第吾扶僻

而近于汙汙風移人少年豪舉者爭肯化爲不大輓之借奢不能止又恐僻陋之民借儉爲口實而以薄爲道也奈何乃因三君子之意竊取其言于吾扶相宜者申明而遵行之間嘗附鄙見以補其闕若曰此三君子之約也願與父老而共遵焉余小子何敢以率人約既成請于邑大夫劉公雅見許可且欲懸之畫一而提三尺以督于後焉吾扶其厚幸矣倘二三父老不以小子之辱而廢三君子之良規亦邑大夫之所嘉與也尚其共勗之哉

刻何氏族譜後序

族譜之刻成先志也先志伊何敦世睦也何以訓
敦明一本也吾初祖之至自淮也一人耳才數傳
而及數百人又散處于遠近者幾不相聞其間榮
瘁窮通又不知相懸之幾何夫榮通易比窮瘁易
睽人情也以易比易睽之情而重之以幾不相聞
之勢求其視數百人如一人戚戚全睦道者能幾
見哉先君子深用此憂歸政之後即創此譜牒將
梓未果又欲立何氏義倉建宗塾竟齎志而中道

沒也嗚呼寧非吾後人事邪吾後人責邪吾兄每
相計迨此輒流涕思奮顧多阻于用乏戊寅約族
衆爲追遠社積祭享餘貲稍益之成此譜刻而義
倉宗塾次第皆舉譜成尤宜叙諸末簡故述先君
子德意及今日敬承未就之謀因而申告族衆曰
若知父母之愛子乎榮通則欣窮瘁則戚居相違
則興思以此而上溯初祖之心視吾輩固一已然
也能心是心則不見其可睽亦不見幾不相聞之
爲遠矣此先君子譜族意也庶幾其勗之哉



刻申論錄序

語云多指亂視多言亂聽則議論之不足貴明矣
若吏治輟轉獎端萌起卽三令五申猶思聳發直
錡之未周乃欲希玄嘿之理而黜論議也其將誰
欺第一有司耳幸之者大中丞直指監司若郡國
守紛然教令督責日四面至則有應接之不暇者
且而賢有司無論也才稍謝振刷抑必弁髦而故
楮之已又仕之家守官如傳舍前方怠體弩之末
後又委涉水之無跡也嘻姑無論大中丞直指監

大夫之檄言言石畫卽余以郡守待罪抑且竭心
思而後有說者脫或厭視聽之煩而有如前獎其
何取赫蹠之杳然爲子是不厭諍復梓警昔之論
而重申之匪直便披閱已也蓋慮紛然者之鏤塵
玩愒者之蔽帚而後來者之莫所考也倘二三君
子嘉乃勤渠而俾諸實事卽弗敢謂明効大驗亦
將藉以靖職業已詩曰先民有言詢于芻蕘此余
之芻蕘說也蓋以先民望諸二三君子而冀無愆
忘焉爾甚勿謂是又僞聽睹以証我者也余不佞

中家
受賜多矣

鏡趙錄序

覆轍弗鏡憂在後車又恐後車之不鏡後車也敢告僕夫矣先是有解鑰過相鄉者怒其吏而假被盜以誣之當諾莫敢白至竄長吏下重譴不少貸抑亦可以鏡矣乃戊子歲趙人悍然復遭之渠且庸故智以干天怒自憲大夫而下蓋爰爰也明年不佞叨役茲土乃抗跡力爲之白幸上恩宥下本兵議本兵王公是其疏且畫便宜以請報

可時栢鄉事亦報罷 聖明之世信然哉夫趙人不鏡栢鄉之轍以有是役乃王公戒覆轍以示之鏡也是勿可弗傳然則憲大夫是刻也誠願後車者之鏡後車哉時萬曆己丑冬日也

賀劉明府省臺嘉命序

迨余解歷屬職扶十易宰矣所其斤斤藉藉以孔字微疏屏者前則高審王公暨今侯云王之視侯也咸東土才吐厥蘊以憺民劇無弗當者王閔衆理琴不再都記應叩如響今侯且呼名道緒矣王

剔姦捕伏虺發雲迅霜以大遯今侯且睚眦業窳
伏矣王夕撫旦循饑渴靡靡不膏由已今侯且緣
閭郊括原紅以贍貧俄矣卽無論舉統類相符總
之踏稍植良蓋復先轍也顧王之令扶歷三禩始
得內召跡其所見勞書僅三五下後語獲上者無
出王右今侯不再檢而勞書前後至者數矣今年
春計部以書勞無幾總漕宮保公勞又無幾都御
史御史循季報例且合檄勞語曰君子芳蘭靡人
不欣顧所遇何如耳侯之遇殆良於王哉夫王值

時宰崇貨秋倒植殿最卽不大聲華猶且受徵書
得侍插陞實所乎也今 天子申勸功令設崇階
進循吏以需頑民而侯之聲若此則寵褒異數以
陟不次可屈指計日也夫東地以才藪甲寓內卽
無問古先聖普握鈞盱衡以數數計扶以僻邑居
數禩稱異能宰者東人士且兩見焉則寓內之厚
望東土者有已時哉侯今且前矣東人士以理道
著者又不一王公也

公理氏甫再稔勞書凡數道至云辛巳春計部冉以書幣無幾都虞水尚書省勞又無幾都御史御史魏所部史以待薦揚先合檄勞余將率扶士往謁而張之因前諸士曰睹若公若其勉之無自後清夷夫負修能者薄賞譽筮徵秩者難遇合在昔憤之矣今天子瑩精皇馭敕明典亟以問吏治之最殿自都邑長貳下數道督貶朝善狀而暮王庭脫有悃悞近裏之士俛修奧變焉罔弗張矣夫劉公者非所謂能修而薄譽者乎筮仕僻土無送

逆趨謁以足穎出跡其政卽古淵懿不啻過也然而化乎於囊枯而應速於鼓桴彼兩臺職察群吏宜在所聞若趨而計部又還而虞水其相懸不知其幾何而褒辭考事如出一口茲不謂精殿最哉而公固良于過矣然清夷之世不數士不以此時自淬礪而徒取古豪俊之厄塞者以自况解殆未目之公平有進者曰省臺之督治也能朝暮薦人於天子以備召使有令如公會不次具矣而讀此勞言左公象當曰君子之服官也慮不立不慮

中憲集卷之七終
不揚宗合不慮不陟公今立且合矣卽無論白
諸當守者近在昕眇而名徽帝屏且不次權矣扶
之士將拭目以睹厥盛哉已而是余言者曉字畫
沾沾也余固錄所譚以進諸公而庸以請質焉如
右

中憲集卷之七終





© 2025 NATIONAL CENTRAL LIBRARY, TAIWAN, R.O.C.



INTERNATIONAL CENTRAL LIBRARY THRUSS & CO



2025 RELEASE UNDER E.O. 14176





ES-2000 NATIONAL CENTRAL LIBRARY, TAIWAN, R.O.C.

2060310 v.9





中寰集卷之八

序

褒享錄序

扶溝何出光兆文甫著

褒享錄錄先承德 褒崇之 命祀于鄉祀于宦
 所之文也申包胥曰人衆能勝天天定亦能勝人
 蓋于先承德之事有遐思哉先承德少昂藏脩古
 雅不狃 仰鄉人以爲司直領惠于鄉薦授廣宗令
 調邢 以爲令兩邑狀不肖少不及知獄而列薦



牘五乃入幣獎二十有六調當顯遷會時宰啓旁
門招賄以不賄稍遷判河間督上谷餉既受事周
歲妻非者撫邢事中傷之竟免歸國人勝哉當是
時去國之臣權輕飛羽安所嬰于邢之民而邢祀
之太宗轉愈益遠而宗祀之是遺愛在兩邑不泯
說者謂當食報子孫之世居無何余兄舉于鄉不
肖謬采舉青衿先承德業謂之有天林下殆十年
卽世里之人爲罷杵相與語曰是雅志古脩而弗
大售也又往者流寇之變救孤城壘卵捍大患者

祀之請如禮督學使者旣報可自是而尸祝社稷
之者三所且百世焉迨萬曆丙戌歲不肯以曲沃
令考績推 恩所自生先承德以闕任第復其官
例不進階 贈先妣以安人又三年余兄考長子
令滿請 補 勅命 上嘉乃先承德教子之功
曰是不可恒調拘者霽然下 明命 贈承德郎
職如故嗚呼功在民社者祀名宦表鄉閭者祀于
鄉世固月之而兩得之則異父以子貴贈如其爵
不少矢乃以兩子加 恩遂著爲令甲者自今始

中家其
卷之六
是錄也寧知其不可已乎往不肖之按畿南也所
部實宗邢地至則履先承德之祠而讀殘碑莓苔
闐泯然泣下邑父老匍匐余前感以如見先人胥
失聲天若比化者一豁氣焉而考曩所爲萋菲者
盡漸滅矣其天定也不腆兄弟方駢力報稱而
諸兒握鉛槧修先世之業又芸芸嗣起豈天之報
善人者尚未艾耶若以先德費榮而忘在昔之遭
必非類矣故日相勸勉而刻是錄以置左右庶幾
念厥紹哉

曲阜縣志序

志古史流也晉取乘魯取紀事後世多宗焉曲阜
之有志其近祖魯史輯之者則自田賦倉社權輿
也初余按山東時嘗比歲饑民既苦饑殍不繼而
郡邑之倉廩若縣罄然于是待哺之民嗷嗷不能
計且夕而死僵枕藉也夫祖宗法郡邑有社會
鄉遂有義倉無非爲民備緩急之用而成乎既久
宜粟紅貫朽之何似乃至不能支一歲一隅之饑
耶必有其任責者矣會稍豫余加意積儲衆猶空

中家
卷之六
三
文視之曲阜令孔君獨雅意奉行而籍其廩且陳陳相因余行縣至嘉乃丕績方欲志其詳爲它邑楷而曲阜故無志因令纂輯而田賦之與設置獨詳故曰斯是之爲權輿也夫治邑如家豈非有司事乎乃一釋踈躄才智者善彌縫上官輩自暮得代而實政罔修闡茸者又碌碌取充位甫一命而計家溫視其所頌部秦越也孔君以先聖苗裔爲衆推舉長其邑數年于茲矣以故曲阜之民家人父子在焉而爲時久遠又多所表豎是宜其政圖

爾夫久任之法近在令甲炳若星日矣說者動詆謂法理滯不便爲行以孔君視之殆不久不可孔君固嗟是重念其桑梓里人而它邑誰非父母乎第藉令以孔君之心爲心山以東自此無水旱之虞矣余之去山東久其所爲令長非余所知唯是觀孔君之志而想其權輿惘然有昔心也亦嘉與孔君德意而還以爲牧民者望也若農桑戶口名績物產之詳請付之觀風者稽焉孔君名某時以同知銜知邑事爲先聖五十七代孫云

榆次李公列祀名宦序

今仕者率以炫名實延譽上官爲捷徑勢必工矯
飭所在多赫赫名而氓爲下思者比比也嗚君子
卽不枉道于民獄可考治此南國之堂爲世聲施
而且風勵亡窮已余同年友李繼平者秦之延安
人當治榆次適余爲曲沃而盤問之相及大都閭
閻填填如道玄古也當事嗔其亡少赫赫狀愨而
列諸薦牘必榆次後其在厲行則稍白眼眇之已
獨其民剽悍者格盜賊易志野亡不闕庭亡留牘

如標枝又如野鹿上下之相忘余旣洒然異之亡
幾同入侍西臺諸厲行猶目公以爲浮厭任而余
獨稔知之旣出按兩淮離政未報而卒于官嗟遂
今李公汶汶終邪不謂有天今年余奉命來守
太原而榆次實所領部道出其字見其民謳歌泣
思公至今時未替其大夫士又能譚說公治狀竟
夕數余前而繼以泣竊竊焉欲俎豆于賢人之列
焉余始信齋者之識繼平不誣矣不誣矣歸言于
督學使李公會有請旌循良吏者上方鼎內之

今急表揚敦尚本實以風有位李公曰是適稱
上指法當祀且宜據據其事以風何子曰阿與卽
墨賢愚豈不較然邪仕之家卽汗必羞與阿伍顧
陽避其名而行實肖之取捷之念重耳亡論民疑
弗思假令主爵者悉以阿待之其何利之有邇來
上所不厭三令五申者不過爲民斬實政而緹文
法諸列在吏籍豈不耳而目之試隱度其所爲治
赫赫者乎闕闕而填填者乎脫一旦釋擔負去其
爲民思乎疑乎李公其當矢也令但如李公可已

勿溷名實而布延譽之爲捷也

贈杜君拜武學司訓序

歲庚寅之夏蓋河西有虜警云烽火徹甘泉羽檄
森發夜三五至上旣飭邊吏與問罪之師念狂
成平日久士不識枹鼓亡解才斗曲部之節一旦
望見虜虜有懍懍汗下已爾于是選質有文武之
士訓邊吏而以伏羌伯毛公主之且佐以左給事
吳公御史臺蔡公春而爵于是杜君來應募三試
之雋而拜今職籍其名本兵待不時之用矣先是



君在諸生間俶儻矢大節每譁當世之務輒扼腕奮激直欲請長纓而顧試其奇嚴估舉以塵言而幸不求工淨白致醉意洋洋自得尤喜與人圖細事咕囁語之謀甚密余自韶齡與君遊晚爲葭芋親未嘗不識君在賢豪間也今年春余以按畿南之役報竣事拉君游長安諸貴間君從諸貴語比虜事動髮指思見生平乃竟應伏羌之募而棄所爲估畢業猶脫屣矣嘻豪矣哉燭之武之在鄭也老無所用而階下一語至使人辟易惜相見之晚

則英傑之士其以湮滯泯滅者何可勝數君蚤歲卽負瑰琦斬一賞識之難今已生二毛使不游長安諸貴有不同草木腐朽乎邇者疆場孔棘正茂材火馳之秋儻君能以尺寸報效王者信其在賢豪間者也君必勉焉無令世短燭之武老更無奇而噉伏羌失君子皮相可已

贈夏恒軒初政嘉獎序

昔人譬淑世于醫人乃醫亦異癖矣剖秘密之藏探玄黃之理此天下醫廣儲藥餌起沉拯痾俾罔

夫札之苦此郡國醫裘青囊敵敵重繭問人山谷
豐部之間于人必有濟此鄉里醫要之心無異同
分有等差則亦隨遇殫心斯不負所學矣余寅丈
友恒軒君卓犖魁岸言侃侃明習世故所稱哲丈
夫也少補博士弟子食廩俸屬數奇不偶竟起明
經授國子助教用醫術師刺經之士令之察標本
辨真偽迨教成而國手有名一時縉紳無不人人
爭與結內則余仕西臺時業雅慕之也無幾遷太
原別駕又與余共事乃益畢其才智論事必中膏

育良肉醫瘦藥石攻靈治績烜偉而聲稱後如在
成均時也會直指喬公當報命君新政法不列
薦劾于是首移檄旌焉嚆于君効矣哉夫達則願
爲良相窮則願爲明醫以濟人利物均也而下士
所托爲解動曰予有其具而不遇則醫人者抑必
槩斯世疲癯盡起之然後快于心與何以謂醫有
三品之說也蓋上醫登鼎鉉毘輔天子故家寓
之內一夫不獲猶手足之不仁中醫寄一方之命
以明職守苟眇視之無缺即號仁術下醫草紳大

中寶集
卷之八
布表正一鄉所澤董一夫亦稱利也夏君國醫哉
跡所治大原狀業淪肌洽髓躋之仁壽之域倘由
此進而醫天下其効可殫述乎是直指君所爲褒
美而禮幣之意也余慙與君同事而目天下民瘼
世蠱無能以一粒起無論其上有媿于鄉里之醫
多矣幸君之有其具抑又用之而輒効旣心儀君
而請以此民瘼世蠱置之君將何以醫哉其勿泰
越視之而珍其硃石也余不佞有厚幸矣君固精
岐黃之術余是以醫道論理人盖因以贈云

賀郝封君壽八麥序

今 天子冲聖纂錄以郅隆必諸世效迺簡海內
名閥士淵懿者充樞要臣庸壽國脉于是郝君登
司諫尋十易稔也諸所善畫職埋本實 天子嘉
適忠蓋而邇之源也錫褒綸於若翁若翁春田今
年且八十體履矯健齒具髮黟身封君章矣迺不
口世兢睚中若無金紫者又其室自司諫君起斌
斌濟濟多章絳單迺翁獨于于然存林石風焉語
曰朕土豐穀謂厚之有本也司諫君之畫諸國者



生是由哉夫炫通耀裕非德之恒也微雅易朴非家之禎也剡本實而崇效遂非有國之訏畫也郝翁深韜以居恒雅朴以厚禎俾若賢出以効訏畫蓋兼有者也惟恒壽德惟禎壽家惟訏畫以壽國昧翁其厚獲哉顧罔自有也今年誕晨翁所素契者悉重渾華麗皓野服登殿堂而觴之其辭曰恐哉貞哉永譽之騰哉子姓在後追厥族屬踧而觴曰布我間弗剖我元奕世其延已邇邑大夫若師生若縉紳冠裳闈戶而侈諸辭曰克延元德培我

王國龍章赫赫何子聞之曰備矣麗皓者知德族者知家冠裳者知國郝翁其壽矣哉齊君雙峯與翁爲世姻幸子三捷乞言以壽翁何子曰太上壽德世已鮮觀翁所壽者三焉壽厥德復壽厥家俾若賢以壽國昧翁其壽矣哉胡以祝之曰又玄理之所篤也

賀管明府膺獎序

代作

古道今人在昔鮮親問或一值率罕際於熙隆邁知遇爲古道風以故慕古者蓋寥寥也宋熙寧間



程淳公建稽古疏不報迺身以今之扶扶舊沮洳
多剽焚公履之築臺布化而扶以治稽其時則饗
雙采息焚舟供青帳載在史牘而今游酢以典學
職尤其著者悉古道哉扶無顯令今顯於程闕四
百年于今而管侯至侯之去程也歷年多君子之
澤斬扶之民輕悍徒訟士多踈莽而又鮮向學侯
曰是今之者弗古也於是乎宣明罰布德意以剗
僞祛囂與扶民約進多士語以本真毋墮行業間
出所爲文以式士若民咸熙熙曰復坐春風中矣

既迺檢備隸酌盈誦去浮冗而上諸當道憫覺序
之就圯也而晉之新增置督課規諸惟就緒令行
禁止靡撓靡屈悉淳公道也肆迺檢猾者邊干公
者緇豪右仆而善良者安士循循兢自勅也侯曰
孰謂扶難吾且易之居無何憲臺張公應而嘉其
績又卓其未久而業蒸蒸理也走檄以旌最且亟
欲白諸當宁以大庸侯而尚徯於計日之成例卽
嗣是而列薦剡識帝屏胥此乎肇矣侯其遇哉昔
者淳公之治扶也以古道試不謂不大效而罔如

今遇今侯程其學程其道又所以治扶者治扶也而赫赫迥爾此何以故際熙隆之日而匪熙豐之舊也且記曰力田不如逢年善宦不如遇合侯殆遇合矣則異日登樞秉鈞以不負熙隆之際者可無卜知也矧由此以風之世几慕淳公之道而信且疑者不大信於今日乎昔游醉之典教也實淳公高第故醉能贊公之化而知其德余無似又不幸不獲蚤侍君子而顧典醉職則豈直無裨上理即駿鑿鴻績諒非蓋管所克悉也然藉藉有口碑

矣予第撫其說以告慕古君子

賀劉明府膺獎序

今章縫家譚服官術率別途於寬猛迨備且弊也迺取糾謬濟癸爲名言噫亦復矣經曰不競不紱政矣哉吾邑侯劉公之令扶也才易律矣稔猾者造奸法者縮閭里婚而善良者帖也登藉藉微當道當道實之將嘗祥剗而拘計時迺取其深惠愛振法紀者爲首褒茲兩言者不謂寬猛濟哉夫扶之爲邑也舊號善地邇歲旱溢頻仍而比不登元



元叟叟莫計所生諸無良者相與鼓扇成弊俗矣
往令稱撫循者率側目於豪右不則大肆鋤董良
胥以廢寔公之履茲境也蕪土宜澗淑究持平懸
明靡撓屈臬駁駁樹矣已迺取賦後而節縮之亟
恤重矜不侮不茹民日以頑焉諺曰謏穉長穀語
寬猛之異效也公寬於良猛於猾寬於民猛於胥
相機審方以故法紀根而惠愛以深也憲臺公其
良於覘哉往公之省阡陌也聞有語之者曰良農
理稼厚培秀傑超鑄力施不避棘楚無寧使棘楚
梗於鑄而寧使趙鑄及秀傑哉繁幕楊君志抑強
梗而堅自持于公厚有所毘益茲請言以贈公也
爲寬濟均濟濟說亦以慶一謝云

賀張稼序

今縣寓譚鉅觀者不謂海鵬乎若語及黠蠅鮮不
恥且笑也夫形細於鉅信所不逮卽所適均亦甚
懸絕第恐鉅困而細以適也將奚慕奚笑乎邇叔
季士昂藏負鵬志者不謂無人所恨狐鼠假以道
榛荆卽有六苞八翻扶搖可九萬者將奚所翔舉



哉如值此有黠螟者幸真輸性千萬爲蚊眉敵彼詎知搏空者之大幾何而安知不笑其困耶吾新汲有張君者其昆季亦伍鵬士顧若其仕者比比就滄寒無可枚舉而君自冲齡卽服馴習生人業比長輸費爲邑掾宰輓器君謂戶役後最冗夥辟君掾君子曰張君其適矣乎志不誦材不鑿也卽黠螟群奚而不樂假令負鵬志困焦原與共一枝視張君困耶適耶張君且勉之矣語曰鶴鷄生鷄捩虫爲鳥遡古記之也聞東郡以掾辟者有令三

人焉蓋君輩也君無自安曰余茲黠螟君也內昆周浼余言爲君賀余故吐所懷俾以往告又進之焉如右

贈史胥序

自昔金紫廟堂者世不數計及至稱善職也蓋寥寥焉以此下逮諸胥役卑卑宜無一稱然流聲史佚者不謂無人董公以三老顯于公以獄吏著侯生以監門聞茲非嘗凡於役哉卽金紫輩且共山斗爲良於効也今寓中民貧歛重力竭役繁所其

諸廟堂者又善紛更無一與百姓計生者脫有隱君子不羞一役以稱平於里中承催科則事寬假董工役則時繁糾俾曉曉之民得百人數日之寬亦非無當於自効者卽其分不克與金紫埒而董于候三君子者庶其近之君乃乘權射利剥衆封已無論惡歸毀來而執滿者且將從事矣邑史胥余不善其人其友五人者挽余言以張之爲余告之曰分無崇卑盡職爲良官鄰大士卽抱關且置齒頰矧么麼瑣瑣也史君勉之前所稱三君子者

亦非金紫流也

記

西城察院題名記

今仕者非以從人願授牽制而罔所表豎爲憾則謂君門至遼遠卽捐糜罔上聞也其責促抑又以當務大體爲解閭閻細事越人之視秦人矣之數者士之托以匿其短狀耳乃國朝之所任御史者則獨異是旣藹京師爲五城而各以御史司提衡之柄亡論賞戚貂璫得問其不法狀卽一切米鹽

小不憚于民者悉以三尺按之又近出輦轂之下
朝吾施而莫徹九關如嚮赴也于是任者必亡能
以前之說解乃其難則京師雜五方之民臭味異
齊情不相恤小人設智仰機利而食故輕犯法鉅
璫勳貴實陰尸而明援之至掣肘法令亡得用西
城則尤甚也蓋余戊子歲嘗有是役矣方與民約
東園更始會孽璫濤行亡節當事者徒念鼠馬之
嫌舌塞不敢問余蓋盍與共北面業已其陰事請
之按于法一時中外無不揚天子威命各抹過之

不暇其勃鞞中貴好請托者刺雲翔而不敢下矣
夫不佞如余非有卓蹠抱負可表豎也明甚卽往
者敢以問中貴人特憑主上威靈乃權不中制而
民籍帖席又令諸謀爲不法者罷指駭異而不敢
逞孰謂驪馬之便有欲行而不得之志乎明興以
來試西城者夥矣民口如川不涸若別蒼素試逆
數而隱評之必無短之可匿無短可匿則法鑒昭
此題名記之不可已也余旣竣事去繼者爲趙君
樊君賈君各以其做儻任事釐宿蠹一清且思以

法鑒詔永久也因剗石問記而余爲之說如此

曲沃縣寅賓館記

沃于晉郡邑稱劇靈壤孕毓諸詰賢大夫稱衆多
廳廡門廡館宿及衙宇獨痺痺稱陋率是土者卽
一舉而更新之至快也光也幼嘗從家大人宦遊
與今長子令伯兄日夕規誨皆休養附摩事及節
愛語斤斤守之不敢外尺寸顧以薄劣淺才當禁
運之務益以歲時不易而嗷嗷待命者且億兆也
是何殊以披負山脊商鉅馳河恨弗任已乃日集

人賢諷民隱求政治機宜而自顧有所類敝卽不
敏何至以隸人之垣廡賓客于是始捐俸市材擇
左方爽塏地構望益堂三楹第令繕完不施藻繪
前設閉閤墻垣倍敦左右翼貯委積以備不時是
役也經始于甲申之秋不踰時而竣事自是賓至
有所時惠顧以啟頤蒙用能修其官常無憂叢脞
迄今報政以按職稱而免罪咎夫以一營建而博
延納以延納之故而堪繁劇由茲以譚所關詎淺
鮮哉在昔單父之治賢不齊者五人不齊事之而

朝夕稟度爲故能坐堂坳而底極治矧茲沃土之
後多于單父不敏之才劣于不齊是役可一日後
耶若廳廡門廡若衙宇卽蕪陋無敢易焉則曰有
家庭之訓在矣

曲沃縣公需考成記

蓋聞家有老僕故物不委於塗則家督慎委用耳
邑如家令其督也古云治邑如家彰其督之良若
更過之蓋不數數見矣余不佞庸先世箕裘自髫
年治博士業卽少有中人之產而室廬器具未嘗

屋一間職不在家督耳癸未成進士筮仕曲沃至
則瞻垓墳廟廡入館舍視器皿蕭然廢矣乃自飭
曰余業已有邑督之責在焉何敢如鄉者之不問
爲于是諏日鳩工取次葺理首孔廟學官次公署
府廳傍及南北兩郵分署咸大啟卽不過爲壯麗
而肯構擘擘觀者異如矢先是沃中多縉紳歲時
數禮有司而宥館湫隘業改署東偏詳見左記中
而宥運器具故未之及一有讎會仍取辦里甲觀
美未具擾擾已如網罟用是疾之乃更傾橐中裝

供且益竿而下罔弗之飾自是候當道旌節歲舉
譟集輿賢飲射之屬取之裕如也是役起萬曆甲
申迄四易寒暑乃成吁艱矣艱矣顧余記家食時
忝今未久遠音不能計家徒而今能計宮室矣又
能計器具矣公需纖細無不殫心何敢謂治邑如
家儻亦當家督否乎既竣事會舉主陳南濱直指
行部至沃亦藉藉稱善已乃疏諸朝曰視民饑不
曾已饑理邑事真如家事余不佞何所長辱吾師
知遇若此因剗石爲記書願未固曾弗敢誇詡聊

以告諸職掌者無委此諸塗也其家督苦心矣
扶溝縣貢士題名記

漆象締紵孰與瑤瓊瓊珠美而豫以之貢重地產
也扶溝于古隸豫州厥土惟壤無麥疑噍嶢綿亘
于其上無渤澥滂濞澎湃于左右產是土者迄今
尚泉紵也若士則醇謹惻愍所爲文爾雅博通不
工鞶帨使程士者盱衡而求之曰此奚不瑤瓊瓊
珠邪職方可無爲貢矣然導水于方諸而方諸重
取火于燧而燧重水火豈世所乏亡哉適于用也

苟適于用甲可占年毛可甯膈水火哉漆泉綸紵
哉不適于用抵雀已耳國家廣薪植之塗以蒐羅
士士明一經亦得與鳧序進身爲縣官用扶溝卽
彈九地往逆數之其循資歲薦與夫廣功令拔不
次者合百三十三人既各持所爲泉紵以逞爲長
或爲師儒類恪居其官次而躋通顯卽數遭連蹇
亦不至憚且蠕者是亦可以重地靈光里閉矣安
論其不瑤現蠙珠邪淮南子曰玄古之世不貨難
得不器亡用邇來天子厭浮靡之習敕郡縣求

崇尚本實之士以維雅化是亦普用物意也隋和
爲世所珍而扶所無叔帛粟布爲扶所有而明王
珍之孰謂漆泉綸紵出瑤現蠙珠下乎第恐薄于
自待斷真節屬以比燕石魚目也是明主方以
重士而士反自刺謬矣安所侮貞士哉是舉也別
正進之塗示準的于後使知自奴氏來所藉以貢
之上者皆是物也

邑人高君源善行記

今自親窺內其塊然漫罔事事者不數已然必乘



龜有鉅炬赫其表豈而後可稱述其將幾何蓋斥
鷄鵬鷄各一其適棟榑榑各一其用第能隨分
自效不矯節不竄行抑可爲賢矣吾邑高君者醇
謹陰重持禮文敬共遇事慷慨有大節能自立矩
矱人不可奪爲縣屬下僚縣大夫值有禁錮難排
解者召與謀往徃握長算爲所取重嘉靖庚戌邑
以多警飭城塹命君行築者扶其不勉役衆八千
人三閱月而竣事癸丑之變迄能以險固免辛未
縣大夫黃公復大興城役縣堯四週計費鉅萬而

徒且萬咸付君總攝條其出入數百執事悉聽意
指毋敢依違君晝則引繩荷畚鍾夜則畫腹數至
息寐歷四邑長而城成蓋金湯固焉是役也君能
以公務爲家務而與人之待命者無異家大人然
迄至成功之日上無譙讓下罔謗譏材鮮浪耗而
工不踰時則向者營宮之役整新其殿廡門堂煥
然一改觀也其功殆不難于此而章縫薦紳已推
譽不容口矣夫大授之大效小授之小效此徒以
才智雅集事和蓋事待于人人服于公公成于庶



理固焚已君嘗繼先緒成橋及修道舉數百鎰搗之若棄且葺梵宇神祠作佛事後先又數百鎰彼固泥沙委之而適規規罔上剥民以計錙銖之利夫誰則信之外史公曰城齊城謝一役也古宰擇材望重臣克之誠重之抑難之也高君以齊民處里閭間初非庸寵榮操柄衡者案建立如是脫使以寵榮柄衡加其身不知更當何似則天下之紉青拖紫膺寵命者不少矣得無有汗顏高君者乎第不汗顏于君而寓內重有藉矣君曾大父爲

蘇州理官能其職父以篤孝聞君固不墜家聲哉君諱濬字君源別號雙橋行年今八十云

完縣科第題名記

蒐士之法歷代多不相沿我國朝始一以經術藉進士非甚通曉困白首不憾制亦嚴矣哉乃希世之徒妄意跳匿其短于是當錄之途百出備最稔如重貨結納費鉅典爲市者夫邪之與正不相掩而能相妨頌令此夫得逞如窮經何三輔之地土著甚醇制與六館之士絮長短夫京師雜五方



之人眞屬其阜如漢弘農之不可問也守法者嘗不敵散法若完之已事可執論已完於古稱曲逆其士斌斌質有文學且壇山蒲水構靈龍古然而登賢書纔四十人升甲第者董十人彼所稱黃金市駿一日獲千里者數四夫非甚盛事與何遽寥寥若此儻亦屬消真邪繼正之途多耶余不佞藉上寵靈嘗以惠文按齊魯則齊魯有鉅力者將陰謀求逞會事覺余上疏發其私蓋得俊之士直余而敗露者銜之也乃嗾其私人橫口相中業三投

外吏未已嗜吏爲王守法耳典常之淫百不存一獨制科在假令鉅力者盡意得蓬華之士終草木而已矣余雖以䟽敗而䟽存倘寒心者稍顧忌之於是甲午掄才完舉者二人藉令宿守典常所爲二人者寧今日乎哉完之士幸際清時必勉焉令圖毋第望黃金而長嘶也乃於是礪石以張旣往而且以驗方來

完縣貢士題名記

完之北蓋有王山焉或云燕石疑王卽此余爲之



說曰物貴適用不適於用猶瓦礫也安論碑礫哉若士抱一經童而習之長斲於用豈不自謂瑾瑜乎然所競尺幅之長且方之表豈第爲空譚信以爲空譚也者與濼以之藉進掄才以之得適政唯明經哉世務猶掄之耳我 國朝並登三途而明經之遇合最晚假英氣挂於遲莫貪鄙生於途窮使天下指以爲彊弩之末也此與寶鼎石何異完燕地燕趙多慷慨士自昔重之迨今卽二毛之儒猶貴楚肆何其盛也且 國家成平日久元氣寢

薄新進喜事好復張其才輦上每感薄之於是破常調以待宿儒藉明經進者率躋華要夫燕趙有才唯 上用才則士將何以場也余以爲方僻在草澤及不大售如璞旣登進又待之以不次將瑕瑜之不相掩當斯際而不適於用抵雀有餘羞矣安所重燕趙士哉余於完有調士書旣爲欠貢士名蹟而列之石且申之曰影赴標響應桴孰能岐之余所譬固近出爾鄉爾必習之爲瑚爲璣是琤瑤矣不然直東人之豕耳無可辨影無可飾聲後



之儀前又後之程自此而明經傳次其尚飭聲影
哉無令人疑以爲燕石而暗投之也

傳

懿德張隱翁傳

張隱翁既卒之八年是爲萬曆癸未家嗣西安君
始與余同對公車將筮仕里中同進者藉藉言隱
翁事不容口華之言者以百什計軼旣成謂光也
矜於人不謬許可屬之傳以示信焉隱翁禪之世
家也譚麒麟字子頑人號之曰祥齋少慧篤有器識

雅不好弄比長個儻好義樂施予不計家豐饒有
國士之風焉岩齡值母病侵尋潛詣禱神祠請以
身代母夢神語之而愈父生疽髮中疽大惡人不
敢近翁日夕敷藥且就之吮懸枕不寢者三閱月
顧家鮮饒益滑澁董供尊人翁與弟俱業儒勢不
兩辦忝之賈以供弟儒得少甘輒令弟先而身自
租糶諸生錢亦推以贖厥黨子弟之貧不能讀者
若弟及姪則其終其身不析箸也家嗣西安君舉
鄉薦有司多所僂遺翁命之曰守乾吾不賄素矣

其以此克公家用嗣是守坤守巽守泰咸餽學官
廩無敢私也其輕財公利之心類如此一日邀鄉
人劇飲客有遺金者歸始覺讓其同買者勢且死
翁得而往還之有儼舍陝之王嫗者寓其中自稱
為宦者側室得銀簪及銀若干為馳送二人所奪
官司抵二人罪責之償幾死他日翁僕檢儼舍得
之白諸宦官始知為王嫗自匿以誣二人遂生二
人而歸王嫗金隣人張堯相者有鬻女襄樊事翁
聞而憫之潛遺之資而戒勿令人知社友陳姓者

死無後屬以後事翁捐兆而葬之禮庇其室終其
身如一日其急人之急類如此暮年益不好規利
諸所負貸者甚夥翁盡出其券焚之義聞藉藉冠
里間有司白諸當道督學使者將榮之官以風百
姓翁謝不就謂五子曰若自奮為國家用吾荷寵
有日矣今奚以官竟素封終其身不志利慾不口
淫媠不御聲妓有奔婦乘風雨至者輒遺之不少
嫗且以戒諸子焉諸子惟守恒幼而循雅如諸兄
西安君以甲第為郡理而諸茅馳聲藝林者且步

兄武猗與盛哉贊曰予觀張隱翁謂有天道云隱翁少寡且棄儒也然而孝友義惠實當玄理迄於今家由之張矣天道好還如持左券而責之償也其有為善而自怠者請視諸斯傳

嫂李孺人傳

詩稱女士謂女有士行蓋難之也若婦而丈夫而師程尤女子所難顧幽懿之德不聞壺外令身死而名漸熾也其何以風于是作李孺人傳李孺人者余職方兄之元配也家世陽夏父官江西臬司

經歷先大人為孝廉時相與締婚姻年十六而歸余兄時兄在諸生間清約一寒士也嫂安之殆忘其家或謂家骨肉少恩罔所繫念嘗記余髫齡過之見其第室壯麗田連阡陌可儼素封父母更為愛之乃所漫不為念豈其內夫家而外母家士心固辨及此耶先大人筮仕廣宗歷官燕趙兄携嫂以從幸數載不得歸其姊妹相繼適人間遭值不偶有美栢舟嫂疾之如兇斬不通問遺羞先安人嘗稱有丈夫之氣已先安人明敏特達世罕與伍

亦鮮有當意指者嫂正直強毅佐之二十年無所
忤尤善強識見聞歷歲時不忘于是藉爲典記既
相與拮据以畢余婚婚鄂陵大姓今贈孺人劉貴
偕多疾疾至不任匙箸先安人憂無以分家婦任
者嫂獨悅首中饋攻苦食糲不知有弟婦也劉亡
繼今封孺人周少不耐生事嫂獨任猶初先安人
喜曰卽丈夫怨獨賢矣矧後先一律耶先安人疾
且革呼余兄弟及嫂前曰死不以家念唯三人在
弟無易始心寧憂廢者耶死且目瞑于是相對飲

泣勉承迄今又二十年而家無脫嫂氏之力多矣
顧嫂病火舉子女各一餘不肯先安人憂嗣不繁
許置媵生子二女一撫之若己出子若女亦不知
其非所出也女及笄出閨兄方留宦卽嫂視妝奩
弗飾愛情至寢疾時余罷諫一麾太原調嫂置百
金于前以佐經費疾遂已當孀子女畢姻顧未嘗
憂情至此也屬毛離裏誰弗體之不以加庶女此
誼丈夫已難之矧余家世伊吾兄弟自少不工握
算糜俸之人幸付嫂出內曾未聞以一縷一錢私



其嫡子女者乃其待庶女也厚惟公惟忘豈其丈夫之氣自天性乎寔余守太原兄補司馬尚書郎道出太原嫂疾作時別駕夏君杜君各以鼓黃檀聲余數懷嫂氏出賒視不與兄設帷脰之夏君瞿然曰其病深女得男脉矣杜熟視良久曰非也此女丈夫也剛明果毅人罕與儔異哉嫂亦女子耳何至賦脉若此女士之生不偶哉不偶哉若性急而慈貌壯而不苛其下憚之而罔所曹怨又非此兩君所能脰也輒近世嫂叔相對以狎爲安余

髻齡依嫂在弟齋者迄垂白望之凜然無異嚴吾兄蓋四十年若兩昆而今不可觀矣嗚呼痛哉嫂年五十有六佐吾兄學成進士佐之官以清白著聞秩司馬大夫且身膺寵命生子有聲菽苑孫舞象卽爲諸生所得多已唯是偶足兄弟相依如千年疾革不及面其何復先安人九原乎其疾始壬辰余往望其黔癩心私憂之兄宦遊仍攜以從余數止之曰嫂病而有子可嘗湯藥無苦以道路爲也兄太息曰此吾老友受益良多耳則所爲夫婦

中家集 卷之八 五
者可想也夫冠帶而鬚眉者不少矣如脂如韋不足當健婦者何限乃天奪嫂氏之速豈世運叔季卽婦有丈夫氣且不能壽况丈夫而賦剛腸其不容于世也可逆觀哉余固傳嫂氏而重有感焉

曲沃賈烈婦傳

賈烈婦之得死也適何子令曲沃則已列狀牘白諸當路大中丞及監大夫將會請于 朝檄何子詳其事于是擢大都爲烈婦傳烈婦張女也歸于賈故從其夫先是鄉民張永齋者以庠行晦跡農

畝生烈婦童時在父母側卽不踴故作晨昏而醇謹天閑似非尋常兒長及笄同廂人賈懷禮者以幣逮張父齊曰賈良農好積實媿張氏可以息違矣遂許諾歸烈婦置室蓋翁姑儼然在室也烈婦事之如其父母禮且爲有加孝敬之聲至比鄰引以爲訓謂賈思厚食報其婦若此近屬接烈婦整歎充刺刺稱不容口顧其家素無厚藏往不任歲惡幾至廢者烈婦佐夫子彊挽之紉織操杵丙夜不倦幾十年所無解已也居常惜家無估畢卽父

母姑婢亦不能出訓迪一語但有談節孝事及稗官野史所載易通曉者耳之必躍然飛動願爲執鞭且私置殿北鄰婦某者居常予烈婦善無幾其夫死而婦有異志烈婦患之一日鄰婦從姑語他事竟夕烈婦絕不與語姑讓之曰婦初以某錚錚者不意如所爲是不惜爲此軍繆綢其自烈如此今年四月懷體忽攝疾婦慟慟左右躬致湯藥進每爲容色退於邑不勝仰面長吁天乎脫不諱後將若何致醫巫簪珥脫盡凡三月亦悴慘廢貌而

夫病轉劇陰相誓曰君即不起吾之事亦决倘逝者有知願少俟無幾相從矣頃之懷禮死長號頓地諄諄如偶語狀率不甚解醒衆強起之至夜避幽室緝爲家所覺急拯得不死已又數避數尾之家乃大恐方衛但速葬夫子求解烈婦聞之祈翁姑願少緩須臾得殉懷禮一坏土翁不忍曰吾家雖貧不能供養婦體耶孫男子服爾教戶有書聲爾夙心不足念耶烈婦不爲答但稽顙泣下如雨已用卜者曰禮葬其夫家人防之益謹既竣事

歸更不復作死狀骨立董存屬有遺賻金者幸謝不受或問之亦不言其故少經理家事如葵齋然每焚膏達夜分問之曰刺繡亦竟不得其所繡迫旬日守者亦寢懈忽晨起約其侍者出比反室戶深扃急排闥入死矣驗之面色如生餘息自口鼻中出者白如縷吁倘所謂正氣非耶既尸正寢視其服皆密縫數襲爲一履膝相連左右羅織甚固又于衣袖中藏楮鏹錢如許且有權概同置者色臭皆惡察秘笈得所爲夫子製說與已說并枕櫬

各二而其子衰服亦備數襲因憶前所云刺繡者蓋指此哉夫愚夫貪生達者死名猶未有不快于一激而渝于遲又烈婦無二心且無疑懼若此豈不卓絕尤異與旣微姑啓旁室見器具壺盃粲然羅列哭曰婦念家惡矣其如老垂白何余聞而悲之夫余之爲曲沃也靡所表暨獨雅好節義與四民約束蓋四年于茲而今見烈婦乃率學博士及弟子員載牲體以吊而邑中薦紳且爭以詩哭之禮成翁拉幼子伏余前曰是所幸作書聲者其子

泣下不能仰視余亦爲之動容而環顧左右無不
流涕四壁聞嗚咽聲甚衆蓋鄰舍人之記其面貌
者也亦以見節義之在人心哉時萬曆十五年七
月十五日也何子曰始余之禮賈烈婦也觀者罷
市喑喑語諸室其泣者指引稱唐堯民其慶者又
如太史公之論伯夷也吁嗟礪礪之松誰扶而直
幽蘭生谷不以無人而不芳可以論烈婦矣

扶溝文獻小傳

扶溝域中土彈丸小邑耳桐丘登其西曲洧經其

東北界五河南列屏山于是坤輿構靈人文蔚茂
其崇尚名檢讀古人書卒湮滅無聞者不可勝窮
唯是名籍賢書身登仕版升高之招固易嚮應其
以節義顯于朝文章鳴于世孝友孚于鄉尤史帙
而雅來喬此者得十五人匪是足槩文獻有徵可
信且以例其餘也第世遠風漸愈傳而愈不可考
後有作者其何以風乃借爲扶溝文獻一帙構諸
君子之遺像于其子孫輯諸君子之行誼于其故
老鑿鑿實錄不修繁輒俾興起者得摹儼而鄉選



中興集 卷之八
之蓋由今其措模由後其詩矢哉詩曰高山仰止
景行行止其斯之謂與作文獻傳

楊公諱鼎字廷器舉永樂九年辛卯鄉薦登十九
年辛丑進士改庶吉士授兵科給事中數 賜清
燕多披心語百寮悉敬憚之陞山西叅政民饑請
發粟賑登朝雲告置移平陽十萬粟濟之獲 璽
書公勤之褒晉左布政使致仕卒于家壽七十三
歲入祀鄉賢

羅公諱俊字子英舉永樂十八年庚子鄉薦卒業

成均司成蹇公器重之謁銓授大同府通判清勤
剛敏優卹軍士鎮臣類之會 英廟北巡護 駕
有功起擢陝西漢中府知府檄到以疾卒年四十
七歲子贊孫玳珮俱登科第躋顯貴克振家聲
嚴公諱憲字廷章舉正統十二年丁卯鄉薦登景
泰二年辛未進士授戶部主事歷員外郎督餉巴
蜀有聲陝西叅議剛直峻厲人罔私于晉憲副
兵備固原鎮石城之役殲虜渠魁受金幣之賞歸
休林下者三十載而卒壽八十一歲入祀鄉賢子

蘭能繼父志稱世科云

羅公諱贊字世卿號思誠舉天順六年壬午鄉薦
登成化八年壬辰進士令新昌除奸黨定亂畧

召拜監察御史按陝西贓吏解綬西賊膽落疏中
與八事上嘉納之再按山東益勵風裁豪貴歛

手以嗣君舉省試第一遂解綬歸卒年五十三歲
入祀鄉賢子玠玠繼登科第爲邑名閥

嚴公諱蘭字世馨少英敏服庭訓以弱冠舉成化
十九年癸卯鄉薦卒業成均上南宮不第將謁餘

父執有欲授以京銜者不就曰丈夫願從事封疆
安能坐致清華爲耶授兩淮鹽運司運判以勤敏
著聞陞隰州守隰居厯屢其民瘠薄難治公撫之
不遺餘力以病歸卒于家

羅公諱玠字孟玉號東泉舉成化二十二年丙午
解元登弘治十二年己未進士授兗州推官以平
獄賑饑聞權監察御史清戎畿內武弁震懼出知
鳳翔府忤權貴調知延安陞固原兵憲劾元戎貪
鯁抵于法尋移病歸卒年七十一歲入祀鄉賢

李公諱夢陽字獻吉號空同舉弘治五年壬子陝西解元登十二年己未進士授戶部主事上封事數千言疏壽寧及遵理權權事下獄詔起督江西學校正文體端士習海內翕然宗之爲一代山斗者空同集行于世壽五十九歲郡邑並祀鄉賢子枝孫四維曾孫冕皆登科第

何公字邦鎮號東村據鄉賢碑諱岩舉正德二年丁卯鄉薦登十二年丁丑進士授戶部主事監稅臨清會武廟南道受嘉獎晉秩正郎抗議大禮

廷杖之出守瑞州調南雄龐梅嶺商稅再補南康增置白鹿洞諸生調慶陽請老卒于家壽六十八歲入祀鄉賢

杜公諱紹字述之號朴庵自諸生時以孝友聞舉正德十一年丙子鄉薦登十六年辛巳進士授戶部主事初督運犒金再監臨清商稅繼散官軍折色三爲部使咸有聲稱退處臬石間披竹素修邑乘族譜刻詩文行於世壽七十四歲入祀鄉賢孫化中繼登科第

李公諱枝字伯材號王屋山人舉嘉靖元年壬午
鄉薦明年登癸未進士授工部主事負才任氣清
曠不羈時人憚之左遷海州倅屢任不視事日引
獵騎遊海上諸山呼酒放歌詩篇滿篋無幾輒於
劾忝僑居夷門布衣簷帽往來池亭間人罕識者
四維冕蓋其子若孫云

劉公諱自強字體乾號三川舉嘉靖十年辛卯鄉
薦登二十三年甲辰進士節推廣平超擢天部郎
秉公持正遷大僕歷秦晉諸藩臬皆有聲尹應天

晉撫巴蜀平妖寇數萬陞戶部侍郎總憲兩臺歷
司徒司馬 召掌北部致仕卒于家獲 恤典廕
子壽七十五歲祀鄉賢

何先公字且瞻號竹峯據鄉賢碑舉嘉靖十九年
庚子亞魁家居值流寇薄城設策捍禦色以保全
令廣宗調繁邢臺嚴皆大饑勸賑招撫活民數萬
計遷判河間檄嚴宣大兵糧積弊一清查計襲胡
大捷歸休壽六十一終子出國出光皆舉進士累
蒙 恩贈刻存彙行于世祀于鄉宗邢各專祀云

杜公石化中字民乎號西泉嘉靖戊午鄉薦登四十年乙丑進士節推順德郡無冤獄陞工部主事監修太倉等處工程裁抑諸閹貴浸漁大爲所恨而聲譽轉起無幾改監察御史數陳時政闕失代符入闈會闈中有情帥不法事撫臺阿私寢之公至特疏其奸連坐者甚衆尋左遷州倅陞榆次令再任汶上陞東平守待 請家若詩酒自娛鄉人罕見其面時年六十三

見寰宇啓文隆慶丁卯鄉薦登萬曆丙戌進士校

長子知縣三年奏績獲上考荷 恩命喪及先世兩入晉簾再修 親事蒙兩臺薦舉十次幾六巷量陞兵部職方主事遴選三大營士卒汰其老弱查補營馬爲各官借來者清員濫七百餘匹歸營時方見任年五十六歲

郝公諱維喬字子遷號中巖嘉靖甲子鄉薦登陞慶茂辰進士校真定知縣處衝疲之邑而節愛拊循政聲爲畿南冠 召拜吏科給事中歷刑戶兩科都訟先後五十餘疏多稱 旨轉江西大叅再

補山不考績荷 天寵褒及三世總憲晉中察吏
治明刑罰教百僚震肅晉關中右轄時以失偶請
告家若行年五十有四


何出光曰土生千百載後尚厯思千百載前處山
墩海濠之遙尚馳想中國人物之盛况後先有聖
臭味一門者乎余不佞生也晚束髮從學粵修
古然數不利有司至萬曆十年壬午始舉鄉薦明
年登筴未進士授曲沃令召拜監察御史按恒南
再按山東權璫一踈戮于批鱗科場五讖危若持

虎幸 輦上待以不死出守太原尋罷州倅以疾
作不赴陞藥陵令改完縣令爲世醫流四十九年
于茲矣然賞志而身不大售操觚而語不驚人無
論忝數君子魏何之家法良多其何敢濫伺其後
第素心雅志不敢外諸君子而彪炳之業翰流之
文年逾知非即厚期待而不可望也續貂益醜添
足增慚知我罪我付之來禩而已矣

中
寰
集
卷
之
八
終

國立中央圖書館 臺南分館






25.12.2025 NATIONAL CENTRAL LIBRARY, TAIWAN, R.O.C.



2025 Release under Public Domain - Digitized by eGangotri



2025 RELEASE UNDER E.O. 14176





366411 010



中寔集卷之九

扶溝何出光兆文甫著

志銘

明曲沃教諭王秋潭先生墓志銘

曲沃僻在山壘風氣異齊余幸諳其土宜不_三浮
淖者益得之先生云先生曲沃諭也諭沃之明年
余始爲之令又半期而先生卒嗚呼政與教固相
成者矧先生素稽于鄉復以良幾禪不逮所其重
悼先生者直鄉故哉既爲之棺歛而歸之遂援筆



以爲志志曰先生姓王氏諱模字師範別號秋潭
其先蓋臨漳人勝國時諱與者避兵焚徙扶溝配
潘進士女生至剛歷林及冲及寧寧先生父也爲
曲陽縣丞配喬孺人生子三納側室陳生子三先
生行居五諸凡之顯者曰格今爲清豐縣木初
靖中吾扶稱二王者才非凡不御卽先生與其兄
適以文稱冠士林士林得其手製輒錄誦實之謂
且立致青雲指期耳乃竟以數奇數舉孝廉不第
隆慶末歲薦明經序上之學督學督注意先生先

生特以遜凡而已後之緣得薦行入仕階萬曆丁
丑謁銓曹授莒州司訓莒州故賢聖過化地粗有
遺風士絜行篤于學得先生範之甚適以故青齊
稱良師者首先生五載陟曲沃論復以範言者範
之科餘課試一取蘓湖之舊而寬出之因大符
士心其性坦夷真率與諸士爲忘分交卽誨所不
及亦譚咲曲諭之諸士已粥粥厚媿歲時僿遺更
不問其有無故歷莒迨沃後先幾數載而囊無深
積宅弟墾田視昔無所增益卒之日幾無以爲襮

時又頂歸其累重獨一子扶樹伶俜孤苦而沃土
之泣送執紼者被郊野相向失聲可以觀先生矣
先生邃于學能古文詞精書法雋拔秀麗直逼右
軍每講學探聖賢宗旨元元本本不事剽竊嘗語
人曰萬事不出此心先聖一貫之旨非奧澤不可
解者又曰克殫之道孝弟而已矣孝弟本也本豐
柯葉自茂故于時祀拜掃常以不克祿養為恨飲
痛嗚咽數誨子以無忘先緒其天性仁孝若此故
能以身率人而秉鐸兩地咸稱塞不至曠素者有

本哉先生以正德十四年四月十九日生而卒于
萬曆十二年五月初八日享年六十有六配劉氏
南康二守東之女也生子一曰孟胤軼材踔異雅
有父風娶趙氏女五孟胤將以先生之卒年十一
月廿四日塋先生祖塋之次承母命也銘曰鄒嶧
名教南華自然同源異派先生雁焉砥節礪世探
貞守玄勞生息死抱一以還名城陽位茂木其泉
詰人之敷道遙洞天靈光吐吞利爾後賢

明故湖廣穀城縣主簿洎川郭公暨配高孀

人合羣墓志銘

初高孺人之卒也余兄銘其墓郭之家世稍稍載志中大都至公凡七世皆葬邑西北隅今始圖新阡則城之南郊云公諱董季子方別號洎川其父稱引禮君者娶于江得孺人江氏佐內政而郭始富饒公差爲童子也十歲解讀詩稍長卽娉姒然露頭角歸如時仲叔洎上君以才名中州方下帷授經公就之讀遂者追趨什五肖化之會督學使者歲試士拔公異等禮博士弟子時公方舞象耳

袷服容與眉宇間英英也引禮君喜以其質爲公致賓客多所交遊而學亦日益進又十二年而引禮君老倦勤公始去遊北雍交六館士六館無不人人爭與公結內公尤善談謔幸意爲詩及古文辭往往中諸程度于是公之名聞北雍矣既卒業歸江孺人暨引禮君相繼背棄公爲三年喪讀禮杜門哀毀逾禮自是長貳以下爭內履與公遊者如在成均時也居數年往謁銓曹授穀城縣簿殺城楚汲邑也民多逋負往吏覲爲東溼民寧死獻

朴不肖輪公至乘廐馬問諸陵谷諭以急君之義
于是爭車擔以輸而竟以課此襄藩王儼廩在穀
城者歲不下千數且莫仰食之甚急而有司靳不
予公獨予之倍疇昔也于是王慌而問遺之有加
會邑長以它故忤當路檄公攝縣事公益殫素長
推誠與四民游居三月而士若民驩如更生無何
陞淮藩工正而公不就遂掛冠歸穀之薦紳若士
爭以辭祖公贈之言多司篋焉蓋是時公始生二
毛羣邑中長者爲會擊鮮釀醇黍肴考鼓不夜分

不倦望之若香山洛社中人公性謙急寡容受以
故未老而矇然中局朗如與人無城府尤雅好賓
客引蒲舉白意伴伴自得也迨暮年而手足忽不
仁猶疆起飲賓客值朋舊賓致之必肩輿以送雅
歌投壺卽目不能視而心不衰也今年病轉劇遂
一夕卒爲萬曆十有九年十一月七日也距生正
德十一年十二月三日得壽八十有四云高孺人
性行具載余兄所撰志子姓婚嫁亦具獨翔麟生
男子二人則權厝後事也翔麟等以公卒之明年

二月望日啓母窀穸與公合塋趙氏有子石麟得耐
斐何子曰竹林七子範馳驅者怕必少之苟解于
天倪之說則皆翩翩乎高致也余少時見公從先
別駕遊既約爲婚姻則又見公之從余兄遊大都
曠達不羈慷慨酣歌醉輒起舞爲壽歷少而壯而
老如一日也高孺人佐公致賓客至以旨畜漿酒
甲一邑性亦坦然無町畦昔雅德之行理有固然
耶孺人卒而公墨墨不樂也蓋無復佐之致賓客
者耳然每譚及壯遊勝地愀然悵然已復惓然泣
下其猶有昔心乎卒之先一日進余姪至其寢所
呼盤餐對飲而不下咽矣惜哉公蓋余三世已來
所董見者也其有七君子風乎銘曰乃如之人碩
且褻入比于經出肖于權相以碩人終其天年有
丘巽然松柏之丸然君子之阡

明故陳隱君墓志銘

扶溝北八里許曰軒庄土著稱大姓則陳氏最隱
君固諸陳裔也自其始祖興配孺人張氏生凱凱
生俊俊生敬敬生騰騰配高孺人有遺腹子曰珠

卽隱君之字仲琿者也初隱君之死其父騰也億
揣之七月耳陳之族其不絕也如綫矣高孺人既
稱未亡人而如晝燭則日夜顧天願生男子存陳
氏聲鳴嗚不休也既三月而始生隱君則又藐諸
孤耳高孺人用彊撫之蠶沒修賦畝業卽厚徵天
李家不至廢者亦無能更事伊吾矣迨稍長有知
識高孺人爲話其父騰面頰則獻獻然又話其貌
孤時所爲外禦其侮而內撫摩也則又於邑然已
乃指田塍授之及所爲拮据辭院狀也君長號什

地奮然曰予往見富貴之家衣冠甚偉且而羸牛
馬積貯擬素封也則何獨遺腹子微而貧請自茲
劬農以圖生計絃誦之業俟之我兒子矣于是始
用勤以饜蓄僉儉以縮流費不數年而家用饒營
夏屋居高孺人倉廩實牛羊茁矣會其配胡孺人
舉子君命之曰自修謂修而不墜之業期在子矣
已乃遣之學不就君曰未也十年樹樹百年樹德
其俟吾孫也居頃之自修舉其子其縑始髮鬢岐
岐然君抱之喜不勝稍長卽又遣之學而其縑卽



能學迨已丑果錄博士第子員而君沒已三月矣
嗚遂令君求一望見其子若孫之榮而不逮也造
物苦人若此君賦性骨鯁與人無城府自少至壯
至老無爲一不法事族黨姻舊倚之爲平迨晚歲
而質行纒于鄉它如葺浮屠飯比丘必亟爲之又
杖策遊太和諸山卽喜譚果報化其鄉人覺覺也
死之日拓產逾中人甲第粉楮爲諸陳右族其纊
旣家鉛槧業尤多長者游斌斌乎草昧而文物之
也君可謂不負其初志哉君生正德十四年二月

十九日卒萬曆十七年六月二十三日壽七十有
一子一卽自修娶郝氏孫男四長卽其纊娶董氏
次其才娶李氏次其志聘高朝女次其士聘高三
星女孫女六一適翟五俱幼曾孫男三曾孫女一
亦幼墓卽其家軒庄之野葬之期爲萬曆二十年
十一月初四日也銘曰碩果不食天乃全行侔于
天祚乃延洎北之阿卷然有牛其眠利用爾后瓜
瓞綿綿

明省祭官嵩谷高君墓志銘

高君名洞字子隱別號嵩谷髯而魁頽廣頰豐頤
目炯炯節俠丈夫也余與定莫逆歷少而壯而老
嗟今即欲一望見其人而不可得矣傷哉其元嗣
諸生謙哭而辟踊攝其狀來請銘曰此治命也余
聞之轉悲按狀高氏舊西華人 國初諱德者東
徙凡再舍爲太康之長營遂占籍家焉歷巖巖異熊
四世生仁仁生丈夫子三人長卽君母王孺人出
也君生甫四歲孤故不竟于學然雅自彫琢修行
誼旣長能其家卽雅好賓客往往多長者交游則

長者心儀之也咸思見其才乃從旁從通使辟藩
功曹君旣爲功曹而饒才智又剽輕便捷可經營
且通曉文意善楷書蓋藩大夫以爲左右手也旣
竣役如京給事皇城門卽皇城門之事治也例給
冠帶省于家君是時始生二毛而元嗣諱方有聲
諸生君稍自意得益折節游賢豪長者擊鮮釀醇
蒸棗考鼓滌漫不禁一時遠近縉紳士無不知君
名而爭結內者門外爲之結轍然母念于父無一
日之養泣謂古人云父母俱存一樂也孤不幸不

及侍先大人而得待母亦知有母樂而已乃幸其子若孫事孺人惟謹每為厚供具微姻舊畢集輒起舞為壽悽悽也孺人亦為之解顏居無幾而孺人病且死君哀號逾禮暨奠欲迎其父視于家或爭之以為將不利君曰人子者不及生事其親而死求利至暴露于野不祥孰大焉茲不腆獻廬固先人欲再遊以見子孫親猶也竟迎致薦信始合墓達者高之先是君少且孤也仲父守田公實撫之君既辟藩司椽度無以報仲父者乃請諸潘大

夫斬翰粟露爵致仲父潘大夫嘉其請薄所輸而予爵一級君歸制冠帶聚朋舊泣上之守田公為遷謝感泣下客亦嘖嘖稱高義不容口君元配齊孺人相與甚莊終身不置媵妾尤厚自攝養少疾疾治辛卯以序當謁餘曹且東裝行而手足忽不仁猶彊起善飯一日呼子謙令治具延姻親來憮然太息曰予少也不幸失學問既壯遊刀筆非其好也往見諸同役僂僕事主者嘗不得懽心坐廢事誅以萌死者仰瞻金紫若天神然予竊惆耻之

今幸免于墓稽子產董一夫自奉賓客之外囊若洗也是所爲免于辜耳且所仰金紫人豈生而富貴鉛槧之清貴也若等非若予少狷良可茂勉至生平快愉獨以多長者交匪予足以厚長者則長者鑒予悃素耳今已矣從前想舊遊之地如夢也于是慷慨自舉酒觴賓嗚咽而別明日卒正寢嗟若君者其殆伉俠好交死而後已者乎有古春申信陵風焉君生嘉靖八年四月二十九日距卒萬曆二十年二月二十三日得壽六十有四子二長

卽自謙初娶余兄子早世繼杜氏盧氏次自卑娶王氏女二一適王納言一適馬汶孫男二長聘王九崇女次紀兒未聘墓在祖兆之楊葬之期爲卒之年十一月二十八日也銘曰孰茂而形靳于而榮孰貴而身取償而子孫孰能不波而所取之靡多陽夏之西于五十里考而之官依其祖妣鬼惟樂乎深松茂柏曷維其已

故周母楊孺人墓志銘

楊孺人者邑大姓瓊之女也歸于周蓋于是稱周



母云孺人之幼息爲余內子故余稔知孺人及孺人之卒也乃志而銘之按周之先爲鳳陽人曰大公者徙扶二世成輔三世榮四世剛五世爲義官公魏巍舉子二次曰枕以德壽賓鄉謙固孺人夫初義官公爲其子擇匹也斬得佳婦環珞謂無如楊賢於是加禮幣焉再踰年而孺人來歸事其舅姑以禮鄉賓公以別戚以媿壺內蓋井井焉鄉賓公有祖生產不其饒孺人爲節約盡省鄉賓公忘知所謂不甚饒也於是得日游名閭問譚諱暢飲

所在以絃歌娛而孺人又爲精庖饌具器皿咸當鄉賓公音指周之族大於扶矧孺人伯仲通經術爲文學弟子憐念孺人特甚每爲周貧贖助舉婚奠無解已時顧孺人自奉則衣布食蔬安如也於是又無不多孺人者居嘗觀周之家好積而乏孺人術嘆曰鷓鴣成鷓鴣蝨負蝨寧有種耶於是勉其二子學頗有和丸斷機之風既而苦不孰且又奪諸家務孺人復嘆曰菽根不麻矣奈何會邑長辟賢能者克曹掾或迫長公孺人曰于公高門非丈



夫事哉命長公就且使其次公亦入粟拜義官爵
是雖孺人之志不償所目觀二子之雅沉潔行推
鄉邦間足多已乃孺人之心轉益望其壻癸未春
余始舉進士一日携內子謁孺人翟冠翠翹孺人
執之泣曰幸及見此哉既而曰若貴以夫蓋善事
也余內子亦爲勳客及余受命山西携內子以
往不一歲而孺人之計聞已噉乎孺人生名族偉
儀貌性寬弘無忿怒既嫁能于翁姑固翁姑之賢
能于夫亦賢翁姑之賢暮年能于子亦賢其夫之

賢且孺人好儻神每伏臘奉藻醑惟謹則玄理又
必賢其翁姑夫子之賢乃何爲遽已也悲夫余爲
位哭且痛旣而詢其死狀則念其甚甚因病癯長
公給之曰何氏妹來張目不見忽不豫凡數四而
卒余爲之哭益痛噉孺人雅慕儒服董見其壻又
不及見于瞑目之時感矣哉孺人生正德十五年
六月二十二日卒萬曆十二年七月初四日得壽
六十有五子二長卽曹掾君繼述娶壽官龐閭女
次卽義官君繼震娶庠生李訓女女亦二長適張



公薦次卽余內子孫男五曰之韻娶劉志才女餘尚孺孫女二曾孫女一亦尚孺繼述等將以卒之明年二月十九日薨孺人祖塋之次云銘曰孺人曰生亦既考成孺人曰死有孫有子雖死不死永終令止

明處士西渠何公墓志銘

何氏固淮安人也自吾祖武廕公始別族于扶溝歷公至異公竟公清公江湖凡五世稱小宗公江湖有少子曰守先卽所號西渠公之字邦孝者初西

渠公之少也未週歲而其父虎母王孺人撫之影相吊矣故不能學問而家亦凌替迨稍長可堪家務王孺人志倦勤公發奮勤生務本奉孺人朝夕無緩何而孺人死時值歲大侵公廢著供寔宍之役日號泣墓側以爲屬遭家不造生未備甘脆而虎歲重是無人于禮也如情何已乃移未盡孝友其兄兩人終身焉弗替也而聲稱適閭里已至里中有欺給不平事咸就公質公立判其可否迄無後言自是無遠近誦德慕義謂能急人之急愛人

之憂出肝膽而無城府也必西渠西渠云一日儀
封人郭朋夫婦輓鹿車謁公氣笑然貧穢也公憐
而予之一餽舍又假橐中裝使小賈既息羨幾數
千金遣其婦逃去左右曰公欲追之公曰休矣此
夫不義安有婦不顧而違念主人翁耶更令引其
妻還儀封乃罷癸丑歲杖溝有柘寇至人民繹騷
公走爲邏卒所得白酋長酋長聞公語壯命釋之
會有崔橋人李寶者亦在賊中矚公之得所請也
瞑目相視睥睨發裂公爲給酋長曰若余之親舊

也老無子不可濯軍吏寇因伊釋之相與來奔寶
以是德公之活已也既去而問遣者老不輟蓋公
賦性勇敢多機智好施而無所責于人其梗槩畧
如此然每以少失怙恃不學問爲平生歎勉強取
古英烈傳三國史讀于文意稍有所解悟鬚髮指
飛動譚不置口乃昕眇勉其子軒學用是補博士
弟子公稍爲愉快而軒又數奇屢不利有司公亦
不色愠曰成敗利鈍自有王者第不廢伊吾它何
足喜愠哉達者高其言公自少惕歷甘苦形神強



固詳疾病晚歲益厚自韜晦葆貞鎮定矍矍然健也今年二月忽不甯猶強力善飯延至三月朔日卒為萬曆之二十載也距生正德乙亥七月初六日得壽七十有八配常氏尚健子四長卽庠生軒娶宋氏次某俱早卒又次軾娶劉氏繼張氏女四一適劉三才一適劉繼周一適庠生黃甲一適許嘉謀孫男二長振羽聘王稅女次奮羽聘黃應東女孫女五一適張演禮一適徐輔教餘俱孺軒等將以是年十一月二十八日葬公上村岡祖

塋之次先期來問銘余于公為別宗姪既稔知公而又不欲隱逸之人遂同草木腐朽也乃志而銘之銘曰巨靈南來奔如萬馬綿亘盤亘自天而下孰臥其麓大明隱者豐草芊芊高風洒洒百千萬年徵于松楸

雜文

扶溝惠民河石橋頌

併敘

先是扶溝東北維石橋告成余兄職方氏適奉使過里里人相率詣余兄述所為橋狀請紀其事業

爲記勒之石其河流上下經營始末橋梁規制協力輸警明且悉矣則里人猶欲侈諸頌美媮快大工底績也會遠左有倭警大司馬議遣將出師責專職方于是余兄乘傳詣京師瀕行屬其弟光使畢其事余惟易曰利涉濟乎難也詩曰造舟通乎險也故徒杠載舉王者以之惠下乘輿濟人軻氏以之譏僞是河實溱洧下流呂家潭又中州陸海刊木爲橋是惟故智一旦秋霖夏潦百川灌河如堆如阜或磨或切雖以殘鄧林之梗整徂徠之松

猶恐不支常爲涉溺于是土人相率撤木而石凡十稔而僞工闕其始以可久紓其終而未逸若彼乘杯渡河羽毛填海徒聞于耳未接于目目之所覩事之所難以比于是未之或先是不佞之快觀又余兄之嘉命遂忘謏陋聲榆揚

頌曰滑消南馮榮繞桐丘夷晏成潭沈斤爲洲千家蟻聚水國龍漱繹昔工妙架海維洛引弓擊水浮童役鵲伊制既觀造舟爲畧維茲舊制橫組百尋斡竿而維連艘如林奔湍既笑或撥或提是曰



舊貫實非遠歟天開吉壤神啓人謀大匠藏事百
工既鳩乃興徒旅譽石名山我鑿齒齒我載連連
行材盡割合異爲堅殿制伊何盤根玉哀超涯絕
壑形若蟠蚪不露虹飛不雲龍游南馳淮泗北奄
雲蒸駢駢歷塊殷殷間關控扼戎寇襟帶河山彼
狂者蕪仙踪是求鞭石入海萬姓爲仇孰如是役
電拖雲構大壯天啓我工既集維神赫靈維民協
力瓊琅勒銘百千萬億

題 敕命碑後

商人祀先而本秩祐以爲詞揚世德以信後也我
考妣今日之 恩益蓋曰猶舊聞哉余不肖有先
祐之思矣當在嘉靖壬戌歲先考嘗令廣宗優調
邢臺報績所爲勤撫宇兩邑者衰然爲畿南冠旣
稱職例得給告身 封父母也會當事索重賂不
入靳不予無幾稍遷判河間督上谷糧餉時黃酋
新破石州駐牧近地先考爲畫策擊虜帳功在發
縱計 寃數且目莫下而舊有憾于邢者方代攝
縣事爲飛語中之二千石某亦嘗以他事相左至



是相爲縱臾而目錦之禍成先考遂解綬歸當是時脫使際清夷秉直道當其功能寧使衰榮之典待今日哉然而吾先考固自信于心責償于子孫之世者如持左券居常傲不自兄弟而勗之曰維是昊天之不易鬼神其不鑒於孤貞以席予于荼蓼尚日夜悔禍勉圖其世業以焜耀我宗祏予將以不瞑之目俟異日時余兄弱冠余方舞勺日夕相對爲楚泣而狂魃蜮鬼時闖我門戶期年余兄舉于鄉余亦補博士第于自先考稍爲媿快

而里人業謂之有天余兄弟方拮据本業以顯父母無幾父若母相繼背棄居且凌替比成葬家蓋徒四壁立煢煢在疚復相對爲楚泣當是時也余兄外攘彊禦中調宿春灼頭濡足無遺力俾不肯得壹意本業以故日騰聲譽序歲壬午領鄉書明年登進士第授山西曲沃縣令既三年考滿家

聖恩推所自生復先考官贈先妣安人時余兄亦登丙戌進士授長子令又三年考滿故事閑住復職者遇推恩例不進階余兄抱政帖號泣以爲



無能伸烏哺報慙負天矣于是具疏千餘言新
思法外詞哀懇到當事猶執例難之上獨嘉
乃于情以問主爵主爵公宋闢白政府申公曰是
人子也蓋代之請疏報上霽然下明命贈先考
承德郎錫之 敕命與先妣並階六品著為令甲
後凡兩子同有官相繼考績者無得以恒調拘嗟
乎 恩寵之設為旌伐報有德也先考為宗邢狀
余少不及悉至其非食惡衣日役役塵土中靡朝
靡夕而無所勸答者固不肖所親承而目觀之也

常隱度余兄弟即恪守轍室無敢踰越而焦勞泊
澹曾不逮什之五乃 寵褒異數逾涯分得之豈
冥冥之中固以慰先考未瞑之靈與此先祐之可
繹思者也不然以子貴者從其爵天之制也豈其
階六品光復舊物之為媿快乎第以余先考之伐
當逮吾王父母今且未能儻亦有無棄舊勞守在
昔所為日戒而勗之者猶或可觀也是天幸也非
不肖所敢知也請以先祐卜之初先妣之得 贈
為安人也在萬曆丙戌思焚黃馬嶺勅 寵命于



石念無以慰嚴親不果迨是始償夙志會不肖將
使事山東過里舉大典思以彰 皇仁汪濊破常
調之恩恨不表十丈石揭 恩綸于考妣之墓其
載在碑陰者左以書余兄陳 請跪而右述區區
之懷並以信後之人云

何氏宗燧跋

祀曰七世之廟可以觀德夫大宗之廟五七世則
祧始祖以進六世之禰制也廟七世而不祧則祖
德百世矣故祖有百世之德而後有百世不遷之

廟亦制也我 國朝王侯之廟畧倣諸古而臣下
大宗之法不明惟武弁世祿之家爲大宗而鮮克
有廟文臣起家寒素無世爵之祖惟遵宋儒小宗
之法而立四世之廟徵曰君子之澤五世而斬顧
武弁纔以功得世爵便爲百世之祖若文臣起家
農畝以明經爲弓冶類能化農爲士亦世其業矣
而不世其廟者何良由儒業可世而子孫未必其
克世若制爲百世不易之產始可以爲百世不遷
之廟蓋以業爲爵則小宗而大宗矣吾家自先別



駕以上晦迹農畝無章縫業我先君以明經起家
愚兄弟承之皆嗣科第吾子若孫童穉者又兩世
矣此皆先別駕之德也添當百世廟之而未有百
世之業顧吾家世產先別駕皆讓于世父我先君
不階尺土創業几千六百畝此非先別駕之世業
乎不肖欲以此立宗業而兄以爲侈乃酌中制取
常檢田千二百畝以立宗業俾宗子世世守之以
供百世之廟祀若曰是先別駕之世業也業在則
廟在而又設之法以永其傳自宗矧立而吾家有

百世之廟矣顧不肖之身亦別子也眷甲第自不
肖始無百世之德而幸又有百世之業第不知後
我者有不肖之心否因書此以望吾子若孫焉

報政錄題詞

余既按畿南政事會余兄治長子三年當報政吏
有持一帙觀余則余兄之所爲長子也補弊者什
三解化瑟而更張者什七所爲條催徵力役更什
當五夫余兄少不問家徒至斷斷握筭余未之前
聞也乃其爲長子若此則長子肥而余兄所以得



藉手無 上命之隕與獨竊怪齊魯報政不言國
計乃者大司農徒謂無以佐縣官之急而諸在當
事遂不揣唯錢谷是問聲達響赴標豎影隨至封
疆之吏亡復念民疾苦大司農又亡能惡貳而焚
衣其何底止哉夫陽城政拙世爲美譚今大司農
卽以陽城寬辟吏誰肯自陽城者是使 熙朝之
顧出齊魯下乎良士夫人始不得不先計圖之矣
先計者其用心必勞而及民必深譚者不察微以
某固從考績之列不及于同類而共觀之與此余
兄所爲錄報政而余之所以感也

刻先君存稿再述

光聞著述表豎高出于漳思而顯晦久近至不可
齊者遇也昌黎文起八代之衰乃沒沒塵土間得
文忠而後耀則天下之沉陸而赫赫也類是哉我
先君自髫齡治博士業已見錄于司衡弱冠魁中
士人咸謂文章事功且大明寓內矣乃屢上公車
不第始留心古文詞詩歌多艷慕唐李諸家而彷彿
之後葦仕一郎甫再遷而棄太顧此阨塞偃蹇



卽令昆季少陵馬行韓柳誰復問其工拙所幸角
缺齒子俾不墜其裘之緒吾兄學焉而得其慕述
不肯學焉而得其吟咏宗工大士腕有垂睫而問
所指受安敢蔽先業以自見嗚呼顯晦久近有所
以幸之不敢必思闢揚而永久之則人子之至情
也先君困于建豎冀將來有褒崇之典在晦于作
述匪是刻異以表見是刻成而揚先人之光未可
知也暴先人之短未可知也第不忍辛苦生卒卒
關沕無聞於世卽其中有一語合名賢軌躅而稱
諸異日口是其所爲製也則不肖有厚幸矣

寤言鈔小述

詩詠寤言志隱處也夫人情靡寵安恣則適置埋
抑則不適有所不便于適也情必慙而逃之逃之
不得必咨嗟自鳴詩心聲也其孰能匿是故讀彭
澤之篇者千古想見其人蓋亦鮮矣余以爲唯內
境弗定耳假令境緣空盡蓬累而行有餘適者何
不得其平之有餘少落鬼自適嘗夢身爲比丘耽
空守寂浮湛儂俗舞象始謂書漫漫古文詞又數



從夢中吟詠覺後猶能記憶遂雅好李唐諸家言
毋儼之偶一語肯似輒私喜如忘困頓迫入仕隨
在吟味官况蕭然竟以蕙桂之性與世齟齬三投
外吏至旁觀不能平然于貯心甚適絕言弗懟矣
獨念家在清上有田一夫強半水涸時垂綸陰翳
中兼段鷗鷺皆吾適也所謂永矢弗諼意其在茲
乎夫弗諼者不怠內不怠內則必忘外余所爲寤
言得無翕近名與乃余之意唯是諗諸當世若曰
是已不用名又奚以榮辱澗之也詩之工拙其何

敢知

扶溝水患圖說

扶溝水國也平野紆徐河流澎湃礮堦土之中
大半魚蝦邇年以來河伯肆虐歲比不登才遺之
民莫計所以生之賴祖父母父母者加意撫摩極
力捍禦董董存十室于千百之中而逃亡比屋夫
不意窮民寡弱大爲隣封所震懾不忍言敢一鳴
于天日之下扶溝五河交灌其最著于古者曰蔡
河上自朱偃鎮下達西華以入于沙河者也次曰



溱洧自上新鄆歷鄆陵遂抵于扶溝者也鄆陵野水舊皆注于溱洧之中一旦淤塞故道溷爲三十六坡皆隣于扶幸有秦家岡者居扶之境上以障蔽之鄆陵人不思躡溱溱洧而直欲創鑿此圖以洩水于扶溝之野木一洩而扶爲沼矣幸賴二三明府察其奸而厲禁之扶溝之民方得免於陷溺忽不意蔡河下流至西華境上者又淤塞而不得入于沙河第躡通之不出十里而卽入故道爲安流矣乃西華人又不思所以躡溱而直欲杜塞蔡

河以嫁禍于扶溝初起告杜者猶在鯉魚灘爲華扶境上其計甚拙而無救于濕漑之勢昨乃憑藉有力者以凌轢乎扶人葦店負土入扶境之內三十里而來杜河于張善渡口此河一塞而扶溝之民其魚矣夫蔡河入扶之境浸淫衍溢抵于張善口之北者溷而爲呂家潭滂潏決奔勢若滔天然而非一蔡河之水也上流有大溝河小黃河雙泊河白沙河總溷爲潭而獨賴蔡河以洩之類年以來稍稍泛濫輒旁干潰出不得已而新開惠民河

分支流入于溱洧以殺蔡河之勢然衆水所聚而扶處其下勢若建瓴且暮莫必其命若一旦杜塞蔡河則惠民河勢不能容必且壅激水勢以灌注于扶溝城郭廬臺蕩然一空扶溝何不幸而遭此毒手乎夫此蔡河也其來久矣岳武穆屯兵朱偃而夾蔡河爲陣者蔡河之上流也羅敷謝金以死而委身河流者蔡河之下流也千百年之古河未聞有議塞者乃西華人指之曰此張善口也獨不見兩岸之樹大可合抱羅敷之祠枕于河流此豈

一時之易得哉華人雖甚強有力矣何至入人心腹戕人命脉殺萬家以自快也哀我扶民亦人于也鄆陵決上流華人杜下流直欲以扶溝爲壑而不思此圖此河皆天造地設千萬年之古跡而一旦逞白圭之智咸壅水而禍萬家之邑臣請先父老而蹈東海耳不忍見城郭墳墓爲強隣悍吏所魚肉也哀鳴激切刺刺不已所具一言不實以誣隣民者有如此河

心一居士說

中家集 卷之二 七
一則不二其辨在心豈直吾儒持之爲作聖權卽
釋之禪定老之抱元守一皆是也顧釋之一有體
而無用頓令際上乘終寂滅也老之一則又治內
而遺外術可以致邈舉亦虛無也若夫德用清明
身用強固施之天下萬世無所如而不宜則吾儒
之一也彼二氏者幾曾越此故曰同一心地法門
其言俚其理一耳故君子取釋之一以治心取老
之一以保身以此而推之天下亦吾儒之一也而
一以貫之唯此心耳不識可以居身否

太虛山人說

山人姓梁氏世扶人也年四十自云偶有奇遇嗣
是大言狂笑人以爲痴而山人不顧也日漸脫畧
家務連納五婦人而與之居日以井臼付五婦人
而昂然鶴立若無心于生人業者以故人以爲痴
而山人不顧也每見余輒欲有言余但禮遇之不
一過問及見縉紳大夫問之又詭詞不對以故人
以爲痴而山人不顧也余聞而異之乃叩其言歷
歷數中肯綮不說于道始知山人真有所得不痴



也既而自恨其不工于儒且陋其名號之不仙也而免予更定之余曰號以志人號所好也子之好非抱元而守一者乎夫一元之理恒麗于氣氣者心之用而道之藏也心導乎氣氣歸于元元返于虛道斯立矣古人有言太虛者氣之始也探元溯始吾子其太虛乎乃申告之曰大聖之樂生于無心有心而痴不若無心而忘忘之又忘歸于太虛虛極而生是為玄牝之門為天地根其是之謂與

漢孝烈將軍像讚 有引

何子曰甲冑而橫行者多矣丈夫矣即其中未必不愧其甲冑者剽外邪而圖之何益將軍以女子受甲已可圖然不愧其甲冑也又可圖至終始不識其非甲冑士也則又圖其外而不克以圖其心矣若夫甘受巾幗而具鬚眉者觀此圖有餘愧乎余故貌將軍而為之讚

於維將軍涵淑奮武投杼請纓斷薄虜雲韞鞬
肇十歷星霜解嚴奏凱返厥靚妝維親商耆身當
廂豹懋功遜碩於維厥孝騶餐飲飛楛卓殊功乘



隄守鄣於維厥忠杖鉞擁旄屠營拔隴摧陷折衝
於維厥勇溷迹戎伍縵胡橫行十年一節於維厥
貞勛勒旃常爵賞不次不靡靡纒維厥義氣潛形
臣耀終始一心難窺涯泐維厥深沉易貌者容難
貌者德千古高風金聲玉色踔絕寰宇冠冕人羣
尸祝萬禩於維將軍

題本來圖讚

貌歷生平志亦可考急公憂人措眉到老忠而見
疑恩怨顛倒爾宜戚戚顛覺浩浩既無三閭之怨
驥而有澤畔之枯槁我今對爾如對客君却視我
如秋草百年之後我爲誰兒孫得爾以爲寶

洎濱大父手植檜贊

培之深肆其森森尋其幹無令枝散既漑既屯若
忘若存毋務華而絕根奕世其繁

武學教授杜魯菴像贊

英英丰姿有威有儀行也中矩思也中規持壽願
類持觥解頤窮經皓首袍帙低眉藝不見售逾數
之奇章逢之士爲弁冑師函牛之鼎烹雞用之匪



貌之不奇實生之不時惟箕裘之素業百世本支是曰玄理之可期永稽於斯

儒醫雲林山人像贊有引

山人鳴於醫有年矣好事者愛而貌之以布寓內索贊焉余稽太史公謂人貌榮名寧有既乎山人榮哉山人江以西金駱產也文西園翁嘗以醫動我梁豫生山人而訓以儒儒既逝去讀醫畫父之技復携壺遊穎汝間穎汝士爭接納也有投輒效已而京都諸縉紳無不知山人者延致之遂懸壺

於都市都中自高使相而下咸賓禮如不及定西蔣侯尤慕其醫而儒也俾冠佩列於醫林而鄉狂者益聚然山人愈自淬也日取岐黃家言參所父授者為醫鑑繼之餘復有是帙焉持此醫寓內則所生活者何限量也脫令人時之杏不啻林矣因梓其帙曰種杏仙方貌厥狀而弁之迺何生為之贊

曰梧顏魁度星眸龍頤伊誰之丰清夷世醫業以箕裘材以瓌琦仙終儒始遇賢玄思藝圃遺雋壺



天用豔修能標舉我博是宜是海上之安期或青
牛師愈曰想見其英姿請稽於斯

李楓宸像贊

儒而窮于人何功苟生人而壽世塞也為通惟登
惟相調變位同况老氏之仙宗抑黃石翁人貌名
榮奕世其崇

河西廣愛議

捨酋犯順則我以驕于畜之過也互市以來名曰
市之實則納之譯也而不敢問索也而不敢拂壁
治中國之利而彼得有之宮室服御中國之有而
彼得竊之猶其小者也甘肅為華夷門戶屬番處
其內蓋門戶之監實隴西之屏也其為虜驛睨思
甘心也久矣往以假道禮佛為名實則取虢兼虞
之智當事者第弗深思開北牖延之矣往來既久
為孽滋深遂遺內免一支潛處內地名曰駐牧實
則侵番當事者又徂于以夷攻夷之說而漫不應
援侵之既久諸番皆順則甘肅之南固皆捨酋之
有矣藩籬既去孰制出入番夷既剪漢軍為敵而



關葢之革又懼夫禍之由我作也日夜隱忍而彼益驕縱至漢軍損其一人抵罪而彼損漢軍卽數人納羸馬饋之而已此何等法也玩愒愈久遂謂中國無人狡焉而有河西之役則文履霜之漸也嘗聞其設三策矣上者取臨洮越鞏昌侵西安拒關以窺山東然後取洛陽分兵斷漕絕我咽喉次者取宣大以逼燕京又次取錦城據天下富饒以觀其變塞馬一鳴腥風滿地三娘子保其舊壘火落亦掌其中軍白寡婦爲之前茅而中國反側之

子如計龍牛天麟者壽盡其左右稽首猶甘言誑衆以爲彼固無忘國恩徒以歲時之不易糧盡兵窮聊就食苟延也其意蓋欲老我師衆掩其不虞以求得志卽不幸天厭胡風挫其精銳猶思合茹市賞爲退步榮耳此其計亦詭矣哉假令果如所言何其渡河以來無大椎剗也稱千之士青衣而紵帽也又何其秘封將軍而去順義之稱也其志蓋不在小矣譚者不察匪曰停其賞格使之改省則曰攻其不備搗其巢穴匪曰堅壁清野老其



師衆則曰背城決戰殲其羣醜言者聚訟聽者厭
聞嗚呼肉食與謀其何濟之有夫所謂停賞云者
惑其甘言之遜耳使彼得遂其謀其以賞爲重耶
否耶卽欲攻其不備先當問其虛實儻一爲所誘
而邊陲不可問矣且彼軍深入掠我鮮原被野禾
稼其芻糧也布散牛羊其養牧也我軍糞糧以從
而復欲堅壁以守無論以有限飛輓待無方剽剝
而彼食我我亦食我孰緩孰急何謂老其師耶若
欲決一死戰而邊疆之士事虜非一日矣平居畏

之况臨敵乎其不韋也明甚儻一戰而北則我軍
畏膽彼勝長驅其何以禦之事在懸眉竟無所畫
未有如此時者也此猶皮腹之疾也至若九邊之
士憚上威靈軍死而不敢報機失而不敢聞虜
深入矣止曰侵凌虜鳴張矣止曰犯順虜騎十數
萬而曰六千相據已旬月而曰月餘是塘報之未
實也爲彼所困而曰退守爲彼所慘而曰血戰殺
一虜者稱功損萬人者不問是功罪之未釐也上
下相蒙聲實溷亂詭言沸興天變示異太白經天

百虹貫日此何等祥也而榮不為恤又聞京城內外多潛細作其法偵探之使以竊午門金釘為令得一者爵二級此固未可盡信然自正月以來金已三失矣抑何故耶即此推之何事不可得聞又不止抵報之傳抄也已邇者天威赫怒專大臣以職經畧等其名寵假以便宜野命一出信可以壯華夏之威寒氍裘之膽犁王庭掃虜穴繫單于之頸而勒燕然之石矣顧所謂經畧云者猶治絲而理其亂也必使遠我門庭復我屬番絕禮佛

之路歸反側之俘冠履之分攸明而出入之防聿峻蓋將計萬世之功必非塞目前之責者也竊恐疆場之士好為因循樂襲故習陰則私和陽稱款塞養虎遺患抱火厝薪雖以邀一時之功名必非建萬世之長策將連和未幾而反側猶故將來之事不墮其榮不已也河西其可問哉但兵貴先聲謀出萬全西土久惰而已無聞志欲募丁壯而糧芻不給寧夏之軍似可調也而藩籬一撤恐生他變至若戰馬則不足器械則不備軍需則不敷先

聲未振何謂萬全敢借前著則不加徵兵之爲得也欲徵兵先議餉丈破格三懸賞蓋聞士不宿飽難以用命徵兵遠臨食盡則離况無食耶守軍雖有占籍調發由于主帥而他如亡命逋逃何者非吾軍乎然有軍有食賞罰不明未有肯出死力者矣是故爲今之計合無行令趙魏齊梁之間各籍守軍之精壯者以原管督之待其調發而遭寇礮賊傳檄馳諭赦其已往許其自新令籍部落以聽指麾有功之日先將忠順後序爵祿一面食同大

司農以計錢谷如邊工可緩取其值以養兵可也採木可罷收其價以資餉可也市賞可革歛其費以決戰可也若夫勢不得已與其廣開納何若借太倉之粟與其焚濟邊何若登宮貯之積計誠出此何虞匱乏至于軍中賞罰一聽經畧便直行事先聲旣振後由澶關而出坐鎮長安以窺其變仍嚴諭各邊緝守信地而見在採殘地方令將擊巡邏夜軍旣壯彼勢必縮然後相機搗虛可一戰而奪其魄矣大司馬尤宜嚴諭在城人等譏察可疑

無使反側之子得潛窺視而一切談邊諸臣有如
奇謀秘計不妨削臍以投政府相機類奏舉行卽
政府經畧本兵諸言邊事者令勿繁抄內外戒嚴
血脈流貫更加修省以答 天怒如是而河西不
足憂幅祚爲益縮矣管見如此乞執事進而教之

乞休公移

竊照職三黜下吏百病餘生不圖蒲柳之易衰尚
冀桑榆之可效以此力疾受任倏爾匝一歲之月
矣顧犬馬之病尚無起時而民社之司豈容臥治

况當多事之秋值此凋疲之邑役煩賦重則調停
之獨難俗薄民偷則化誨之不易卽奔馳旁午尚
有掛一漏萬之虞矧偃仰棲遲寧無萬孔千瘡之
慮以此病中思病而二豎益狂愁外生愁而百醫
罔效力疾而疾日以劇待罪而罪日以深若不蚤
爲申請急賜放還僮使身先朝露終爲旅櫬之鬼
且恐名玷清流竟作覆盆之鬼况冲冠之髮漸短
而犬馬之齒已衰禁錮方切于言官構閔益多于
太婦白簡之病根有在而玉闔之生入無期藿葵



雖願傾心狐兔惟思立首爲此萬不得已乃敢冒
死哀鳴僮蒙俯賜轉達放歸田里則從此未死之
年皆蒙再生之恩矣

中寰集卷之九終






© 2008 NATIONAL CENTRAL LIBRARY, TAIWAN, R.O.C.



2025 RELEASE UNDER E.O. 14176





2025 NATIONAL CENTRAL LIBRARY, TAIWAN, R.O.C.




中叢集卷之十

祭文

祭北嶽文

扶溝何出九兆文甫著

歲己丑冬十月直隸巡按何出光省方曲陽例得
修祭告之典于北嶽尊神乃命祝史正辭而矢之
曰 皇天后土寔聞光今日告神之言唯神寔諒
光今日不敢誣 皇天后土之心蓋自我明箕尾
是京廣陽御統以恒山為依夫恒冀方之玄域昂



宿之精靈飛石之異冷也昔時于渾源繼崩千拓
跋以是知 國家盛衰唯神主之凡靈國殃民欺
世凌物幽明所共憤者唯神得而譴責之不災迺
今奸宄訐內貪殘靈外邪正混淆臧否莫辨世道
蓋岌岌矣唯神下握地維上扶乾綱毋容彼鬼蜮
操弄其威權以逞我國是毋縱彼貪狼烈焰其荼
毒以災我生靈毋姑假刁僧而不禱其愧毋漏網
強悍而不降之殃斯則式用明昭以康 天子保
寧萬方則亦神職之常而臣之所藉以爲維善良

者夫以光之踈庸寧自謂其寡過乃自受命以來
蚤夜皇皇 奉國典刑無敢怠荒官之不德余所
得問矣脫或自私自顧而秦越以視民生如脂如
韋而隱忍以誤國事上負 天子下負所學繡斧
之謂何願神之達于小子尤請受命而甘心焉若
神秋其靈不國是匡使奸邪尙熾而貪殘未殄大
豪猶肆而狙詐成風則名以三公祀以五鼎其義
謂何而于神奚賴哉光奉 天子之命來按茲土
素菲薄于宇下蓋一觀時事寸私蘊結是以忘其

狂僭披心噉詞非敢煩虛文以欺人倫游詞以瀆
聽也唯神其鑒之謹告

存夫子遺像告文

有引

不肖尤令曲沃者三年矣一旦遊晉共世
于祠始得夫子遺像于祠之廡下幽閉塵
埋至不忍言詢之則嘉靖時有司奉文徵
像輦而將授于河有閭生者不忍而留于
此余嘆曰忍哉俗吏何不善奉法至此夫
徵像之命所以尊夫子而不忍棄之也筆

致授河罪已不赦而幽之別室亦豈得爲
尊夫子哉失初旨矣余乃出遺像而返之
于廟置積藏焉不知者以非法爲懼于是
敢發明其義管子夫子如左

曰光閭民生于三事之如一 君命師道固兩重
之者也卽此存像一端敢請管子夫子吾夫子則
述垂憲萬代瞻仰則萬代人心羹牆必見何必肖
其像哉况肖像未必卽真少有不類反降于褻此
後世虜淫之見非所以尊夫子也幸蒙我 世宗

肅皇帝採廷臣之議舉肖像而徹之見高千古諒亦夫子之所願聞但于時曲沃之吏奉行若善弟當徹而藏于文廟之中不可遷而處于幽室之內迄今五十余年備若殘廟風用相薄鳥鼠交踐光一瞻拜痛心徹骨何者夫子之像肖之故不可毀之尤不可夫東木傅土以爲社卽鼠穴其中而不敢動何也名之曰社也况土木之像名之曰夫子曷敢毀之乎夫子嘗曰始作俑者其無後乎夫俑僅僅像人已不忍納之壙中况體貌衣冠像設夫

子而忍毀之乎且我肅皇帝命之徹像所以尊夫子而不敢褻之也非以厭夫子而忍于毀之也若徹而藏之則爲尊君之命忍而毀之反爲失君之指况幽之別室者五十余年豈我肅皇帝之心哉今光仰體我先皇尊師之盛心下全此一念不忍之至意仍將遺像藏于廟中置櫛而閉之外設木主以奉祭焉則俗吏毀像之慘既不忍蹈而先皇徹像之命亦不敢違尊君尊師以爲兩得不知于夫子時中之權其少當焉否也

祭河伯成橋文

曰濟人乘輿君子目爲小惠成成扛梁周制猶曰
太煩蓋不暫勞者不永逸不百世者不稱功是故
澤民君子恒辨之也余叨守茲土斯盼以拯溺濟
利爲務乃茲漕河襟帶橫阻通衢每一漲瀾動經
旬日公役往來者每致愆期賈旅待渡者或至漂
沒余甚憫之于是捐俸鳩工成此飛虹石劄于山
梁當於流物力浩煩動煩神運所賴山靈獻瑞河
伯效靈驅亂石以成梁翕洪流而就道橋梁主者

永鎮磯頭九龍十屬盤繞持護蛟螭却走於深淵
翹象潛踪於幽壑億萬斯年永爲民利

祭共世子文

曰維君周武之支晉君之二孝德世求遭家之季
躋盪內訂維君是忌居守新都東山有事祀母歸
齋靈舞爰自譜起既興君也曷避虎孝先忠成仁
成志慷慨從容懿德克備千古經常維君是寄生
氣英英猶仔此地修我恭嘗萬年無既庶其賴茲
惟民是庇

中興集 卷之八
祭張鳳翥元輔文

曰天鑒維明中興聖主明良應運誕茲元輔神降
中條秀發雷浦蚤奮魏科名登天府木天騰文石
室稽古先朝天養待此隆時晉秩官宋啓悟睿
思乃司銓衡表表朝儀良冠帝夢求我師資酌
元謝化鸞波風池帝謂惟良柄臣庶詐惟爾忠
誠皇輿遠駕乃冠中朝布澤時夏斐尚追跡伊周
匹亞帝年興盛不拂不徇夢誠被職造膝開陳
酬知補闕四海回春正人君子繫屬一身內安外

攘卓哉信臣功懋三朝名高百代乃值予寧遂
辭聘窮黃閣望屬蒼生共戴遺愛蒲朝帝心簡
在存問優渥龍章交齊世賢繼美桂馥蘭馨登巍
躋臞肩踵明廷簪笏滿堂拖紫紵青後先赫奕保
艾飭齡天胡不吊殲我典刑天子曰咨天奪師
保庶尹曰咨國無元老士林曰咨著慕奚考朝野
戚戚雲山浩浩異數殊恩鳴鍾用考惟予小子附
驥末尤承乏鄰土倍此靈傷山頽梓壤哲人云亡
安做安程今古茫茫東蜀載奠酒絮牲囊忠鬼不

味散于堂皇

祭司寇劉公文

曰皇監維明誕茲良輔嶽清熾靈夔龍嗣武蚤奮
巍科名蜚天府帝謂曰哲平反爾王嗣登郎署積
懋天銓園卿出試鞠瘁旬宜留都有尹障我南天
帝謂曰哲省彼巴川妖氛蕩掃靡我龍圖勳采晏
聘機參廟諫北曹肆陟金紫榮紆帝謂曰哲保爾
碩膚三朝鸞柱孤杖泉石桂馥蘭馨閭里赫奕
宜登遐笑未此光澤溢爾孝冬霄駕來逆不熬遺

老有夢者蒼瘁我熙隆空我鄉邦臯禹胡厲嬰矯
胡愆荃蘭摧萎卉蔓交芳惟予小子失此良襲安
做安程哲人之作灑泪一天愁心萬壑蓋茲哀臆
顧此明酌

祭魏崑滇先生誄

維歲集于大梁兮實有昊之降割先鉅詰之濫述
兮占泰運之蓄撥于是乎天部尚書郎崑滇魏公
捐寓明年感實在婁月貞析木友人曲沃令何出
尤囊牲絮醢載書于千里之外而誄之其辭曰

帝絃郵隆玄夷嘉禱些斗垣輒淑降而異質些紛
有內美重以修能些扞華拔藻為世宗工些儼儼
魂瑋維器維石些紛畀此慧看宜施克志些胡長
算以短日乃荖荖而溢逝些無乃傷柔黨之偷樂
通與與以求刈些好修姱而自申寒朝諄而夕歎
些魂乎歸來帝鄉不可以久些苟信姱以練要即
九死以何傷些幸靈修之清夷何修名之不永些
亂曰涼飈蕭蕭兮露為霜搖落木末兮其隕其黃
山頽梓壤兮吾將安方雲愁月慘兮天地盡傷蒸

蕙有兮列瑤漿呼掌夢兮叩巫陽其人如玉兮天
路長庶其顧茲兮瞻相翰之昂藏

祭先留尹孫慰沾諫

歲丁亥時值大侵玄理降剖于是乎文林郎孫公
捐其黎庶越日同寅弟何出光沐芳繁克莫厥宵
駕二牢既具五內如屠乃莊容而為之諫諫曰謂
皇運之不淑也胡誕詰以捐民信玄貺之有常也
胡中道而不辰既殲我之才遣復殲我之良人吁
嗟乎彼曼曼帝鑒于明明誕哲人以為良輒元精

千藍水協無終而降祥發射榮于公車志馴厯于
艸場墓雲移而翊運將鳴鳳于朝陽爰葺仕于花
封植晉鄙之甘棠迨政成于三禩荷尺一之龍章
嗣名題于帝屏揚異績于明光適太橋之入仕
幸共事于一方胡晉民之無歲相枕藉于騎乘于
是乎被肝膽竭股肱建石畫樹竒能洵有益于民
瘼卽頂踵而曷勝登期未輟乎荒凶乃竟爾贊志
以遼征吁嗟乎胡志弗畢胡德弗備胡哲人之速
萎瘁我家邦丹旌懸兮治堂肅旅槐蕭條兮靈無

餘骸身為國兮復誰如如喪考妣兮四野歔歔歸
路漫漫兮親老躑躅遺孤三尺兮哀號牽裾脫余
膝兮停余車列觴豆兮在庭除神不卽兮今何居
楚些招歸兮天路徐徐

祭杜桐圃文

維年月日桐圃杜先生將啓殯里中縉紳爰致絮
芻奠于匱前乃何子爲之諫曰維古帝之患益兮
微譏弗光載稽訓于辛哲兮微淑弗詳展猶聞于
先生兮允渥集而壽康先生有飛辯能齊蓬蒿

章夙慙行以翼登樵鵬連而振翔慕靈修以從邁
竟起趨于沿黃于是乎修甫桂礪圭璋伯超距于
天關肆鸞鷲而名揚仲高馳于藝苑季凌玉樹而
飛黃嗣茁蘭之纈紛殊流慶而未央覽詐祐之弘
錫乃溢授而慮藏無汙流以夸毗罔倚際而頡頏
吁嗟先生兮胡德之弗償胡廢之弗將胡龍章之
欲下乃宵駕而相羊隨夷胡厲踞躡胡嫉惠匪夙
摧蕭艾竟芳黃鍾斷磬瓦缶鑄錯吁嗟乎彼蒼用
冥冥兮春雲長雷墳墳兮電光茫杳良執之問卽

兮臨風悅而悲傷緜予焉兮列子觴神不來兮空
斷腸呼掌夢兮叩巫陽些招歸兮竟茫茫天門關
兮白雲鄉閭風旋兮天路長駕青虬兮騷文風佩
寶璐兮飄霞裳恍脩髯之陸離兮瞻玉立之昂藏
重修李莊簡公祠告文

曰光聞天生賢哲凡以爲民也故生有功於社稷
歿仍衛乎生民况乎桑梓之區素所爲厚而頻年
災沓早魃爲虐在天之靈當必有以挽之可奈祀
典雖修而祠宇頽圯真不足受神靈而修祀事光

惟靈墟
卷之七
泰牧茲土實用惺惺謹涓吉日爰命主者聚材鳩
工徹朽而新一以妥在天之神靈一以濟鄉曲
之貧餓伏願佑此工程夙如制散列星之甘澍
濟梓里之大侵及災為祥保我黎庶則廟貌尊崇
於無既而尸祝工獻于有未矣

祭楊介卷文

曰於維將軍奕世殊勳文開武繼彪炳人羣歿也
令聞邇厥烈祖起家稽古忠輸蘭臺詒厥秩祐俾
也繩武乃及太橋董正百寮攘夷安夏策勳懋昭

賞延金貂天錫元祉二難濟美伯冠夔龍秉鈞端
揆公也肩此天子曰都縉爾碩膚別歷中外衛
我鴻圖貳于公孤策勳天子家聲愈起佩玉
披金紵青拖紫紅顏皓齒世德允臧雖鳳呈祥替
筆視草東觀翔翔仲也承芳脩齡共祝宜此遐福
不吊昊天承應載鵬公也不祿人之云亡瘁我家
邦二三世講倍此重傷吊厥北堂乃列粵與觴乃
陳牲于房乃託招于巫陽表些彷徨庶其頤之光
閃爍于雲鄉

沃田李先生誄

曰憶載貞於鶴首兮公啣命於邊疆棧星輅於
桑梓兮幸貴我以龍光尚把袂以論交兮爰別我
於河梁胡歲月之幾何兮英靈輻於空堂呼嗟乎
蒼蒼寧帝鑒於維明兮誕哲人以爲良胤元淑於
汾澮兮協喬全而降祥紛內美而懋脩兮蚤榮射
於公行慕靈脩以從邁兮効別懸于疆場元筮仕
於花封兮植歲甸之甘棠扶異績而稍遷兮贊邦
儲於上方憤邊計之鮮克兮適射涉於殊方值胡

天之匪時兮竟罹疹以云亡量素志於暴章兮必
宵駕之相羊恨旅魂之零落兮誰招歸於還荒噫
吁歎胡昇之貞兮胡促之傷胡忠非畢兮胡德弗
償胡哲人之速萎兮瘁我家邦丹旌歸兮朔雲長
路漫漫兮載雪霜白草暗兮苦月淒涼雙鬢扶
襯兮形影相將遺孤三尺兮麟泣彷徨行道之聞
兮應斷腸矧余之夙契兮增其薰傷嗚呼哀哉尚
饗

祭呂純齋文

曰羨君者三惜君者三臨風洒淚三太息尚初對
公車班聯鵝豹標格魁梧喧傳七枝修髯陸離美
君之貌嗣登仕籍鷹宿長安中原並轡君處繁難
政平訟理羨君之官君陟稼卿我邁晉國孝友敦
倫粉榆增色表正鄉閭羨君之德貌符厥德福亦
是徵長弄短日厚享不恒政善植民遐不眉壽不
吊昊天殲我耆舊德乎桑梓奕世其尤玄理無知
伯道中郎吁嗟乎惜偉貌之弗昌惜善政之弗償
惜樹德於鄉邦遭此弗詳孰鍾之芳孰從之傷西

風蕭瑟兮露為霜搖落木末兮鳥獨翔哲人逝兮
梁月婁愴冤安可招兮天地茫茫

祭封公王居野文

維年月日居野王翁將啓殯適扶溝何出尤沐芳
潔充宰潤吐之毛莫申椒之漿諷吉庚子烝昇靈
筵倚些而誅曰維蕙鹿之託茲兮匪靈曉以弗榮
倚舟穴之嶄巖兮育鸞鷲之修翎嗟逝哲之茂德
兮允幽馨而飄靈若夫翹豐淋于鼻皇肇誕碩以
錫貞紛內美而茂修夙馳炤乎儻名結約居于洧

盤尾蕙纒而蓀環攀木蘭與宿莽紉江籬與杜蘅
託黃虞以長楸周周容而兢成信澤澤之無獸允
巍巍之景行肆迺靈籙藍誕泚幹齊芳肖昭澤之
猶衷錫練要以義方祗桂茵而纏纒佩瓊玖而鏘
鏘伯陳質于天璣寄平反于帝鄉弼靈修而翊運
將鳴泰于朝陽仲黃音于藝苑矯騰運而翔翔方
驚騰而蕙華眷寵荷乎龍章胡萎蓀而溘逝騰宵
駕而相羊吁嗟乎蒼蒼思君兮佗際忤邑鬱兮登
君堂蒸惠有兮瓊乘君不來兮彷徨跪陳詞兮襟
浪浪望天關兮嗚龍驥青雲衣兮白霓裳揆余衷
兮顧余鵬聊逍遙兮昂藏舒余懷之隱鬱兮瞻斗
極之光芒

祭陳樂耕文

乃發於型其降發愛必有型型物型于範其用不
斬必有範範我型我維師之功歸於太翁邇隆
天啓實維君子翁載篤生發祥胤祉石韞圭璋晦
迹韜光不自薦揚惟勤義方義方克造規循矩蹈
發奮魏科聲華大譟筮仕于郇循良政賴維遵庭

訓表豈無前旨秩直拍贊襄 天子遊左晉陽澄
清千里惠文有聲迴厥爲生不死有于不朽有名
龍章誕受碩膚旣奏鶴髮童顏表冠多緒宜躋遐
齡福永德馨不愆遺老殲我典刑不腆下土實維
亮李聞計驚悲重傷不已 天子予寧吾師兼行
顧瞻桑梓有泪如傾生芻旣載清醑旣薦月苦雲
愁天風吹霰楚些孔傷招以巫陽庶其居歆顧予
之將

祭梁蘭溪文

曰維嵩少之峯嶽兮熹汗澍以爲靈將降神以積
運兮啓元祥而非典匪上淑之有開兮胡哲人之
德馨有修能以避世兮發幽光而衆型蚤瑰璋而
節俠兮輕世故于飄萍志似儻而遺世兮擬高舉
于鴻濱肆丹穴之旣崇兮乃靈籬之輒翊匪渥洼
之洪浚兮胡神駒之騰駢追騶騶之旣誕兮識佳
脫于玄青乃蜚聲于菟苑兮寇鴻巨于弱齡追公
車之獨對兮允藥龍之參苓爰振羽于 熙宸兮
佐靈脩之泰寧被 簡命于巴蜀兮勒嘉名于唐

屏荷尺一之孔赫兮發潛德之彪燼
鵬翥綬之瓊燦兮瞻蕙蕙之盈庭
覽三槐之茂爵兮欣五柳之壽亭
維下矣之京德兮奉規誨于丁寧
觀松喬之矯徒兮擬鶴算于南星
宜遐嘏之永錫兮胡宵駕而雲駟
百六既角賢詰匿形使我心傷兮孰
克訖刑嗚呼哀哉

祭族父近村公文

維年月日族父近村公歸葬于祖塋之次伯氏幸我姪孫以牲醴奠于柩所爰命出尤爲之誄曰吁

嗟乎維公鍾初宇之真懿應先民之淑胤乃毓醇以肖德竟脾時而靡進器肅肅以金粟行礪礪而玉潤嗟太橋之夙類詞先業而益振胡芳棣之繼推撫遺孤以貞訓宜顧養之樹風肆敦族而成信方未藉乎楷模胡長阜而同懸顧畢央于幽明悼吾衷而撫襯風蕭蕭兮吹黃埃月慘慘兮照空臺香不可卽兮使我心摧聚吾族兮列吾杯歌楚些兮招歸來白雲兮洞開乘風兮馭雷庶一氣之昭格停宵駕而徘徊

劉母黃孺人誄

曰謂玄理之靡常也胡幽德之必揚些謂玄理之
有常也胡淑人之降殃些惟母德之允臧慶流未
央云胡其亡蚤毓淑于名閨女訓允章嗣于歸于
夫子婦道惟允佐內治以懋修惟德攸行發賢科
以筮仕遺歲旬之甘棠嗟中道以鴛分撫孤雛而
彷徨寄遺經于菽藿歷荼苦于熊嘗長蜚聲於藝
苑信席上之圭璋仲登魏以躋臚程平反於大方
肆宣猷而秉憲寄耳目于幾席更孫枝之並茂將

蘭桂以承芳美程服之輝耀且申錫以龍章宜
永享乎遐福觀次第之騰曦胡一疾而宴起乘宵
駕而相羊孰畀之究孰促之傷吁嗟乎彼蒼女德
既貞弗償也些母儀既摧安做也些天涯遊子骨
立也些月慘雲愁茫茫也些烏號麟泣恫慄也些
囊牲絮酒招以巫陽也些神其來臨兮曰千里之
所藉也些

祭楊太夫人文

曰天眷熙朝賚今良翰豫篤淑媛燿光夙煥肆



溫河濱瑤蕙梁畔先後有莘伊桑共樂甄芳名閭
窈窕幽貞大橋歸相維德之行光流積厚肇此萬
生鳳麟並誕韶我休明熊允教成巍科蚤奮承志
輸忠瑣闥日近潘臬旬宜益服慈訓秉鉞登樞匡
扶景運季稱國士世擬二難熊龍奮跡幕府彈冠
孫枝喬鬱九畹芳蘭行登巍廳肩踵辭壇邇厥慶
源觀未知自眷此萬生褒綸再四翟服在堂 龍
章在筭掩紫腰黃舞斑日侍宜延鶴美永此恩光
美至流近云玄圃相羊誰促宵駕有夢者蒼魚軒秋

蒼蕙帷朝霜吾儕備員叨屬開府山斗母儀今昔
瞻伍遙望梁雲風淒月苦五路麟泣孝思終古絮
牲載醴奠厥北堂哀託楚些招籍平陽駕駉鶴馭
天路翔翔鑿茲哀悃願予之將

祭陳母王孺人文

曰惟潤之滄厥淵洪浚其流必長惟木之苞厥本
盤延其幹必芳于維名聞積善累德其流必光維
母德之允藏寶婺毓祥遂貞閨秀作速復良相厥
夫子維德之行婦閑既修母儀斯章桂馥蘭馨奕

世其昌孫枝壽壽上苑生香明王用汲雨露殊方
維母德之所備維遐福之所將維玄理之厚培閱
閱其張尺一欲下程服煌煌天胡不吊慈幃降殃
鸞駮鶴馭宵駕相羊麟泣鳥號營葵北堂吾儕小
子共事一方聞計交帛霜月婁涼敬奠東芻載此
明觴庶其顧之千里之將

祭賈烈婦文

曰惟正氣乃乾坤間值綱常爲世道彼關顧倫彛
日以講明而節義世不多見所賴以光揭宇宙爲

厚民俗者恃有忠臣烈婦以爲之楷耳爾張氏適
故民賈懷禮之妻生負乾坤正氣志存今古綱常
作配夫君克盡闔家之義雅執婦道不忘從一之
貞誓死于未訣之先矢心不易就義于從容之際
捐軀無難一身不媿亡人千載猶存生氣人羣彩
鳳文中丈夫况非詩禮之家植節若素又無飢寒
之苦視死如歸綱常永賴以獨存正氣由茲而益
壯喬金添碧汾滄增波茲者感激高風嚮往美節
行當奏爾于朝廷嗣用表爾之間巷振民彝于

中家集 卷之十一 其
顏伯之秋挽世道于雍熙之盛臨柩致奠酒泪激
詞爾其芳魂不昧英氣來臨死盡夫妻之義魂遊
父母之邦凡我良人共看懿範

謁廣宗遺愛祠祭文

歲己丑巡按直隸不肖仲子光敢告于顯考曰士
君子立心行政每不自於未定之天而恒責報於
蓋棺之後者其天定也故立心之善徵於子孫行
政之善徵于民心若持左契右不契者我顯考策
仕於此以實心實政乳保災餘之民即不敢侈言

枚舉而實政一錄具在可考可奈時方崇貨竟以
冰蘖之操與時相左即稍稍見信於當路而東政
不錄終不大用於當年若以恒人目之直一尋常
長吏耳乃今二十年餘口碑尚存去思轉劇至建
祠肖像尸祝而社稷之此何以故哉則實政之結
民也深時愈久而論愈定也夫政本於心古人善
頌而歸之塞淵者昭政本也我顯考以塞淵之心
而布清白之政則豈獨得民抑且得天乃今不肖
兄弟次第登庸猶能守冰蘖之家法效尺寸於明

時揆厥所由皆自我顯考方寸中來也孰謂天道之不可知夫政之善也徵於今日之民心心之善也徵於不肖之兄弟我顯考在天之靈其可少慰矣乎牲醴在奠父老在列庶其顧之哉曰予季之所將也

謁邢臺遺愛祠祭文

歲己丑巡按直隸不肖仲子光敢告于顯考曰昔人云有子不死有名不朽至我顯考有明徵矣我顯考太邢臺二十年餘其處心治行以及所擘畫

予當年者宜其久而忘之也乃今遺愛翁然口碑載道此何以故哉執一實以馭物時愈久而思愈劇也是故契者感實心交者服實行蒙理者頌實政待命而生活者戴愛民之實澤焉二十餘年有如一則實德之効名之所以不朽也不肖兄弟步趨家法罔敢越於尺寸圖兄業已治長于幼矣兒光叨後茲土每良夜自忖非顯考之實心不敢萌諸慮非顯考之實行不敢設諸身非顯考之實政不敢措於施爲非顯考愛民之實澤不敢加於

百姓謂顯考再造此地可也故邢之士民依依相戀見尤猶如見顯考者昔已尸祝而社稷之茲復環鬻而悲哀之夫三輔亦仕國也自昔之剖符而遊者何限冠蓋而嗣其先之躅者又何限胡不忘自今日始也蓋民心至憑而神者也可以誠感不可以偽愚則口碑翕然豈易得哉顯考已矣其不死之身在兒尤其不泯之志事亦在兒尤維桑與梓必恭敬止矧履則其土蓋則其民稍不飭其身以殞越其志事是百姓不忘而其子忘也人其謂我何用此陳牲在廟對越在心嗚呼顯考其顧之哉曰是予季之將薦于宗復薦于邢者也

墓祭考妣文

曰兒離墳墓者二年于茲矣當在癸未兒賴先德叨舉進士尋筮仕曲沃拜別西行矢心精白期無忝于所生二載以來夙夜兢惕每以宗邢之官政爲矩矱以生平之訓誨爲體驗幸賴先靈不得罪于巨室百姓上獲下安以至交章引薦一時共推今年入 覲卽視吾兄就試禮闈復賴先德考績

居此而吾兄復成進士大喜過望先生閭里可奈
績最更治而考妣不得觀其功名齊金榜而考妣
不得受其捷屢庭瞻戶音容莫觀拜掃松楸徒增
惆悵所幸考績在卽得以尺寸之榮封我考妣吾
兄拜官得以再命之寵焚黃馬羗我考妣其少
慰于地下乎否也親族在側牲醴既具考妣其鑒
之臨之

受封告先人文

曰顯考嘗曰心田微於子孫者其天定也故天定

而後足以見心田則考妣之今日是矣我顯考以
個儻慷慨之夫負英敏不羣之器奮奮魏科歷官
郡邑所其雅抱隆施在在可紀卽所表豎雖以公
孤憤之猶曰未盡而厄於中傷貴志而沒凡以天
之未定也我顯妣以聰慧孝慈之德爲顯考仕學
之佐朝夕勤勵艱辛倍嘗所其積善累仁雖以兩
國封之猶曰未盡而拘於時勢未受褒封亦以天
之未定也適者福善之天久而始定不白之心久
而始明吾兄出闔方成進士筮仕長子而不肖出



先以承之曲沃三載績此荷蒙 恩命錫以尺
一吾顯考以原官而復其職顯妣以顯考之官而
加之贈下殆兒之夫婦咸得竊附恩尤揆厥所由
皆考妣不盡之蘊未償之德所昭受也夫顯考受
中傷於當時而今復職矣顯妣缺喪封于生前而
今加贈矣顯考妣抱不白之心田而今始昭然矣
已定之天其在今日乎嗚呼復官榮矣而不能觀
巽博之儀容喪贈榮矣而不能奉翟冠之天貌續
繁在奧思成莫觀益未賞不幸心田之既微而恨

曲沃祭考妣文

天定之已後也我考妣其鑒之右之否也
曰維我考妣昔在宗邢歲值大侵與今無異乃考
妣日夜籌畫以生萬姓舉凡賑濟煮粥悉出囊橐
至捐先妣服飾之不顧乃不自如光碌碌在此庶
幾三禩昨者循例覲顏列于報政之後而值歲旱
荒反加於昔是不肖不克植民以至於是雖極力
救援悉遵矩矱第恐勢窮力竭或不能比先德之
萬一脫有頂踵自愛視如秦越考妣其以不孝是



殛所望陰佑默相成此荒救之德者亦惟考妣在
天之靈是賴疾苦迫切呼我父母維考妣其鑒之
書啓

蕙寧宮成賀申相公恩慶啓

伏以

楓宸調鼎鹽梅裏上理之膚功椒闕運斤柱石奏
蓬成之首績聖孝已篤于長信尤被普天元勳當
荷于覃恩榮施奕世中朝輝動下吏歡騰恭惟

閣下

光嶽瓊神涓幸奮跡金甌載上協萃望于八埏玉
燭光調播清風千古望有兩朝之梁棟名馳百
代之宗工屬有事于長秋至煩匠石果成功于不
日仰副玉綸烏華疊飛位與女中堯舜鴻謨燕翼
功惟閣上夔龍百辟動山呼共賀美俞美奧九重
勤天語遂承懋賞懋官惟功在于奉先故恩及于
昌後信臣工之希觀實上相之奇逢也某樗櫟散
木案梳凡才材謝鄧林曷備巨室之選身鷁晉鄙
仰庇廣廈之輝觀茲鴻麻曷勝雀躍步行李以一

介神逐星馳將賀悃于三垣誠同暴獻伏願陰陽
時序廓孝治于九天覆載無私收忠益于六幕

賀荆石王相公拜相啓

伏以

鳳詔凌空南國荷鴻鉉之命龍圖虛左中天成泰
運之交麥卜允協于人情簡任豈勞乎物色恩隆
名世歡勳昌辰恭惟

閣下

斗垣孕秀海嶽毓神靈光姑蘇肇起太湖之傳楫

龍潛震澤蚤興崑崙之商霖傾滙虜于東山負四
海蒼生之望更齊名于北斗關九重黃閣之思適
相值之求賢正皇扉之麥翁遂起中山豹隱俾扶
天上龍飛五百載而際聖期身當名世十七年而
登相位德簡帝心名預卜于金甌任永調乎玉燭
龍章鳳詔爭看龍命之自天火署沙堤共羨知人
之惟帝緒紳相賀恩光式晏于龍津爽夏交惟寵
錫獨歸于鷗尾日見一人之有慶風清萬古于無
疆某穢線微材章縫末品任隆能薄叨承奔走于

河東遊會逢時快覩明良于天上伏願陰陽時序
永調商門之鹽梅覆載日深願附狄門之桃李華
國文章垂竹素徐觀八柱以承天格玄事業懋葵
丹快覩五繇之補象

上坐師余公壽啓

伏以

臺堯東曹葵艷光聯于尺五壽占南極椿華最屆
于八千適玉瞻照夜之期正玄鶴益年之日木天
錫羨窠閣疑請恭惟

喜下

乾坤間值元會鶴鍾玉表金聲蚤春燕山之秀珠
揮犀悟夙呈瀛海之祥文高百代宗工重重一時
偉器鸞波搖雜樹萊辭薄海重南金麟閣接蘭臺
聲價普天高北斗金莖獻瑞明良五百載以相期
玉露流光君相後三日而初度信嶽神之降瑞周
始生申豈嶽曜之疑祥漢方誕倩日經壽星之火
老人光觸于長庚美添蓬海之壽大士春長于甲
子續紛窈舞紫蘭遂外動金巖簇擁鳳吹黃鸝階

前番霄露列仙仗于錦席飛蓬遊于高枝雲母屏
開漫瀉長生露液水晶簾捲閑食不老靈丹惟生
關一代之休明故帝錫九齡之遐筭顧于綿薄叨
厚玉筍之班喜遇華嚴莫遂瓊觴之况愧鶴跡于
薄宦空切山斗之遙思勅奮跡于官常恐負衣鉢
之雅望敬載玄黃千筐匪違祝龍門敢託尺素于
魚鴻冀徹虎座伏願忠千皇鑒勳名蚤著于二臺
德簡帝心年所采齊于萬壽百禩功垂竹素千年
顏駐葵丹上壽彌增下情欣忭

上大座王閣下啓

伏以

紫樞調元鹽梅載列于商門青藜校稅桃李盡屬
于狄門仰化用之均沾媿春暉之莫報恭惟

閣下

間氣天完良弼帝貴殿上衮衣藉補綴以無闕噉
中稜線荷兼收之有幸竊念某質瀟灑石奚堪玉
筍之班材謝鄧林曷勝巨室之任豈意登庸衣鉢
濫及繩瓊章縫坐便斤鴟蓬蒿藉扶推而鵬運頓

令許酣酒轍花汪濊以蛟騰顧此洪慈兩儀莫踰
願言佩德九鼎爲輕尚思依昶日之晶或祥七曜
豈謂伺列宿之野遽隔一天佩服名言知尚歎于
馴雉自慚繇力期無愧于懸魚感茲封非之不遺
久媿葵藿之未報敬將筐籠恭獻玄黃儻辱典記
之馮存敢肅臺諫而待命

上陸太史求撰 勅命啓

伏以

紫宸察史治尺一寵錫於草茅影管代天言八斗

光流於珠玉豈意五綵之華衣下及一芥之孤踪
望切登龍恩逾錫馬恭惟

臺下

清時變高昭代甫申名齊鳳雛龍駒才壓理握玉
積周情孔思木天漱萬古之菁英帝訓王章藜閣
代一人之綸綍豈意風塵之驚吏仰頰雲翰之龍
章錦襲理函仰蕙華插五嶽珠聯貝結行看價重
千金匪直光被于蓬茅蝸角畢志更見輝徹於泉
壤馬馱沾恩卽鏤銘以奚忘聲啣結而曷報奈任

隆能薄切奔奕于晉中而分淺言深幸恩光于天
上敢託寸丹于一个敬陳尺素于三垣伏願德簡
一人忠葵五位願附狄門之奔李聿觀商門之鹽
梅

謝陸太史撰繪翰啓

伏以

異命下楓宸綸綉聲聯于北斗渙文揮藜閣珠璣
價重千兩金尺牘由乙夜以沾恩寸草愧三春之
未報拜躬石室翹首木天恭惟

臺下

斗垣孕秀海嶽毓神彩綉卿雲早見通籍玉筍光
扶旭日行看名履金駢方龍虎際風雲泰交當中
天之會乃風鸞頌雨露晉錫及下吏之徵喜晉水
衝榮錫華麥方冀載筆之日遂成製錦之章抽思
鸞波照耀宵中星斗擢辭鸞陸縱橫筆底龍蛇豈
期得附于青雲傳及百世更見調高於白雪和寡
一時光燭草茅輝徹泉壤息踰錫馬望切登龍敢
托尺素于三垣冀徹山斗聊布寸丹于九頓曷報

中興集 卷之十
涓埃伏願臺賜垂青惠顧生成之德鏡懷鑒去俯
察芹曝之誠儻荷馮存昌勝榮藉

賀朱少宰啓

伏以

勛懋天曹玉罔鉉垂於八座龍頒帝闕金蓮恩渥
於百僚奎李分光墀限稱慶恭惟

臺下

姚江孕秀稽岫符精世德淵源遠接紫陽之派才
華卓犖迥超公孫之儔文苑提衡經筵頌聖暨貳

卿於銓部冰銜不減山濤用參陽乎官僚水鏡有
光崔胤班聯聯古秀映斗樞泰達績奏於彤庭過
觀助酬於紫殿封啓鸞回之語榮貴庭閣庶臨燕
翼之光恩同帶礪沐皇仁之露湛知駿業之日升
朶朶豫餽生晉陽驚史恐負衣鉢之望情牽斗仰
繆當民社之司心切氷兢幸積閑於三期尚擬菱
座之龍登顧羈迹於千里徒切竟都之鯨雀

上許相公啓

伏以

動者鹽梅惟帝恩錫於蘭香尤分桃李瘳天祝效
於華封目極三垣神馳一介恭惟

閣下

鸞波伊呂虎觀夔龍學邃淵源彩鳳名馳於翰海
道高山斗文龍聖重於木天紫府燿金章共英五
綵輔袞黃閣垂玉萬爭看八柱承天簡在帝心昭
茲呈鑒乃移清班水鏡命掌審勿綵綸大旱作霖
夾夏風清于和度未用徹土陸陽執順於調元顧
麟閣以稽閣乃醜輝而錫英帝德布浩天語傳溫

世庶采辭以讓馮多儀矣聖隆於晉接醜函紫語欣
逢寵眷之隆馬鼠黃孫艾吾溢恩光之貴南園笛山
川之燿東閣庠息木之投某濫伺門墻儂蒙陶鑄
已奉韋絃于三禩無補露濡料陳功罪于一朝尤
希膏潤瞻彼鳴尾鳥哺莫致於秋門觀茲鴻麻雀
躍徒勤於堯都肅使臺福上塵昭鑒

報劉和翁啓

伏以

聲重鸞波式掌綵綸之寄文高鳳語爰宣審勿之



東豈期一芥之孤踪
濫荷八觀之製錦
恩逾錫馬報莫登
龍恭惟

臺下

彩祭金峯英鍾丹水弱冠魁名于西晉
稅苑孤芳賢科高第于南宮
翰林獨步鳳池搖雜樹文章薄
海重南金麟閣接蘭臺
與皇普天瞻北斗愧予涼
宦敢圖尺一之儀及叨沐
洪恩不惜千金之賞價
使無勞于三往榮踰
袞于一言異命下丹墀
允生蓬華奉童揮玉管
思迨草莽得之館藏之家
勝獲

撫臺壽啓

伏以

鎮重北門百萬勲成於尹
障籌添東海八千歲伯
於莊椿適玄枵初度之晨
正赤鳥增齡之日華封
獻祝藩域騰驥恭惟

臺下

雲鳳元靈封龍閣
值名高商傳勞尋
象子再三望



重周申翼飛龍于九五禦霜威于彈壓黃鉞於昭
植風節于端臺朱衣瑰燦顧茲股肱之重地特簡
耳目之名卿捧白簡以自天暫借商羊門鴻飭青
箱而入晉帳舒范老甲兵序屬玄多快觀綏麟之
會時當臘日欣逢浴鳳之朝嶽神符景運以生甲
旅曜燭皇階而誕借金貂滿座爭高富郎之勲玉
牟交馳共祝安期之慶青鸞綵統獻甲子以春長
玄鶴翻翻狀長庚而尤觸惟勲業洪覆于一世乃
天寵特錫于千齡不佞某猥以梁南榜檄叨職山
右封疆仰觀華茂欣瞻遐算願饗得于克室媿乏
桓于瓊粟思獻歌于彭年奚觀休文羅藻聊將不
腆敬輸芹曝之私情以蕪函竊比松楸之頌伏願
歲益仙靈名躡唐屏閣清堅于鍊杖朱顏同赤鳥
以允揮荷簡在于金甌黃髮共卅辰而彩映八柱
永承天之績九鶴來集夢之祥

督兵進秩開府賀啓

伏以

雲龍風虎兩儀直交泰之期丹鳳玉麟九重沛專



中朝歡騰下吏恭惟

臺下

中山神嶺上國人文屏翰旬宣表暨獨優於藩臬
觀兵耀德風裁丕振于軍民望重三朝名高九牧
故茲股肱重地當屬耳目名卿欲成范老之功暫
借危公之治旌旗蔽道百寮快觀登仙榮戟陳前
萬姓歡若見日下車而波恬塵靜恍白簡之自天
無境而史畏民懷信青箱之在晉某河東守吏受

成開府謀猷亦左鯁生仰荷端臺造就昔忝名于
驥尾今立望于車塵觀茲鸞遷易勝雀躍敢託魚
鴻之翔沫敬賀鳴鶴之騰騫伏冀注仔不任舞忭

送接君復命啓

伏以

龍墀風振九重眷宣達之司鸞車霜殿三晉報澄
肅之政鳴鶴騰騫于萬里明良行聚于一堂枉斧
霜嚴旌節日麗恭惟

臺下



乾坤間氣海嶽元鍾華國文華師友淵源孔孟格
天事業聲名嗣續伊周鐵石無私養筆嗜能踰并
石室有分天印何以易充命考禮以正刑仰荷明
王之寵爰揚清而激濁廣詢羣吏之蹤七貴聲華
搖山嶽而增色四騏丰度留狐鼠以從風屬茲報
政北宸至自省方西嶽旌旗拂柳行看雨露之沾
濡劍珮衝星快觀恩光之覆昌雲從龍風從虎一
人類以元良功德懋賞德懋官庶事由之康乂

上使撫臺壽啓

伏以

秀毓嶽靈節鉞重端臺之選光騰斗樞察察效華
封之忱祝遐美于南山霏甘霖于西土昌明盛際
梯巖良辰恭惟

臺下

克廷名佐梁苑碩賢垂射策于黃甲千山繫望主繼
晉秩于青瑣蒙海馳聲旬宣歷試于名藩泉憲胥
清于當路勞勩于九五已陟石室之崇階履拊
髀于再三更簡玉關之寵任鷹揚虎視坐看萬里



廓清風起霜凝快觀三臺震肅運逢交泰正四海
消戈之期節屆清秋適三壽懸弧之會祥光貫昴
聽遺響于鈞天灑影浮庚步前躅而捧日百僚增
氣萬戶騰歡切念某梁右散材河東俗吏職慚殊
曠幸培植于高深感逾生成祝修齡于千億雲龍
風虎常膺鼎彝之司月恒日升永保同陵之固三
垂風靖是依朋壽之宗臣六暮煙消更仰壯猷之
元老

請授臺遊景明啓

恭惟

縉芥行春全晉山河動色錦囊貯景新都風物增
輝壯遊儼柱後之惠文勝地借無前之芳武敬深
蟻綠望切龍光謹於孟夏某日序屬清和政當暇
豫星紅香霧東山開謝眺以供遊嫩綠陰濃南國
樹甘棠而待憩况茲景明之勝雅堪福曜之臨石
隨海潏萬仞懸崖掛瀑布山腰懸舊壑千尋飛閣俯
流鶻三岐高而松嗽珠簾千畛潤而麥搖銀浪水
田漠漠鷺車隨甘甫以來遊夏木陰陰烏府霽威

霜而至止寒有非以載豆薑豔山斗之輝列不腆
而陳鵬聊致消埃之敬伏願瞻帷雲擁梁戟天臨
畫閣凭虛快覩公使色天彩與覽勝欣瞻君子遊
歌仰藉鴻光曷勝雀躍

東劉司寇泛舟閩災傷啓

伏以

水漲四郊方息同室之往救城浸三板更遭與國
以爲災敵橫軸燼於閩閩陸沉足憫敬奉旌旄於
舟楫保障煩圖謹卜某白舉棹溯流飛鷺排浪燕

段鷗鷺頓極目以連天禾黍黎元悲竹足之無地
共屬匏尊載酒願學瓠子典故伏願目擊懷喪心
切昏墊障百川於方至肯使覆隍拯萬姓於既溺
無令沉灶是誠夏諺之豫進不數蘇堤之尊俎生
等無任竦候之至

東黃恤部啓

伏以

畫省祥刑三晉動風雲之色星輅覽勝百年增河
嶽之光喜看寒谷生春祗絮危禱袪暑謹詹某日



甘澍新晴炎熾乍莫適五日渡獄之暇正三年解
旱之初叔虞剪桐葉以供遊潞國樹甘棠而待憇
伏願轡帷雲擁榮戟天臨畫棟乘風快觀大人虎
變雕欄永日欣承君子龍光紀勝一時增輝百尺
送純齋民部家居赴京啓

伏以

勳策國計恩光重被千楓宸情萬鄉關省覲特隆
于宣砌豈意湯沐之守吏叨墮桑梓以沾恩又荷
鴻私未輸幾榻謹詹某日新涼薦爽煩暑初消流

火熈金感切閩銘雅惠茁蘭露玉歎依溫果德容
况當端正之期敢効圓明之晏伏願星軺雲擁霜
戟天臨歌効霓裳漫賞蟾窟光滿盃浮露玉聞看
桂子香廳

謝按臺刻薦啓

伏以

鷺車風靜叨屬溼肅之霜輪鳴表星飛蓋與明揚
之露奏封菲不遺于朝采草茅島報手春暉拜絨
雲天冀徹山斗恭惟



臺下

覺山神靈宿預人靈煥成淮泗之文明澤溥荆塗
之霖雨九天捧日豸冠儼柱後之惠文三晉觀風
續齊邁無前之芳武威焰摧山嶽而動色聲華惜
狐鼠以從風當考禮以正刑仰報丹戾之命爰揚
清而激濁俯陳素絲之風伏念某梁甫鯁生晉陽
鷲吏雖甫離于研槩亦何諳于封疆初効一愚懼
不免于吏議勉承三事僅無玷于官常豈意樂龍
熱收穢錄已荷栽培之雅更叨汲引之公銑若鉛

刀何敢借擬于鑊鄧賤如魚目豈期誤渾于夜光
一日而薦者七人謬當其末拔十而期于得五濫
與乎中月旦上一人已覺神搖天漢雲霄期萬里
益知感徹淵泉敢不竭慮以酬知務期慎終而如
始黍收鄙播曷敢抵雀以暗投叨在龍函分宜擢
朽而磨銳或可少資于一斷願言小補于九華伏
願忠于皇鑒永調商鼎之羹德簡帝心長保狄門
之士春回缺柱懋賞懋官添鳳彩露竄玉階從龍
從虎者鴻勳

上軍門賀啓

伏以

玉筍陽回樞軸功高于四序銀河斗轉明良喜溢
於三春敢將芹曝之私聊致椒柏之敬拜躬石室
翹首鏡冠恭惟

臺下

箕宿降靈釜山鍾粹卿雲絢彩蚤通籍于玉荀之
班旭日凝輝嗣覆名于金甌之內文章華國事業
格天久歷燮理崇階更簡箱鈴寵任玉帳禦風霜

之氣山斗風高金符依日月之光華夷望重鷹揚
虎視坐看萬里廓清鳳附龍攀快視一時交泰胡
天氣掃金戈喜四海全消舜日元開璇題正三陽
畫暢勳高百代不數范老甲兵騰薦五辛閑舉揚
公俎豆顧愚薄宦叨遠屬于河東時值履端祝弘
福于天上敬陳篚匪遙致哀公之砌聊罄葵藿遐
瞻節相之橋伏願搜載無私陰陽時序翊飛龍于
盛世更爲一德之交察牛喘于陽春益衍三時之
順則蒼赤未莫春臺樗櫟長沾化雨矣

謝撫臺薦舉啟

伏以

鎮鎗重北門五位下龍章而簡任節鉞遷上谷百
容荷鵝表以甄收草茅已披春輝桃李更活雨露
敬瞻山十昌報涓埃恭惟

臺下

中山神毓上國人文鳳羽鳴牙望重三朝人鑑龍
文豹武名高百代宗臣風雲適際中天雨露行沾
北斗勞夢卜於九五已陟丹陛之崇階履附髀於

再三更簡玉關之寵命蓋上谷為股肱重地故中
朝借耳目名卿白簡霜飛暫報西巡之命皂囊露
奏俯陳下吏之踪豈期襪線短材濫被轂中華家
坳田疆上巳叨汲引之公起餽溝中更荷甄拔之
雅驚吏肆當三薦鴻恩萬報二天名上宸聰已覺
神程霄漢疏蒙帝俞更當感徹淵泉念茲封非之
不遺深愧琴養之未報登龍徒望秣馬何緣敬寓
書于臺垣聊將悃于法座伏願臺屬惠顧永培花
木於狄門天眷益隆長作鹽梅於商鼎雲從龍風



中興集 卷之十
從虎全醜番卜於泰文出則將入則相玉燭永調
乎離照

謝祿部王公劾薦啓

伏以

異命下丹宸尊節回春于周賚泰拔錫華袞銘刀
長價于薛門羣生歡陰陽之恩下吏荷明揚之典
感深五內戴切三生恭惟

門下

海岱元精鄒嶧間氣夙非東萊之瑞日早興大澤

之甘露學富巨盈師友淵源孔孟政卑小惠勲庸
嗣續伊周芳傳江左風流仰橋驛棧輿播漢南聲
價席珍蟠蛭天心軫念乎閭閻星使周詢于溝壑
風馳榮戟窮虜皇切雲霓霧轉旌旄幽谷歡沾雨
露舜仁耆又稷以弘敷堯墟托汲公以再造言念
某職蓋庶宿力規回天積愆于和方慚遺劄于赤
子矢心弭變詎期重鑒于青目優承汲引之公溢
與甄收之列頻使曠鯨之罪得寬鉞鉞之誅悉以
刻畫之恩益重鑿銘之戴伏願佐霽覆之鴻仁贊



中興集 卷之十
日升之駸業垂情茅屋不忘下國餓兒協德帷幄
時植選方俗吏竟都禹甸歲成瑞禾之祥舜坂湯
毫日禾甘棠之愛

甲侯撫臺啓

伏以

露瀉棠華良翰功覆于三晉霜凌宣砌素冠孝篤
于二人九天寵命以予寧兩地念洪慈而莫報
焉魚托素鱗屬傳丹恭惟

臺下

忠同夔高殊勲孝踐曾羔懿行傾以股肱重地賴
脊耳目名卿白簡自天暫借寇公鎖鑰青箱入晉
重煩范老甲兵百寮荷培植之春風萬姓沐生成
之暖日豈意雲山之望俄成風木之悲無計攀轅
尚缺旒驂之賻有懷執紼聊輸囊絮之儀奈晉陽
之一介效楚些于三招伏望少回白眼許陳炳藻
于一朝俯鑒丹衷少布蒼葵于千里慈暉是望懇
戴曷勝

詔宋平原書

國家重兩臺之選予之柄衡以資彈壓固欲其公
心體物糾正百寮共成蕩平之理非故使之得逞
冒臆而敗羣屬物爲也不肖與臺下共事一載陽
爲側媚而陰肆中傷所爲魚肉我者至是已到骨
矣顧人可傾陷而卒不可昧者心心若不死請與
君一一面質之初不肖有恒南之役君實先我撫
其地被命時諸君子爲我危之曰是機械變詐
不可方物者往者與吉軒大夫爭後先至動顏色
迄今銜中原士無已時與之共事好必不終不肖

默自忖曰第以直誠相與天下固無不可處之人
比入境會 濬邸就封供應旁午諸貂璫繹駘百
狀有司至不能堪不肖恃曾蒙鯨張餘威橫爲排
抵君從旁歛曲調護日聒嚙諸閹之耳使無犯吾
鋒者當是時不肖猶以人臣體 國自當剛柔相
濟以消弭亂已耳寧知相傾深意已露端于此
矣先是有幹鞮解贖銀過趙者怪其守踈漫而假
被盜以誣之有旨責地方之不戒囚其守且奪監
大夫俸顧所失幾二千金而盜自內出終無可白



之獄蓋不肖出都時士大夫人人言之而善我者則曰公始擊鉅璫方拂上意若按趙事逆鱗禍且不測獨有與樞臣共疏或克有濟不肖遂與君謀而君且踴躍必行有成言矣下其事并脛道又下其事大名道相共批駁語皆歷歷在也比獄成刻日會題忽傳自京謂鯨張復進用矣鯨固不肖之敵也君忽貽不肖書曰凡按獄按臺王之請獨上疏候得旨不佞第抄招回部可已不肖遂具單疏將紙發君得貽書曰既非會疏即不佞駁

勘語亦當削去無令爲大疏累不肖亦笑而削之奮襜以 上當是時也不肖固席蓐待 命而君且爲不肖卜死所矣賴 主上聖明下本兵覆議獲 溫旨寬貸趙人而累年之疑獄遂釋時君誠無顏面立趙人之上乃君自爲規避于不肖何與也而飲恨入骨矣大名令君之鄉人其調長垣也君爲政不肖從之南宮令缺不肖欲以衡水調之卽以阜平調衡水是我爲政也而君不從比不肖以長垣舊例較之君始固從而上其事不報覘其

所以實君遺書銓部大詆毀我以敗其事也無幾
彘強令又君之鄉人酷暴異常擊斷如不勝曾一
日殺三妾並陳尸者君終欲庇之而我不能乃踈
視其職是君又大憾我也君欲建坊于里以自張
其兩臺固不肖之同鄉同臺也免我為之縱吏而
且云將寓書周衛陽亦以此酬公周衛陽河南撫
臺也不肖具書觀君而後發其兩臺果為君建坊
獨寓書河南事寥寥無聞不肖微挑君輒給之曰
是嘗寓書而不見許者又偽作周公啓觀我不肖

竊疑之會有順德理楊君舊直指也嘗薦起衛陽
公而為所雅重不肖托以詢周公報書曰何君時
稱鳴鳳自當建坊以旌其直前此會無以見論者
不肖又執以質君而君益大慙君每憾我輒厚幣
以嘗我我數卻而數厭薄之將報命有禁交際查
贖餞之躡未嘗語侵君也而君不自安遂借予言
而反之具許臺長曰請祭交際而先犯之請查贖
餞而先取之臺長幾為所惑比體察皆具疏以前
事乃已不肖去後林深州以修城不報得罪于君

君嘆新按君其劾之新按君安以不肖曾登薦剡
難于同異走書來質不肖謂林守之薦止與其才
不敢保其治也又何敢保其往乎于是安君始從
君之指會疏穰林守職顧林守為太倉相公門人
尤相公所器重者君為此懼而上記相公曰林守
循良當於古人中求之不意得罪何君以有今日
不佞亦極力維持緣新按君為何心友往不佞以
與何異同自樹之不下又何敢犯新按君乎書上
相公急召不肖問曰深州何如人不肖以才對公

曰兩臺交章論刺矣不肖曰此撫臣意也公播首
曰撫臺顧深惜之因舉其書中語不肖怪嘆久之
會有余舊書辨為相公記室者潛得君原啓觀予
予大惠憤封寄新按君新按君憑怒遂持其書以
面訐君君媿死無地而恨不肖徹骨慄矣比不肖
奉命山東猶念君共事之情而厚拊其家乃君
日詆毀我于當路至無遺力又借同鄉之有力者
共肆排擠使我使事不終而校之外吏將來之事
且不知所稅駕矣顧此獲罪于君猶曰以口舌自



取若家允與君固風馬牛之不相及也君忽于大計之前寓書山西喬按臺使廉家兄過舉按臺集三節推議之僉曰長子可議天下無全人矣按臺遂以此復君而君猶未已也採撫畿內有司爲家兄同年者誣稱其通賄請托四事投許銓部家公覽而笑曰渠爲何處官而所許何處事遂擲之不行無幾當選取之期文選科道會單凡三次家兄皆前列也比上本之前一日西臺忽走吏持揭曰何某乃惡人之兄而使之得志將紛紛多事竟以

一鄉科潘姓者易之夫臺長與家允素不識面何故下此毒手媒孽此者非君其誰今不肖已搗爲外吏家兄復置之散局阮塗之中孰能與君角而君之憑怒操戈猶疾視未已第此心不戢之良必不枉其是非之公故舉從前所得罪于君者一一與君評之果一語不實君請唾吾之面吾自甘之若其言不枉君當內媿于心而良夜氣清之時必曰彼誠以言語賈禍而我傾陷之遂遷怒于其兄不已甚乎此雖一念隱微而天地鬼神實共鑒之

中家集
卷之十
吳

太原上當道書

昔人遺陸沉者曰法勿辯謂公論自在更有王國是者以提其衡亦何可自鳴其冤第心迹之間士人重之倘方寸之不自卽爲溝中之斷目且不瞑是何敢以無言不肖尤之外枝也罪在䟽詆禮卿坐令罷去而䟽詆禮卿也又嘗託李御史共發其奸李嘗䟽詆陸冢卿者冢卿方疑不肖與李共謀而至此又與作同心之舉此冢卿之所以肆毒手

也肆毒手光將以誣李乃揚言于人曰李與何皆科臣于某之黨故重處之耳究哉究哉又不肖嘗按真定以撫臣交際太繁贖錢太多䟽請嚴禁之以此重得罪于撫臣宋公采又山東人至是見不肖䟽詆禮卿又爲冢卿所薄乃從傍訐之內有請禁交際而尤先犯之請查贖錢而尤先取之等語以致高明者亦且見惑曰是外枝不足惜者究哉究哉請昌死一詳辯之夫科場之弊惟在考官預洩而鑽刺之徒得以夤緣作弊此不肖未按山東

之先具疏以五事為請者誠重之也及至山東自六月初旬俄聞二考官職名豈直山東卽十三省無不預知者都人士喧傳于外豈誰不知獨不肖知哉知而不言何類監臨言之而其印信手揭預白諸同志者共發其奸以為預洩之左驗此亦發奸之故智耳發覺在言官處分在皇上卽輕重之間不肖何罪焉乃禮卿不暇自揭而惟鼓簧以亂公論動輒曰手揭亦可以屬為印信亦可以空用獨不思喧傳于人人預知于六月獨不肖聾聵

無聞而猶假于屬帖空印哉良心亦昧矣夫不肖非監臨官猶可說也禮卿非山東人猶可說也今漏洩考官惟山東祝他省獨先禮卿卽素有才名行當拜相不宜具論矣但不肖身為監臨敢不論科場弊端乎以公事而忤禮卿主爵者似未可遽逐言官也夫以禮卿之故而逐言官已不直矣仍駕言曰禮卿疏中嘗謂某欲令某同鄉為考官不遂乃重怨之此所謂同鄉者給事王某也觀此而何某與李御史獨非王給事之黨乎夫王之為人



中外所共厭者豈不肖爲其鄉人而不知之知而比之必不其然况李御史亦人傑也肯與王黨哉冢卿之所以稱此者蓋明知王之犯清議推不肖與李而陷于其黨耳誣不肖又以誣李御史夫以惡李御史之故而肆毒于不肖又推不肖于王給事之黨而嫁禍于李御史此冢卿之心途人亦知之果誰欺乎至於誣不肖以交際之繁誣不肖以贖銀之多此則宋撫臣就其言而反之者不足深辯但不肖之按山東也未三月而遂入于棘園

月之間過客幾尙供應官銀見餘二百餘兩以之作興新中之士不肖以何物交際乎至于贖銀之多在山東爲時無幾固無解取贖銀之理惟真定差滿除解部尚餘八千餘金貯在各庫者俱有卷案交割甚明今接管按臣可問也郡縣有司可問也不肖豈能神輸鬼運不有文卷提取乎况此二事正不肖厭薄宋撫臣之爲而特請禁之者何得反唇以相加哉撫臣之啣不肖蓋盡人而知之也况所詆禮卿又宋之姻契而乘間中傷此其言可



書信乎以無影之空言致慈母之杖杼此不肖所以鳴冤不止也至于主爵者廉人之不肖而杖之外吏分也誰敢後言是宜明正其罪列于年例之中處之可也昨歲年例之命下之數日矣而不肖忽蒙卑本推陞何也蓋不肖疏詆禮卿 皇上方見信任而一旦處之故不敢列名于年例之中耳又刑御史者與不肖同年同資而先一季推陞者尚以少參處之何不肖歷俸三年七月而仍杖之外郡耶蓋陞以方面猶懼 皇上惡名點用或至

垂憐若杖之外郡冀 皇上第批一是字而不見其名此則銓司之審謀耳比今歲年例 皇上俱用陪點而四御史感蒙留用安知非有感于銓臣之弄權乎夫杖之于郡已非處分臺臣舊規而又以太原處之者直欲其婢膝于諸貴之前以示責罰耳不知不肖何負于此輩而肆毒之若此乎此雖升沉有數不敢尤人而一念不白之衷不得不于知已前一鳴倘恕其刺刺進而教之敢不恪遵嚴訓惟以義命自安乎敢不俛首下察惟以盡職



為良乎臨楮瞻戀主臣莫知所云

荅曲阜孔令書

縣志出大手筆有餘有文足名其家承委一言弁
首敢不操觚形穢所不辭也聖圖殿不佞思增一
滴于江漢之波者一旦睹成功于已去之後不勝
歡欣因憶始計之日嘗願有言闡聖道千萬一而
且以記年月焉然今昔異態一事兩心言之可勝
於邑雖然不可辭也再寄俸餘五十金佐費更煩
左右剗石一片而先以大工始末及督工官役支

費緡錢一一開示不佞宛家允為文以記異日者
豎之殿廡之下不佞之志畢矣工役浩繁重勞措
注而猶屢使問之蓬門則大賢君子以先師為重
故不計其瑣瑣若此也來役遣回詞容報命

上張晉老鄉丈書

嘗論吾鄉固多君子邇者翻然狎主齊盟則臺丈
最不自賞雅重而追趨之乃者一出春明途隔雲
漢何緣見光霽乎獨念趙孟之權能使顯晦異路
雖令心志殊趨不自即放逐草野未敢忘歸依也

臺丈猶念之否。吾心翁吾黨之正人君子也。選在太原。近出屬下。相見未嘗不以臺丈爲言。且勗不自使法焉。臺丈其亦聞心翁之論否。其以不自爲何如人哉。可以論交矣。不自生平多病。罷郡歸來。痿黃益甚。方仗鴻麻。少延殘喘。無何有寧州之命。咄咄臣少且不如人。而况今老乎。刻畫無鹽。眞益其醜。又恐使我者或未之諒也。往來于衷。莫知所王。請臺丈決之。

與朱青冷書

古人于桑梓必恭敬者。明有孝也。邢臺爲先子宦地。見其民猶父。凡子第况其大夫乎。拜別以來。靡日不念。徒以山川阻隔。莫繇奉色笑耳。夫門下古政古心。循良第一。昔在同舟。已追趨而逐嗜之。今者益習吏治。施澤且久。遙想其民必竊竊然思。俎豆之者。若不自直。賴難容斥。爲外吏潦倒之態。羞爲知己。道之古語不合于世。退而明志。亦有蒙詭達時百折之不回者。不自今者。計將安出門下。愛人青。龜卜馬東門之外。先子之儀在焉。晨昏燈

火有勞執事再此九襟泪下沾衣

完縣上當道書

伏櫪引轡見孫陽而不酸嘶者几馬也矧尤以奔
踉跄駕爲世所薄得馭下風曾幾何時顧乃以千
里目之推心置腹命以考自署所不感激長嘶者
非其情矣昔陽城政拙不嫌自署今者所命豈其
不鄙任事猶欲以陳迹自見乎抑或嘉乃自新將
錄其旦莫之尺寸乎愧死愧死第仰崖而嗟每有
自訟不避顏甲敢爲知己陳之初光之濫竿臺末

也時以鉅璫柄用憂在前星中外切齒莫敢誰何
乃矢心誓死決於一擊幸賴 聖明乾斷大奸脫
距金吾而下悉正其罪此雖徼天之倖而鉅蠹大
慙至今媒孽不置則踈淺言深罪之一也 濫藩
之後人心汹湧明哲所規避者尤顧奮然請行受
事三日而趨後水次至則羣璫大譁有面縛人而
投之河者尤乃自攝髮稽將具疏數之于是肅然
畿南數郡所省不下萬金此雖一擊之力而藩邸
者誠切齒久矣抗顏貴倖罪之二也趙州失銀道

雖皆知其究願 嚴旨切責道府任俸州官而下
繁逮就獄禍且不測光親履其地再三平反具疏
直白其寃不少顧忌幸 聖明洞鑒各官賴以保
全選軟之夫至今嫉之此其慙直寡謀罪之三也
交際之濫惟兩臺為最光深自洗濯盡述其短以
祈明禁非敢語侵人也好事者反言以加之至指
山東潘臬入賀者有公禮銀六兩曰是禁交際而
身自蹈之者自食其言罪之四也京考主試嗜有
煩言尤以身當監臨乃敢以考官預洩為言 旨

墨尚未乾也比至山東輒知正副考官初場試目
是安得以無言好事者輒又以佻口目之不知禮
卿平日固所稱莫逆交也何嫌何疑猶職掌耳第
以慙直之故罷一名卿輕重失宜罪之五也出守
晉陽茲非翰晦時乎顧乃不受頂踵畢力以圖晚
節旬月之間諸廢悉舉錢糧為歛解之法驛通行
對支之制每歲所省不下十萬徒令晉陽之民依
依相戀而不知已桂吏議去矣此其不審進退罪
之六也罪積既深病羸日甚卽甘心為溝中之斷

宜矣乃復三黜不去辱在末屬力疾就列欲圖尺寸以蓋前愆顧完久乏吏民莫爾聞乃條上三事爲完人請命不避新婦問驥之誚罪一完士竄情動干文罔乃臚列科條與諸生更始而不避曲木直影之譏罪二完無在官版籍止蕙里書以致錢糧不明民多告擾乃爲創立清冊予民畫一之規未免窺見淵魚罪三完有不急之役如村總勇夫之類不下百五十人以致影占耗費羨孔百端乃一切罷除民得息有未免取怨遂情罪四完有雜

支銀兩不敢輕用一切公費悉支吏包賠以此吏多避避房科之人乃定爲實支登報之法兩平交易民甚便之未免多費官錢罪五完之徵收無法民多不便乃較定法馬公平收受且銀錢兼行輸納甚易未免變亂成規罪六完有數年號件率置停閣至煩比較乃一一清查完銷殆盡未免不自量力罪七此其南向東向勢難兩全知我罪我原無定論倘臺下惠顧前德而收之藥籠也惟命若其不悛而膏之斧鑕也亦惟命向風長嘶不覺



東刺伏惟鑒在

與何杏翁年伯書

伯父功行圓滿只尺僊境乃以筌蹄見惠言言至道字字真詮捧讀已來稍知趨嚮但六魔訂內愁煩方烈方外之遊請以異日矣又聞玄古之聖正生以正衆生若伯父之所待不肖者陰陽真無量者秘帙瑩返附此稱謝何以酬之唯祝萬壽

與尹春寰書

僕聞行高千人衆必皆之若不肖卑鄙無可倫類


何說者之多也但不肖心事無一非臺下所知功乎罪乎惟臺下評騭之夫復何言乎原君始以執榭相左臺下豈不洞鑒之乎今胡相恨之深哉是耶非耶亦惟臺下評騭之夫復何言病餘檢蔬草按梓旣已災木敢不請益咄咄是亦異于焚諫草者矣慚然慚然

中震集卷之十終

中震集

卷之十

終



2025 RELEASE UNDER THE PRESERVATION ACT






國立中央圖書館, 台灣, 中華民國



© 2008 by The International Brotherhood of Bookbinders, P.O.C.





1953.08.05 NATIONAL CENTRAL LIBRARY, TAIWAN, R.O.C

2012.08.05



中叢集卷之十一

附錄

明貴州道監察御史何公墓誌銘

太史葉向高撰

何公諱出光字兆文別號中叢余舉癸未同年友也其歷官自縣令而御史自御史而郡守其爲郡守也復以御史左遷州判又復爲縣令卒于官所至皆有聲稱然其爲御史最著故世稱何御史云人爲御史所建白甚多其大者則請 建儲劾巨



中法身
卷之二
璿及錦衣貴人諸大不法事皆人所不敢言 上
爲斥璿及錦衣并抵其黨于法惟 建儲疏寢不
報于是權倖斂手畏何御史失屬 潞藩之國道
出畿南朝議懲 景邸事恐所過繹驛非名御史
彈壓不可乃請以公往公至則逆 王河干見辟
奄縛人投水中死公怒將劾之奄方窘一縣令急
聞公疏且發恐甚因紹介巡撫願釋令以謝過公
乃已竟出境毋敢橫者三輔比歲不雨且大侵公
愀然曰此使者失職乎獄得毋有冤乎遂行部慮

囚諸枉繫久者公片言白之歡聲載道以次條上
間閭疾苦至三十餘事咸極力爲調劑拯恤民賴
以甦先是有中貴人輸帑金過趙州嗾守無加禮
宣言亡金數鍾委罪守 詔所司窮治趙人願償
金爲守請公應得其情約巡撫共白之巡撫撓不
敢發公獨以聞 上釋守巡撫大慙旣報 命移
按山東山東與畿南接壤其吏民固夙聞公丰采
公按山東如其按畿南歲辛卯當秋試公條盡科
指甚具有豫傳典試王名者公疏聞語稍激九項

之太原守報至矣公之所以爲御史五載而不得
終留者大槩固如此也其初爲令得曲沃當孔道
事勞午民且健訟日夜焦勞至廢寢食歲大饑爲
糶厚勸貸得粟二萬餘石民遠近來受粟色無孛
者復設粥以食流民建慈幼局拾遺孤養之買棺
葬暴骨事事有條當路下其牘爲金晉法比蒞太
原太原人則爭權呼曰此故曲沃令召入爲御史
者耶是能庇我公知太原苦輸賦不均猾胥貪綠
低昂其手爲設法斂解民大稱便歲省巨萬計妖

人聚衆倡亂卒擒定之中丞寧陵呂公大稱賞公
相得權甚而大計猶用前事坐公浮躁公歸則建
二酉樓讀書其中絕意仕進主爵有知公者起判
寧州遷令樂陵皆不赴主爵以樂陵公舊轄也請
調完縣且貽書促之曰一臥而三徙官尚可負
上思耶公乃強行至完則爲民賦贖節郵費蠲
木稅之重權者當路皆不能奪完人賴之然居恒
鬱鬱屢枝膝乞歸不遂銓部請遷公大理評事不
報遂決計棄去而夙疾大作以萬曆丁酉十二月



初一日終距生嘉靖丙午三月二十日得年五十
有二完人巷哭祠祀太原曲沃人聞之皆泣下鄉
里迎公喪哀如私親蓋公自通籍卽捐俸積粟置
義倉延醫市藥濟人疾苦又輸貲新費舍造橋梁
其爲德于鄉甚厚公有疾鄉三老率子弟走神祠
禱祀故浚而思公不置性豪俊頗絕善聲詩於書
無所不涉卽奇門遁甲家言皆能舉其概議論侃
侃無所迴避卒以此困所交遊矚就皆賢士大夫
意氣相期許聞訪方外士問攝生方奉太原 命

過家時病骨立一夕夢羽衣數輩投藥餌辭去贈
以詩曰彼此相醫不索錢好將姓字記壺邊天台
高處如相見同是當年鍊骨儂覺而病愈異哉家
世故淮人勝國時祖海官慶陽守備從扶溝海生
昌昌生信信生政政生世亨世亨生岑以孝廉任
河間通判贈階承德郎公文也配張安人生二子
仲卽公伯出國後公三歲成進士爲職方卽文章
節槩稱難兄弟云公病革時呼子稽曾曰會來吾
邇者覺有兩心上心爾伯父下心我相對劇談五



日矣安得一望見之言已益嗚咽索衣危坐而逝
其孝友如此所著有寤言鈔始音鈔及蘭臺法鑿
請讞薦聞集思諸錄皆傳于世娶鄆陵劉氏南康
太守巡文尚書春岡公孫女有淑行夭沒繼室周
氏側室二王氏子二積會稽遜俱邑增廣生曾娶
縣丞張一龍女選妻諸生杜澈女孫男中錫敷錫
敷錫聘選貢生路尚論女孫女三以萬曆己亥年
三月三日合劉孺人葬邑西十八里之四固劉生
嘉靖乙巳年十月初五日卒隆慶丁卯年二月初

四日得年二十有三公沒後縉紳士大夫咸咨嗟
嘆息惜其用之未究而以公爲不得志于官侘僚
無聊以死余觀公爲御史時行事慷慨乃爾彼豈
以升沉動念者哉善夫職方氏之言曰今天下賢
豪以言擯者不少矣使余躬厠其間死且不恨惟
是不獲譴于 聖明而見嫉群枉向隅之悲卒無
以自解嗚呼此其爲得公之心矣職方狀公甚詳
余姑撮其大而志之 銘曰懿燠清朝茅葉蒙奸
爲社爲叢有徒實繁誰落厥距以弗斯殘洵美枉

史曰簡桓桓封狐既屏乃構譏端一麾再逐其樂
箴箴三仕爲令卒殉其官長駕促途有志未殫四
國鸞紆雙王茲蟠史銘其石千載靡刊

明貴州道監察御史何公墓表

太史焦 竑撰

頃士大夫不明典制之學國綱墮弛而一種沿襲
之陋輒相與固守而不變一有出身明其非者不
笑則斥如科場典試必以敘此豈古法哉間出不
意亦可示公而無爲姦人者資然何公以不次請

而忤時余以不次用而姦人者合謀傾之必去而
後已嗟乎世豈復有可爲也哉公諱出光字兆文
先世淮人勝國時祖海官慶陽守備因徙河南之
扶溝家焉五傳至岑以孝廉官河間府通判贈承
德郎公父也母張贈安人生二子伯出國兵部職
方員外郎仲卽公少神識茂暢髻鬣屬博士家言
卽傾其作者癸未舉進士初令曲沃俗陋而好訟
公不爲斤斤濕東計加意拊循之嘗發廩二萬以
活饑人而隣以流移至者復設糜以待遠近受食

歲以亡害久之以此選貴州道監察御史遇事可
言侃侃無所避大小至二十七疏如請建儲宮
劾巨璫與錦衣貴人諸不法其大者也出按畿南
潞王以介弟就封道出其地郡縣騷然煩費幾不
可支公填之而群奄乃稍稍戢得踰境去亡何改
按山東方振刷如畿南而晉太原守以行二千石
秩通顯而貶臺體為稍誦公不以為介忼慨任事
如曩時賦輸斂解必以法胥吏姦欺禁不得行到
官數月稱一切治辦會大計猶用前事論判寧州

尋遷樂陵皆不赴當事者意公舊轄樂陵不欲往
復改完縣趨之行公乃強起以應至則蠲木榷節
徭費凡出力以捍民者無倦而遷延未調意不能
無邑邑上書移疾請歸未報而卒於邸舍惜哉生
嘉靖丙午三月二十日卒萬曆丁酉十二月朔日
得年五十有二公少與職方公自相師友所與揚
屹風雅下上今昔耳語膝坐若不知為兩人者今
二集手容儻發皆可傳配劉繼周子稽曾稽遜皆
邑增廣生孫申錫敷錫婚配多仕族語具墓志中

職方公將率二子以萬曆二十七年三月三日薨
公四岡之原而以書屬余表其隧道夫人臣之進
言救法易擊姦難公也排城社之姦力能得之於
明主而破拘孿之論乃以見擯於庸人亦足恠已
職方公謂士以言擯者蓋時有之而以不獲譴於
上為恨臣之有言期當於用而豈其以名譴為名
高哉公雖不竟容於朝而其言間為 主上所錄
用雖自慰於九原可也余有感於公事不能辭輒
為題曰有明監察御史何公之墓

明何侍御行實

職方兄何出闕撰

古有之信而見疑忠而被謗千載為之於邑余第
賢不逮古人而遭遇實維肖似顯晦相乘進退無
據卒至拂鬱憂患以滅其性所為登甲第授邑稱
循吏拜監察御史以諫顯出守大郡為千城表直
客遇耳其衷固戚戚無解已時是惡知榮邪通邪
奈之何復勉其笑而不壽終邪據今蓋棺之日而
遐思其生平則有腐心流涕嗚咽不忍言者請述



其大致余弟出光字兆文承德先公之次子也生
嘉靖丙午三月二十日時先承德以孝廉待對一
夕夢有饋金魚者鱗鬣晃耀命畜之池居無何舉
子遂字之卽余弟也生三歲病瘡痠黃日甚庚戌
先承德再上公車揮涕流盼以別客都門經久值
有至自里中者輒弗忍問比旋軫入門見婚戲婉
變狀驚喜踰望既入歲灼婚命就外傳有賓至使
侍之顧其性好言輒之言時作聲效聲先承德戲
指之此長舌兒也自是日勉學進長十四從先承

德宦遊廣宗明年值畿內歲比諸在宦遊子弟許
得與里選乃以雋錄宗庠旣移文學憲使值時禁
一切罷不錄會弟且單婚更意失稍稍從貴家子
遊放達觴詠本業樂廢抑又况歲比之踈比再錄
邑庠年二十三矣乃自苦後時益發奮殫精學問
屢試屢前殿實大起時先承德謝政投閒不肯圖
亦以章逢射策過庭之訓或及李唐詩譔余極力
苦不中程第從旁竊聽幸口輒成韻語先承德私
喜詳禁之恐妨經學然而觸時暮景就篇什累牘



矣所爲制科義好競齊藻務湛思驚人尤工四六及屈宋諸騷體乃再試省闈不第會先承德及先妣安人相繼背棄余兄弟素不諳涉世一旦失怙恃若墜若崩日相抱號泣淚盡血繼環牀家徒壁立無以爲喪先是弟取婦貴家簪珥得稍富厚至是庀所有佐之始襄事言念先承德其表貴望不及目觀明餐有懷共茂勉期不罄第不已萬曆壬午余弟果領鄉書明年同上南宮乃先余成進士試政比部會館選得替所素長時月峯孫公爲文

選檢閱得其文謂可覆卷王者竟以奇僻棄之於是有曲沃之命曲沃戲邑也當晉中孔道事旁午民且健訟爲之批卻導竅就於理日紛輪塵土間至廢寢食歲丙戌晉饑殍殲蔽野而沃爲甚於是請開倉出粟萬餘石日敝敝就民間察饑餓約期赴振予不後時貸富室粟糧萬餘石度道路遠近令饑民自取給之其它多婚起役禁奢靡毀滯祀舉無遺策蓋令行而民無菜色就食者日益衆余弟曰流民皆吾民也復勸粟設廠粥之廠百日

飯以萬數置慈幼局拾遺棄小兒全活以千數明年大疫置藥局命醫治之設棺善掩暴骨條上輿葦善後二十餘事當路舉爲全晉法境內有山泉可溉田數萬畝民爭利之至有以殺人罪相訟者累歲不能決翁諭之曰爭在水罷訟何爲民類首聽命爲之鑄鐵孟潏水開數孔下注孔緣地廣狹爲巨細民永利之而爭端息沃邑多爲才翁拔其尤者月三試之又自爲義以示楷刻程士錄凡在青衿咸優厚之無令折腰士亦厚自灑濯耻于謁

其後任太原任完類若此乙酉入晉黨得士五人其雋魁經房事既留檢程式筆削潤色悉其手出滿三年考登薦剡十二主爵上其績曰撫宇心勞循良績最考上上荷恩命復父原職贈母階安人給告身逮封其妻明年戊子應召入京士若民遮留之不得相率磐石志遺愛構生祠澮水之陽比入選會某郎署備舊怨飛語中之時臺長公吳觀余弟貌言曰此真御史也有夙望留署貴州道巡視西城多冠編服策馬長安道上因



自矢曰長舌兒以此死職足已疏請建儲語侵掖廷事不報會鉅璫張鯨擅寵引金吾劉守有爲爪牙陰結貴戚憂在前星中外及目結舌無敢發余第查不顧身一夜疏成上之數鯨十罪公孤而下歷不爲寒心謂禍且不測也獨太倉相公深趨之謂數年僅此一舉不勝當以身爭項之上嘉內顯斥鯨饒金吾劉抵其黨數人於法某貴戚卽憑城不可問業魄視無幾何死西臺舊無譜牒以故多稜屬自持不問僚誼余第以爲關典移

文各御史臺蒐所部會爲御史者汪歷屢萌末彙集之名蘭堂法鑿錄旣成邵梅墩公楮愛所公戚矢口稱之爲敘諸首簡歲己丑春潞藩就邸第道出畿南往嘉靖中景藩出封諸闈前驅多所繹騷至橫不敢問是役也當事先憂之謂按其地者非負夙望彈壓不可乃越次以付余第甫入境逆王河上果有權璫扼縣令不可堪計所庇之會群閹縛人溺之水死者余第奮臂將具疏劾奏而撫臺宋從旁勸解兩釋其憾於是諸官相率



欽手境內帖然既竣事始行郡縣卽僻陋靡不親
歷問閭闕疾苦輒爲之調劑先後條上軍民利病
三十餘疏胥得請者薦聞請識諸錄先是某中
官解沒官鏹過趙州者守待之疎節中官銜之夜
穴牆匿鏹宣言被劫數其亡若干金奏入下所
司窮治趙人償金而守抵罪余弟得其情約會撫
臺白狀既報可風傳鯨閣復用撫臺恐給余弟自
上之意當雅顯禍弟果自具疏上之乃得溫
旨釋守鼻得循資遷秩撫臺大慙又撫臺專尚深

文余弟轉矯之以寬民多歸心自是意相忤及余
弟疏請禁交際遂傾之曰是夫未嘗絕交際徒
口舌傳名高耳信市虎者抑又入其言矣既報
命移節按山以東自曹濮入境卽錄囚察吏治取
大猾素不敢問者寔重典過曲阜謁先師闕里得
聖跡斷礎橫草暴風日中甚隱痛之爲建聖圖殿
五楹補殘缺貯之雅柱觀瞻初余弟之拜命山
東也爲萬曆辛卯屬當秋試乃條上科場事宜十
餘事大都謂法宜畫一不宜屢更張中有京考預



漫易滋舒獎之條下禮曹議 奏覆多齟齬語比
履境時方五月曹濮東究諸道籍籍併典試某某
且耳語試日以傳第大志曰語從何來往不身許
秘脊者何至乃爾往問諸同臺李君曰嘗是卽其
齟齬意也再越月 命始下一符所預聞李遂白
其事余第亦抗疏彈之 上怒問諸禮曹猶支吾
置辯業已獲辜於是求多於余第者窮日夜矣余
第固極知不免而秋試迫乃壹意執監臨事入闈
壁畫內外曲盡精力獎孔爲之一清銜往歲士苦

束縛罷一切煩苛之條待之有禮卽扈僕細微留
神周至事竣王考潘臬咸欲勒石爲式中式士尤
頌不容口迄今在仕籍者可問也檄廉卽具疏
請告躡尚留都門已得報陞太原守夫街 命未
畢而一麾出守此非所以待賢者且五載按郡非
臺中體誰適爲此謂有紀法哉歸來病黃疸面色
著物可染癰甚一夕夢羽客數輩投藥餌辭去贈
以詩云彼此相醫不索錢好將姓字記靈邊天台
高處如相見同是當年鍊骨仙覺來異之頃之病



果愈時余以長子令滿考得補給先君子 恩命
階承德郎第稱願足又兩子同時入鄉校有姪且
冠士林於是辟地郭南植竹木疊石鵬味其間課
諸子伊吾爲終焉之計乃哀其詩誦刻始音鈔而
勸駕者謂二千石寄命千里未賢不薄日從災之
始就既受事稔知晉苦租賦徃徵輸至府數抑勒
於積胥所爲低昂其手者又不唯積胥也於是作
斂解法括郡縣租入數較佐領吏就其處收受流
輸於邊蓋無苦低昂歲省且巨萬太原人有妖言

者聚衆千數謀作亂余第設法攜其黨取渠魁殲
焉時大中丞呂公方銳意興革昕眈與余第上下
其議相得甚懽顧二憾黨與布在 鞏轂下者不
少也鑠金之口不銷骨不止癸巳京察仍樞前臺
中語注浮譟降級嘻彼煤孽者且自爲得逞寧知
言官以言見忌又何有憾焉聞報日卽浩然南下
若士若民若武弁遮留泣送數倍去沃時亦相率
立石都會門志思旋抵家集旅途放歌次第成帙
名幣言鈔取永矢衡門之義蓋堅臥不起矣建二



酉樓哀先世遺書朝夕棲其中會余以兵曹奉使事過里敘天倫樂事及周歲值歲滂雨傷稼里大饑民析骨易子以食始余弟之歷仕籍也隨得俸積羨爲義倉儲粟至是僅二千石乃賑先本族次戚屬次貧生遠里人之陳義者凡三賑賴以存活是後建常平倉坊湧貴立崇儉約節流市藥石百匱延醫開局濟人疾苦邑有所興作若新費舍造梁成輪厚皆佐費時或延方外求攝生理希夷守靜固自逍遙乃其衷困隘罕自有不可慰解者

故病轉深貌轉就羸鄉人憂之諸諸神祠祝祈以千計故事吏左遷去者不詣 闕例不得除弟方幸此爲脫疑計而某天官卽實重借其才不俟謁選就籍除寧州判復不俟履任遷樂陵令樂陵山東舊校屬也義不可辱且藉是以遷部牒王爵者又自以爲諛特 請調完縣且促之曰高枕而三易其秩 上命渥矣久衡之非宜始力疾買舟抵完以曩所治沃者治之而病愈益劇少不耐細事乃求所大不便民者爲亟圖之完地境瘠賦額倍



它邑於是苦徵輸之不前木稅已權之郡中京師
稔猶罔直指越俎再權之令猛於虎邑治僻在厯
屨去孔道遠往好事者買地作郵親冠蓋希寵於
是完有支費錢歲靡若而緡余命爲調停或遂議
罷請諸當路胥報可又爲飾費序建文昌閣已乃
自劾求去五請當事不以聞尋稍遷大理評候
旨不下值修觀期計可託以長往候代間漸覺
精神悅習飄然有遐舉之思第其語諄諄皆朝
廷得失事漫不及家獨念余榆塞之行寒苦何似

呼子稽會前日邇來覺有兩心上心爾伯下心我
相對劇譚五日矣安得一望見之言已轉悲憤嗚
咽索衣起危坐而終乃其肢體不僵面色如生疑
所謂尸解者儻亦不瞑之目與時萬曆丁酉十二
月初一日也享年五十有二死之日百姓聚哭委
巷如喪考妣爭市材構祠宇肖像立碑置祭田定
春秋祭儀旣歸骨空城泣送抵家尚百餘人嗟余
弟質直剛果喜事愛名好畫言罔所忌諱推誠與
人不立畛畦卽見欺見疑弗恤也輕財好施然不



姪姪隨人故愛者未必德而施又不倦惜才賢獎
節義植弱抑強揀災恤困自爲諸生以及服官之
後如一日終始郡邑在在以惠愛聞試列之循吏
傳安見古今人不相及已至於立朝大節昭昭薦
紳齒頰間卽不理人口而公是固在儻所謂孤忠
獨許者非邪今天下賢愛之以言擯者不少矣使
余弟濫廁其間卽反袂無日死有餘榮焉唯是不
獲譴於 聖明而見嫉群枉向隅之悲卒無以自
解使飲恨於九原之下也豈不傷哉乃其悽悽爲

國死不真念其絕筆句云倭虜外連憂不細敢將
瘦骨惜南金悲哉壯哉此過河過河語也誰則諒
之維是宗工大士膏椽巨筆定天下萬世之衡儻
不鄙而辱從事褒鉞之唯命夫士不靳諸俗而耻
不容於君子苟一言見褒雖死之年猶生之日矧
其子若孫之爲其親也戴德寧有已時余弟初配
劉氏鄆陵人南康太守遵之女前宮保尚書春岡
公之孫女也太守公娶於高爲故相中玄公女弟
以嘉靖乙巳十月初五日生孺人十七年來歸婉



新刊邑西十八里竟曰四岡以明年三月三日遷
孺人合葬何之先世圖不敢名敢借手懿親之達
賢者 前侍御杜化中曰何氏扶溝人其先蓋淮
安人勝國時諱海者為慶陽守備官竄跡扶溝遂
家焉海生昌昌生信信生政政生世亨世亨生岑
登庚子鄉薦仕至河間府通判稱承德郎公配張
安人生子二長出圖字啓文登丙戌進士任兵部
職方司員外郎次即侍御君嘗為太原守秩中順
大夫顧獨稱侍御者此為自致貴後此則遂累由
以沃令滿考 贈孺人繼周氏 封孺人妾二俱
王氏子二長即喬曾娶張氏臨晉丞一龍文次稽
遜娶杜氏諸生淑文時皆弱冠為邑庠增廣生會
有子曰申錫文一遜有子曰敷錫聘選貢路尚論
女女二其仲許聘諸生聶語善子初劉孺人之亡
也權厝邑東祖兆之次墓上之木拱矣茲為第卜

新刊邑西十八里竟曰四岡以明年三月三日遷
孺人合葬何之先世圖不敢名敢借手懿親之達
賢者 前侍御杜化中曰何氏扶溝人其先蓋淮
安人勝國時諱海者為慶陽守備官竄跡扶溝遂
家焉海生昌昌生信信生政政生世亨世亨生岑
登庚子鄉薦仕至河間府通判稱承德郎公配張
安人生子二長出圖字啓文登丙戌進士任兵部
職方司員外郎次即侍御君嘗為太原守秩中順
大夫顧獨稱侍御者此為自致貴後此則遂累由

人矣由人者非其任也其性行職方君詳之茲不
贅

侍御君傳

兄出國禩

前侍御君出光別駕先公仲子也髫髻從先公宦
遊燕趙間見邸報 朝家不法事及宵人肆構髮
上指肌墳謂當此不殊死爭非夫也先別駕壯之
所爲文多瑰奇不循矩矱又旁及韻調之學故聲
譽大起常不錄於有司四試而後舉於鄉明年登

進士第時館選孫選部月峯掌試卷出語人曰是
舉當以河南何子最乃主者病其瑰奇竟不錄孫
公終始惜之當除令始得大同孫公坐白冢宰以
曲沃易之抵任值大侵歲舉荒政爲三晉卮四期
徵拜監察御史巡西城時 儲議未定而貴戚鄭
成憲常蓄謀不軌奸闖張鯨方得寵權傾中外結
大金吾劉守有爲腹心而邢尚智者遊諸貴間爲
入幕賓貴戚欲叩鯨意旨一日對尚智環感曰
儲嗣久不定奈何尚智曰已聞之 掖廷有秘議



明倫彙編 家範典 卷之七
矣張公爲定策老吾輩皆不失封侯是時諸御史聚飲惠安伯宅第被酒共搯擊垂滄誓以死事明日率悔洩言而貴戚業已召惠安責之曰汝爲世臣柰何同乳吳子亂譚方今 官府嚴衛合爲一體誰敢有異議者惠安歸第惶怖莫知所爲噴噴傳言謂何御史有疏入矣詆張鯨死罪八及劉守有奸黨靈 國害民事臺臺千餘言先是大司禮張誠素與鯨相左是時鯨方休沐誠得疏卽以上聞 上披閱數四袖往慈寧宮白 太后時縉紳

咸爲君股慄君且席藁待罪自分必死政府忽走使秘帖報曰事當濟矣袖以白 太后議處分也已而果得 旨褫劉守有職邢尚智等付法司置重典無幾斥張鯨閑任而鄭成憲以恚忿死君自是直聲震天下無何當 潞邸就封議者慮閣宦繆騷擇直猶有風力者彈壓之於是有畿南之命旣竣事移授東省當辛卯秋試禮卿爲其鄉人而預洩典試者職名君抗疏發其奸去之而爲禮卿報怨者奪其柄爲中傷地於是有太原之 命



再雁京察諭完縣令卒於官嗟乎以禮卿之故而
細君是猶可言也曾不思爲權罔作豫讓耶第君
之舉動皆其天性比其卒也含笑入地下矣

有明貴勳道御史中兼何公諫

併引

侍御姚思仁撰

禮太祝讀誄以定謚也何公爲名御史以言見忌
三黜不改其初明之聞人也不及謚思仁家之
乃私諫俛論定爲初公之成進士也爲萬曆癸未
余亦藉天幸聯名其間看花御苑應備裁詩每自

多其倚王既各受命公得晉之曲沃三載政成
成出卓異兩臺刻爲並偁循良徵書寵并侍御悠
擢批龍鱗以弼主榷多角以觸邪國是定而直
聲溢也既按治三輔問豺狼不問狐狸羣枉大懲
跡歛股慄再按山東鋤強抑暴激濁揚清風裁視
昔較者會禮臣以選舉私其親公抗疏發奸即得
請而銜公者衆矣出公守太原無幾罷去又二年
起完邑令公志欲必遂道欲必亨翰躬盡瘁死而
後已嗚呼哀哉思仁知公最稔當公之逝又方按

附河而後矣可知也詠曰泰運奮拔為瘼弘多人
之云亡邦國若何維公孕靈接踪申甫世躋青雲
忠貞步武紛有內美重以修能杼華棧藻軼駕超
乘爰奮纁科名蜚天府瑰璋琳瑯人推公輔 帝
簡其才才堪化俗大官大邑俾爾曲沃晉鄙植棠
花滿河陽鳳衝玉陛冕飛 帝鄉俾以繡斧柱後
簪筆逆鱗折檻不畏砥礪于是中涓城狐社鼠發
奸抵罪以肅 朝寧維彼畿輔藩屏天朝 帝命
時巡露溢星朝乘驄報 命移按東秦長鯨授首

斥鹵還淳木秀于林風必摧之行高于衆譏口集
之一毫出守放逐江濱量移百里猶自陽春同朝
推轂四海含情賜環反袂直道將亨誰同造物降
喪割善星隕祁伊溟鴻宵薦旅櫛蕭條歸于豫土
烏號鱗泣雲愁月苦嗚呼哀哉白簡丹牘功昭直
諫垂之信史霜飛星燦汪澤湛恩隨車甘雨民有
口碑豈第父母大業鴻敷媿美昔賢無涯之智結
為大年古今且暮百年匪修宇宙逆旅奚羨首丘
公有不朽是謂得全榮名無既何憾九原嗚呼哀

哉

明監察史何公諫

併序

學傳杜 杰撰

萬曆二十五年丁酉十二月朔日何公卒于官先是公爲御史好直諫權貴銜之出守太原尋罷越二載起完令孤憤而終越明年歸葬桐丘之陽嗚呼維公早涵懿德長負修能孝友彌中彪外文章非如古舍今花巖濡朱輪之用蘭臺飛白簡之霜唐肩著績漢簡垂名是謂有光于聖門恪恭俎豆加

意章逢爲邑則再葺學宮過魯則恢張聖跡捐百鎊以報本堅一心以作人是謂有功于聖門杰與多士誦法孔孟觀依宮墻仰止山斗之風媿鮮涓埃之報臨風灑淚爰作斯誄其辭曰蒿行萬仞噴嶢嶢岫洪河襟帶淑氣氤氳柔豫之野代有懿詰其在乎今東海爲烈維公之生神鯨呈瑞天骨瑰琦神機軼類蜚英莠圃卓冠時髦棘闥振幟聳壑昂霄公車入對獻賦承明花着上苑名馳鳳城帝簡良牧曲沃大邑飛兔表異鴻鴈安集化瑟旣



調百里陽春循良績
鼎錫以褒綸 天子日都嘉
茲俊才鳳銜出陞徵
就西臺冠豸之冠衣繡之斧
袞職有闕維爾是補
蓬羽鴻鶯接跡夔龍豺狼膽
落狐狸潛踪 帝盱巖輔命之東
輅澄清覆轡山
嶽動搖維 帝剪桐錫第玉牒命
維柱史護蹕舟
楫閣宜符殄辱我冠裳公奮埋
輪力振臺綱既竣
王事載按東巡百簡草諫青聽
問民伊誰春卿實
私其親人發大奸敢假叢神大
靈既剪丰構囊端
一麾出守剖符太原彼諧人者
實繫有徒鏢金衆

口積毀剝膚乃脫畏途掃軌于
家趨庭詩禮嘯傲
烟霞公伐不眠望切雲霓曲逆
借寇牛鼎艾雜青
蠅志忿白眼世情汨羅校吊騎
鯨王京嗚呼哀哉
漆漆禹類平陂曲直愆愆兩間
孰會其極曾羔懿
行綱黥忠貞班馬並駕陶杜齊
名伊胡惜公長駕
促途伊胡宗公人倫丈夫孔顏
之堂禮樂煌煌緊
公令德不忝其行與情既厭相
胥尸祝百千萬禩
景行公躅嗚呼哀哉

扶溝縣鄉賢何公入祀公移

開封府扶溝縣爲崇祀鄉賢以彰風化事萬曆二十九年十二月初五日本縣知縣洪 淮蒞儒學廩增附生員穆文德羅遵禮李愷等呈稱本縣鄉官何出光由癸未進士授山西曲沃縣知縣選貴州道御史巡按直隸山東陞太原府知府降寧州判官調完縣知縣卒于官竊照本宦天植孝友世篤忠貞當曲沃筮仕之時適全晉大侵之歲勸粟萬六千石存諸兩院之章招撫千七百家載在輿人之頌晉秩栢府矢節 楓宸抗疏擊橫海之鯨

君側清肅校廡發依社之鼠 國本奠安按東土

糾科場之遺奸守太原登徵輸之夙弊凡此居官大致昭昭于縉紳之口者至不氓也至于鄉閭家庭之間惓惓志在維風懇懇心存利物祠堂修久曠之典事死如生宗法創百世之規敬兄若父新費舍以崇報祀何惜費出百金立義倉以賑貧窮不問家徒四壁刻崇儉之約而奢俗遠醇禦嫁禍之謀而災民頌蘇當本宦臥病之日鄉民之赴禱神祠者願贖以百身及在任聞計之時里人之聚



哭問巷者何止以千計乃今詩篇繁牘諫草盈箱
公論定于蓋棺遺思深于歸骨理合列祀鄉賢以
崇報饗以勵風俗又據本縣鄉官呈稱鄉賢列祀
所以褒崇往節以示後之法程爲 國家鴻鉅之
典昭人心直道之公者也本縣已故鄉官原任太
原府知府貴州道監察御史何出光孝友素重于
鄉評治行久孚于士論其爲邑爲郡在在以循良
見推者不及詳紀當鯨闡擅權結連內外憂在
前星本宦奮不顧身抗疏劾其奸弊力擬回天功

存 社稷今 元良崇建 國本真安徽臣舊勞

在所當念至若按畿南上禁革交際之疏按山東
發科場預洩之弊雖直言見忌嘗遭躄于出守之
日而晚節彌堅已論定于蓋棺之後至于居鄉大
節立義倉以賑歲荒施藥餌以濟時疫修學校建
橋梁拯民溺崇儉約事事得鄉人之心當其臥病
家居赴神祠祈禱願以身代者常數百人所謂生
有益于世死當祀于鄉可爲後學之範而益增俎
豆之尤者也爲此具呈乞賜轉達更採輿論明正

祀典以報功德以答民望又據本縣鄉民告爲公舉鄉賢以報恩德事萬曆十六年二十一年本縣屢遭荒歉兼以瘟疫民死過半賴本縣鄉官何出光賑粟施藥拯濟全活者幾千人其家孝弟成風勤儉率俗詩禮盈庭陰德傳世無論遠近親疎無不欽仰至于君官慈惠百姓之口碑尚存立朝大節縉紳之公論有在况蓋棺已久思慕益深告乞列祀鄉賢以順民心以勵風俗爲此連名具告各具到縣覆查相同外看得本宦行先孝弟性篤

忠貞抗疏去燭炷之奸群雄落膽輸粟賑耆腹之衆萬姓歸心行誼素重于鄉評政績久孚于輿論委宜入祀鄉賢以光俎豆擬合具結申報蒙本府知府宋 批據本縣申前事蒙批本宦世篤忠貞家傳孝友立朝大節耿耿居鄉實行恂恂誠宜入祀以風後學仰縣再查詳確開造事蹟文冊一同申報蒙此覆查過本宦緣由并取其實蹟文冊結申到府蒙本府知府宋 具結呈詳看得人生大槩不外鄉行宦績兩端今扶溝縣已故鄉官何

出元起家縣令歷任侍御郡守中多表表旉節一
無訾議及至解組歸田則惟崇孝友之倫修敦睦
之雅賑貧恤置樹表維風里閭之間靡不爭愛慕
之逮今蓋棺既久美譽彌彰非懿德實行曷克有
此然要其宦業之所最著則莫若抗劾貂璫一疏
直撲滔天之焰摘發科場大弊不顧投鼠之嫌蓋
惟有爲國之精誠故能立論之正直耳况歷官已
逾十載而論產不過中人終始清操縉紳表儀宜
登賢祀以昭輿論既經該縣覆查明實似宜允從

緣係公舉入祀鄉賢事理本府未敢擅便備由具
呈照詳蒙 欽差提督學校河南按察司副使吳
批據本府呈前事蒙批看得本宦事蹟文冊種
種可嘉仰府仍查取奏疏全文及冊中稱有碑文
著作等項一併錄全文詳奪蒙批此帖仰本縣官吏
照帖備蒙批詳內事理即將該縣原報已故鄉官
何出元生前事蹟文冊內稱有奏疏碑文等項一
併錄全文造冊申報前來以憑轉報施行等因蒙
此今將本宦刻行疏草等書并去思碑文等項造



明倫彙編 家範典 卷之七
冊申送到府蒙府轉申提學道副使吳 批據本
府申呈查議過入祀緣由蒙批看得故太原守何
鄉宦秉心有覺持論不阿風猷表著于專城霜簡
凜寒乎憑社追古遺直振世有聲委且崇祀以風
來禩仰府轉行該縣以禮迎入鄉賢祠春秋致祭
此繳本府依奉帖文仰本縣官吏備蒙批詳內事
理卽便遵照批示將已故鄉官何出光該縣查照
往規置主備辦祭品絲樓絲旗一應等項擇日以
禮迎送入祠以彰風化事完具動過銀數遵行過

日期緣由具申前來以憑繳報毋得遲錯未便本
縣遵奉擇吉于三十年三月十五日送主

中家集卷之十一終

銜先侍御遺稿跋

先侍御自為縣令迄侍御二千石其知者率以夔龍班馬品之顧治績蔚茂載民口碑其進賢退不肖拔茅脫距

國有信史燦若星日即直而叢謗忠而見疑譬諸駑去而日月之明不掩也惟是筆載綦迷竭一生之心力而常不意得甫脫稿又緣手棄去不肖生也晚比括藏襲珍



已十不一二存矣槩其凡韻言較富錄嘗
自選始音寤言二鈔儼然具在益以雜見
他卷及友人者故蒐羅稍盡條議疏稿讖
獄等編從政時已有梓本設先侍御在必
謂此敵帝之業當焚其草然有用之女與
櫛字比句者異可令與其人俱往哉四六
所素長赤牘裁答多載心事獨志傳辯賦
序記取材左騷刻意求工卷帙最繁辛壬

之交間關中外遺其半燕邸檢筭董三卷
于體亦不備然卒無知之何也蓋先侍御
故無心于其文之必傳傳其友亦未必為
先侍御之指詩有之曰維桑與梓必恭必
止桑梓其所植耳矧精神心思寄是長歌
短詠可覘性靈石畫評謨可證經濟評隲
志迷當代得失之林具焉先侍御以易盡
之身抱終身未罄之志賴不朽之業存千

年不死之人則不肖守其遺編即以見先
人于卷帙而天下後世其有微惠父之直
者猶可識品格于文章此不肖之粹其遺
藁意也不然身既隳矣烏用文之是先侍
御之所欲聞然者其子炫露之則不肖罪
死

不肖男諸生何稽曾敬書

刻先君子遺稿小述


先君子之疾且革也不孝遜以仲子守閤
不及含飯聞思其季之甚也命之曰努力
鉛槧有父書在嗚呼終天訣別存斯一語
抑如何念之既免喪哀遺稿手錄董二十
卷言言心印蓋讀不數行而泣沾巾下矣
何者先人之志事在非但以其文也若文
三代以還作者大備宣父且比于述猥云

作于哉顧天地之精英不一闢而邊閑人
心之玄湛不始工而後拙各極其才情之
至而已先君子亦極其才情之至發為文
章工拙弗敢自知矧其子之所可知非其
所可知又豈所敢評唯號繼志述事者要
不斬其先世之澤且人子孺慕聲歎咳唾
靡匪瞻依文又載心而出載事而存精英
動盪顯于椽桷是親以不斬之澤詔其子

子以不斬之澤承于親語曰見堯于羹見
克于墻舜與堯非有父子之戚也羹墻尔
非心思之寄也慕堯者所必見之矧其詔
且承者在是而屑越棄焉安所稱讀其父
書而繼志述事乎往者之命不其猶在耳
耶此不孝兄弟之所行其父之文不欲君
子之澤斬也抑公之人而廣錫類竊比繼
述之善云爾若載筆雖黃以俟君子儻弗

鄙夷而為所許可未遂湮滅也則不孝幸甚

不肖仲子諸生何稽遜敬書





© 2008 NATIONAL CENTRAL LIBRARY, TAIWAN, R.O.C.



